

R<sup>do</sup> in Christo D. & Patri

HERIBERTO ROSWEY

Soc. IESV Presb.

Franciscus Svecertius F.

amico tanquam fratri

cum animo

&

ex animo

L. M. D. D.



NON OMNIS MORIAR



SELECTAE  
CHRISTIANI ORBIS  
DELICIAE

*Vrbibus, Templis, Bibli-  
othecis, et aliunde.*

*Per*

FRANCISCVM  
SWEERTIVM F.  
ANTVERPIEN-  
SEM.

COLONIAE  
AGRIPPINAE SVMP-  
TIBVS  
BERNARDI GVALTERI  
CIO. IXC. IIX.

*Cum gratia et Pri. Cas. M<sup>ro</sup>*

*Theophylactus Simocatas.*

SI MOEROREM VIS VINCERE,  
CIRCVI SEPVL CRA, ET PASSIO-  
NIS INVENIES REMEDI VM, ET  
MAXIMAS HOMIN VM FORTV-  
NAS VLT ERIVS CINE-  
REM VIDEBIS ESSE  
NIHIL.



CLARISS.<sup>mo</sup> VIRO

D. MICHAELI BOOTIO

MAGNAE VRBIS ANTVER-

PIANAE SENATORI,

LITERARVM AC LITERATORVM

*Mecænati,*

FRANCISCVS SVVEERTIVS

F. S. P.



Aturus Orbi CHRISTIANI ORBIS DELICIAS, isthoc volumine ceu myrothecio comprehensas, ô deliciae meae BOOTI, nihil habui antius quius quàm eas ipsas, hunc redactas in ordinem, delicatissimo iudicij tui palato gustâdas offerre, priusquam à cætero literatorû hominum cætû delibarentur. In te enim præter fortunæ amplitudinē, qua paucis tuorum ciuium concedis, multæ sunt

## EPISTOLA

præstantes virtutes, Labor & industria in negotijs, peracreque omnibus in rebus ingenium & consilium. Accedit, quo nihil est præstantius, nullumque certius animi magnitudinis argumentum, quòd tu fortunæ amplitudinem atque opes non tam in possessione ( id quod sapientissimus Philosophus tradidit ) quàm in usu positas, existimas. Quod duabus in rebus semper declarasti, hoc est, in quotidiano vitæ cultu, domesticoque splendore, in quo à nemine omninò superaris; tum in hominum fortunâ liberalitate tua subleuanda atque augenda: in quam nemo confugit, qui, vel à te repulsam tulerit, vel se queratur concepta spe vnquam excidisse. Comitatur egregias virtutes naturæ suauitas & comitas, moresque in quotidiana vitæ consuetudine commodi, ac singularis humanitas. Et  
cui



cui igitur has DELICIARVM merces meliori lembo commissem, O BOOTI, quàm vni tuo, per quem pro veteri in humaniores literas amore & studio, intra humanitatis ac benignitatis tuæ alueum conceptæ, & tui nominis amplitudine velut tutelari Numine, aduersus omnem temporum inclementiã communitæ, per medios maledicorum & obstrepentium semper calumniatorum scopulos, in æternantis famæ desideratissimum portum, vel prægnantibus linteis, vel adnitentibus remis, erunt certissimò deuehendæ? Hæc me ratio ad te duxit potissimum, imò pertraxit Clariss. Domine; hæc me tibi amoris & obsequij semper parati, tam solido nexu illigauit, vt hunc nodum (ita me Deus amet) nullus vnquã sui temporis falce vorax Saturnus, dũ viuo & viuam, sit recisurus. Id porro cau-



## EPISTOLA

sæ me deinceps impulit ad emittendas in publicum illas cupedias, quas vel easdem alij, vel certè similes edidissent; tum quòd & ordinem paulò accuratiorem nonnulli requirerent in aliorù laboribus, tum quòd insperfas ferrent subinde res illas quæ hæresin redolerent, quo fiebat vt ab Italia, illa insigni auitæ Religionis parète; ab Hispania, Fidei veteris propugnatrice acerrima, alijsq; locis Catholicis ceu contagiosæ pestes exularent. Vtriq; incommodum conatus occurrere. Sed nunquid ad gustum doctorù hominum, nunquid ad sensum rectè sentientiù satis feliciter? Erit id tui in primis iudicij, Magnæ Urbis Magne Senator, ad cuiusego tribunal literariù, has primùm coëgi venire DELICIAS, quàm ad aliorum iudicù irent subsellia, quod considerem, tibi vni si probarentur, reliquis omnibus Mi-

neræ corculis non facile displicentur. Iniquos & malos, qui omnes rodunt, omnibus invident, nihil moror. Obtrectationem stultorû esse thesaurum, me docuit Comicus, & Invidiam (dicam ipsa Invidia præfente) nõ in alio quàm degeneri, & ieiuno animo domicilium sibi collocare, didici. Quod si nõ desint qui antiquas vellent, & interuallo temporum obsoletas marmorum Inscriptiones, Epitaphia, Cenotaphia, aliaq; eiusmodi iã penè corrosa; ut sunt nonnulli qui sapientes existimant eos homines solû, qui vino vetere solent uti: illos ego lubens volensque tam canæ Antiquitatis amantes & studiosos, ad doctissimos Petrum Apianum Mathemat. Bartholomæum Amantium, Martinû Smetium, Iosephum Scaligerum, Marcum Velferum, Ianum Gruterum, Iustum Lipsium mel & deliciû

Musarum, aliosque remittam, illud  
 vnum verbo præfatus ( nisi me mea  
 fallit opinio ) non defutura in his  
 nostris DELICIIIS, quæ veterum epu-  
 las & silicernia vel æquent omninò,  
 vel etiam superent. De omnibus iu-  
 dica Cl. BOOTI, & DELICIIIS istis vt  
 lubet frueri, ac me æternum vsu &  
 mancipio & amore tuum, quod fa-  
 cis, ama,

*o & presidium & dulce decus meum.*

Antuerpiæ. Ex nostro Musæolo.

Anno reparatæ salutis cl. lxx. iix.

ipsis Kal. Mart. D. D. BLASIO DE

BELAR & HENRICO VAN ET-

TEN COSS.

**DELI-**

DELITIOSE  
LECTOR,



AbE CHRISTIANI ORBIS  
DELITIAS, ad gustum, uti  
spero, plurimorum. Qui bel-  
laria amas ad ritum priscum,  
inuenies hinc Lipsiana non pauca, cui  
MORIBVS ANTIQVIS & viuere & scri-  
bere & mori cordi fuit. Cui plebeix cu-  
pedix placent, nec ille hinc abibit in-  
canatus. Studui miscellaneam pati-  
nam struere, ut plurimum palato con-  
sulerem. Dabit Italia mundi regina Me-  
lones, Hispania Ficus, Lusitania Sac-  
carum, Gallia Castaneas, Vinum Ger-  
mania, omnia Belgica. Ita satur eris  
absque fastidio, ebrius sine cra-  
pula, & vtrunque paruo  
aere.

---

E I D E M.

*Te moneant, Lector, tot in vno funera libro,  
Tempore quod certo tu quoque funus eris.*







**BALTHASAR VAN DE PIET**

ANTVERP. IN CHRISTIANI ORBIS  
DELICIAS FRANCISCI SWEERTII  
F. cognati.

**F**ertur Auernales Orpheus OEagrius vndas,  
Et triplicem cantu perdomuisse canem;  
Eurydicen stygijs reuocasse putatur ab vmbrijs,  
Monstraque Bistoniam sustinuisse lyrâ.  
Tu varios SVVEERTI, reuocas Demosthenas Orco,  
Plurimaque inferno millia mersa lacu;  
Scipiadas, Fabioisque, sacrique Heliconis alumnos,  
Nutriuitque suo quos Themis alma sinu.  
O decus, ô columen Phorcynidos hippocrenes!  
Quis neget Orpheam te superare lyram?

---

**EPIGRAMMA AD**  
Lectorem.

**D**isita diuersis quæ nunc aut partibus orbis  
Viuida non moto stant monumenta solo:  
Aut senio confecta iacent, aut diruta diro  
Marte, soli motu, fluctibus, igne, manu:  
Hic lege, quæ nobis dum legit SVVEERTIVS, vnum  
Tot sibi per tumulos condidit hunc tumulum.  
Imò tot aternos tumulos sibi condidit vno hoc,  
Condidit aternos quot tumulis tumulos.

Ianus Schepperus Gandensium

**SYLLABVS EORVM QVO-  
RVM OPERA SCRIPTISVE**

*vfi sumus.*

Abrahamus Ortelius.

Aegidius Schoondonchus Soc. Iesu.

Alfonfus Ciaconius.

Andreas Schottus Soc. Iesu.

Andreas Marchart. Iglaiensis.

Angelus Politianus.

Antonius de Succa.

Arnoldus Mylius.

Aubertus Miræus Canonicus Antwerp.

Balthasar Bontius.

Balthasar Mentzius.

Bartholomeus Marlianus.

Bernardinus Scardeonius Canonicus Pata-  
uinus.

Carolus Philippus de Rodoan Episcopus  
Brug.

Cæsar Baronius S. R. E. Card.

Christophorus de Huerne V. N.

Cornelius Curtius.

Cornelius Kilianus.

Des. Erasmus Roderodamus.

Didacus Laurentius Lusitanus.

Dionysius Harduynus I. C.

Dionysius Villerius.

Emanuel Demetrius.

Ericius Puteanus.

Franciscus Sansouinius.

Gaspar Bruschius.

Geor-

Georgius Braun: Decan. B. V. ad gradus Co-  
lonienf.

Georgius Fabricius.

Gerardus Arnemiensis. Soc. Iesu.

Godefridus Haefthenus.

Guilielmus Cambdenus.

Guilielmus Eysengrein.

Hadrianus Iunius.

Henricus van Os.

Heribertus Rosvvey Soc. Iesu.

Hieronymus VVingius Can.

Hubertus Audeiantius.

Iacobus Colius Ortelianus.

Iacobus Monauius.

Iacobus Lomm.

Ianus Doufa.

Ianus Gruterus.

Ianus Lernutius.

Ioannes Antonius Petramellarius.

Ioannes Bertelius Abbas.

Ioannes Bochius.

Ioannes Cerezo Canon. D. Donatiani.

Ioannes Hemelarius Can.

Ioannes Baptista Gramey.

Ioannes Latomus.

Ioannes Miræus Episc. Antwerp.

Ioannes Molanus.

Ioannes Svveertius.

Ioannes à VVouuver.

Ioannes VVoufrius.

Iosephus Scaliger.

**Julius Cæsar Scaliger.**  
**Iustus Lipsius.**  
**Laurentius Beyerlinx Canon.**  
**Laurentius Schraderus.**  
**Lucas VVingardus.**  
**Ludoicus Nonius.**  
**Marcus Velferus.**  
**Maxæmylianus Vrientius.**  
**Melchior Svveertius.**  
**Michael van der Hagen.**  
**Nathan Chytræus.**  
**Nicolaus Kieboom.**  
**Nicolaus Reufnerus.**  
**Paulus Iouius.**  
**Paulus Cherlerus.**  
**Pantaleon Candidus.**  
**Petrus Merffæus Cratepolius.**  
**Philippus Camerarius.**  
**Philippus Rubenius.**  
**Pontus Heuterus.**  
**Robertus Svveertius, Soc. Iesu.**  
**Simon Maiolus Episcopus.**  
**Simon Grunæus.**  
**Tobias Fendt.**



IN ITINERIB. OBSERVANDO,

RVM ΣΥΝΟΨΙΣ.

In peregrinationibus obseruanda

- I. Regio; in qua consideranda nomina { vetera, recentia, saepe mutata.
- II. Ditio hominum { superiorum, nostrorum.
- III. Nomen vrbs, & ratio nominis, si extet. Item, conditor, amplificator, aut instaurator alicuius loci.
  - 1. Flumina, caque aut { allabentia, propè distantia, deducta.
  - 2. Mare alluens, aut portus.
  - 3. Montes.
  - 4. Sylux, nemora, vel si quid aliud insigne.
- V. Opera, & hae vel { publica { Basiliæ, Monasteria, Tempa.
  - profana: { palatia, arcès, fora, aramentaria, propugnacula, turrez, & ratio munitiois.
 priuata, vt quæ in ciuium ædibus sunt insignia, veluti horti, picturæ, fontes, staturæ.
- VI. Ratio gubernationis; ad quam pertinent { 1. Curia, in qua senatores, & familia ciuium honestæ.
  - 2. Scholæ, vt ratio educationis & institutionis pueritiæ. Itē, viri docti & bibliothecæ.
  - 3. Vulgi mores; quo pertinent, ratio victus & vestitus. Item, opificia.

REGIO



REGIONVM QVAVNDAM

ET NATIONVM PROPRIETATES.

1. Germani bellatores, simplices, benefici.  
Ex his autem Francica natio, simplicior, & magis rustica, ac vehemens.  
Bauarica, sumptuosa, cōiuiis operam dans, procax.  
Sueuica, leuis, loquax, gloriosa.  
Misnensis, magnifica, locuples, speciosa.  
Turingica, dissidens, attenta ad parua quoque, contentiosa.  
Saxones, dissimulatores, versuti, contumaces.  
Accola superiores Rheni, frugi, aperti, hospitales.  
Heluetica, coniurata, aspera, armentaria.  
Belgica, equestris, delicata, tenera.
2. Itali superbi, cupidi vindictæ, ingeniosi.
3. Hispani, despectores, consulti, rapaces.
4. Galli præditi elegantibus corporibus, intemperantes, temerarij.
5. Cimbri, magni, seditiosi, horribiles.
6. Britanni, turbulenti, negotiatores, laboriosi.
7. Sarmata, edaces, superbi, furaces.
8. Boëmi, inhumani, nouarum rerum studiosi, ad agendas prædas idonei.
9. Illyrici siue Vandali, mobiles, maligni, tumultuatores.
10. Pannonnes, asperi victus, cum solo aureo, superstiosi.
11. Græca natio, qualis nunc est, misera, vt semel dicam.

MONVMENTA  
ROMANA.

IN VRBEM ROMAM  
FLORENTEM

IVL. CAESAR SCALIGER.



*Os septem gemini caelestia pignora  
montes,  
Vosque triumphali moenia stru-  
cta manu,  
Testor, adeste, audite sacri com-  
mercia cantus:*

*Et Latios animos in mea vota date.  
Vobis, dicturus meritis illustribus vrbes,  
Has ego primitias primaque sacra fero.  
Qui te vnam laudans, omnes comprehenderit, orbem  
Non urbem, qui te nouerit, ille canet.*

FRANCISCVS BENCIVS DE SOCIE-  
TATE IESV.

*Roma vetus, totum manibus quae amplecteris orbem;  
Seu dare vis terris, seu dare iura mari.  
Vna triumphali diademate cingeris: vna  
Omnia Tarpeij cernis ab arce iugi.  
Te caput, ad calum tollentem suspicit Atlas,  
Te sibi substitui pondere fessus auet.  
Salve magna Parens virtutum, magna virorum;  
Qui titulos armis, qui peperere toga.*

ROMANA.

*Nil tantis certet tibi laudibus: omnia vincis,  
O decus, ô hominum gloria, Roma vetus.*

---

ROMAE VETERIS TVMVLVS  
IOACHIMO BELLAIO AVCT.

*Montibus è septem totum diffusa per orbem,  
Sidera sublimi vertice ROM Atuli.  
Sub pedibus terras vtroque à littore pressi:  
Atlantem tenuit dextra, sinistra Scytham.  
Iuppiter hos etiam disiecit fulmine montes,  
Et tumulos iussit corporis esse mei.  
Incubuit capiti rupes Tarpeia nostro:  
Pressa Quirinali pectora nostra iacent.  
Crura Palatinus geminos hinc inde lacertos,  
Collis Auentinus vimineusq, tenent.  
Exquilia hinc surgunt, & surgit Calius illinc,  
Hec quoque sunt pedibus facta sepulcra meis.  
Sic quæ viua sibi septem circumdedit arces  
Mortua nunc septem contegitur tumulis.*

---

EPITAPHIVM ROMAE VETERIS  
ANDREA FRVSIO SOC. IESV  
Auctore.

*Languentem gressum paulisper siste, viator,  
Et lege marmoreis carmina sculpta notis.  
ROMA fui quondam toto celeberrima mundo  
Marte, situ, ingenio, nobilitate potens:  
Quippe triumphalis franauit legibus orbem,  
Paruit imperio terra fretumq, meo.  
Imposita septem micuerunt collibus arces,  
Totq, arcus, Therma, templa, theatra, via.*

Prorsus eram felix, si non peritur a fuisset,  
 Et nisi tam multas fors rapuisset opes.  
 ROM A ego iam non sum, perij, proprijsq; ruinis  
 Obruta sum, gremio condor & ipsa meo.  
 Reliquias quas cumque vides, quæ diruta cernis  
 Mœnia, splendoris sunt monumenta mei.  
 Frustra igitur ROMAM ROMAE tu quæris, abire,  
 Iam potes hinc, ROMAE ROMA sepulta iacet.  
 Intere à temere peritur as ne strue moles,  
 Cautior exemplo cum potes esse meo.  
 Carpe viam, volui scires hæc pauca, memento  
 Vt meminisse mei, sic meminisse tui.

## IN EANDEM.

## QUALIS EST HODIE.

IANVS VITALIS PANORMITANVS.

Qui Romam in mediâ quæris, nouus aduena, Româ;  
 Et Romæ, in Româ Nil reperis mediâ,  
 Aspice murorum moles, præruptaq; saxa,  
 Obrutaq; horrenti vasta theatra situ:  
 Hæc sunt, Roma viden', vel vt ipsa cadauera tantæ  
 Urbis adhuc spirent imperiosa minas?  
 Vicit vt hæc mundum, visa est se vincere: vicit,  
 A se non victum ne quid in orbe foret.  
 Nunc victa in Roma victrix, Roma illa sepulta est;  
 Atq; eadem victrix, victaq; Roma fuit.  
 Albulæ Romani restat nunc nominis index,  
 Quæq; etiam rapidis fertur in equor aquis.  
 Disce hinc, quid possit fortuna: immota labascunt,  
 Et quæ perpetuò sunt agitata, manent.



ROMANA.

GEORGIUS BRUGENSIS.

*Qui miseranda videt veteris vestigia Romæ,  
Ille potest meritò dicere, Roma fuit.  
At qui celsa noua spectat pallatia ROMÆ,  
Hic meritò poterit dicere, ROMA viget.*

---

FRANCISCUS BENCIVS DE SOCIETATE IESV.

*ROMA, noua immenso lucem qua diuidis orbi,  
Seu tua das terris, seu tua sacra mari.  
Tota salutifera fulges cruce: tota triumphas,  
Et vaticana maxima in arce sedes.  
Te Dominam rerum, calog<sub>3</sub> Ereboq<sub>3</sub> potentem  
Sensit, & è stygijs horruit orcus aquis.  
Salue Dia Parens, salue domus alma piorum,  
Morte quibus domitâ pandis ad astra viam.  
O sola, ô summo felix à principe princeps,  
O quæ mortales vna beare potes!*

---

IN CAPITOLIO.

AD ANTONINI PII IMPERAT. STATVAM EQVESTREM.

PAVLVS III. Pont. Max. statvam æneam equestrem M. ANTONINO PIO etiam tum viuenti statutam, varijs deinde vrbs casibus euersam; & à Sixto IV. Pont. Max. ad Lateranens. Basilicam repositam: vt memoriæ opt. Principis consuleret, patriæque decora atque ornamenta restitueret, ex humiliori loco in aream Capitolinam transtulit, atque dicauit. M. D. XXXVIII.

Augustinus Trincius, Iacobus Buccabella,  
Cæsar de magistris, Conseruatores Curr.

ANTE



## ANTE INGRESSVM.

S. P. Q. R. Capitolium præcipuè Ioui olim commendatum, nunc DEO vero, cunctorum donatori, auctori Iesu Christo cum salute communi supplex commendat, atque tuendum tradit, Anno post salutis initium M. D. L X V I I I.

## IBIDEM.

S. P. Q. R. Maiorum suorum præstantiam; vti animo, sic re, quantum licuit, imitatus, deformatum iniuria temporum Capitolium restituit, Prospero Buccapadulio, Thomæ Cauallerio curatoribus, Anno post V. C. C X O . X O O . C C C C X X X .

## IBIDEM.

S. P. Q. R. Monumenta marmorea Magistratum triumphorumque ab Vrbe condita ad tempora Diui Augusti ruderibus in foro egestis eruta, Impensa Alexandri Farnesij Cardinalis, Pauli III. Pontif. Max. nepot. in Capitolio pos.

*Marmor a præclaros testantia fronte triumphos,*

*Atque magistratus, inclyta ROMA, tuos.*

*In medio mansere foro, cum Roma manebas,*

*Postq̄ Deos orbi iura secunda dabas.*

*Ast vbi te indignis fregit fortuna ruinis,*

*Obruerat titulos alta ruina tuos.*

*Tamq̄ diu in tenebris tantis iacuisse videntur,*

*His veluti fato debita temporibus.*

*Quæ modò Alexander, Patria te dignus auoq̄*

*Paulo, inuenta tibi marmora restituit.*

*Tu Capitolina meliori in sede reponis,*

*Et legeris magni munere Farnesii.*

IN MARMORE QVOD EST AD DEX-  
TRAM INTROEVNTIBVS.

Triumphalis Gentilium pompa , Augustorum honori reddi solita , ad deuotum Christianæ religionis cultum redacta , DEI genitricis virginis festo die , dum Christi Saluatoris nostri mirabile simulacrum ex laterano in Esquillas ad Mariæ matris maiorem ædem quotannis ingenti plausu , solenni que processione defertur , pro Senatus , magistratum que , & totius equestris ordinis dignitate , populi que & plebis obseruantia ; neve vlla posthac inter plebeia collegia contentio fiat , decretum est , vt hoc statuto ordine vniuersi cum suis faculis , Thalamisque , & luminaribus sacram imaginem , quâ iter fecerit , comitentur , ea ratione , vt , qui proximiores simulacro sint , digniores habeantur . Aquarij iter auspiciuntur , post fornacarij , molendinarij , muliones , lignarij , vinarij , caupones , falsamētarij , cadelarij ex sebo , piscatores , piscarij , vinitores , olitores que ; pistores , furnarij que ; pellipari , figuli , stabularij , ergastuli lignorum , mercimoniarij , sellarij , coriarij , tonsores , calcearij , lanij , futores , sartores que , fabri lignarij , fabri ferrarij , aurifices aromatarij , lanifices , fullones que , mercatores pannorum , agricultores , boarij , Thalamus Rom. Fisci . Si quis ergo secus fecerit , xxv . aureorum poena multetur .

AD HERCVLIS SIGNVM .

P A V L O III . Pont. Max. Bernardinus Victorius , Laurentius Vellius , Vallerius Valentinus Cōseruatores , signum HERCVLIS in ruinis templi

pli HERCVLIS VICTORIS in foro Boario re-  
pertum, gloriae Pop. Rom. & memoriae veterum  
artificum hic reponi iusserunt, Anno Christi M.  
D. XLI.

---

IN BASI SCRIPTVM EST.

HERCVLI VICTORI, POLLENTI, POTEN-  
TI, INVICTO, S. P. Q. R. D. D. L. M. FRON-  
TO.

---

IBIDEM.

S. P. Q. R. signum HERCVLIS æneum in foro  
Boario, ad aram maximam egestis ruderibus reper-  
tum, & Sixti IIII. Pont. Max. iussu in Capitolium  
translatum, noua collocata basi imponit GRE-  
GORIVS XIII. P. M.

---

AD COLUMNAM MILIARIAM.

S. P. Q. R. Columnam miliariam primi ab vrbe  
lapidis indicem ab Imp. Vespasiano & Nerua re-  
stitutam, de ruinis suburbanis viæ Appiæ in Capi-  
tolium transtulit.

---

AD STATVAM CAROLI SICILIAE  
REGIS.

*Ille ego, qui tuleram præclari Sceptra Senatû,  
Rex Siculis CAROLV Siurra dedi populis.  
Obrutus heu iacui faxis terræq; dederunt  
Hunc tua conspicuum tempora, SIXTE, locum.  
Hac me Mattheus posuit Tuscanus in aula,  
Et patria, & gentis gloria magna sua.*

*Is dedit & populo post me bona iura senator,  
Insigni titulis, dotibus atque animi.*

Anno Domini M. CCCC. LXXXI. III. semestri.

AD LVPÆ ALTRICIS SIMVLA-  
CRVM.

Hoc æneum Lupæ simulacrum, ex cuius vberibus vrbs conditores pendent, Romulus & Remus, antiquissimum esse, ex Ciceronis verbis constat, cum inquit: Tactus est etiam ille, qui hanc urbem condidit Romulus, quem inauratum in Capitolio paruum & lactantem, vberibus inhiantem fuisse meministis. Et Virgil. Ludere pendentes pueros. R. De capite ferreo, M. de bellis hominibus. F. De Miccinellis Cofs. P. Cur.

AD STATVAM MARMOREAM  
LEONIS X. P. M.

Opt. Principi LEONI X. Med. Ioan. F. P. Max. ob restitutam instauratamque urbem, aucta sacra, bonasque artes, adscitos Patres, sublatum vectigal, datumque congiarium, S. P. Q. R. pos.

IBIDEM.

GREGORIO XIII. Pont. Max. opt. Principi,  
Hugoni Boncompagno Bononiensi,  
qui Rom. magistratus  
& Ecclesiasticas dignitates  
Iustitiam & Pietatem colens,  
Ad Pontif. sedem euectus,  
Vniuersam Rempub. Christian.  
summâ prouidentiâ & caritate  
moderatur.

S. P. Q. R.

Hieronymo Bubalo Camillo, Mancino Bernardino Cauallerio Cofs.

IBI-



IBIDEM.

GREGORIO XIII. Pont. Maximo,  
 ob farinæ vectigal sublatum,  
 Urbē, templis & operib. magnificentiss. exornatū,  
 H. S. octingenties  
 singulari beneficentia  
 in egenos distributum,  
 ob seminaria exterarum nationum  
 in vrbe, ac toto penè terrarum Orbe  
 religionis propagandæ caussa  
 instituta.  
 ob paternam in omnes gentes caritatem,  
 qua ex vltimis noui orbis insulis  
 Iapponiorum regum legatos  
 triennij nauigatione  
 ad obedientiam sedi Apostol. exhibendam  
 primùm venientes ROMAM  
 pro Pontificia dignitate accepit,  
 S. P. Q. R.

AD STATVAM SIXTI V. P. M.

AENEAM INAVRATAM.

SIXTO V. Pontif. Max.

ob quietem publicam,  
 compressa sicariorum exulumque licentiâ,  
 restitutam annonæ inopiam,  
 subleuatam Urbem,  
 ædificijs, vijs, aquæ ductibus illustratam  
 S. P. Q. R.

IBIDEM.

Quod ALEXANDER FARNESIUS Parmæ &  
 Placentiæ Dux III. magno in Imperio res pro  
 Republ. Christiana præclaras gesserit, mortemque  
 obierit, Romaniq̃ue nominis gloriam auxerit,  
 S. P. Q. R. A 5 Hono.

Honoris ergò maiorum morem seculis multis intermissum, reuocandum censuit, statuamque cuius optimo in Capitolio Virtutis, suæque in illum voluntatis testimonium,

ex S. C. P.

Clementis VIII. P. M. Anno II.

Gabriele Cofarino Pr. v. C.

Iacobo Rubeo.

Papyrio Albero Coss.

Celso Celso cap. reg. pr.

AD EQVESTREM DVCIS PARMENSIS Statuam,

F. VINCENTIUS SICVLVS MINORITA.

*Talibus Armipotens rutilans insignibus Heros,  
Celsus ALEXANDER sic equitabat ouans.  
Horribiles acies radiantem ere fugabat  
Hostis, & explebat pectora saua metu.  
Subdidit imperio reuolutaq, Regna Philippi  
Regis: qua penitus pressa, subacta manent.  
Iungitur agminibus Superum modò sedibus aureis:  
Perpetud cuius maxima facta micant.*

EIVSDEM.

€OR Italo rapitur, Gallo SPES, BRACHIA tri-  
Hispano, Flandro iam cadit omne DECVS.

IN CONCLAVI PONTIFICIO.

ALEXANDER FARNESIUS, Octauij F. Parmæ & Placentiæ Dux tertius, Prouinciam nactus Belgicam, Philippi Hispaniarum Regis imperia detrectantem, Mastrichum Urbem munitissimam expugnauit: Bironium Gallum, diuersarum partiũ  
Ducem

Ducem collatis signis prælio vicit: Dunckerkam, Gandauum, Brugas, Hypras, Teremundam, Bruxellas, aliaque plurima Belgij oppida aut vi cepit, aut ad deditionem compulit. Antuerpiam nullis humanis viribus expugnabilem, ingenti ad Scaldim fluuium operum magnitudine circummunitam in deditionem accepit: Nouesium receptum Coloniensi Archiepiscopo reddidit: Belgas omnes, qui continentem incolunt, in Philippi Regis potestatem, & ad Ecclesiæ Romanæ obedientiam reduxit. Hasce ob res, aliasque fortiter gestas, à S. P. Q. R. Summus Imperator, elogio propè maiorum triumphos, quorum gloriam aut vicit, aut certè æquauit, ornatus est. Achille Cibo, Octauiano Crescentino Cofs. Vlixè Lanferinio Gallo, Lamentino Mancino cap. Reg. Priore.

---

IN AVLA CVR. SENAT. AD SIGNVM  
PAVLI III. P. M.

PAVLO III. P. M. Quod eius iussu, auspicijs, atque ære conlato urbem situ ac diuerticulis viarum deformem atque imperuiam, disiectis malè positis ædificijs in meliorem formam redegerint, vijs, areisque cum veteribus directis ampliatis, tum nouis constitutis auxerint ornauerintque, Latinus Iuuenalis Mamectæus, Hieronymus Mapheus Cur. Viar. vrbe instaurata, officij & memoriæ ergò statuam in Capitolio optimo Pontifici P. P. Anno Christi 1543.

---

IN VATICANO.

---

IN LAPIDE PORPHYRETICO,

MVRO INFIXO.

SIXTVS V. P. P. M. Bibliothecam Apostolicam  
Sanctiss.

Sanctissimis illis prioribus Pontificibus, qui B. Pe-  
tri vocem audierunt, in ipsis adhuc surgentis Ec-  
clesiæ primordijs inchoatam, pace Ecclesiæ reddi-  
ta, Laterani institutam, à posterioribus deinde in  
Vaticanum, vt ad vsus Pontificios paratior esset,  
translatam, ibique à Nicolao V. auctam, à Sixto  
IV. insigniter excultam, quo fidei nostræ & veterū  
Ecclesiasticæ disciplinæ rituum documenta omni-  
bus linguis expressa, & aliorum multiplex sacro-  
rum copia librorum conseruaretur; ad puram &  
incorruptam fidei & doctrinæ veritatem, perpe-  
tua successione in nos deriuandam, toto terrarum  
orbe celeberrimam, cum loco depresso, obscuro  
& insalubri sita esset, aula per ampla, vestibulo, cu-  
biculis circum & infra, scalis, porticibus, totoque  
ædificio à fundamentis exstructo, subsellijs, plute-  
isque directis, libris dispositis, in hūc editum per-  
lucidum, salubrem, magis opportunum locum ex-  
tulit, picturis illustribus vndique ornauit, libera-  
libusque disciplinis & publicæ studiorum utilita-  
ti dicauit, Anno Domini M. D. LXXXVIII. Ponti-  
ficatus sui IV.

---

IBIDEM IN ALIO LAPIDE.

SIXTI V. P. P. M. perpetuo hoc decreto de li-  
bris Vaticanæ Bibliothecæ conseruandis, quæ in-  
fra sunt scripta, hunc in modum sancita sunt, in-  
uiolateque obseruantor.

Nemini libros, codices, volumina huius Vati-  
canæ Bibliothecæ ex ea auferendi, extrahēdi, alio-  
ve asportādi, non Bibliothecario, neque Custodi-  
bus, Scribisque, neque quibusuis alijs cuiusuis or-  
dinis & dignitatis, nisi de licentia Summi Rom.  
Pontificis scriptæ manu, facultas esto. Si quis secus  
feco-



ecerit, libros partemve aliquam abstulerit, extraxerit, clepserit, rapseritque; concerpserit, corruperit, dolo malo; illicò à fideiũ cõmunione eiectus, maledictus, anathematis vinculo colligatus esto: à quoquam, præterquam Rom. P. P. ne absolutor.

IBIDEM MANV HENRICI IIX. ANGLORVM  
*Regis Libro de 7. Sacramentis, contra Lutherum  
 hac verba inscripta leguntur.*

Anglorum Rex HENRICVS, LEONI X. mittit hoc opus, & fidei testem & amicitia.

---

IN BELVEDERE SEV HORTIS  
 PONTIFICVM.

PIVS IV. Medices Mediolanensis Pontif. Max. quo commodiores, honestioresque sibi successoribusque hortos Vaticanos redderet, complures aulas, cubicula & scalas circum supraque hemicyclum, pleraque à fundamentis extruxit: quasdam in veterem formam restituit, atque exornauit, Anno salutis M. D. LXII. Pontif. sui ann. III. Kal. Ian. absoluit.

IBIDEM:

PIVS IV. Medices Mediolanensis Pontif. Max. hanc in nemore Palatij Apostolici aream, porticu, fontem, ædificiumque construxit, vsuique suo & succedentium sibi Pontificum dedicauit. Ann. sal. M. D. LXI.

---

IN DOMO INQUISITIONIS.

PIVS V. Pontif. Max. Congregationis sanctæ Inquisitionis domum hanc, quò hæreticæ prauitatis sectatores cautius coercerentur, à fundamentis in augmentum Catholicæ religionis erexit. Anno M. D. LXIX.

IN

IN PRIVATA IVLII III. BIBLIOTHECA.

IVLIVS III. P. M. ad honestam ab ingen-  
tibus curis animi relaxationem, litterarij ocij  
fructum & iucunditatem, Bibliothecam priua-  
tam fieri & exornari iussit, Pontificatus sui anno  
rimo.

VRBS ROMA AD PONTIFICEM,  
INCHOATO OPERE.

SIXTO V. PONTIF. MAX.

Quod singulari pietate & magnificentiâ Obe-  
liscum mirandæ magnitudinis ex AEGYPTO olim  
ab OCTAVIANO AUGUSTO, alij à CAIO CALIGULA in vr-  
bem aduectum, & in Circo dein Vaticano col-  
locatum, ac progressu temporum ruderibus se-  
misepultum, ex neglecto & infrequenti illustrio-  
rem in locum ante limina Basilicæ sancti Petri,  
quo cunctis patere, adeoq̄ue ingens moles conspi-  
cua esse posset, transferendum, erigendum, in eiuf-  
demq̄ue summitate salutarem Christi Crucem affi-  
gendam decreuit; vt qui Tiberio Imp. quondam di-  
catus, gentilium superstitioni inseruierat, diuino  
nunc cultui addicendus, Christi de vtroque Cæsa-  
re, Augusto sub quo natus est, ac Tiberio sub quo  
passus, atque adeo inuictæ Crucis de omni Idolo-  
latria clarissimâ victoriâ loco celeberrimo de-  
monstret. Ob rem igitur præclarissimè tentatam,  
felicemq̄; propediem exitum sortituram, tot sum-  
ptus erogari, tot difficultates superari cęptas, vrbs  
votis conceptis, publica acclamatione Magnifi-  
centissimū Principem profecuta lubēs gratulatur.

SIXTO V. P. M. Fidei Catholicæ propagatori,  
Disciplinæ Christ. instauratori, pacis cōseruatori,  
virtu-

virtutum remuneratori, scelerum vindici,  
 magnarumque rerum auctori,  
 Vrbs egregijs illius beneficijs exhilarata,  
 Patri sanctissimo & Principi  
 Summarum actionum laude clarissimo  
 publica lætitia gratulatur:

Obelisco magno ad limina S. Petri asportato,  
 inuictissimæque cruci dicato,

Ad perpetuum Christianæ pietatis monumentum.

**GVILIELMVS BLANCVS ALBIENSIS**

I. C.

*Pyramis vt fidei posthac inseruiat alma,*

*SIXTVS eam transfert, sacrat & ipse Cruci.*

*Nec mirum est tantæ transferri pondera molis,*

*Nam transfert montes indubitata fides.*

**EIVSDEM ANAGRAMMA:**

**SIXTVS V. DE MONTE ALTO,**

**TANTOS EXVLES DOMVIT.**

*Gens potens armis, inimica pacis,*

*Fuso inundabat Latium cruore,*

*Et dabat rubris abolenda flammis*

*Tecta superba.*

*Corde ducebat gemitus ab imo,*

*Et genas fuis lacrymis rigabat*

*Exules cernens equitare inultos*

*Itala tellus.*

*Itala ô tellus cohibe dolorem,*

*Siste sub SIXTO lacrimas obortas:*

*Ecce Saturni rediêre tandem*

*Aurea secla.*

*Dis*

*Dicio, Paan, age nunc triumphos,  
Delphica crines redimitafronde:*  
EXVLES TANTOS DOMVIT *Peretti*  
*Ferrea virga.*

IN CONCLAVI VICINO BIBLIO-  
THECAE NOVAE.

*Dum Bonaventura eximios numerabitur inter  
Doctores, iussu, Maxime SIXTE, tuo:  
Tu quoq, Pontifices inter numerabere primos,  
Quis scit, an & maior fama futura tibi.  
Tu facis, hic scripsit; tua grandia facta manebunt,  
Vt Bonaventura grandia scripta manent.*

IBIDEM.

*Postquam Italis fusos praedones expulit oris,  
Sustulit inuictas SIXTVS ad astra manus:  
Et Didacum aethereis asscripsit ciuibus, illi  
Thura dedit, festos instituitq, dies.  
Sic tu SIXTE tibi potuisti ingentibus actis  
Demeruisse solum, demeruisse polum.*

IBIDEM.

*Vrbs vicina mari medijs sitiebat in undis,  
Nunc dulces SIXTI munere potat aquas.*

AD STATVAM DVORVM  
IUVENVM.

SIXTVS IV. Pont. Max. ob immensam benignitatem; aeneas insignes statuas, priscae excellentiae virtutisque monumentum Populo Romano, vnde exortae fuere; restituendas condonandasque censuit. Latino de Vrsis Card. Camerario administrante, & Ioanne Alperino, Philippo Paloscio, Nicolao Pinciaronio vrbs conseruatoribus, procurantibus, Anno sal. M. CCCC. LXXI. Kal. Ian. XIX.

IN



## IN CAMPO MARTIO.

Lac pueris Lupa dulce dedit non seua gemellis,  
 Sic Vicine LV PV S dat tibi fontis aquam;  
 Quae fluit assidue, quae lacte est dulcior ipso,  
 Purior electro, frigidiorq; niue.  
 Hinc igitur lymphas bene tersa sedulus vrna,  
 Et puer, & iuuenis portet, anusq; domum.  
 Fonticulo prohibentur equi, prohibentur aselli,  
 Nec canis hinc, fœdo nec caper ore bibat.

## IN ALIO FONTE.

Fundit aquã Eridanus, Phaëton ruit ethere ab alto,  
 Temperat iste sitim, temperat iste animum.

IN FONTE ANTE S. MARIAM.  
TRANSTIBER.

Quod blando facilem producit murmure somnum,  
 Quae cadit, & tremulos efficit vnda lacus.  
 Quod sumis puros haustus, nitideq; lauaris,  
 Instauratori gratia habenda LV P O.  
 Res animumq; suum spectans dic, Romule, verum,  
 An minus hic pater est, quam LV P A mater erat.

IN VIA FLAMINIA SVpra FONTEM  
LYMPHAE MATRI SACRVM.

Si humano ingenio perpetuò viatoribus parari  
 vina potuissent, non amoenum, quem cernis, fontē  
 C. Lepidus magnâ impensa adauxisset. Pota felix:

## IN PONTE SIXTO.

SIXTVS IV. Pont. Max. ad vtilitatem pop. Rom.  
 peregrinaeque multitudinis ad iubilæum venturæ;

Pontem hunc, quem meritò ruptum vocabant, à fundamētis magna cura & impensa restituit, SIXTVM que suo de nomine appellari voluit. M. cccc. LXXV.

Qui transis SIXTI IV. beneficio, Deum roga, vt Pontif. O. M. diu nobis saluet ac fospitet. Bene vale, quisquis es, vbi hæc precatus fueris.

---

IN S. PETRÒ IN VATICANO.

IVLIVS II. PONTIF. MAX. ædem D. PETRO dicatam, vetustate collabentem, in digniorem amplio remque formam vt erigat, fundamenta iecit Anno Christi M. D. VII. Veterem Constantinus Imp. ædificauit.

---

EPITAPHIVM AD SEPVLCRVM PROBI, quod debemus MAFFAEO VEGIO Canonico, qui Versus musco nato desuper obductos exactè descripsit.

*Eximij resolutus in ætheris aquore tantum  
Curris iter cunctis integer à vitijs.  
Nomine quod resonas imitatus moribus aequè  
Iordane ablutus, nunc PROBVS es melior.  
Diues opum, clarumq; genus, præclarus honore,  
Fascibus inlustris, consule dignus auo.  
Bis gemina populos præfectus sede gubernans;  
Has mundi phaleras, hos procerum titulos  
Transcendis senior donatus munere Christi,  
Hic est verus honos, hæc tua nobilitas.  
Letabare prius mensa regalis honore,  
Principis alloquio, Regis amicitia:*

Nunc propior Christo Sanctorum sede potitus,  
 Luce noua fruere, Lux tibi Christus adest.  
 O nunquam desponde tuis cum vita maneret,  
 Corporis atq; artus spiritus hos regeret.  
 Primus eras nulliq; Patrum virtute secundus,  
 Nunc renouatus habes perpetuam requiem.  
 Candida fuscatus nullâ velamina culpâ,  
 Et nouus insuetis incola liminibus,  
 His solare tuos, quanquam solatia mœsta,  
 Gratia non quærat, gratia Christe tua.  
 Viuit in æterna paradisi sede beatus,  
 Qui noua decedens muneri etherij  
 Vestimenta tulit, quo demigrante Belial  
 Cessit & ingemuit hic nihil esse suum.  
 Hunc tu Christe choris iungas cœlestibus oro,  
 Te canat & placidum iugiter aspiciat.  
 Quiq; tuo semper dilectus pendet ab ore,  
 Auxilium soboli coniugioq; ferat.  
 Vide Annales Card. Baronij Tom. IIII.

---

EPITAPHIUM PROBÆ PROBI  
 CONIUGIS:

Sublimes quisquis tumuli miraberis arces  
 Dices, quantus erat qui PROBUS hic situs est:  
 Consulibus, proauis socerisq; & consule maior,  
 Quod geminas consul reddidit ipse domos.  
 Præfectus quartum toto dilectus in orbe,  
 Sed famâ emensus quidquid in orbe hominum est:  
 Aeternos heu Roma tibi qui posceret annos,  
 Cur non vota tui vixit adusq; boni?  
 Nam cum sexdenos mensis suspenderet annos,  
 Dilectæ gremio raptus in æthra PROBÆ.

*Sed perijſſe PROBVM meritis pro talibus abſit  
 Credas Roma tuum: viuit, & aſtra tenet.  
 Virtutis, fidei, pietatis, honoris amicus,  
 Parcus opum, nulli largus at ipſe fuit.  
 Solamen tanti coniux tamen optima luctus  
 Hoc PROB A ſortita eſt, iungat vt vnepares.  
 Felix heu nimium felix, dum vita maneret,  
 Digno iuncta viro, digna ſimul tumulo.*

---

## NICOLAI V. PONTIF.

*Hic ſita ſunt quinti NICOLAI Antiftitis oſſa,  
 Aurea qui dederat ſecula, Roma, tibi.  
 Conſilio illuſtris, virtute illuſtrior omni,  
 Excoluit doctos, doctior ipſe, viros.  
 Abſtulit errorem, quo Schiſma infecerat urbem,  
 Reſtituit mores, mœnia, templa, domus.  
 Tum Bernardino ſtatuit ſua ſacra Senenſi,  
 Sancta Iubilæi tempora dum celebrat.  
 Cinxit honore caput Friderici, & Coniugis aureo,  
 Res Italas icto ſœdere composuit.  
 Attica Romane complura volumina lingue  
 Prodidit. en tumulo fundite thura ſacro.  
 Sedit annos VIII. D. XIX. vixit annos LXII. M.  
 IIII. D. IX. Philippus Card. Bonon. fratri ſanctiſ-  
 ſimo poſ. Anno M. CCCC. LV.*

---

## EVGENII IIII.

*EVGEN IV. S iacet hic Quartus, cor nobile cuius  
 Teſtantur vitæ ſplendida ſacta ſue.  
 Iſtius ante ſacros ſe præbuit alter ab ortu,  
 Alter ab occaſu Caſar vterq; pedes:*

Alter



*Alter vt accipiat fidei documenta Latina,*

*Alter vt aurato cingat honore caput.*

*Quo duce & Armenij Graiorum exempla secuti*

*Romani agnorunt, Aethiopesq; fidem.*

*Inde Syri ac Arabes, mundiq; è sinibus Indi;*

*Magna, sed hæc animo cuncta minor a suo.*

*Nam validâ rursus Teucros iam classe petebat;*

*Dum petit, ecce illum sustulit atra dies.*

*Qui semper vanos mundi contempsit honores,*

*Atq; hac impressa, condite, dixit, humo.*

*Sed non quem rubro decorauerat ille galero,*

*Non hoc Frâncisci stirps sua clara tulit.*

*Susceptiq; memor meriti, tam nobile quod nunc*

*Cernis tam præstans surgere iussit opus.*

*Obijt Anno M. CCCC. XLVII. VII. Kal. Martij.*

P I I I I. P O N T I F. M A X.

P I V S I I. P O N T. M A X. natione Tuscus, patria  
Senensis, gente Piccolominæa, sedit annos VI. Bre-  
uis Pontificatus ingens fuit gloria. Conuentum  
Christianorum Mantuæ pro fide habuit. Oppugna-  
toribus Rom. Sedis intra atque extra Italiam resti-  
tit. Catharinam Senensem inter SS. Christi retulit.  
Pragmaticam in Gallia abrogauit. Ferdinandum  
Arragonensem in regnum Siciliae cis fretum resti-  
tuit. Rem Ecclesiæ auxit. Fodinas inuenti tum pri-  
mum aluminis apud Tolpham instituit. Cultor Iu-  
stitiæ & Religionis, admirabilis eloquio. Vadens  
in bellum quod Turcis indixerat, Anconæ decessit,  
ibi & classem paratam & Ducem Venetorum cum  
suo Senatu commilitones Christi habuit. Relatus  
est in urbem Patrum decreto, & hîc conditus, vbi  
caput Andreæ Apostoli ad se ex Peleponeso adue-

etum collocari iusserat. Vixit Ann. LVIII. M. IX.  
D. XXVII.

Franciscus Card. Senens. Auunculo sanctiss. F. Anno Domini M. CCCC. LXIV.

PAVLI II. VENETI PONTIF.  
MAX.

PAVLVS II. Venetus Pontif. Max. è vetusta Barbarorum familia, præclaris naturæ dotibus, auunculo Eugenio III. non inferior. Iustitiæ, pietatis, diuinarumque ceremoniarum cultor religiosissimus, Ecclesiasticæ libertatis maiestatisque defensor constantissimus, præcipuo pacis seruandæ studio, & singulari omnis generis munerum abstinentia, formidanda etiam lege Magistratibus indicta, clarissimus. In Principes munificentia, in pauperes misericordia insignis. Patrio amore annonæ copiâ vrbi dedit. Patrimonium B. Petri, erratis populorum indulgentiss. parentis affectu emendatis & conseruauit & auxit. Furentes armis hæreticos repressit, & quod per difficilem rerum temporumve conditionem effici cum dignitate non poterat, maturâ cunctatione saluberrimè disposuit. Vixit An. LIII. M. X. D. XXVI. Sedit Ann. VI. M. D.

Marcus Barbus Card. S. Marci, Patriarcha Aquilegiens. consanguineo B. M. pos. Anno salutis M. CCCC. LXXVII.

SIXTI IV. PONT. MAX.

SIXTO IV. Pontif. Max. ex ordine Minorum, doctrina & magnitudine animi omnis memoriæ Principi, Turcis Italia submotis, auctoritate Sedis  
audia,

aucta, vrbe instaurata, templis, ponte, foro, vijs,  
 Bibliotheca in Vaticano publicata, Iubilæo cele-  
 brato, Liguria seruitute liberatâ, cùm modicè ac  
 plano solo condi se mandauisset, Iulianus Cardin.  
 patruo B.M. maiore pietate quàm impensâ F.C.

Obijt Idib. Sext. horâ ab occasu quinta, Anno  
 Christi M. CCCC. LXXXIII. Vixit Ann. LXX.  
 D. XXII. H. XII.

P I I I I I. P O N T. M A X.

P I V S I I I. Pont. Max. à P I O I I. Auunculo I I.  
 & XX. annos natus in Cardd. Collegium adscitus,  
 Urbis ac Piceni Legationibus integerrimè fun-  
 ctus, à Paulo I I. ad Fredericum I I I. missus, vt Ger-  
 manorum arma in Turcas concitaret, conuentum  
 frequentissimum Pontificis morte dissolutum ha-  
 buit. Sub Innocentio V I I I. Vmbros dissidentes  
 pacauit. Carolo Gallorum Regi Italiam irrum-  
 penti, ab Alexandro V I. serò admodum obuiam  
 missus. Eo mortuo I I. & X L. Patrum suffragijs Pon-  
 tificex creatus, dum de restituenda in pristinam ma-  
 iestatem Christiana Repub. ac Vrbe agit, V I. & X X.  
 die, è tanta expectatione rerum publico om-  
 nium luctu decessit. Eloquio, prudentia, Religio-  
 ne, innocentia & grauitate domi forisque insignis,  
 in dicendis in Senatu sententijs liber & grauis.  
 Vixit ann. L X I I I. M. V. D. X. Obijt ann. salutis M. D.  
 I I I. xv. Kal. Nonemb.

Iacobus & Andreas fratri  
 sanctis. pp.

---

LEONIS X. PONT. MAX.

LEONIS X. PONT. MAX. DEPOSITVM.

*Delicia humani generis LEO maxime, tecum  
Vt simul illuxêre, interiêre simul.*

*Corpus postea ad B. Mariæ super Mineruam translatum est.*

---

CLEMENTIS VII. PONT.  
MAX.

CLEMENTIS VII. Pontif. Max. cuius inuicta  
virtus sola clementia superata est. Obijt Anno M.  
D. XXXIII. VI. Kal. Octob. Sedit ann. x. M. x. D. VIII.

*Ad S. Mariæ super Mineruam nunc iacet.*

---

PAVLI III. PONT. MAX.

*Discite mortales fluxa vt sit gloria mundi,*

*Vt terrena breui tempore regna ruant.*

*Qui Petri nuper sacrata in sede sedebam,*

*Dum tegetet nostrum sacra Tiarâ caput;*

*Qui potui dudum populis dare iura subactis,*

*Ante meos Reges procubuere pedes.*

*Maximus & Casar pedibus dedit oscula nostris,*

*Numen vt in terris iam veneratus eram.*

*Tertius hic gelido condor sub marmore PAVLVS,*

*Continet hæc cineres nunc breuis vrna meos.*

*Pontificem gessi summum ter quinque per annos,*

*Tempestiua senem me Libitina rapit.*

*Funera non lacrumis mea sunt spargenda, peregi*

*Naturæ cursum, mors noua vita fuit.*

*Obijt anno M. D. XLIX. IIII. Idus Nouemb.*

LAV-



---

LAVRENTII FLORENTINI  
SCULPTORIS.

*Roma mihi tumultum tribuit, Florentia vitam,  
Nemo alio vellet nasci & obire loco.*

---

IN S. PETRI AD VINCVLA.

D. O. M. S.

IACOBO SADOLETO Episcopo Carpentora-  
ctis; S. R. E. Presb. Card. Viro morum grauitate,  
prudencia & vitæ integritate præstantiss. doctrina  
& eloquentia cum ijs, quos mirata est antiquitas,  
comparando: Paulus Sadoletus Episcopus Carpen-  
toractis, & Camillus Sadoletus fratrum filij mœ-  
stissimi, multis cum lacrymis patruo B.M. pro tem-  
pore Poss. Vixit ann. LXX.M.III.D.VI.

---

IBIDEM.

NICOLAUS DE CVSA Treuer. S. Petri ad Vin-  
cula Card. Brixien. Episcopus Tudertinus, obiit M.  
CCCC. LXIV. XI. Augusti ob deuotionem catena-  
rum S. Petri hic sepeliri voluit. Dilexit Dominum,  
timuit & veneratus est, ac illi soli seruiuit, promif-  
sio retributionis non fefellit eum. Vixit ann. LXIII.

---

IN S. MARIA MAIORI IN ESQVILINO.

D. O. M.

FRANCISCO TOLETO Cordubensi, S. R. E.  
Presb. Card. summo Theologo, Verbi Dei prædi-  
catori eximio, in rebus magnis agendis consilio &  
prudencia singulari, qui ob excellentem virtutem  
& merita præclaro Clementis VIII. Pont. Max. iu-  
dicio primus in Societatem IESV ampliffimam di-

gnitatem intulit.

Vixit ann. LXIII. M. XI. D. X.

Obijt anno M. D. XCVI. die XIV. Sept.

Sancta Dei Genitrice herede institutâ, presbyteris qui ad eius altare Missas celebrent censum perpetuò attribui iussit. Benedictus Iustinianus & Petrus Aldobrandinus Card. Executores Testamentarij Collegæ opt. & Capitulum & Canonici huius Capituli viro amplifs. & optimè de semerito pos.

D. O. M.

PROSPERO SANCTACRUCIO S. R. E. Card. Episcopo Albanensi: qui ob eximias animi ingenijque virtutes, post primaria Palatina officia & Ecclesiasticas dignitates à Pio I V. P. M. Cardin. creatus, legationib<sup>9</sup> Germanica, Lusitanica, Hispanica, & Gallica bis flagrante intestino bello, prouincia egregia cum laude functis, maximisque toto vitæ cursu pro Repub. susceptis laboribus, Obijt ætatis anno LXXVI. Salutis M. D. LXXXIX. Marcellus Sanctacrucius Valer. F. ex fratre nepos posuit.

IN SACELLO PII V. PONT. MAX.

Solum Turcarum Tyrannum multis insolentem Victorijs, ingenti parata classe, Cyproque expugnata, Christianis extrema minitantem, PIVS V. foedere cum Philippo II. Hisp. Rege ac Repub. Veneta inito, M. Antonium Columnam Pontificiæ classi præficiens, ad Echinadas hostibus XXX mill. cæsis, X. mill. in potestaté redactis, triremibus CLXXX. captis, XC. demersis, XV. mill. Christianis à seruitute liberatis, precibus & armis decoravit.

## IBIDEM AD SINISTRAM.

Galliam, Carolo IX. Rege, perduellium hæreticorumque nefarijs armis vexatam, vt de Regno de-  
que religione actum videretur, PIVS V. Sfortiæ  
Comitis Sanctæ floræ ductu, missis equitum pedi-  
tumque auxiliarijs copijs, periculo exemit: ho-  
stibusque deletis victoriam exportauit. Regi Re-  
gnum cum religione restituit. Signa de hostibus  
capta ad Lateranensem Basilicam suspendit.

---

PIO V. PONT. MAX.

*Ex Ord. Predicatorum,*

SIXTVS V. PONT. MAX.

*Ex Ord. Minorum,*

GRATI ANIMI MONVMENTVM

posuit.

PIVS V. gente Gisleria Boschi in Liguria na-  
tus, Theologus eximius, à Paulo III. in Insubria  
hæreticæ prauitatis Inquisitor, à Iulio III. S. In-  
quisitionis officij Commissarius generalis; à Paulo  
IV. Episcopus Sutrinus, deinde S. R. E. TT. S. Ma-  
riæ super Mineruam Presb. Card. & à Pio IV. Ec-  
clesiæ Montisregalis in Subalpinis administrator  
factus; eo vitâ functo, summo Cardinalium con-  
sensu Pontif. Max. creatur. qui veteres sanctos  
Pontifices æmulatus, Catholicam fidem propaga-  
uit, Ecclesiasticam disciplinam restituit: tandem  
gestarum rerum gloria clarus, dum maiora moli-  
tur, totius Christianæ Reipubl. damno nobis eri-  
pitur, Kal. Maij M. D. LXXII. Pontif. anno VII. ata-  
tis suæ LXVIII.

EIVS

EIVSDEM EPITAPHIVM IN S. ANDREAE SACELLO ANTE CORPORIS  
*translationem.*

PIVS V. PONT.

Religionis ac pudicitiae vindex,  
Recti & iusti assertor,  
Morum & disciplinae restaurator,  
Christianae rei defensor.  
Salutaribus editis legibus,  
Galliam conseruatam,  
Principibus foedere iunctis,  
Partam de Turcis victoriam,  
Ingentibus ausis & factis,  
Pacis belliq; gloria,

MAXIMVS,

PIVS, FELIX. OPT. PRINC.

IBIDEM.

*Petra* PETRVM tegit hac, animamq; fouet *petra*  
*Christus,*

*Sic saluum retinet vtraq; petra* PETRVM.

PLATINAE.

Quisquis es (si pius) PLATINAM & suos ne ve-  
xes, angustè iacent, & soli volunt esse Demetri-  
alumni. Moritur anno M. CCCC. LXXXI.

Frederico III. Rom. Imp. & Sixto IV. Pontif.

*Qui res Pontificum sacras, & gesta piorum,*

*Quiq; Ducum vitas nobile fecit opus:*

*Quiq; modum docuit, quo laudet honesta voluptas,*

*Et quo ne iuuenes torqueat acer amor:*

*Plur aq; qua longum est properè censere, Viator,*

*Omnia siderea pignora mentis erant.*

*Vixit*



*Vixit adhuc PLATINA, & quanquã cõcesserit Orcõ,  
Nil tamen in Vatem Parca seuera potest.*

PROSPER SPIRITEVS amico pos.

IN S. MARIAE SVpra MINERVAM,  
*olim Minerue.*

PAVLI IV. PONT. MAX.

IESV CHRISTO SPEI ET VITAE FIDELIVM.

PAVLO IV. CARRAFÆ Pont. Max. Eloquẽtia, doctrina, sapientia singulari, innocentia, liberalitate, animi magnitudine præstantiss. scelerum vindici integerrimo, Catholicæ fidei acerrimo propugnatori, PIVS V. Pont. Max. grati & pij animi monumentum pos. Vixit ann. LXXXIII. M. I. D. xv. Obijt M. D. LIX. Kal. Septemb. Pontificatus sui anno v.

IBIDEM.

Hic quiescit IOANNES DE TVRRE CREMATA, Episcopus Sabinenf. S. R. E. Card. S. Sixti, qui obijt xxv. Sept. Anno M. CCCC. LXV. R. I. P.

EIVSDEM TESTAMENTVM IN SACRISTIA PRO PVELLIS PAVPERIBVS.

*Nè malè patrãdis stupris, quòd auara merendo  
Forma puellaris sepè coëgit inops.*

*Annua pauperibus stips est hãc pensa viritim,  
Dosq; maritatis condita virginibus.*

*Munus & officium sancti celebrate Quirites,  
Cum vicena venit Martia quinta dies;  
Terrestri vt censu cœlestia regna paretis,  
Pollicita & vobis centupla mēsis erit.*

FRAN:

## FRANCISCI NERI.

*Qui nunquam in curis consumpsit inanibus auum,*  
 FRANCISCVS NERVS clauditur hoc tumulo.  
 Vixit ann. LXXVI. Obijt IV. Id. Iulij M. D. LXXIII.

D. O. M.

STANISLAO HOSIO Polono, S. R. E. Presb.  
 Card. Varmieni Episc. maiori Poeniten-  
 tiario, vitæ sanctitate, eruditionis  
 & eloquentiæ gloria  
 celeberr.

Catholicæ fidei acerr. propugnatori. qui cum  
 antiquæ probitatis & Episc. vigilantia  
 præstantiam in humilitate, ca-  
 ritate, castitate, benefi-  
 centia expressisset,

Hæret. sectas, scriptis & consilijs Sapientis.  
 feruenter oppugnasset, multos ab er-  
 roribus reuocasset, grauis. Q.  
 legationibus pro pace  
 Ecclesiæ Dei,

cum apud Carolum V. & Ferdin. Cæsar. tum  
 præcipuè in S. Concil. Trident. PII IV. Pont.  
 nomine felicis. perfunctus, Christianæ  
 Reipub. plurimum profuisset, om-  
 nium virtutum laudibus & ex-  
 emplis ad imitandum ab-  
 undans,

obdormiuit in Dom. Non. Aug. ann. salutis  
 M. D. LXXIX. ætatis suæ LXXVI. Stanislaus  
 patruo, & Stanisl. Rescius patro-  
 no beneficentis. execut.  
 testam. poss.

D.O.M.

D. O. M.

PETRO BEMBO Patricio Veneto, ob eius singulares virtutes à Paulo III. Pontif. Max. in sacrum Collegium cooptato; Torquatus Bembo P. Obijt xv. Kalend. Feb. MD. LVI. Vixit annos LXXVI. M. VII. D. XXVIII.

*Hic BEMBUS iacet Aonidum laus maxima Phœbi,  
Cum Sole & Luna vix periturus honos.*

*Hic & fama iacet, spes & suprema galeri,  
Quam non vlla queat restituïsse dies.*

*Hic iacet exemplar vitæ omni laude carentis:  
Summa iacet summâ hîc cum Pietate Fides.*

D. O. M.

NICOLAO ARDINGHELLO Florentino primariæ nobilitatis viro, quem Iuris vtriusque consultissimum, omnisque virtutis ac sapientiæ laude præstantem ad Episcopatum Forosempronien. prouectum, cum Paulus III. Pontif. Max. Piceno primùm cum honore Vicariæ legationis imponeret, deinde supplicum libellis præficeret, demùm in sacrum Cardinalium Collegium adoptaret, tituloque S. Apollinaris insigniret, non tam hominem quàm honorem cohonestare visus est. Annos natus I V. & XL. in medio virtutum & honorum curriculo ereptus acerbum sui desiderium reliquit omnibus x. Kalend. Septembr. M. D. XLVII.

Alexander Ruspolus Bartholomæi & Mariæ Ardinghellæ F. ob memorem erga consanguineum optimum voluntatem P. Anno post conditam salutem MD. C. I.

BENE

## BENEDICTI PATRICII VENETI.

*Viuite mortales; curæ, quot viuitis annos,  
Non sit; sed, vobis quam benè vita fluat.*

Obijt anno M. CCCC. XCV. VI. Non. Iulij.  
Aetatis XLVIII. M. VII. D. XV.

## M. ANT. MVRETVS C. R.

*Sic mea naturam manus est imitata, videri*

*Posit vt ipsa meas esse imitata manus.*

*Sepè meis tabulis ipsa est delusa, suumq;*

*Credidit esse, mea quod fuit artis opus.*

*Miraris, dubitasq;? audito nomine credes.*

*Sum RAPH AEL, hei mi, quid loquor? immò fui.*

*Et tamen his dictis quid opus fuit addere nomen?*

*Alterutrum poterat cuilibet esse satis.*

*Nam mea & audito est notissima nomine virtus,*

*Et prestare vicem nominis ipsa potest.*

## IVLII.

*Patria Roma fuit, Gens Portia, Nomen IVLVS.*

*Mars puerum instituit, Mors iuuenem rapuit.*

## GABRIELIS TRIVISANI.

*Lustrandi studio veterum decora alta Quiritum*

*Veni, pro hospitio Roma dedit tumulum.*

*Forma, anni, mores, patriæ genus, & Pater, & res*

*Aequa mihi; mors hæc risit, & abripuit.*

## IN SANCTA MARIA DE ANIMA;

*Templo Germanorum,*

D. O. M.

HADRIANO VI. PONT. MAX: ex Traiecto  
infig-



infigni inferioris Germaniæ vrbe, qui dum rerum humanarum maximè auersatur splendorem, vltro à proceribus ob incomparabilem sacrarum disciplinarum scientiam, ac propè diuinam castissimi animi moderationem, Carolo V. Cæs. Augusto præceptor, Ecclesiæ Dertusensis Antistes, sacri Senatus Patribus collegæ, Hispp. Regis Præses, Reipublicæ denique Christianæ diuinitus Pontifex absens adscitus, Vixit Ann. LXIV. Mens. VI. Dies XIII. Decessit XIII. Kal. Octob. Anno à partu Virginis M. D. XXIII. Pontificatus sui anno II.

Vilhelmus Enkefortius illius benignitate & auspicijs tit. S. Ioannis & Pauli Presbyter, Card. Dertusensis faciend. curauit.

PROH DOLOR, QUANTVM REFERT, IN  
QVAE TEMPORA OPTIMI CUIVSQ. VIR-  
TVS INCIDAT!

---

IN EFFIGIEM, VITAM, ATQVE OBI-  
TVM HADRIANI VI.

Vltraiectini Belgæ, Pont. opt. max.

*Quæ faciès tam dia viri? Sextinè Adriani?*

*Hoc ita, quo functus munere? penè Dei. (mus;*

*Quis dedit hunc? humili TRAIECTVM stirpe, supre-  
Sed cui mox domina traditus vrbis apex.*

*Qui docuère virum? GRVDII, Belgi orbis Athenæ;  
Hic vbi Gymnasium condidit ille nouum.*

*O bene! Sed tenui quis opes suffecit & aurum  
Discipulus CAESAR Carolus Austriades.*

*Qui pius & gratus, Pellai more Monarcha;  
Rectorem hunc voluit nōsset vt omnis IBER.*

*Nouit, & inde sacra radiantem luce Tiara  
Pontificem LATI I percoluere Patres.  
Omnia sic vnum decorant maxima BELGAM,  
Traiectum, Grudij, Cesar, Iber, Latij.*

Ma xæmilianus Vrintius  
S. P. Q. Gand. à secretis.

## ANONYMI.

*Quo Romanorum Sextus Pater atque Sacerdos,  
Hoc etiam Pietas conditur in tumulo.*

## ALIUD.

HADRIANVS VI. hic situs est, qui nihil sibi  
infelicius in vita duxit, quàm quod imperaret.

## ANTE CORPORIS TRANSLATIONEM IN D. PETRI IN VATICANO.

*Insignis Pietas tua, HADRIANE,  
Viuenti tibi profuit, decusq;  
Aurei diadematis parauit.  
Iure id me hercle, at æquius, tuaq;  
Certius Pietatis hoc trophæum est,  
Defunctus quod honoribus tot, inter  
Duos contigerit PIOS iacere.*

## IBIDEM IN SACELLO S. CATHARINAE.

SEDENTE PAVLO II.

DOMINICO CAPRANICENSI TT. S. † in  
Hierusalem, Presbytero Card. Antistiti Firmano,  
maiori pœnitentiario, XII. Apostolicis legatio-  
nibus claro, Pacis Italicæ in annos XXV. constitu-  
tori,

tori, doctrina, religione, & sanctis semper operibus admirabili.

ANGELVS eiusdem TT. Card. vnanimi fratri ac sibi commune Mon. hoc fecit. Vixit idem DOM. Ann. LVIII.

## BLONDO FLAVIO

FOROLIVIENSI historico celebri, multorum Pont. Rom. Secretario fidelissimo, Blondi quinque filij patri bene merenti vnanimis posuere. Vixit ann. LXXI. Obijt prid. Non. Iun. Anno salutis M. CCC. LXIII. Pio Pontif. Max. sibi natisque fauente.

*Fui non sum. Estis non eritis. Nemo immortalis.  
Moriens vt viueret, Vixit vt moriturus.*

## D. O. M. S.

FRANCISCVS ORANVS Franc. F. Leodicen. Patricius in hac arce terrarum S. E.

eam per annos plures incoluit, atque ipsam eum coluit

in Duodecemuirali Rota Senatorem:

quod munus annos XVII, sustinuit,  
cum qua peritia, integritate & laude?

ipsam roga:

fama communis non mentitur.

Inclaruit & legatione duplici in Germaniam  
super arduis rebus;

& potuit dignitatibus adijcere  
sed mors manum iniecit

nondum maturo & nato annos LIV,

non sine publico sensu,

& parentis fratrumque luctu

qui absentes monumentum hoc  
optimè merito P. S. P. P.

Obijt XIV. Kal. Augusti, anno CIO. IO. XCIX.

*Habes, abito, aut paululum etiam sistito,  
Ore atq; corde etiam precare mortuo.*

D. O. M.

ALEXANDRO IVNIO Antuerpiensi, quod  
oppidum est in Belgis nobilissimum, honestiss. pa-  
rentibus nato: Romæ ob virtutem ad honores e-  
uecto, & auditoris sacri Palatij munere integerrimè  
functo, hæred. P. P. Vixit ann. xxx. M. xi. Obijt  
v. Kal. Octob. An. M. D. LVIII.

*Roma peregrino magnos mandârat honores,  
Quos immaturo funere mors rapuit.  
Disce meo exemplo virtuti præmia nunquam.  
Deesse, sed & quouis tempore disce mori.*

IBIDEM.

VVILHELMO ENCKEVORTIO S. R. E. Pres-  
bytero Card. pluribus Romanæ Reipub. Magistrati-  
bus, & Germaniæ procuratore integerrimè fun-  
cto, ab HADRIANO VI. Pont. Max. cuius item  
res administrauerat libellis dandis, & Ecclesiæ  
Dertusens. Præfectus, & in Cardinalium Collegiū  
claro beneuolentiæ iudicio, translatis in eum pri-  
stinæ suæ dignitatis insignibus, solus cooptatus.  
Deinde etiam à Clemente VII. Ecclesia Traiectensi  
honestatus est. Carolo V. Imp. lubentissimus, cum  
ab illo coronam Imperij accipiens, inunctus est:  
quique beneficiorum memor HADRIANI cada-  
uer è Petri Basilica in hanc ædem (cuius construendæ  
& ornandæ adiutor fuit) sepulcro posito trans-  
ferr



ferri curauit. In egenos & in omnes homines beneficentissimus.

Ioan. Dominicus Tranens. Antonius Sanctseuerinus, Card. & P. Voestrius Episcopus Aqués. Andr. Castillo scriptor Apostolicus ex testam. P P.

Vixit ann. L X X. obiit anno M. D. XXXIV.

---

## IBIDEM.

*Si benedicta fui, benedictis & vndiq<sub>3</sub> si me,*

*Inter & electos sum benedicta Deo.*

*Cur me fles fili? morimur non demq<sub>3</sub> cuncti?*

*Non moribunda fui, non moriturus ades?*

*Fle, fle te miserum, fle, fle tua crimina, fle, fle,*

*Quòd precul à patria sumq<sub>3</sub> sepulta mea.*

*Improbaf sed si Mors nos corpore falce diremit,*

*Nos anima nunquam dissociabit amor.*

---

## D. O. M.

D. IOANNI GROPPERO, Religionis fideique Catholicæ propugnatori acerrimo, post incredibiles summis cum periculis pro Ecclesiæ ac Religionis conseruatione, magno semper & inuicto animo, exantlatos labores, multaque præclara literarum monumenta edita, ob perpetuam Fidei Pietatisque constantiam, incomparabilem doctrinam summasque virtutes, absenti nec quidquam minus cogitanti in sacrum S. R. E. Cardinalium Collegiũ cooptato, præmatura adhuc morte, & quando sui opera inprimis desiderabatur, ex humanis erepto, fratri pijssimo atque opt. mer. Godefridus & Casparus Gropperij fratres in æstifs. P P. Vixit ann. LVII. D. XVIII. Obijt vii. Id. Mart. ann. M. D. LVII.

*Alfonſus Ciacconius in Vitis Pontificum, ſcribit G R O P -  
P E R V M Pontifici Pau \* I I I I. gratias egiffe, & purpuram  
remiſſiſſe, redditâ facti ratione. Obijt Colonia, in Metropolitana  
Eccleſia ſepultus, Romæ tamen legitur præcedens inſcriptio.*

---

## IBIDEM.

GREGORIO ALBERTONIO raræ indolis  
puëro, Onuphrius & Iulia parentes mœſtiſſimi, fi-  
lio vnico dulciſs. ac B. M. P. P. Vixit ann. XII.

*Blandidulus, nitidus, dulciſſimus, vnicus infans,*

*Matris delicia, deliciaq; Patris,*

*Hic tegitur raptus teneris GREGORIVS annis,*

*Vt roſa que ſubitis imbribus icta cadit.*

---

## D. O. M.

HENRICO GRAVIO, eximiæ probitatis ſpe-  
ctatæque eruditionis viro, quem poſt quatuor lu-  
ſtrorum in florentiſ. Louaniënſi Academia S. Th.  
publicam profeſſionem Sixtus V. Pont. Max. inſig-  
nis eruditionis ergò Romam euocauit, Gregorius  
XIV. in Pontificiam aulam excepit, ſed ampliori-  
bus dignum honoribus Chriſtus in cælum euexit  
die II. Aprilis, Anno Dom. CIO. IO. XCI. ætatis  
ſuæ LV.

---

CAROL. FRID. DVCIS CLIVENSIS  
ET IVLIAE.

CAROLVS FRIDERICVS, Iuliæ, Cluiæ, &  
Montium Dux, Marchiæ & Rauenſpergi Comes,  
Rauenſteini Dominus, ingenio, ac ſupra ætatem  
rerum & linguarum vſu, ſingulariq; in Deum pie-  
tate clarus, Gregorio XIII. Pontif. Max. ad annum  
Iubilæum Chriſtiani orbis populos conuocante,  
poſt

post acceptos in auunculi sui Maximiliani II. Cæs. Augusti aula, alijsque in locis varios honores, religionis & optimarum disciplinarum studio Romã veniens, magnificentiss. ab eodem Pont. Max. excipitur, reclusâ portâ sancta. In solemnibus sacris gladio pileoq; de more consecratis ab eodem Pontifice honestatur. Omnibus Christianæ pietatis officijs perfunctus, sanctissimi Iubilæi beneficio expiatus, dum ad suos redire cogitat, graui morbo correptus, in terris, vt cœlo frueretur, esse desijt. Eius funus Pont. Max. benigna voluntate, qua venientem exceperat, ægrotantem inuiserat, cum ingēs omnium Ordinum, Collegiorum, Sodalitatum frequentia conuenisset, amplissimis exequijs & pompâ magnificâ, totius vrbs summo mœrore, ac incredibili desiderio celebratum. Consummatus in breui expleuit tempora multa; Placita enim erat Deo anima illius.

Guilielmus Dux filio dulciss. maiori natu  
— fac. cur. Vixit ann. XIX. dies XII. Obijt anno  
M. D. LXXV. Id. Febr.

---

D. O. M.

VALERIO CORDO Simesusio, Eurici Medici & Poetæ F. integritate, moribus, ingenio, comitate præstantissimorum doctorum omnium administrationem merito, qui naturæ obscuritatem & herbarum vires adhuc adolescens senibus explicauit. Cùm expleri cognoscendi cupiditate non posset, perlustratâ Germaniã, Italianam adiit; Venetijs in honore habitus, & Romam vix ingressus, crudelissima febre, inter amicorum lacrimas non recuperabili studiorum ia-

Æturâ florente æuo extinguitur, anno ætatis suæ  
 xxix. Homini optimè merito socij Germani pietatis  
 ergo PP. Anno salutis humanæ M. D. XLIV. VI.  
 Kal. Oct. hora 5. noctis.

*Ingenio superest CORDVS, mens ipsa recepta est  
 Cælo; quod terra est, maxima Roma tenet.*

## IBIDEM.

*Noscere Pœonias herbas, viresq; medendi,  
 Iam natura, homini facta nouerca, negat.  
 Inuidiosa Macri rapuit monimenta vetustas,  
 Nunc etiam Cordum mors violenta tulit.  
 Hunc extinctum igitur vitæ florentibus annis  
 Tam procul à patria, Crimen Apollo tuum est.  
 Lilia sic, violaq; cadunt, absinthia florent;  
 Quanta eheu rebus damna parata bonis!  
 Italia huic tumulum, tribuit Germania vitam;  
 Quid poterat nasci, clarius, atq; mori?*

## IBIDEM.

*Scis, remeare datum nulli post iusta: daretur  
 Si mihi, sim nullus, si remeare velim.  
 Aetates omnes defunctum serua vocauit  
 Mors; reliquum vitæ quid, nisi pœna, fuit?  
 Sanctè si Musas colui, fortasse sepultus  
 Vita inter viuos nunc meliore fruor.*

## IN S. IOANNIS IN LATERANO.

IN TVMVLO AENEO MARTINI V. PONT.  
 MAX.

MARTINVS V. PAPA, sedit PP. per annos  
 xiii. M. iii. D. xii. Obijt anno M. cccc. xxxi. die  
 xx. Februar. Temporum suorum felicitas.



## LAVRENTIO VALLAE.

Harum ædium sacrarum Canonico Alfonſi Regis & Pontif. Max. Secretario Apoſtolicoque ſcriptori, qui ſua ætate omnes eloquentiâ ſuperavit, Catharina mater filio pientis, Pos. Vixit annos L. Obijt anno M. CCCC. LXV. Auguſt. Kal.

*LAVRENS VALLA iacet Romana gloria lingua,  
Primus enim docuit, qua decet arte loqui.*

## ANONYMI.

*Tandem VALLA iacet, ſolitus qui parcere nulli eſt  
Si queris, quid agat, nunc quoq; mordet humum.*

Dum Bartholomæus Facius VALLAE inuiſus mox quoque moreretur, quidam falſè in vtrumque hoc carmen luſit.

*Ne vel in Elyſiis ſine vindice VALLA ſuſurret,  
FACIVS haud multos poſt obit ipſe dies.*

## D. O. M.

LVCIO SAXO Neapolitano tit. SS. Quirici & Iulittæ, S. R. E. Presb. Card. qui V. C. Marij Saxi patris ſui quondam CAROLI V. Aug. in regno Neapolitano Conſiliarij, ab eodemque ad varias regēdas prouincias adhibiti laudes æmulatus, cū ſe iuuenis Romam contuliſſet, ob doctrinam atque prudentiam inter Iuſtitæ Referendarios à Iulio III. P. M. Gratia à Pio IV. adſcriptus, primuſque ad Episcopatum Ripæ Tranſonis à Pio V. prouectus, ſacræ inde Pœnitentiariæ à Gregorio XIII. præpoſitus, ac Sacroſanctæ huius Lateranenſ. Eccleſiæ per annos ferè xx. Vicarius, ab Urbano VII. Datarius creatus, in eodemque munere à duobus ſequentibus

bus Pontificib. Greg. XIV. & Innocentio IX. confirmatus, tandem à Clemente VIII. sola assiduorū pro Apostolica Sede laborum inspectione, prima Iectione vnà cum Illustriss. nepotibus nominatio- nis prærogatiua in amplissimum ordinem adsci- tus, non minus ex eo accepit quàm eidem contulit ornamentis.

Marius Saxus Fabij F. hæres patruo opt. mer. atq; omni honore digniss. Pos. Vixit ann. LXXXII. M. IV. D. VIII. Obijt prid. Kal. Martij anno M. DCIV.

## ANONYMI.

*Vixi quod volui, semper benè pauper, honestè:  
Nullum fraudau, quod iuuat ossa mea.*

IN AEDE D. ANTONII DE PADVA,  
IN CAMPO MARTIO, NATIONIS  
*Lusitaniae.*

.D. O. M.

MARTINVS AB AZPILCVETA Nauarrus H. S.E. Diuini humanique Iuris consultiss. qui Salmãticæ primùm, deinde Conymbricæ, fauētibus Portugallix Regibus, Ius Pontificium docuit. Romam profectus, PIO V. GREGORIO XIII, SIXTO V. PP. MM. carus, omnibus nationibus gratus, huic Xenodochio beneficus. Obijt XI. Kal. Iulij M. D. XXCVI. ætatis anno XCIV. M. VI. D. VIII. Multis doctrinæ suæ peruulgatis monumentis, Martinus Zuria auunculo B.M. Pos.

## ANAGRAMMA.

MARTINVS AB AZPILCVETA.  
BEATVS IN CAELVM ASPIRAT.

IN-

INSCRIPTIO TEMPLI SOCIETATIS  
IESV.

ALEXANDER FARNESIVS Card. S. R. E. Vicecancellarius, Pauli III. Pont. Max. nepos, cuius auctoritate SOC. IESV recepta primùm fuit, & decretis amplissimis ornata, Templum hoc suæ monumentum & religionis & perpetuæ in eum ordinem voluntatis funditus extruxit. An. Iubilæi M. D. LXXV.

*In templo ante Aram maximam.*

ALEXANDRI FARNESII CARDINALIS  
S. R. E. VICECANCELL.  
EPISCOPI OSTIENSIS  
HUIUS ECCLESIAE  
FVNDATORIS.

*Hic dum templa Deo ponit FARNESIVS heros,  
Sedem illi æthere aponit in arce Deus.*

D. O. M.

BENCIVS hic situs est Musarum maxima cura,  
Orator, Vates, Rhetor & Historicus.  
MVRETI auditor, tantum quo sapè Magistrum  
Discipulo memorant complacuisse sibi.  
Qui passu propiore Ducis vestigia magni  
Dum sequitur, dedit hos Calliopeia sonos:  
Carminè & Eloquio minor vno hoc BENCIVS esto:  
At reliquis maior BENCIVS esto meus.

Obijt Anno M. D. XCIV.

IN

---

IN S. MARIAE DE PACE,  
ANTE ARAM MAXIMAM.

Perpetuæ Virgini Genitrici Dei MARIAE, salutis Pontificiæ restitutæ auctori INNOCENTIUS VIII. Pont. Max. ex deuotione pos.

---

MARCI MVSURI CRETENSIS.

*MVSURE ô mansure parum, properata tulisti  
Præmia, namq̄ citò tradita, raptà citò.  
Claruit sub Leone X. Pont. Max.*

Antonius Amiternus MARCO MVSURO Creten-  
si, exactæ diligentia Grammatico, & miræ felicitatis Poetæ POS.

*Quæ sola Eloquiū superabat gloria, & illam  
Perdidimus, tecum vixit & interijt.*

PETRI MARSI.

---

IVLII SATVRNI.

*Patris erat quondam spes & solamen IVLV S;  
Nunc desiderium mortuus & lacruma.*

---

IN S. MARIAE DE POPVLO.

IN ARA.

DIVO LAVRENTIO MARTYRI S.

LAVRENTIVS Episcopus Albanens. Card. Beneuentanus, nemors deuotionis affectum præueniret, facellum hoc dicauit, ditauitque.

---

HERMOLAI BARBARI.

*Barbariem HERMOLEOS Latio qui depulit omnem  
BARBARVS hic situs est, viraq̄ lingua gemit.*

[Vrbs



*Vrbs Venetum vitam, Mortem dedit inclyta Roma;  
Non potuit nasci, nobiliusve mori.*

Obijt anno M. CCCC. XCIV.

ALIVD PER IVL. CAES. SCALI-  
GERVM.

*Quid primum, quid postremum, quid deniq, dicam?*

*Quid sileam? en instant cuncta parata simul.*

*Maxima nobilitas, facies diuina, supremum*

*Ingenium, sancta pectora, pura manus.*

*Solum id quod nunquam fuerit, nesciuerat: immo*

*Hoc, at cum causis, non fore sciuit item.*

*Vnicus è cælo cecidit, non tertius astris,*

*Integer vt cecidit, integer astra petit.*

*Heu, heu, cur iuuenem rapuit mors inuida? viuo*

*Principis haud poterat nomine ROMA frui.*

FELIS MORSV MORTVI.

*Hospes disce nouum mortis genus, improba felis*

*Dum trahitur, digitum mordet, & intereo.*

ALIVD INCERTAE POSITIONIS.

*Quem niue nocte peto, nucis hic me stipite cadit,*

*Sic mihi nix, nox, nux, nex fuit ante diem.*

IOAN. CONSTANTINOP.

PROT. APOSTOL.

*Vis tibi post mortem firmas promittere sedes?*

*Ante oculos semper fulmina mortis habe.*

D. O. M.

IOANNI BAPT. PALLAVICINO  
Genuensi

S. R. E. ad titulum S. Apollinaris,  
Card. Cauallicensi,  
Antoniotti Card. S. Praxedis  
ex fratre Nep.

Eximia Iuris scientiâ, & bonarum litterarum  
cognitione præstanti.

Per omnes forensium dignitatum gradus  
ad Cardinalatum euecto.

A Leone X. Hadriano VI. Clemente VII.  
ad summas res adhibito.

In medio honorum cursu  
immatura morte prærepto.

IOAN. BAPT. vtr. sign. refer. &  
BABILANVS PALLAVICINI fratres

Patruo magno  
bene de familia merito  
memoriæ causa PP.

M. D. XCVI.

Vixit ann. XLIV. Obijt anno salutis M. D. XXIV.  
Idib. Augusti.

D. O. M.

IO. HIERONYMO ALBANO Bergomati, Card.  
I. C. generis nobilitate, morum elegantia, vitæ  
splendore, monumentis ingenij doctrinæq; clariss.  
Reipubl. Venetæ Collaterali generali, matrimo-  
nio ac cœlibatu, asperis ac secundis rebus æquè  
probato, Catholicæ religionis egregio dictis fa-  
ctisque assertori ac vindici, ob eas res à PIO V.  
summo Põtifice difficillimis pop. Christiani tem-  
poribus in Collegium Cardinalium adscito, in  
sen-

sententijs dicendis facundia, grauitate, sapientia  
singulari. Extrema iam ætate pijs inter amplexus  
carorum & oscula fenſim extincto,

Io. Dominicus Cæs. Comes parenti opt.  
mer. P. C.

Vixit ann. LXXXIII. Ob. vi. Kal. Maias,  
Anno sal. M. D. XCI.

---

## IBIDEM.

LVDOVICO LVCENAE Hispano, qui præter  
cæteras virtutes, quibus longè alijs excelluit, hanc  
maximam coluit, vt omnibus assiduè beneficeret,  
& neminem ob id sibi deuinctum esse vellet.

---

## IBIDEM.

HORTENSIAE AGAZARIAE MELINAE  
Vxori vnanimi, concordi, dulciss. Petrus Melinus  
coniux desolatiſſimus, mœroris sui monumentum  
POS. Vixit ann. XIX. M. II.

*Méne fugis, nec cara sequor te HORTENSIA? plus te  
Pecco ego. te cogit fatum, ego lege vector.  
Hoc rumpi non posse Dei docuère, sed illam  
Si qua via est, frangi posse docebit Amor.*

---

## IN S. MARIA TRANSPONTINA.

IVLIVS hic tegitur COSSVS Romanus in vrna.  
Cui roseus sacro vertice fulsit apex.  
Quo viuente olim victricis gloria Romæ  
Viuerè visa fuit, quo moriente mori.

---

## IN S. MARIA IN VIA NOVA.

GREGORIO XI. LEMOVICENSI, humanita-  
te & doctrinâ pietateque admirabili, qui vt Italiæ  
sedi-

seditionibus laboranti mederetur, Sedem Pontificiam Auenionem diu translata, diuino afflatus numine, hominumque maximo plausu post ann. Lxx. Romam feliciter reduxit, Pontificatus sui anno VII. S. P. Q. R. tantæ religionis & beneficij non immemor, Gregorio XIII. Pont. Opt. comprobante, anno ab orbe redempto M. D. LXXXIV. POS.

Obijt anno M. CCC. LXXVIII. VI. Kal. Apr. circa secundam noctis horam, Pontif. sui anno VII. M. II. D. XXIX.

---

IN MONASTERIO S. GREGORII  
IN COELIO.

D. O. M.

IOAN. FRANC. POGGIO Florentino, cum Virtute ac Constantia, morum grauitate, vitâ integerrimè actâ, paternâ suaque laude, eloquentiæ ac literarum, Iuris quoque Ciuilis & Pontificij diuinæque scripturæ cumulata doctrina, religiosè viuenti, religiosius supremo die functo, Vincent. Lucæ Martinus fratris eius gener, paren. apud se locû semper adsecuto, opt. mer. POS. Obijt anno Domini M. CCCC. XXII. Die xxv. Iunij. Vixit ann. LXXIX. M. III.

*Olim Pierides, olim Florentia mater*

*Viuentè risit POGGIO.*

*Nunc tumulū hunc adit, & donū pro carmine flores*

*Fert, proq̃, risu lacrymas:*

*Quæ nisi pro vera modò sint Pietate, rogabit*

*Arnus ministret vt suas.*

---

PLACIDI FVSCI MEDICI.

*Post obitum viuo melius, doleoq̃, medendi*



*Artibus extremum sapè fugasse diem.*

Obijt pridie Idus Mart. M. D. LXXIV. Vixit ann.  
LXIV. M. v. D. II.

---

### EDVARDI CARNI.

EDVARDO CARNO BRITANNO I. C. ora-  
tori, summis de rebus Britanię Regum ad Impera-  
torem, ad Reges, bisque ad Romanam & Apostoli-  
cam sedem, quarum in altera legatione à Philippo  
Máriaque pijs Regibus missus, oborto deinde, post  
mortem Marię, in Britannia schismate, sponte pa-  
tria carens ob Catholicam fidem cum magna inte-  
gritatis veręque pietatis existimatione decessit.  
Hoc monumentũ Galfridus Vachanus, & Thomas  
Fremannus amici ex test. Pos. obijt M. D. LXI. 14.  
Cal. Febr.

---

### ANDREAE DE CASTRO.

*Adsit, & legat hac notata vita,  
Trepidet, moneo licet iuuenta:  
Sis forti atque animo potens, eundum est,  
Nec quã, scire licet, viã, venit mors,  
Clamper mille modos; en ipse florens  
Equi calce feri peremptus hic sum.  
Quare viuito iam benè ac paratus.*

ANDREAE DE CASTRO, Iuveni Salmant. &  
quidem frugi fatorũ inuidia ac spe crescente ere-  
pto, Christophorus de Castro auunculus paterna  
pietate posuit. Vixit ann. xxvi. obijt xxvi. Ianuar.  
anno M. D. XXX.

---

### ROBERTI PECHAMI.

ROBERTO PECHAMO Anglo, equiti aurato,  
D Philip-

Philippo & Marię Anglię & Hispan. Regibus olim à Confilijs, genere, religione, virtute præclaro; qui cum patriam suã à fide Catholica deficiẽtem aspiciere sine summo dolore non posset, relictis omnibus, quę in vita carissima esse solent, in voluntariũ profectus exilium, post sex annos pauperibus (res rari exempli) hæredibus ex testamento institutis, sanctissimẽ è vita migravit, Id. Septẽb. M. D. LXIX. ætatis suę LIV. Thomas Goldoueldus Episc. Afa- uens. & Thomas Kirtonus Angli testamenti Procuratores POSS.

---

STATII TVMVLVS.

*STATIVS hic situs est, iuuenẽ quem Cypris ademit,  
Praconem AENEAE carmine quod premeret.*

STATIO StatI fil. dulcifs. Christophora Mater  
pientifs. POS. Vixit annos XXXIII.

---

IN TEMPLO APOSTOLORVM.

BESSARIO Episcopus Tusculanus S. R. E. Card.  
Patriarcha Constantinopolitanus, Nobili Græcia.  
ortus oriundusque sibi viuus POS. Anno salut. M.  
CCCC. LXVI. ætatis LXXVII.

Τῆς ἐπιβροσάριων ζῶν ἀύωσα Ἐμάλι σῆμα,  
Πνεῦμα ᾧ φευξῆται πρὸς θεὸν ἀθάνατον.

Quod distichon Maioranus Salentinus ita vertit  
*Bessarion feci hunc tumulum, qui conderet ossa,  
Venerat vnde olim spiritus, astra petet.*

---

M. ANTONII COLUMNÆ PAREN-  
TES POSVERVNT.

*Si spectas annos; bimum luxere parentes;  
Si mentem, iste senex nascitur, & moritur.*

IN S. CHRYSOGONI TRANS-  
TYBERIM.

HIERONYMO ALEANDRO Mottenſi, è  
comitibus Landri in Carnia, Petræ Pilofæ in Hi-  
ſtria oriundo T. T. S. CHRYSOGONI S. R. E.  
Presb. Card. Brundufino, Philoſophiæ & Theolo-  
giæ Doctori, Hebraicæ, Græcæ, Latinæ, aliquotque  
aliarum linguarum exoticarum, ita exactè docto,  
vt eas rectè & aptè loqueretur & ſcriberet, mox  
diuerſis legationibus pro Summis Pont. ad omnes  
ferè Chriſtianos Principes fideliter & diligenter  
perfuncto, & idè in tabem delapſo, quanti huma-  
nam miſeriam fecerit, ſequenti diſticho, de ſe edi-  
to, teſtatum poſteris reliquit:

Κάρθαιον οὐκ ἀέκων ὄλε παύθμαι ὄν ἐπιμάστως  
Πολλῶν, ὄν περὶ δέειν ἀλγιον ἦν θανατῶ.

Quod eſt:

*Exceſſi è vitæ erumnis facilisq̄, lubensq̄,  
Ne peiora ipſa morte dehinc videam.*

Natus eſt Mottæ in Carnia Anno M. CCCC.  
LXXIX. Moritur Romæ, Anno Chriſt. ſalut. M. D.  
XLII. ætatis ſuæ LXII. minus diebus XIII. Hære-  
des patruo ampliffimo & opt. moeſtiffimi P. C.

*Non tibi pro tumulo hoc, quātumuis nobile marmor*

*Ponimus: hoc cineres, aridaq̄, oſſa tegat.*

*Non longos titulos, ſubiectos caſibus ipſos,*

*Et quibus eras, ipſe ſuperſtes eris:*

*Sed totam Europam, quā docto in nomine, oberras,*

*Quæq̄, tuas laudes vix ALEANDRE capit.*

LATOMYS POS.

GVIDONIS PISANI.

Sedis Apoſtolica GVIDO Cancellarius ipſe,

D 2

Quam

*Quam nihil est mundi gloria, morte probat.  
 Pisa virum peperit, quem donat Roma sepulcro,  
 Vix paritur a parem, vix fruitura pari.  
 Huic sine nocte diem, vitam sine morte, quietem  
 Det sine fine, dies, vita, quiesq̄, Deus.*

AD S. MARIAE DE CLEMENTIA,  
 TRANSTIBERINAE REGIONIS.

D. O. M.

ROBERTO ex vetustissima familia  
 Comitum de ALTAEMPS  
 Galesij Duci,

A SIXTO V. Pontif. Max. Prætorianis & Urbis  
 Leoninæ & Piæ, inde apud Auenionem & Comita-  
 tum Venaisinum militaribus copijs præposi-  
 to, in ipso virtutis conatu & honorum  
 cursu immaturè extincto,

CORNELIA VRSINA Virginij F. coniugi  
 clarissimo mœstissima posuit.

Vixit ann. xx. M. VI. D. XIV.

Obijt III. Non. Nouemb. M. D. LXXXVI.

*Trans Tiberim tumulata iacent delata Faliscis  
 ROBERTI inuicti marmore membra Ducis.  
 Quisquis ades, lymphasq̄, sacras, lacrumasq̄, tepete  
 Sparge, & odoratis floribus ossa tege.  
 Ille celer claras superum properauit ad arces,  
 Scilicet humanas aethere videt opes.*

IN S. ONOPHRII.

D. O. M.

TORQVATI TASSI ossa hiciacent. Hoc ne  
 nescius



nescius esses hospes, Fratres huius Ecclesiæ PP.  
M. D. CI. Obijt anno M. D. XCV.

---

D. O. M.

PHILIPPO SEGAE Bononiensi

S. R. E. Presbytero Card.

Placentino,

amplissimis sedis Apostolicæ muneribus triginta

amplius annos in omnibus ferè Christiani

orbis partibus egregiè functo,

ab Innocentio IX. in Collegium Cardd.

cooptato;

Gallica demum legatione sub Clement. VIII. tur-

bulentis. regni temporibus peracta, illustrem

diu spectatæ prudentiæ & probitatis

laudem adepto;

in Catholica religione Pontificiaque digni-

tate propugnanda acerrimo,

Hieronymus Agucchius vtriusque sig. Refer.

ex testam. hæres auunculo opt. P. C.

Obijt die xxix. Maij. CIO. IO. XCVI.

Vixit annos LVIII. M. IX. D. VIII.]

---

D. O. M.

RAPHAELI SANCTIO IO. F. vrbinati picto-

ri eminentissimo, veterumque æmulo, cuius spi-

rantes propè imagines si contemplere, naturæ atq;

artis foedus facile inspexeris. I V L I I I I. & L E O -

N I S X. P P. M M. picturæ & architecturæ operi-

bus gloriam auxit. Vixit annos triginta septem in-

tegrè integros, quo die natus est, eo esse desijt, VIII.

Id. April. Anno M. D. XX.

*Ille hic est RAPHAEL, timuit quo sospite vinci*

*Rerum magna parens, & moriente mori.*

IN S. MARIAE ROTVNDÆ, OLIM  
PANTHEON.

THADÆI SVCCARI Pictoris, Raphaelis Vr-  
binatis in arte æmuli.

*Magna quod in magno timuit Raphaele, per aequè  
THADÆO in magno pertimuit genitrix.*

PERINI BONA CVRTII FLO-  
RENTINI.

*Certantem cum te secum natura videret,  
Irata, in tenebras misit, & ad tumulum.  
At tumulus si te tegit, & PERINE tenebræ,  
Et tenebræ, & tumulus non tua facta tegunt.*

IN S. MARIAE IN VIA LATA,  
CYNTHIAE SEMPER VIVAE.

*Assyrios tumulus non hic sibi poscit odores,  
Florida non multo pressa canistra croco:  
Ipsa etenim raros spirant hæc ossa liquores,  
Vrnaq; perpetuo vere beata nitet.  
Fleuit Amor, mœsta Charites, & CYNTHIA fleuit,  
Pulcra Venus molles subsecuitq; comas.  
Vixit ann. xxii. obiit v. Dec. M. D. XL.*

GEORGII TRAPEZVNTII.

*Hac vrna TRAPEZVNTII quiescunt  
GEORGII ossa, parum Deis amici,  
Quod acri & nimium procace lingua  
Platonem superis parem petiuit.*

Claruit anno M. CCCC. xxxv. Obijt fenex  
decrepatus & quasi repuerascens.

---

 IN S. LAVRENT. IN PANISPERNA.

D. O. M.

GVILIELMO SIRLETO Card. Stili in Calabria nato, huius Ecclesiæ Presby. sedis Apostolicæ Bibliothecario, Hebraicæ, Græcæ, Latinæque linguæ peritiss. humanarum diuinarumque disciplinarum sciëntia claro, eruditorum & pauperum patrono ac parenti beneficentiss. ob probitatem eius pietatemque singularem à Pio III. Pont. Max. sacro instante collegio Cardinali creato. Vixit annos LXXI. Obijt anno CIO. IO. LXXXV.

---

 IN S. LAVRENT. IN DAMASO.

D. IMM. S. PIETATI ET MEMORIAE IVLII SADOLETI Sacerdotis Laurentiniani de collegio Canonorum, Græcis & Latinis litteris singulariter eruditi, omnibus optimis & disciplinis & moribus ita ornati, vt eius ingenium, comitatem, liberalitatem, & ante annos prudentiam nulla fatis æquare possit admiratio, Iacobus Sadoletus Fratri concordissimo, & spe de eo maxima orbat, multis cum lacrymis posuit.

Vixit annos XXVI.

---

 D. O. M.

ANNIBALI CARO Equiti Hierosolymitano, omnis liberalis doctrinæ, Poeticæ imprimis Oratoricæque facultatis præstantia excellentiss. Petro Aloysio Parmensium Duci, & Alexandro Card. Farnesij, ob spectatam in Consilijs dandis fidem, atque prudentiam, suis verò alijsque omnibus ob singularem

Iarem probitatem atque beneficentiam cariss. Vixit annos LIX. M. V. D. II.

---

IBIDEM.

HIERONYMO FERRARIO Corrigiēsi, (quem in ipso ætatis flore ex oculis hominum non ex memoria mors eripuit) amici & familiares in acerbo officio diligentes, hoc monumentum pro munere extremo cum lacrumis POSS. Vixit an. XLI. Obijt III. Kal. Octob. ann. salutis M. D. XLII.

---

IN LAVRENTIANO TEMPLO OLIM  
LVCINAE DICATO.

*Comensis CASANOVA, dum priores  
Et Duces canit, & canit Poetas,  
Pracurtis epigrammatis perennem,  
Ac longam sibi gloriam parauit.*

Obijt anno Christiano M. D. XXVII.

BLOSIVS PALLADIVS sodalis POS.

---

IN S. SALVATORIS IN REGVLA.

*Robertus iacet hic Vrsina gloria Gentis,  
Roboris inuicti, militiaeque decus.  
Da lacrymas, legis hac quicumque viriliter, illi  
Non licuit tanto quod cecidisse viro.  
Nam non pugnando iugulauit Martius ardor  
Heroem, in medijs millibus, inque acie.  
Degenerisfr aude est sed circumuentus ab hoste,  
Pro facinus! media fossus in vrbe perit.  
Cui tumulum hunc vxor posuit maestissima, saltem  
Leniat vt casus hac pietate suos.*

D. O. M.



D. O. M.

ANNAE DE SPINA, humani diuiniq̄ue iuris  
 supra foeminam viresq̄ue ætatis consultissimæ,  
 quæ tertia huius memoriæ Corinna. Vixit annos  
 xv. Pientis. Pater Hugo ad iucundissimam filiam  
 noctes diesq̄ue suspirans commune hoc monu-  
 mentum, quod generosi Ser. seq. bene mer. Pos.  
 Anno salutis M. D.

IOANNIS MARIÏ CATANAEI.

*Vide viator, quanta iactura occulti  
 Effet sepulcri, n̄ ingen̄i sui claris  
 Perennioribusq̄ue monumentis tectus  
 Adhuc vbique viueret CATANAEVS.*

Obijt anno M. D. xxx.

IN S. TRINITATIS IN COLLB  
HORTVLORVM.

FRANCISCO FRANCHINO Consentino,  
 Massæ Populoniæ Episcopo, prudenti acriq̄ue vi-  
 ro atque venusto Poetæ, qui Phœbi Martisq̄ue ca-  
 stra secutus,

*Rettulit ad patrios bina trophaalares.*MARCI ANTONII MVRETI  
TVMVLVS.

*Hic MARCI caros cineres ROMA inclyta seruat,  
 Quos patria optasset Gallia habere sinu.  
 Stat colle Hortorum tumulus, stat proximus astris,  
 Qua propius puro contigit ille animo.  
 Tu sacros latices lacrumans asperge, Viator,  
 Et dic: Heu lingua hic fulmina fracta iacent.*

POS. IVLIVS ROSCIVS.

D 5

M. AN-

M. ANTONIVS MVRETVS LEMOVIÆ

ad Dei misericordiam obtinendam,  
piorum precibus adiuuari cupiens,  
corpus suum post mortem hoc loco  
sepeliri iussit.

Adtributis mille scutatis huius  
Monasterij Sodalibus, impositoque onere  
perpetui anniuersarij.

NICOLAVS DE PELLEVE Card. Senonen.

Testam. execut. poni mand.

Vixit ann. LIX. M. II. obiit prid. non Iun. CIO.  
IO. LXXXV.

M. ANT. MVRETO MAGNI HVIVS

MVRETI fratris fil. ætate quidem  
nominis celebrit. minori, spe autem  
& expectatione prope pari  
immatura morte prærepto,

Ludouicus Rualdus Lemouix, & M. Ant. Lanfran-  
cus Veron. eius testamento ad pias causas  
facto scripti executores Poss.

Vixit Ann. XVI. mens. v. obiit pridie nonas  
Octob. CIO. IO. LXXXVI.

IN S. IACOBI.

IN CIRCO FLAMINIO, HISPANORVM.

D. O. M.

PETRO CIACONIO Presbytero Toletano,  
in quo multiplicis doctrinæ copia, cum vitæ ac-  
morum integritate certabat, qui à Gregor. XIII.  
Pontif. Max. Sanctorum Patrum libris, sacrisque  
Canonibus & sacrosanctis Biblijs perpurgandis  
præpositus, in eo munere obeundo, eruditione,  
iudicio, fide ac diligentia præstitit: Ecclesia S. Ia-  
cobi

cobi Hispanorum, qui urbem colunt, hæres ab eo instituta, monumentum hoc Poss. Vixit ann. LVI. Obijt anno M. D. LXXXI. VII. Cal. Nouemb.

## CATHARINAE LANGERIN.

*Inualidos ager dum vult curare parentes,*

*Fata recidiuis implicuere malis.*

*Tum magno enixam Lucina dolore coëgit*

*Atram Persephones dira subire domum.*

*O pietas! ô dij! Crudeli sorte licebat*

*Vivere, sed præstat cum pietate mori.*

CATHARINAE LANGERIN, Coniugi suæ uissimæ, elegantia formæ perpaucis, moribus verò atque viuendi consuetudine nulli foëminarum comparandæ, quam concordia mariti, fortunæ bonis, liberisque fortunatâ dixisses. Sed ea omnia, ne quid humani non fluxum caducumque existimes, mors importuna inopinanti ante tempus eripuit. Moritur anno ætatis suæ XXVII. à salut. Christiana M. CCCC. XCV. Prid. Calend. Ianuar. Ioan. Langer maritus, & Ioan. Engel. genitor eius, h o monumentum contra vota statuerunt.

## DIDACI DE VALDEZ.

*Certa dies nulli est, mors certa, incerta sequentum*

*Cura, locet tumulum, qui sapit, ante sibi.*

Vixit ann. propè LX. obijt XXVII. Decemb. M. D.

VI. Religio socia vitæ fuit, & pietas mortis comes.

## IN S. SABINAE.

D. O. M.

PETRI BERTANI Mutinensis Card. corpus  
hic

hic situm est, qui quum adolescens in D. Dominici  
 familiam nomen dedisset, doctrinæ & virtutis er-  
 gò factus est Episcopus Fanensis, tum à Paulo III.  
 Nuncius missus ad Carolum V. duobus memoriæ  
 nostræ prudentis. Principibus incredibiliter fa-  
 tisfecit, A. IVLIO III. in Cardinalium numerum  
 adlectus, sub Paulo IIII. mortalitatem cum im-  
 mortalitate commutavit. Bene precare, quisquis  
 es, ita tibi quoque alij bene precentur. Vixit ann.  
 LVI. M. IIII. D. IIII. Obijt anno sal. M. D.  
 LVIII.

GVRONIVS frater fratri vita cariori Pos.

IN D. IOANNIS EVANGELISTAE  
 ANTE PORTAM LATINAM, OLIM  
*Diana in Calio.*

IOANNI BAPTISTAE FLORENTIOLO  
 puerorum fosculo.

*Ne dulces ferres fructus, mellite IOANNES,  
 Decussit flores mors inimica tuos.*

Vixit ann. VI. obijt x. Cal. Iulij M. D. LXXIII.

Simon & Ludouicus Florentini Ciues  
 Parentes mœstis. amoribus & deli-  
 tijs suis PP.

IN S. PVDENTIANAE.

HENRICVS CAIETANVS

Tituli S. Pudentianæ Presb. Card. S.R.E. Camera-  
 rius, Legatus Apostolicus.

primùm Bononiæ, secundo in Gallia in obsid. Pa-  
 risiensi, tertium in Polonia contra Turcas,

Sanctæ huius Ecclesiæ & sacelli à fundamentis in-  
 staurator hic requiescit.

Vir



Vir pietate, candore,  
 magnitudine & fortitudine animi memorabilis,  
 Ecclesiæ inferuiuit summâ domi forisq̄ auctori-  
 tate, & apud omnes ordines gratiâ.

Obijt annum agens L. An. Dom. M. D. IC. Idib.  
 Decemb.

IN HOSPITALI S. MARIAE DE  
 CONSOLATIONE.

SCELETOS VIATORI.

*Carnibus orba suis cur sint hac, forte requiris  
 Iuncta tamen iusto corporis ossa situ?*

*Sic mandata dedi viuens Antonia quondam,  
 Et moriens eadem iussa suprema dedi.*

*Vt SCELETO S fierem medici quo discere possent,  
 Quanta forent, quod, quo, qualibet ossa loco.*

*Quod iussi, fecit Gisbertus Gratia magna,  
 Hinc mane at, satis est lux mihi perpetua.*

IBIDEM.

Quod hoc vides, amice, corpus sine corpore, ne  
 stupeas, aut damnes quisquis es. Testamento sic  
 ipsa caui, vt hoc, quod cernis, fierem, philosophis  
 ac medicis sacrum. Horum si es de numero; sacro  
 legato vtitor. Sin prophanus, indoctus; hinc ocy-  
 us abscedito.

IN S. MARIAE AVENTINAE OLIM  
 BONAE DEAE.

*Immitis ferro secuit mea colla maritus,  
 Dum propero niuei soluere vincla pedis.*

*Non culpâ meruisse necem, pia numina testor,  
Sed iaceo fati sorte perempta mei.  
Discite ab exemplo Christiana, discite patres,  
Ne nubat fatuo filia vestra viro.*

---

IN SALVATORIS DE LAVRO  
CADAVER.

*Prius sperma foetidum.  
Vixi domus stercorum,  
Denatus esca vermium,  
Speculum peregrinationis humanae.*

---

IBIDEM.

*Hic iacet exiguâ LAETVS POMPONIVS vrna,  
Cuius honos meritò pulsât vtrumque polum.  
Latus erat Roma Vates sublimis, & idem  
Rhetor, nunc campis latior Elysiis.*

DOMITIVS PALLADIVS POS.

---

IN PVBLICA HOSPITALI DOMO  
EPITAPH. I. C. ET ARTIVM  
Doct. Germani.

*Hic iacet IODOCVS, qui fuit Roma coquus,  
Doctor in partibus, magister in artibus.  
De gratia speciali, mortuus in hospitali.*

---

EXTRA FLAMINIAM IN VINEA  
IVLII III.

DEO, ET LOCI DOMINIS  
VOLENTIBVS.

Hoc in suburbano omnium, si non quot in or-  
bis, at quot in vrbis sunt ambitu pulcherrimo ad  
hone-

honestam potissimè voluptatem facto: honestè voluptuarier cunctis fas honestis esto. Sed ne forè quis gratis ingratus sciet; iussa hæc ante omnia omnes capeffunto. Quò vis quisque ambulanto; vbi vis quiescunto; verùm hoc citra somnum; circum septa illud. Passim quidlibet lustranto; ast ne hilum quidem vsquam attingunto: qui secus faxint, quidquamve clepserint, aut rapserint, non iam vt honesti moribus, sed vt furtis onusti in crucem pessumam arcentor. Ollis verò, qui florum, frondium, pomorum, olerum aliquid petierint; villici, pro anni tempore, pro rerum copia, & inopia, proque merito cuiusque largiuntor. Aquam hanc, quòd virgo est, ne temeranto; fistimque fistulis, non flumine; poculis, non osculo, aut volis extinguunto. Piscium lusu oblectantor, cantu auium mulcentor; at ne quem interturbent, interim cauento. Signa, statuas, lapides, picturas, & cætera, totius operis miracula, quamdiu lubet, obtuentor. Dum ne nimio stupore in ea vortantor. Si cui quid tamè haud ita mirum videbitur; eorum causa, quæ nemo mirari sat quiuit, æquo potius silencio, quàm sermonibus iniquis, præterito. Dehinc proxumo in templo DEO ac Diuo Andreæ gratias agunto: vitamque & salutem IULIO III. Pontif. Max. Balduino eius fratri, & eorum familiæ vniuersæ plurimam & æuiternam precantor. Huic autem suburbano speciem atque amplitudinem pulcriorem indies maioremque, ac in eo quicquid inest felix faustumque perpetuum optanto.

Hiscè actis valento, & salui abeunto.

## VILLAE IVLIAE EPIGRAPHE.

IVLII III. PONT. MAX. auspicio, Balduinus eius frater, hoc suburbanum propè Flaminiam ab Antonio patruo Cardinale, olim animi causa comparatū: sylvis, hortis, vinetisque contiguus, & quibusvis plantarum generibus numero penè infinito à se auctum: nouoque ac politiore cultu, nullo non loco directum atque illustratum: aqua virgine, & fontibus saluberrimis, & latebris terræ inaccessis, non minus ad commune omnium, quàm ad priuatum commodum eductis: vndique irriguum factum salientibus, piscina, auuario, atque hoc quasi Theatro, admirabili picturarum, statuarum, emblematum splendore constructis. temploque imprimis DEO Opt. Max. ac Diuo Andree ab ipso IVLIO Pont. erecto atque dicato: sibi, Innocentio Cardinali, & Fabiano Comiti, filijs & eorum posteris, in ampliorem & auctiorem formam redegit. Prædium autem hoc ipsum, ac quidquid vsquam in eo ortum, cultum, structum, ampliatur, ornatum, vel in præsentem est, vel erit in posterum: siue totum, siue aliqua ex parte, cuiusque modi, & quantula ea cunque fuerit: præter ipsos fructus: vti nullo prorsus pretio, nullo pacto, nullo iure, cuiquàm vnquam alicui vendi, obligari, donari, aliove quouis modo alienari possit testamento in perpetuum ab eodem Balduino omnibus est interdictum. Ne de nomine exeat familiæ suæ.

## LEGES CONVIVALES.

•BONO GENIO, GRATIIS, HILARITATIQUE.

•Qui hæc læta propitiaque vitæ humanæ numina co-



na colant venerenturque, stasisque item solennibus hinc sacra faciant, sodales, viri probi, atque elegantes duodecim eleguntor: singulis fascia candida esto, cui hoc symbolum aureis litteris intextum fiet, BONVS GENIVS, LIBERTATIS FILIVS.

Horum ritè electorum sacrum collegium esto, appellantorque LIBERI GENIALES. His potestas fiet collegij supplendi augendi que: nec lectissimæ foeminæ repudiantor.

Eruditi, hilares, honesti, faciles adsciscuntor, quisquis idiota, tristis, inurbanus, durus; procul esto.

Cumque indictum coactumque sit liberorum collegium; iocis, risu, salibus, cantu, saltatione, festa que hilaritate & honesta libertate sacra celebrantor.

Omnis calamitatum memoria, miserorum curæ, ægrorum dolores, rixæ Lapitharum, contentiones amarulentæ; dira fatalis horæ præsensio, & cladium futurarum mala omnia, prodigia que & portenta procul suntor.

Vnus amatorijs litibus, querelis, atque suspirijs liber locus sit. lugere, lamentari, referre amoris incommoda, ab ingenio que sodalium opem implorare, cuique ius esto.

Epulæ non ferculorum copia, varietate que, sed obsoniorum bellariorum que delectu exquisito, & ciuili semper sumtu parantor.

Pueri Baccho, mensæ que præpositi, in verrendo; refrigerando que solo, locis ad vmbra exquirendis diligentes suntor. mappæ candidæ, mantilia turbinatim scitè complicata, virentibus folijs, & floribus consperguntor. Obsona-

tor peritus gulæ, cocus industria insignis, structor expeditus, lagenarum præfectus non infulsè bibax, ministri à dapibus oculati, celeres, muti; à poculis autem auriti, honesti & elegantes sunt.

Argentum, stannum, fictilia, egregiè terfa apponuntur; calices, variâque pocula, splendida, rorantiaque adferuntur; vina puris fontibus, & puteis refrigerantur. Glacies autem, & Alpinae niues, diri salutis hostes, non accersuntur.

In discubitu ætati honos esto: matronis castis, si adsint, aut elegantibus puellis, si quis adduxerit, iuxta quem volent, discumbendi potestas esto.

Coronati omnes, uti quisque volet, rosa, floribus, myrto, hedera, lauro, iucundissimè epulantur.

Moderatis poculis sodales prouocare fas esto. certamina autem ad æquales haustus interdicta sunt.

Singulo quoque epulo singuli ex collegio descripti annulos in urnam deponunt. Pueri manu sorte annulus vnus tollatur: is cuius fuerit, sequentis symposij princeps esto. Ei autem cum placuerit, & quando voluerit, epuli sumtum, diem, locum, apparatus indicere fas fiet. Qui non paruerit, ut prophanus è collegio excluditor.

Sodalibus ius sit, umbram ducere, quam quisque volet, neque eam, siue sit morio frigidus, vel ineptus scurra, vel poeta insulsus, arcere ius esto.

Qui sanctis purisque legibus contra ierit, duplicis epuli poena multator.

Potestas

Potestas autem libera sit declamandi, disputandi de toto liberalium artium negotio, & earum præsertim litterarum, quæ vno humanarum nomine continentur. Remotis mensis, ablegataque extrorsum familia, symposij princeps quæstionem sodalium censuræ definiendam proponito: respondentes confessus ordine subsequuntor. Inprimis de superis loqui, & de exquisita Christianæ fidei ratione differere, potis & saturis nefas esto: cum id ad ieiunos & sobrios religiosè pertineat.

De munere verò militari, de prouocatorijs legibus ad singulare certamen, de statu actioneque veræ nobilitatis, de officio viri elegantis, de præscripto iure libertatis matronarum & viduarum, de zelotypia, amatorijsque obsequijs certa ratione terminandis: postremò de præstantia civilis cultus, & ratione domesticæ disciplinæ, & de finibus urbanæ voluptatis, differere fas esto.

---

ANTE D. PAVLI VIA OSTIENSI,  
AD PORTAM, QUAE ANNO IVBI-  
LÆO aperitur.

*Præterit ut ventus princeps seu rex opulentus,  
Et nos, ut fumus, puluis & umbra sumus.  
Tot tantisque bonus pollens Petrus ecce Leonis,  
Respice quàm modico nunc tegitur tumulo.  
Vir fuit immensus, quem proles, gloria, census  
Sustulit in vita, non sit ut alter ita.  
Legum seruator, patriæ decus, vrbis amator  
Exstruxit celsis turribus astra poli.*

*Omnia præclara mors obtenebrauit amara;  
 Nominis ergo DEI gratia parcat ei.  
 Iunius in mundo fulgebat sole secundo,  
 Separat hunc nobis cum polus atque lapis.*

---

EPITAPHIA CANVM INCERTAE  
 POSITIONIS.

I.

*Quod potui, posui tibi fida catella sepulcrum:  
 Digna magis cali munere, quam tumuli.*

---

II.

*Candenti è lapide hac tibi conuenit urna, fuisti  
 Candida tota pilo, candida tota fide.  
 Si calum, vt quondam, canibus patet, haud tua terras  
 Incendet, sed ver stella perenne dabit.*

---

III.

TITAE CATELLAE BLANDISSIMAE  
 ANTONIVS THEOBALDAEVS.

Longo ac fido amore probatus Domino, senio  
 confectus, seruata stirpe hic iaceo. hoc me honore  
 sepulcri herus dignatus est.

---

III.

VALENTI TIGRIDIS F. CANI  
 GENEROSISSIMAE.

*Quæ cum virtutis, fidei & pernicitatis suæ  
 famam, nouo sed illustri s. Domi-  
 no probare nititur,  
 primaque immisione leporem anum exire  
 impressiones doctam,*

arden-



ardentius quàm cautius supplantat, præcipi-  
 ti casu cespitans gulam sibi fregit,  
 Inque ipsa victoria, prædæ suæ superincumbens  
 expiranti,  
 gloriosè expiravit gaudens;  
 præter hoc unum quod non oculis Domini,  
 cui militabat, sic cecidisset.

## V.

## EPITAPHIVM CATELLAE.

CATELLA VIOLA Lucinam infeliciter ex-  
 perta, hîc sita sum: Hoc lusus, hoc fides meruit mo-  
 numentum. Quid mirare? Fides ipsa canes cæli in-  
 colas facit.

## VI.

PETRVS BEMBUS BEMBINO  
 CATELLO POS.

*Nil tibi non Dominus tribuit, BEMBINE catelle,  
 A quo nomen habes, & tumulum & lacrimas.*

## VII.

## TVMVLVS SAPHYRI CATELLI.

HECATAE SACR.

SAPHYRVS DOMO BATAVVS  
 DELICIVM LIPSI, DECVS CANVM,  
 INGENIO, LEPORE, FORMA,

H. S. E.

TRISTI FATO EREPTVS,  
 ET FERVENTIBVS AQVIS MERSVS,  
 CVM VIXISSET LVSTRA PLUS TRIA.

O HERI DOLOR!

E 3

TVMV,

TVVM, LECTOR, ADDE  
 QVISQVIS LIPSIVM AMAS, IMO  
 QVISQVIS ELEGANTIAM AVT LEPOREM  
 AMAS,  
 QVORVM ISTE THESA VRVS ERAT.  
 ABI, FLORES SPARGE,  
 SI NON LACRYMAS.

PLANGEBAT ET PANGEBAT,  
 I. LIPSIVS OLIM, HEV, DOMINVS.  
 V. KAL. SEPTEMB. CIO. IO. CI.

Plura quare inter Louanienfia.

---

EPITAPHIVM MVSCAE.

*Gustatrix iacet hic lautorum MVSCA ciborum,  
 Et conuiuia frequens Principis in tabula.  
 Non volucris rostro, stimulis nec araneæ ad uncis,  
 Cretica sed gustans pocula pota cadit.  
 Nil opus est luctu: quis enim tam nobile fatum  
 Lugeat? est auro condita, mersa mero.*

---

EPITAPHIVM MVLAE.

DIS PEDIBVS SAXVM.

CHIVCHIAE dorfiferæ, & cluniferæ ac pef-  
 fuetæ, & mansuetæ, cuius vt insulturâ defulturæ  
 commodetur, PVB. CRASSVS Mulæ suæ Crassæ  
 beneficiæ suppedaneum hoc cum risu POS.

Vexit ann. III. mens. XV. dies & noctes 2½.

---

TYBVRI IN PORTA.


*Grata bonis, iniussa malis, inimica superbis  
 Sum tibi TYBVR: enim sic PIVS instituit.*

## IBIDEM.

*Nunquam stygias fertur ad vndas, inclyta virtus.  
Iter ad superos gloria pandit.*

## VITVLI ET ASELLAE.

*MVRENA VITVLVS, atque ASELLA coniuges  
Quòd morte praeventi, nec illa mula, Bos  
Nec ille quiuit emori, hoc amici de suis  
Donis sibi sumpsère, quod vides soli.*



## NEAPOLITANA.

IN NEAPOLIN IVL. CAES.

SCALIGER.

**P**Arthenope varij statuit discrimina mundi:  
*Quae tria diuerso tempore secla dedit.  
 Aurea Pythagoras communis commoda vita,  
 Et docuit Sophiae Gracia magna procos.  
 Altera succedens studiorum mollior etas,  
 Admisit Musas debiliore sono.  
 Tertia vulnifici quaesuit praemia ferri:  
 atque equitum potuit sola tenere decus.  
 Sic ex priuatâ & seruâ Regina super sum;  
 Roma, quod est, fuerã: quae modò sum, quod eras.*

IN AVLA MAGNA AD IMAGINEM

IVSTITIAE CAECAE, DEXTRA GLA-

dium, sinistra stateram tenentis.

Cum aeterni tribunal Iudicis illum reum non habeat, quem iniuste reus condemnat; testante Propheta, nec damnabit illum, cum iudicabitur ei: Caueant Iudices, & pruden-

ter attendant, vt in caussarum processibus, nil vindicet odium, vel fauor vsurpet. Timor exulet, & præmium, aut expectatio præmij Iustitiam non euertat: sed stateram gestent in manibus, lances appendant æquo libramine; vt in omnibus, quæ in caussis agenda fuerint, præsertim in concipiendis sententijs, & ferendis, præ oculis habeant solum Deum, qui sit laudabilis & gloriosus per infinita secula seculorum.

---

AD INSIGNIA CAROLI  
V. IMP.

CAROLO V. CAES. Augusto inuictis. imperante, Petrus Toledus Marchio Villæ Franchæ, huius Regni Prorex, Iuris vindex sanctissimus, post fugatos Turcas, arcem in Curiam redactam Iustitiæ dedicauit, conciliaque omnia hoc in loco, cum magno totius Regni commodo constituit, Anno à partu virgineo M. D. XL.

---

LAPIDIS CESSIONIS BONORVM  
INSCRIPTIO.

D. PETRVS DE TOLEDO Marchio Villæ Franchæ Cæsar. & Cath. M. in præsentis regni Vicerex, locum-tenens, generalis Capitaneus, Princeps iustis. Excellenti milite, V. I. D. Ferdinando Figueroa, Patritio Hispano regente, magnam Curiam Vicariæ curante, ad illor. morem abolendum, qui clam, nemine spectante, bonis cedebant, hunc locum erigendum mandauit, vt, qui eo post-hac beneficio vti volent, sæpius heic iterato spectaculo, id commodum magno cum opprobrio compensent. M. D. LIII.



## PHILIPPO REGNANTE.

D. IOANNES ZVNIGA Prorex, vt affecti morbo custodia non commodiori modò, sed amoeniori etiam loco curétur, valetudinarium, quod multi antè Proreges destinàrant, efflagitatum assiduis precibus, præfecto que operi Cl. Equite IOANNE NICOLAO MINATVLO feliciter extruxit, quo tempore PHILIPPVS Rex Catholicus, & idem Dominus noster, deuictos bello Lusitanos in suam ditionem redegit. Anno M. D. LXXX.

## IN TEMPO ARCIS SVpra

D. MARTINVM.

*Hic à TOLEDO cognomine PETRV S humatus,  
Qui vita & studijs clarus & ingenio.*

*Seruanda huic primùm quem Rex præfecerat arci,  
Vt munita foret rupibus, arte fide.*

*Seruata hac annos ter senos. nomen & ossa  
Huius perpetuò seruet & omne decus.*

Vixit ann. LXI. Obijt M. D. LVIII.

D. Sophia Nagorim Vxor POS. vt vir iusserat.

## IN AEDE CATHEDRALI S. IANVARII.

FRANCISCO VOPISCO vita functo octogenario, anno Salutis M. D.

*si dolor est, cui carus obit, virq; optimus idem,*

*Omnibus & qui plus millibus vnus amet.*

*s meus est, mihi dum genitor dulcissimus, eheu!*

*Antiqua exemplar simplicitatis obit.*

*Eternum cineres patris (heu) manesq; valete.*

*Linquor ego: vobis parta quies stabilis.*

## IN EODEM LOCO.

VICTORIAE CAPICIAE, Vxori integerrimæ. Ne, quos singularis amor & mirabilis concordia coniunxit, vel mors ipsa diuideret tumulo hic coniugis cineres expectant viri. Iulius Cæsar Scorditus POS.

## IBIDEM.

## MATTHAEI CARACCIOLI.

D. MATTHAEVS CARACCIOLVS Protonotarius sanctitatis Domini Papæ, qui obiit anno Domini M. CCC. XIV. D. XXVI. Maij, XII. Indictione.

*Qui iacet hoc tumulo Paradisi luce fruatur,  
Sitq; tibi requies, & sine nocte dies.*

## IBIDEM.

## IN AEDE S. DOMINICI.

## EPITAPHIA REGVM ARRAGONIAE.

*Inclytus ALFONSVS, qui Regibus ortus Hiberiæ,  
Hic Regnum Ausonia primus adeptus, adest.*

Obijt M. CCCC. XCIII.

*FERRANDVS Senior, qui condidit aurea secula  
Hic felix Italûm viuit in ore virûm.*

Obijt M. CCCC. XCIII.

*FERRANDVM mors saua diu fugis arma gerentem,*

*Mox positus, (quæ nam gloria?) fraude necas.*

Obijt M. CCCC. XCVIII.

*Hospes Reginam IOANNAM suspice natam:  
Et cole, qua meruit post sua fata coli.*

Obijt M. D. XVIII.

ISABELLAE DVCISSAE MEDIO-  
LANENSIS.

*Hic ISABELLA iacet, centū fata sanguine Regum,  
Qua cum maiestas Itala prisca iacet.*

*Et qua lustrabat radijs regalibus orbem,  
Occidit, inq̄, alio nunc agit orbe diem.*

Obijt M. D. XXIV.

ANTONI FERRANDI.

*Dormis an vigilas, ANTONI? seſtor vtrumq̄:*

*Oſſa quidem primum; virtutis fama ſecundum.*

*Sanguine quo cretus? genitor quis? quidq̄, moraris?*

*Stirpis Aragoniæ; FERRANDVS; Iudicis horam.*

EPISCOPI CVIVSDAM.

*Viuit adhuc, quamuis deſunctum oſtendat imago.*

*Diſcat quisq̄, ſuum viuere poſt tumultum.*

TERRA TEGIT TERRAM.

IBIDEM.

PORTIA CAPITIA Viua gaudium, mortua  
mariti gemitus, hîc ſita eſt. Bernardinus Rota per-  
petuò mœrens, perpetuò lacrymans, prò dolor  
quantum fuit cariffima!

IBIDEM.

IOANNI ANTONIO MVSCELLAE Pa-  
tricio Neapolitano, domi forisq̄; Clariff. Carolo  
V. Caſ. à conſilijs interioribus. Cui⁹ præter omniū  
disci.

disciplinarum cognomentum, eloquentiam, & in negotijs dexteritatem, æquare nemo potuit. Quiter ad Clementem VII. P. M. magnis de rebus legatione pro Cæs. obita, ne debitos iamque oblatos virtutib. suis honores adiret, mors importuna obstitit. Moritur anno M. D. XXXII. Camillus frater B. M. F. Vixit ann. XLVII.

## IBIDEM.

IOAN. BAPTISTA ex Patricia Ducum familia non minus apud Reges Arragon. amore gloria, quàm fidei præstantia clariss. Antonia Tomacella mutua caritatis causa vnicum tot lacrymarum solatium, Viro Opt. monumentum ex suo P. curauitque, ne præter se quisquam inferatur. Vt, cui puellula nupserat, & qui cum sine iurgio semper vixerat, post fata quoque perpetuo copuletur. Interceptus mortalitate ann. agens LXII. M. IX. dies XIV. v. Kal. Octob. à virgineo partu M. D. XIX.

## NEPOTIS MUSCETTOLAE.

*Flos tener hic languet, qui nî cecidisset, vt vrna, & Nomine, sic magni laude niteret Aui.*

## IBIDEM.

Siste hîc coniux dulcissima, vt nos vel humus nequaquam separet, sed vna tandem nos tegat vrna. IOANELLAE MARAMALDAE coniugi optim. cum qua vixit ann. XXI. M. VII. & D. VIII. Nihil de ea nisi mortem doliturus Ioan. Antonius Muscettola, indefesso mœrore POS.

## ALIUD.

*Auspice me Latias Alfonso venit in oras,*

*Rex*



*Rex pius, ut pacem redderet Ausonia.*

*Natorum hoc pietas struxit mihi grata sepulcrum,*

CARAFAE dedit hac munera MALITIAE.

Magnif. D. MALITIA CARAFA miles,  
obijt M. C. D. XXXVIII. die X. Octob.

CARAFAE GENTIS FOEMINAE.

*Gentis CARAFAE fidus, spes vna mariti*

*Viva fuit, post hac mortua luctus erit.*

*Ante diem cessit magnis gratissima diuis.*

PORTIA, quae laudes vrbs & orbis erat.

*Nunc ornat caelum radijs fulgentibus astrum,*

*Et micat ardenti lumine propè Iouem.*

IBIDEM.

Offibus & memoriae BERNARDINI CARAFAE Episcopi, & Comitis Theatini, Patriarchae Alexandrini positum: Hierony. Carafa fratri unanimi, cum lacrymis F. Vixit annos XXXIII. Morte iudicante, fatis eum vixisse diu, cui nihil ad vllam vel virtutis, vel prudentiae literarumue laudem addi posset vltterius. Contra grauiter conquerente fortuna, ereptam sibi facultatem ampliff. honoris, quem iam illi deferendum apparauerat. Fato functus est: A. S. Christianae M. D. V.

CARAFAE CVI VSDAM

ANONYMI.

Huic virtus gloria, gloria immortalitatem comparauit M. CCCC. LXX.

IBIDEM.

Mortales, an scimus, quid futura nobis dies promittat?

mittat? natalem, & locum, & diem scimus; sepul-  
turæ nescimus. BLANCINA mihi nomen est, Bar-  
cellona patria; hæc dum bello grauius premitur,  
ipsa liberos vt viserem, Neapolin profecta sum;  
vbi dum quinquennium exigo, supremus mihi  
dies affuit; condi hîc volui, nullius mecum cine-  
res misceri passura.

BLANCINA BARCELONENSIS hîc po-  
sita est, quæ obiit XXVIII. Iulij M. CCCC.  
LXIX. Vixit ann. LXXX. quorum LX. sine  
querela exegit cum Iacobo Ferraro cõiu-  
ge concordissimo. Io. Fil. POS.

---

IBIDEM.

FABIVM ET DECIVM FF. Opt. summæque  
spei adolescêteis en infelix sepelio Ascanius San-  
ctinus Pater: quibus vtinam commori potuissem,  
quando præmori non potui. Heu mihi! non semel  
hæc misero, ob filiorum præcox ingenium, animus  
præfagiuit mala. O beatam coniugem, cui caros  
liberos in cœlis visere, in terris amplecti licet!  
iam quod optasti, habes. AETERNUM fruere. BEA-  
TRICI Caualleriæ coniugi rarissimæ Ascanius  
Sanctinus perpetuò mœrens POS.

---

IN AEDE D. PETRI MARTYRIS.

MARITVS VXORI.

*Quis te cara tuo coniux inuidit amanti?*

*Et miseram rapuit te mihi letitiam?*

*Heu quantum ille nefas, qui te mihi sustulit, egit!*

*Delitias omnes sustulit ille meas.*

*Et cur me melius, quàm te mors improba seruat?*

*Nec pariter campos mittit ad Elysios?*

*Dij mi-*

*Dij mihi crudeles, qui te rapuere, fuerunt:  
Et qui te sine me sustinere mori.*

---

RESPONDET VXOR.

*Abstineas quæso coniux dilecte Ioannes,  
Me lacrymis functam sollicitare tuis.  
Vixi ego, quæ peritura fui, sic voluitur vrna:  
Sis contentus eo, quod tibi sorte datum est.  
Hic tua sum, tua quæ fueram: depone dolores,  
Non fuit ante suum mors celerata diem.  
Nec cecidi; quoniam regna in meliora recessi,  
Iam super æthereas à Ioue raptâ domos.*

---

IBIDEM.

*Apud Deum nihil operosa humilitate sublimius,  
Nullum Theatrum virtuti conscientia maius est.*

---

IN S. MARIA DE PORTA NOVA.

IOANNIS MORIMINI.

Quàm præpoſterè res ſeſe humanæ habent? cuius mihi dulciſſimas manus oculos prius claudere fas fuit, infeliciff. parens filium hic antè condidit meum. Ademit importuna mors ſeni baculum, cui deſeſſa iam adnitès ætas annos alleuaret ſuos. Nûc antè me mors aſſequetur, quàm hæ lacrymæ deſerant.

Carolus MORIMINI Ioanni F. B. M. POS.  
Vixit annos XXVII. M. I. D. VIII. M. CCCC.  
LXXXIII.

---

CAROLI MORIMINI.

Fui, non ſum. eſtis, non eritis. nemo immortalis.

Somno

Somno & securitati æternæ CAROLO MONTI  
RIMINI patri opt. Troianus & Henricus FF. vir-  
tutis & amoris caussa.

---

ANTONI PANORMITAE.

*Querite Pierides alium, qui ploret amores:  
Querite, qui Regum fortia facta canat.  
Me Pater ille ingens, hominum sator, atq; Redemptor  
Euocat, & sedes donat habere piæ.*

---

IN S. MARIA MONTIS OLIVETI  
ANONYMI.

*Dat sua telluri, sua dat cœlestia cœlo,  
Donec summa dies iungat vtrumq; polo.  
Virtute, ingenio, fortunâ & corpore paruus,  
Parua etiam paruo condidit ossa solo.*

---

ALIUD.

Expecto, donec veniat immutatio mea.

---

HOSPES MIRARE SEPULTI  
FIDEM.

Hic dum arci Parthenopæ à D. Alfonso Arra-  
gonio præfectus, classica & terrestri obsidione  
premeretur, ne fidem pollueret, exhausto iam æra-  
rio, imminetia capitis pericula sponte negligens,  
foedum mularum & canum esum non respuit; quin  
duobus fratrib: captiuis ab hoste oppositis, ne tor-  
mentoribus ictus increbrescerent, socio sanguini  
fortitudinem præferens, à proposito non est abdu-  
ctus. Deinceps mortuo Rege inclyto Ferdinando,  
vberima multorum frangendæ fidei præmia ludi-  
brio habuit.

MARIAE



## MARIAE PICOLOMINEAE.

Qui legis hæc, submissiùs legas, ne dormientes excites. Rege Ferdinando orta MARIA ARRAGONIA hîc clausa est. Nupsit Antonio Picolomineo Amalfæ Duci strenuo, cui reliquit tres filias, pignus amoris mutui. Puellam quiescere credibile est, quæ mori digna non fuit.

Vixit ann. xx. Anno Domini M. CCCC. LX.

## IBIDEM.

ANTONIUS DE ALEXANDRO I. C. ad suas & suorum reliquias, quousq; omnes resurgamus, reponendas, sacellum hoc construxit, & Redemptori nostro dicavit ann. M. CCCC. LXXXI.

Quo loco, quòve tempore fiat hæc migratio, quid interest? Undiq; Christi fidelibus ad cœlestia regna patet aditus. Sequentur autem me haud dubiè, quicumque non præcesserint.

GVILIELMI BERDINCX ANT-  
VERPIANI.

*Infelix caro! quàm felix anima! illa sub atra  
Computrescit humo: transuolat ista polos.  
In cinerem quandoq; caro conuersa resurget  
Ex cinere, atq; anima iuncta, sequetur eam.*

Vixit annos xxviii. obiit Id. Octob. ann.  
M. D. LXXIX.

## MARCHIONIS PISCARIAE.

*Quis iacet hoc gelido sub marmore? maximus ille  
Piscator; belli gloria, pacis honos.  
Nunquid & hic pisces cepit? non: ergo quid? vrbes,  
Magnanimos reges, oppida, regna, duces.*

*Dic, quibus hac cepit Piscator retibus? alto*

*Consilio, intrepido corde, alacriq<sub>3</sub> manu.*

*Qui tantū rapuere Ducē? duo numina, Mars, Mors.*

*Vtraperent, quisnam compulit? Inuidia.*

*Nil nocuere ipsi. viuit nam Fama superstes,*

*Quæ Martem, & Mortem vincit, & Inuidiam.*

ALIVD PER PONTANVM.

*Arma manu tibi capta, & victo ex hoste trophæa*

*Hæc tibi marmora erunt, hæc tibi erunt tituli.*

*Hoc tibi Mars statuit, statuit Bellona sepulcrum;*

*O DAVALE, hæc cineri debita busta tuo.*

*His ALFONSE iaces ornatus & obrutus armis.*

*Arma tibi tumuli, tela tibi tituli.*

Obijt XIII. Nouemb. M. D. XXVI.

IBIDEM.

*Quæ miser imposui lugubria saxa sepulcro,*

*Mi pater, innumeris accipe pro meritis.*

*Quod si marmore am licuisset fundere formam;*

*Te natus tegeret non alio lapide:*

*Incisæq<sub>3</sub> notæ legerentur, Gratus Alexis*

*Reddidit ossa patri, sitq<sub>3</sub> patri tumulus.*

Andrææ Simonis F. Alexio, Antonius patri pijsis.

Qui nemini vnquã iniurius, prodesse femper studuit. Vixit ann. LXXV. perpetua cum valetudine.

MARINI.

*Qui fuit Alfonsi quondam pars Maxima Regis*

*MARINVS, hac modicâ contumulatur humo.*

*MARINVS CVRIALIS Surrentinus, Terræ*

*nouæ Comes, anno Domini M. CD. XC.*

CAECI

## CAECILIAE IANVARIAE.

Quam capithic tumulus, CAECILIA IANVARIA inter præcipua vrbis ornamenta, venustatis, atque pudicitiae exemplum, hinc ab Iulio Ianuario marito miserabili, donec eius cineres commodiori, & vtrique solum communi sepulcro deponantur, sita est. Elata ex abortu, cunctis colla-  
crimantibus, anno ab ortu Salutis M. D. XXX. XVI. Calend. April.

## IBIDEM.

ISABELLAE ORILIAE, cui nunquam vel tantillum querelarum dedimus, superstites novem Filij matri optimæ. Vixit ann. LVII. obiit M. D. XXXVII.

## FLEBILE AMICI OBSEQUIUM.

*Pierides tumulo violas, Venus alma hyacinthos,  
Balsama dant Charites, Cinnama spargit Amor,  
Phæbus odoratas laurus, Mars ipse amarantnos:  
Nos lacrymas, rare munus amicitiae.*

ALEXANDRI NOVOLARIAE Comitiss, Iu-  
venis (prò dolor) & bellicis & litterarijs dotibus  
ornatiss. ossa hinc quiescunt pro tempore. Vixit ann.  
P. M. XXXIII.

Hic tantum doluit, quod in acie non cecidisset.  
quibus notus fat, miserè deplorandus. anno M. D.  
XXX. Non. August.

## M. S.

HUGONI PEPULO Comiti Bononiensi  
Qui cum ad familiae dignitatem, & splendo-  
rem non domesticas tantum virtutes, sed &  
F 2 bellicæ

bellicę laudis decus adiunxisset : in maximis expeditionibus, consilio, atq; animi magnitudine proximum sibi imperijs gradum, & insigne apud cunctas Europę nationes nomen meruit. Floręte gloria, & ætate sua extincto Philippus Pepulus Comes, fratri D. S. O. M. moerens P. B. ann. XLIII. M. IV. D. XX. ☉. Capuz v. Kalend. Septem. M. D. XXXVIII.

*O semper inimica & inuida proficiscenti ad summam gloriam virtuti mors!*

---

IBIDEM.

IOANNES DE CABANIGLIS Troię Comes, fati acerbitate luctus perpetuus, quibus meritò maxima erat spes. ☉. anno M. CCCC. LXXXIII. B. ann. XXX.

---

IBIDEM.

CONSTANTIA, DAVOLA & BEATRIX Picolominei Filia, reddunt, quę sunt cęli, cęlo, quę sunt terrę, terrę : vt semper vnà vixere, sic condi tumulo voluere.

*O beatam mutui amoris constantiam!*

---

IN CAENACULO MONACHORVM.

Alphonso Arragoniæ Regi Iustissimo, inuictissimo, munificentissimo, Oliuetus ordo, ob singularem erga se beneficentiam, qui cum hęc coniunctiss. vixit, vt regia maiestate deposita, cum eis vnà cibum caperet, ministris deinde mensarum ministraret, lectitaretq; F. C.

IN



## IN S. MARIA MAIORE.

ANTE SACELLVM IOANNIS IOVIANI  
PONTANI.

D. MARIAE, DEI MATRI, ac D. IOANNI  
Euangelistæ Sacr. IOAN. IOVIANVS PONTA-  
NVS DEO. M. CCCC. XCII.

IN MARMOREIS TABELLIS VIII.  
MVRO SACELLI INSERTIS.

In magnis opibus, vt admodum difficile, sic ad-  
modum pulcrum est, seipsum continere.

In vtraque fortuna ipsius fortunæ memor e-  
sto.

Serò poenitet, quamquam citò poenitet, qui in  
re dubia nimis citò decernit.

Integritate fides alitur: fide verò amicitia.

Nec temeritas semper felix, neque prudentia v-  
bique tuta.

Hominem esse se haud meminit, qui nunquam  
iniuriarum obliuiscitur.

Frustra leges prætereunt, quem non absoluerit  
conscientia.

In omni vitæ genere primum est, seipsum nos-  
cere.

## IBIDEM.

## ARAE DEDICATIO.

Tibi Deus Opt. Max. aram hanc dedicat Ioan-  
nes Iouianus, nec tecum paciscitur, vt sibi, liberis  
posterisq; suis benefaxis: cum ipse volens libens-  
que gratuitò benefacias cunctis: sed quia tibi ab o-  
mnibus debeantur omnia.

## E P I T A P H I V M P O N T A N I .

*Viuus domum hanc mihi parauit.*

*Qua quiescerem mortuus.*

*Noli obsecro iniuriam mortuo facere,*

*Quam viuus fecerim nemini.*

*Sum enim IOANNES IOVIANVS PONTANVS,*

*Quem amauerunt bona Musa,*

*Suspexerunt viri probi,*

*Honestarunt Reges, Domini.*

*Scis iam, qui sim, aut qui potius fuerim.*

*Ego verò te hospes, in tenebris noscere nequeo.*

*Sed te ipsum vt noscas, rogo. Vale.*

Obijt anno Christi M. D. III. A. Etat. LXXVII.

## H A D R I A N A E S A X O N A E .

*Illateri benefida Comes, custosq; pudici,*

*Cuiq; & acus placuit, cui placuere coli.*

*Quaeq; focum, castosq; lares seruauit, & ara*

*Et thura, & lacrymas, & pia ferta dedit.*

*In prolem studiosa parens, & amabilis vni,*

*Qua studuit caro casta placere viro.*

*Hic posita est ARIADNA, rosa, violaq; nitescant.*

*Qua posita est, Syrio spiret odore locus.*

*Vrna crocum dominae fundat, destillet amomum*

*Ad tumulum, & cineri spica Cilissa fluat.*

Quinquennio postquam, vxor, abijsti, dedicata prius aediculâ, monumentum hoc tibi statui, tecum cotidianus vt loquerer; nec, si mihi non respondes, respondebit desiderium tui, per quod ipsa semper mecum es: aut obmutescet memoria, per quâ ipse

tecum

tecum loquor. Haue igitur mea HADRIANA.  
 Vbi enim ossa mea tuis miscuero, vterque simul  
 benè valebimus. Viuens tecum vixi annos XXIX.  
 dies XXIX. Victurus post mortuus æternitatem  
 æternam.

Ioannes Iouianus Pontanus HADRIANÆ  
 SAXONÆ vxori optimæ, ac bene meren-  
 tiss. POS. quæ vixit annos XLVI. M. VI.  
 obiit Calend. Mart. anno M. CCCC. XC.

---

LVCIO FRANCISCO IOAN.  
 PONTANI F.

*Has aras pater ipse DEO, templumq<sub>3</sub> parabam,  
 Quo tu, Nate, meos contegeres cineres.*

*Heu fati vis leua, & lex variabilis aui!*

*Nam pater ipse tuos, Nate, struo tumulos.*

*Inferias puero senior, natoq<sub>3</sub> sepulcrum*

*Ponoparens. heu, quid sidera dura parant!*

*Sed quodcumq<sub>3</sub> parant, breue sit; namq<sub>3</sub> optima vita*

*Pars exacta mihi est; cetera funus erunt.*

*Hoc tibi pro tabulis statuo. pater ipse dolorum*

*Heres: tu tumulos pro patrimonio habe.*

Vixit annos XXIX. M. V. D. III.

LVCIO FRANCISCO F. Pontanus Pater,  
 anno Christi M. CCCC. IIC. D. XXIII.  
 August. POS.

---

LVCILII EIVSDEM PON-  
 TANI FILII.

*LVCILI tibi lux nomen dedit, & dedit ipsa  
 Mater stella tibi, stellaq<sub>3</sub>, luxq<sub>3</sub> simul.*

*Eripuit nox atra, nigra eripueret tenebra.*

*Vixisti vix, quod littera prima notat.*

*Hosne dies breue tamne tibi lux fulsit, & aura*

*Maternum in nimbis sic tenuere iubar?*

*Infelix fatum! puer heu malè felix! heu quod*

*Nec puer es, nec lux, nec, nisi inane. quid es?*

*Floreat ad pueri tumulum ver, halet & vrna,*

*LVCILI & cineris spiret inustus odor.*

*Dies L. non inplesti fili. ô breue naturæ specimen!  
æternus parentum moeror ac desiderium!*

*Has LVC I tibi & inferias, & mûnera soluo,*

*Annua vota pijs, (heu mihi!) cum lacrymis.*

*Hæc LVC I tibi & ad tumulos positumq; pheretrum*

*Dona pater multis diluo cum lacrymis.*

*Hæc dona, inferiasq; heu, heu, nunc nate capillum,*

*Incanasq; comas accipe, & hæc lacrymas.*

*His lacrymis, his te inferijs, hoc munere condo.*

*Nate vale æternum, ô & valeant tumuli.*

*Quin & hient tumuli, & tellus hiet, & tibi me me*

*Reddat, & vna duos vrna tegat cineres.*

*Pontanus Pater L. FRAN. F. Infelici.*

#### L. MARTIAE FILIAE.

*Liquisti patrem in tenebris me LVCIA, postquam*

*E luce in tenebras Filia rapta mihi es.*

*Sed neq; tu in tenebras rapta es, quin ipsa tenebras*

*Liquisti, & medio LVCIA sole micas.*

*Calo te nata aspicio, num nata parentem*

*Aspicias? an fugit hæc tibi vana pater?*

*Solamen mortis misera te nata sepulcrum*

*Hoc*



*Hoc tegit, haud cineri sensus inesse potest.  
 Si qua tamen de te superat pars, nata; fatere  
 Felicem, quod te prima iuuenta rapit.  
 At nos in tenebris vitam luctuque trahemus.  
 Hoc precium patri filia quod genui.*

Musæ, filia, luxerunt te in obitu: at lapide in hoc luget te pater tuus; quem liquisti in squalore, cruciatu, gemitu. Heu, heu filia, quod nec morienti pater affui, qui mortis cordolium tibi dederem: nec sorores, quæ ingemiscenti collacrymarentur misellæ. Nec frater singultiens, qui sitienti ministraret aquulam; non mater ipsa, quæ collo implicita, ore animulam exciperet infelicissima. Hoc tamen felix, quod haud multos post annos te reuisit, tecumque nunc cubat. Ast ego infelicior; qui breui cum utroque edormiscam, eodem in conditorio. Vale filia, matrique frigescenti cineres interim caleface, ut post etiam refocilles meos. Ioan. Iouianus Pontanus LVCIAE MARTIAE filia dulcis. P. quæ vixit annos XIII. M. VII. D. XII.

PETRO COMPATRI VIRO OFFI- ]  
 CIOSISSIMO CONSTANTEM  
*ob amicitiam.*

IO. PONTANVS.

Quid agam, requiris? tabesco. Scire quid sim cupis? fui. Vitæ quæ fuerint condimenta, rogas? Labor, dolor, ægritudo, luctus; seruire superbis Dominis: iugum ferre superstitionis: quos charos habes, sepelire: patriæ videre excidium: nam vxoris molestiam nunquam sensi.

## ANONYMI.

*Hæc satis in tumulto, fragilem te noueris esse:  
Mors certa est, tempus perbreue, vita nihil.*

## ALIVD.

Care viator abi, & non plora pro me, nam e  
morte vita.

## IN S. MARIA NOVA.

ODETTO LAVTRECCO FVCCIO Consal-  
uus Ferdinandus Ludouici Cordubani F. Magni  
Consalui nepos, cum eius ossa, quamuis hostis, vt  
belli fortuna tulerat, sine honore iacere compe-  
risset; humanarum miseriarum memor, Gallo duci  
Hispanus Princeps in auito sacello P.

## IBIDEM.

Ossibus, & memoriæ PETRI NAVARRÆ  
Cantabri, solerti in expugnandis vrbibus arte cla-  
rissimi, Consaluus Ferdinandus Ludouici filius,  
Magni Consalui N. Sueffæ Princeps Ducum Gal-  
lorum partes, secutum pio sepulcri munere hone-  
stauit, cum hoc in se habeat præclara virtus, vt et-  
iam in hoste sit admirabilis.

## IBIDEM.

LOYSIA DE PENNA Raphaelis F. Sanctij Vi-  
taliani vxor, multarum familiarum auia, proauia,  
ne id negotij posteris relinqueret, viuens curauit.  
Vixit annos huc vsque LXXX. anno salutis M. D.  
XXI. Septemb. XXI.

## IBIDEM.

CONSTANTINVS CASTRIOTVS hîc tegitur, sanguine & cognatione Regum ac Cæsarea clarus; morum candore insignis, dignitate Pontifex Eserniensis; dum probè viuit; intempestiuè moritur. Andronica cominata auia paterna, nepoti optimo posuit M. D.

## ALIVD.

Herrico Pandono Borianensium Duci, Venetique Dn. & Catharinæ Aquæviuæ, coniugibus concordis. Hippolyta Ferdinandi Regis Arragonei neptis, filio, nuruique infelicis. contra votum superstes infelicio, æterno mœrore posuit. An. à partu Virginis M. D. XXXI.

## ALIVD.

Petrus de Iccis Hispanus, genere insignis, Equitum signifer. Qui quinque lustris in bellis Italicis, pro Carolo V. Imperatore strenuè & summa cum fide militauit: & ob suam virtutem Borbonum oppidum in præmij partem accepit. dum quietam vitam viuere putarat; DEI iussu ad cœlum, vbi vera captatur quies, ascendit. D. VI. Febr. M. D. XXXV. ætatis suæ annorum XXXIX. mens. XIX. d. XI.

IN S. MARIA ANNUNCIATA,  
ISABELLAE RICHISENTIAE.

*Hospes legas, ne lugeas, rogo.*

*Ille ISABELLA RICHISENTIA Cardonia  
Neap. Proregina iacet hîc.*

*Qua*

NEAPOLITANA.

*Quam si oculis in terra vidisse viuentem*

*Summa fuit beatitudo:*

*Quantò feliciores erunt, quibus animo*

*In calis eandem (quònam mori potuit?)*

*Contemplari contigerit!*

*Credendum est, eius formam & virtutem*

*Anima ad aeternam gloriam fuisse comites.*

*Occidit aurora oriente, ætatis suæ Ann. XXXVI.*

*v. Mart.*

---

D. O. M.

○ MORTALIVM VARIAM IN-

STABILEM QVE FORTV-

nam!

IOAN. BOOT Antuerpiæ nascitur: vt prudentior fieret, iustrat Europam: Tandem Neapoli, dum legibus operam nauat, atque officiosissimè negotiatur: maiorum splendore nobilis; fide, pietate, ac singulari integritate longè nobilior: in ipso ætatis flore moritur: Antonius fratruelis; quem viuum seruare non potuit, hic ex testamento condito cadauere, pijs lacrymis ad superos conscendentem profecutus est. Decessit à partu virginæ M. D. L VII. D. XXIII. Febr.

---

LVCRETIA EBVLA.

*Perpetuus mariti dolor, hinc sita est.*

*Ioannes Vincentius Loffredus*

*Coniugi dulcissima fecit. Voluit idem*

*Huc eius inferri cineres; vt cum ea*

*Semper vnà esse posse mortuo saltem*

*Liceat, id quod viuo non licuit.*

*Hinc pauperum cadauera non arceantur.*

D. O. M.



D. O. M.

Ferdinandus Manlius Neap. Camp. architectus.  
 Qui Petri Toleti Neapolitani Proregis auspicio  
 regijs ædibus extruendis: plateis sternendis: cry-  
 ptæ aperiendæ: vijs & pontibus in ampliorem for-  
 mam restituendis: palustribusque aquis deducen-  
 dis præfuit. Cuius elaboratum industria, vt tutius  
 viatoribus iter, loci colonis salubriores essent: Ti-  
 motheo Encyclio Mathemat. pietatis rariss. filio.  
 Qui vixit ann. XIX. m. VI. d. V. sibi, ac suis viuens fe-  
 cit. A Christo nato M. D. LIII.

IBIDEM.

ANTONIUS AMABILIS Protonotarius Apo-  
 stolicus, Canonicus Neap. de suo nihil aliud, quam  
 tantulum marmoris sibi reliquit. Ann. M. D. LII.

IBIDEM.

Si genus, pulchritudo, ingenium, si parentum  
 amor,

Pietas, labor, ac diligentia mortales asserere  
 possent

Ab impetu furentis mortis; Portia Pignatella  
 infelix

Mater, inuitaque superstes, nunquam LVCRE-  
 TIAE

CARACCIOLAE nobile cadauer, lacrymans,  
 sacro spiritui, hoc tumulo condidisset.

Vixit ann. XXIII. m. XI. d. XXVI.  
 Decessit à partu virgineo. An. M. D. LII.

IBIDEM.

ANTONIUS ROTA & LYCRETIA BLAN-  
 CIA

CIA viui sibi H.M.PP. vt quâ vixêre concordia, & mortui quoque vnâ quiescerent, neue eorum inquietarentur ossa, cauerunt, ne quis omninò monumentum sequatur. Bene viuunt boni coniuges, bene etiam moriuntur.

---

IN S. MARIA IN ADITV CAVERNÆ MONTIS PANSILÿPI.

*A*etas, forma, genus, nos heic cum corpore liquit,  
*I*n terris, & opes, corporis exuuias.  
*A*st animam, comites quæ semper in orbe fuere,  
*L*ucida virtutum duxit ad astra chorus.  
*T*res nati coniux ex me tibi care supersunt,  
*I*mmatura duos mors tulit: ipsa sequor.

---

VIRGILII IN ANTIQVA VRNA.

*M*antua me genuit, Calabri rapuêre, tenet nunc  
*P*arthenope, cecini pascua, rura, Duces.

---

ALIVD IN CANDIDO MARMORE.

*Q*ui cineres? tumuli hac vestigia; conditur olim  
*I*lle hoc, qui cecinit pascua, rura, Duces.

---

ALIVD PER IOANNEM LVD.  
 VIVEM.

*H*ic ego qui iaceo, terno M ARO carmine clarus  
*P*astores lusi, colui rus, bellaquæ scripsi.

---

ACTII SYNCERI SANNAZARII  
 NOBIL. POETAE.

*D*a sacro cineri flores; hic ille Maroni  
*S*YN CERV S Musa proximus, vt tumulo.

ALIVD.

ALIVD.

*ACTIVS hîc situs est: cineres gaudete sepultis;  
Nam vaga post obitus umbra dolore caret.*

Vixit ann. LXXII. M. I. D. XXIX. Obijt An.  
M. D. XXX.

PETRVS BEMBVVS DE SAN-  
NAZARIO.

*Quid moror? aterni te suspicit umbra Maronis,  
Et tibi vicinum donat habere locum.*

IN EIVS OPVSCVLVM DE PAR-  
TV VIRGINIS.

*Smyrnam olim decimum pressisti, Cinna, sub annum  
Hic gessit partum bis duo lustra suum.*

ANTONIVS TIBALDEVVS.

*Virginis intacta partum, partumque videbis,  
Actia quem docto pectore Musa dedit.  
Admirandi ambo. humana fuit ille saluti  
Vtilis: humanis hic fuit ingenijs.*

IN MONASTERIO MONTIS  
VIRGINIS.

MATTHAEVS DE AFFLICTO, Nobilis Neap.  
ad extremam senectutem integra & animi & cor-  
poris valetudine peruenit. Sub V. Neapolitano-  
rum Regibus se fidelem consiliarium gessit: vtriuf-  
que Iuris peritiss. de Feudis, & Regni constitutio-  
nibus copiosissimè scripsit. Multa scitiss. consilia  
reliquit. Annum agens ferè 80. naturæ concessit.

IN

---

IN S. MARIA POPVLI.  
FERDINANDI DVCIS TERMVLANI.

Hic æquis passibus patrem secutus, æquè eni-  
quisset: nî mors immatura tantam gloriæ expecta-  
tionem interceptisset.

*Quam mihi debebas suprema munera vita,  
Infelix soluo nunc tibi, Nate, prior.*

*(Fortuna inconstans, lex & variabilis eui)*

*Debueras cineri iam superesse meo.*

*Hæc dat matris amor rapti solamina nati,*

*Inuida cui Lachesis tam breue nectit opus.*

*Nate iaces viuo, contra mea vota, superstes.*

*Vox gemitus posthac, lux mihi erunt tenebræ.*

Maria Ayerba Ferdinando Termulanorum Du-  
ci, filio dulcissimo perpetuò mœrens Pos.

M. D. XXXI.

---

IN SACELLO GARAPPI.

Sacellum hoc quod D. ANT. GARAPPVS, im-  
maturum pudicissimæ filiæ ISABELLAE obitum  
deflens, inchoârat, pari que fatò (heu mortalium  
fragilitatem!) non perfecerat, IOAN. FERRANO,  
CORCIONIVS infelix gener, post mortem obse-  
quentior, absoluendum curauit, caros que cineres  
hac vrna lacrymans condidit: vt, quos viuos cha-  
ritas coniunxerat, Mors dirimere non posset. An-  
no salutis M. D. LIIII.

---

IN S. MARIA DE GRATIA.

GALEATIVS IVSTINIANVS Briccij F. Præ-  
fectus classis, BAPTISTAE fratri pientiss. ac  
B. M.



B. M. sibi que viuens Pos. vt ita mortis simul soporem dormiant, sicut vitæ concorditer exubias vigilarunt. Et ne viator aberres, se duplici iactant patria: genuit\* dulcis Genua, pulcra tenet Parthenopæ, Caralo V. Imperat. H. M. H. N. S.

---

## IBIDEM.

BEATRIX GRATIANA Parthenopæa, illibatam virginitatem seruans, recordata quod mortalis erat, sibi tumulum hunc viua Pos. donec tuba canet. Anno M. D. xxv. Die v. Iulij.

---

## IBIDEM.

ANTONIO BRANCALEONI à Cæsaris rationibus, spectatæ fidei Viro, filij, extinctâ vitâ, mœsti, viuâ famâ læti, & sibi F. F. Vixit annos LXXX.

---

## IN S. MARIA DE SAPIENTIA.

BERNARDINA FRANSA mihi & meis feci. Certa domus, securo quies, nil quærimus ultra. M. D. LVI.

---

IN S. IOANNE DE CARBONARIA,  
TIBI COELI REGINA.

GALEATIUS CARACCIOLVS, cui bona multa contulisti, à quo item mala abruicasti plurima, facellum marmoreum, cum signis, & omni cultu, gratus libensque dedico, & tanquam decumam soluo. Anno post editam à te salutem M. D. XVI. VIII. Id. Ian.

GALEACIO CARACCIOLO, qui sub Regibus Arragonijs egregiam sæpius in bello operam

nauauit: quiq̄ue in expugnatione Hydruntina ad  
uerfus Turcas Regijs signis præfuit.

Vixit ann. LVII. Nicolaus Anton. parenti op̄  
fecit.

## IBIDEM.

LVCRETIA DE BAUCIS, Comitissa Burgen-  
tia, & Cagiani Ducissa, videns defunctorum cu-  
ram triduo deleri, ne posteris vlla sui relinquatur,  
viuens hoc sibi Pos.

## LADISLAI REGIS.

*Improba mors nostris (heu!) semper, & obuia rebus,  
Dum Rex magnanimus totum spe concipit orbem,  
En moritur, saxo tegitur Rex inclytus isto,  
Liber a sidereum Mens ipsa petiuit Olympum.*

## DEINDE.

*Qui populos bello tumidos, qui clade tyrannos.  
Perculit, intrepidus victor terraq̄ue mariq̄ue,  
Lux Italum, Regni splendor clarissimus hic est  
Rex LADISLAVS, decus altum, & gloria Regum;  
Cui tanto (heu!) lacrymans Soror illustrissima Fratri  
Defuncto pulcrum dedit hoc Regina IOANNA,  
Vtraque sculpta sedens, maieſtas vltima Regum  
Francorum, soboles Caroli sub origine primi.*

IN EIVSDEM TVMVLVM SAN-  
NAZARIVS.

*Miraris niueis pendentia saxa columnis  
Hospes, & hunc, acri qui sedet altus equo?  
Quid si animos, roburq̄ue Ducis, præclaræq̄ue nosse  
Pectora, & inuictas dura per arma manus?*

His

*Hic Capitolinis deiecit sedibus hostem:  
 Bisquæ triumphata victor ab vrbe redit.  
 Italiamquæ omnem bello concussit, & armis,  
 Iniulit Hetrusco signa tremenda mari.  
 Neve foret Latio tantum diademate felix,  
 Ante suos vidit Gallica sceptr a pedes:  
 Cumquæ rebellantem pressisset pontibus Arnum,  
 Mors vetuit sextam claudere olympiadem.  
 Inunc, bellâ para, fastusquæ attolle superbos:  
 Mors etiam magnos obruit atra Deos.*

---

 IN S. IOAN. EVANGELISTAE.

ANGELO PAPACODAE, Fran. Filio Martora-  
 nensi Episcopo, viro ornatissimo, qui in non ma-  
 gnis opibus magnum exercens animum, nullâ  
 magis in re, quàm aliorum leuanda inopia suis  
 bonis vsus est. Hæredes B. M. P. Decessit ex mor-  
 talibus ann. nat. LXVI. ab ortu mundi rediuiuû  
 M. D. XXXVII.

---

 IN S. IOANNE MAIORE.

Auete parentes opt. TOMASIO DVRO, rari  
 exempli Patritio: & Iuliæ Rotæ genere, & religio-  
 ne insigni: Filij collacrymantes facere cur. erepti.  
 An. M. D. XXXVI.

*Felices, quibus vna fuit mens semper; & vna  
 Quos tulit hora simul; quos lapis vnus habet.*

---

 ABBATIS ANISII.

*Onustus auo IANVS hîc ANISIVS,  
 Quærens melius iter, reliquit sarcinam,  
 Quapragrauato nulla concessa est quies:*

100 NEAPOLITANA.

*Tum si qua fulsit; cum Camœnis hæc stetit,  
Qua mox faceſſiuere plus negotij.*

H. M. H. N. S.

*Hoc de ſuo ſumpſit, ſacrum eſt, ne tangito.*

---

IN S. IOANNE ET PAVLO.

*Tres tulit vna dies: fuerat tribus vna voluptas,  
Tres habet heu! tumulus, lector abi, & lacruma.*

---

AD EFFIGIEM DIMIDIATAE

STATVAE.

*Quid me miraris duro de marmore factam?  
Respice te potius: Vermibus eſca manes.*

---

IN S. GREGORIO MAIORE.

Orbitatis miſeræ miſerere hoſpes. Vnica ſpes  
parentum, vnica lux, egregiâ formâ, rarâ indole  
puer, triennio vix exacto hîc è ſuorum complexu  
raptus, clauditur. En rerum humanarum conditio.  
IOANNI BAPT. MONTIO Parentes mœſtiſs.  
Poſs.

---

CATHARINAE PVERPERAE.

*Indulgens natura fuit, ſors cruda puella,  
Que iacet hîc primo raptâ puerperio.  
Et decor, & lepidi mores, & dulcia lingua  
Flumina, & ætatis ſus, pietatis amor,  
Decretum duri nequierunt vincere fati:  
Ante diem bona tot ſuſtulit vna dies.  
Talis ad Elyſios abiit CATHARINARECESSUS;  
Lucifer vt viſus nube adopertus abit.  
Perpetuas liquit lacrymas vtrique parenti,  
Perpetuò extinctam ſexus vterque dolet.*

IN



## IN S. ANTONIO.

IOAN. BAPT. SOLANVS Valentinus, vir tam Mathematicis, quàm Philosophiâ apprimè eruditus, dum Ophthalmiam ex assiduis studijs contractam curare studet, remedium quærens, in mortem incurrit, Anno ætatis suæ xxx. Obijt M. D. XLV. v. Kalend. April. hora III. M. H. M.F. C. ALVARVS QVADRATA Episcopus Venusinus.

## IN S. IOSEPHO.

Sic mors ipsa, cum venerit, vincitur,  
Si, priusquam veniat, semper timeatur.

## IN S. IACOBO HISPANORVM.

PETRVS TOLEDVS Friderici Ducis Aluæ F. Marchio Villæ Franchæ, Regni Neapolitani Prorex, Turcarum, omniumque hostium spe sublata, restitutâ iustitiâ, vrbe mœnijs, arce, foroque aucta, munita, exornata: denique toto regno diuitijs ac hilari securitate repleto, monumentum virens in Ecclesia dotata, & à fundamentis erecta Pon. mand. Vixit annos LXXIII. Rexit XXI. Obijt M. D. LIII. VI. Kal. Feb.

## D. O. M.

Subsiste parumper viator, si placet, & quis hoc tegatur tumulto, lege. Fuit is IOANNES ille VVALTHERVS ab Hirhaim Germanus, inter equestris ordinis viros miles fortiss. qui Carolum V. Imper. Augustum in omni fortuna secutus, à consilijs illi, à legationibus, & præcipuis munijs bellicis fidelem & strenuam operam præstitit.

Idem eius filio Philippo Hispan. & Angliæ Re-  
gi præstiturus, VI. mill. Germanorum in hoc re-  
gnum duxit; sed eodem die, quo in Heracis pax  
bello, morbus vitæ illius finem imposuit. Ergo  
tu, quisquis es miles, qui hæc legeris, fato tuo  
neterrere, sed cogita, summos etiam Duces sæpe  
extrabellum occumbere. Obijt XVIII, Augusti,  
anno M. D. LVIII.

Henricus à Papenhaim Sac. Rom. Imp. Hæredi-  
tarius Mareschalcus, militum tribunus., a-  
uunculo bene merito gratitudinis ergò cum  
lacrymis P.F.

---

IN S. SEVERINO.

Hic ossa quiescunt IACOBI SANSEVERINI,  
Comitis Saponariæ, veneno miserè, ob avaritiam,  
necati, cum duobus miseris fratribus, eodem fato,  
eadem hora commorientibus.

---

IBIDEM.

Iacet hic Sigismundus SANSEVERINVS, ve-  
neno impiè absumptus, qui eodem fato, eodem  
tempore, pereuntes Germanos fratres nec allo-  
qui, nec cernere potuit.

---

IBIDEM.

Hic situs est ASCANIVS SANSEVERINVS,  
cui, obeunti eodem veneno iniquè atque impiè,  
commorientes fratres, nec alloqui, nec videre  
quidem licuit.

## IBIDEM.

Hospes miserrimæ miserrimam defleas orbitatem. En illa HIPPOLYTA MONTIA, post natas foeminas infelicissima; quæ VGONI SANSEVERINO coniugi tres maximæ expectationis F. F. F. peperit. Qui venenatis poculis (vicit in familia, prò scelus! pietatem cupiditas, timorem audacia, & rationem amentia) vnà in miserorum complexibus parentum miserabiliter illicò expirarunt. Vir, ægritudine sensim obrepente, paucis post annis in his etiam manibus exspiravit. Ego tot superstes funeribus, cuius requies in tenebris, solamen in lacrymis, & cura omnis in morte collocatur: quos vides separatim tumulos, ob æterni doloris monumentum, & in memoriam posui illorum sempiternam. Anno M. D. XLVII.

## IBIDEM.

*Dum facio infelix aeterno funera fletu,*

*Creuerunt lacrymis hac monumenta meis.*

*Quis, nisi mollissem tristissima corda, rigerem*

*Ipsa etiam, hoc toto corpore facta silex.*

GVIDONII FERRAMOSCAE Comiti Magnanimo Coniugi O. M. Isabella Castriota infelix contra votum P.

## ANDREAE CICARAE.

*Nate patris, matrisque amor, & suprema voluptas,*

*Entibi, quæ nobis te dare sors vetuit,*

*Busta damus, tristesque notas, hinc inuida quando*

*Mors immaturo funere te rapuit.*

ANDREAE F. dulcifs. qui vixit ann. VI. M. II.  
D. XX. Robertus Bonifacius, & Lucretia Cicara  
Parentes, ob raram indolem.

---

## IN S. ANELLO.

IULIUS FELTRIUS eram anno Christ. salut.  
M. D. XXVIII. Martij die IIII. & XX. fabulam  
clusi meam.

---

## PORTIAE CARACCIOLAE.

Qui legis mortem, incusato, quæ tot venustatis  
ornamenta, tot gratiarum elegantias, tot pudici-  
tiæ flosculos in vna PORTIA CARACCIOLA  
germinantes acerbissimè sepeliuit, Isabella soror  
Castrouillari Dux hanc illi vnam, immortalium  
causam lacrymarum, erexit. M. D. L.

Quisquis me nunc calcas viuus, cogita, si sapias,  
idem te mox futurum.

---

## IBIDEM.

Ecce, superbientis naturæ qualis sit mox futu-  
rus casus.

---

## AD S. CRUCEM.

Hic iacet summæ humilitatis exemplar, corpus  
venerabilis memoriæ sanctæ sororis CLARAE,  
olim Dominæ Sanciæ, Reginae Hierusalem, & Si-  
ciliz, relictæ claræ memoriæ sereniss. D. Roberti,  
Hierusalẽ & Siciliæ Regis, quæ post obitû eiusdem  
Regis viri sui, agens viduitatis debite annû, deinde  
transitoria pro æternis commutans, ac induens  
in eius corpore, pro amore Christi, volunta-  
riam paupertatem, bonis suis omnibus in ali-  
moniam pauperum distributis, hoc celebre mo-  
nasterium sanctæ Crucis, opus manuum suarum,  
sub



sub ordinis obedientia est ingressa, anno Dñi millesimo trecētesimo, quadragesimo quarto, die XXI. Ianuarij, duodecimæ Indictionis: in quo vitā beatam ducens, secundū regulam B. Francisci Patris pauperum; tandem vitæ suæ terminum religiosè consummauit. Anno Domini M. CCC. xxxv. Die XXVIII. Iulij, tertiæ decimæ Indict. sequenti verò die factis exsequijs tumulatur.

## IBIDEM.

F. ANGELO NEAPOLITANO B. M. qui sic obiit, vt viuere docuit, D. PETRVS à TOLEDO Neapol. Prorex, piam ob amicitiam Pont. iussit anno M. D. XLI.

## IN S. LAURENTIO.

IOAN. FRANC. PIGONNO, in quo tot virtutum flores enitebant, vt immortales posteris fructus pollicerentur: sed tantum eheu! spem fructuum rapidus Auster illicò ad terram decussit, AVRELIUS & CAECILIA VRSINA parentt. certatim lacrymantes, filio quàm Cariss. ob egregias dotes POSS. Elatus quiescenti, quàm mortuo similior, annum agens XIII. M. D. XLVIII.

## IBIDEM.

VITO PISANELLO, ex antiqua orto familia: vtpotè cui Pisæ in Achaia, vnde ea est, cognomen indidère. Federici Regis, à secretis intimo, atque à latere Consiliario, & miserrimis temporibus laborum, itinerum, periculorumq; socio. Dein Ferdinando Regi Catholico, ob raram aduersis in rebus fidem, Gallis regnum inuadentibus, acceptiss. Qui post receptam Neapolim an. agens LXXIII.

in eius gremio mortalitatē expleuit. Andr. Franciscus, & Mutius Neapol. auo opt. ac benè merenti testimonium amoris & pietatis exsoluerunt. Funeratus Id. Decemb. M. D. XXVIII.

---

 IBIDEM.

IOAN. BAPT. VILLANVS, quam viuus nequiuit, mortuus inuenit requiem.

---

 ANONYMI.

Quisquis es, hoc te sepultus rogat, sua ne moueas, seu inquietes ossa; vt, qui viuus nūquam quieuit, saltem quiescat mortuus.

---

 ANTE TEMPLVM.

Non semper ero hīc; vsque fui. Hospes, quid sim, vides. Quid fuerim, nosti; futurus ipse quid sis, cogita.

*Inferri sancto Manes quia turpe putauī,  
Idcirco ante fores conditus hīc iaceo.*

ERYCIVS PVDERICVS Eq. Neapolitan. viuus sibi POS. ne de sepulcro sollicitus hæres esset, neve viuorum negligentia obesset mortuo. Valetate posterī.

---

 EIVSDEM TVMVLVS PER IOVIANVM PONTANVM.

*Quid satis huic, hospes, cineri feliciter optes.*

*Cui fuit ex omni parte probata fides?*

*Cognatis, Patriaq; bonus: vir commodus agris,*

*Vtilis & bellis, parq; domi, atq; foris.*

*Detractum ERICO nihil est sub iudice morum,  
 Quo meritò iactat se Puderica Domus.  
 Dic igitur pia verba: simul cum thure Sacerdos  
 Da nardum. huic tumulo dicere non sat, aue, est.*

---

I N S. A V G V S T I N O,  
 C O L V T I I C O P V L A E.

*Nil meum, quod debui, reddidi D. O. M.*

COLVTIVS COPVLA Patrit. Neapolit. Iuris  
 Ciuilis ac Pontificij in iuuéta donatus insignibus,  
 cuius Patrociniû omnis sexus, omnis ordo in cau-  
 sis optauit, hoc sibi suisque posteris, viuus, sepul-  
 cri memor, POS. Expecto donec veniat immuta-  
 tio mea. M. D. XXI.

---

IBIDEM.

*Quot lacrymas moriens liquisti, filia, matri,  
 Tot tibi dent superi gaudia perpetuo.  
 Ter conata sequi, ter spiritus haeserat ori,  
 Quod volui, haud potui, te moriente mori.  
 Solamen si quod misera est, insomnia praestant,  
 Quum tristem in somnis ludit imago animam.*

CLAVDIAE GAGLIANAE foeminae rariss.  
 Quae vixit annos XIX. menses X. dies IV. Angela  
 Ferrayola mater infeliciss. F. Quam tunc dolor  
 intestinus deseret, quum clemens mors illam as-  
 sequetur.

---

IBIDEM.

Anno Domini M. CCC. XXVIII.

II, April. Indictione XI.

obijt

BEATVS AVGVSTINVS TRIVMPHV<sup>S</sup>  
 DE ANCONA,  
 Magister in sacra pagina,  
 Ordinis Patrum Eremitarum  
 S. Augustini,  
 qui vixit annos LXXXV.  
 ediditque suo angelico ingenio xxxvi.  
 Volumina librorum.  
 Sanctus in vita & clarus  
 in scientia.

---

D. O. M.

ANTONIUS CORRADIUS Aquinatum Pon-  
 tificex, nobilitate clarus, virtute clarior, pietate ac  
 religione clarissimus, hinc situs est. DARIA GRE-  
 GORIA de Aquino leuiro benemerenti ex suo  
 POS, ann, ab ortu salutis M. D. XXXIV.

---

IBIDEM.

DIONEVS fuit TORNAQVINTIVS, ann. vi-  
 xi vix xviii, vitæ instabilitatis exemplum. M. D.  
 XIII.

---

IBIDEM.

*Flere tuum licuit. frater dulcissime funus:*

*Addere perpetuas non licuit lacrymas.*

PAVLO FONTANAE Augustiniano Theolo-  
 go, Concionatori ætatis suæ eloquentiss. qui vixit  
 ann. xxxiv, M. i v. D. vii, Michael Fontana frat.  
 opt. ac B. M. ob pietatem posuit. Obijt anno Chri-  
 sti M. D. xxiv. Augusti xxvi.

*Sub hoc Epitaphio picta est aquila, tenens librum  
 magnum apertum, adiectis verbis seqq.*

PAV-



PAVLVM verò Neapolit. Eremit. in quo potissimum laudum genere collocem, non inuenio. Nam si probitatem, si studia, humanitatem, liberalitatem, gratiam spectem; nemini secundus apparebit. Si dicendi peritiam, facundiam, promptitudinem, modulatiss. vocem, aptiss. gestus, concinnos flores, luculenta verba, beatam memoriã, feruentiss. hortationes, propheticum furorem: primum in sua ætate locũ facile obtinebit. cuius perennem atque beatiss. eloquentiæ fontem toties Vrbs ipsa Roma, Venetorum Senatus, Ianua, Panormus, Sicilia, Regnum Apulię, & quod rariss. est, patria Neapolis, maximo plausu pluries est admirata: quem in medio fortunarum cursu, vt desiderabiliorem nobis, sic & feliciorem sibi, mors ipsa abstulit, finem quoque tantorum laborum & volenti, & plurimum exoptanti præstitit.

## ALIVD.

Fides, probitas, pudor, hijs cineribus perpetuò comites, communem heic æternitatem expectant. BARTHOLOMAEO PACCIO, NICOLAO MEDICI, & BEATRICI eius F. ciuibus NEAPOLIT. ex vetustiss. Florentiæ familijs: Nicol. Anellus Paccius, Art. & Med. Doctor, patri, auo, & matri ob debitam pietatem, sibi ac posteris P. Ann. à Deo homine M. D. LX.

## IN S. SEBASTIANO.

MARIAE FRANC. VRSINAE Ioan. Manupelli Comit. F. quæ, defuncto viro Ioanne Antonio Martiano Sinuissæ Duce, qui cum VI. ann. concordissimè vixisset, neglectis huius vitæ illecebris, vt æternam assequeretur, iustaurato auctoque sua  
impen-

impensa hoc DD. Petri & Sebastiani Monasterio,  
 introductâ auctioris vitæ obseruatione, cum se to-  
 tam Deo deuouisset, xxx. agens annum, à Monia-  
 lium cœtu, ob morum sanctitatem Moderatrix de-  
 lecta, per xxxii. ann. inclusam vitâ inculpatiss.  
 transegit; Priorissa, & Moniales auctori sanioris  
 vitæ & reformatrici B. M. P. Obijt anno M. CD.  
 LXXXIII. mens. Ianuar.

---

IOANNIS ALEFELDII EQ. CIM-  
 BRI, ANNO M. CCCC. LXXXI.  
 extincti.

DEFUNCTVS LOQVITVR.

*Est huius vitæ cursus labyrinthus, in ipsum.*  
*Ex utero intraui, morte vorante, abij.*  
*Erraui hinc quantum DEVS & mea fata volebant,*  
*Lustra q̄ transmissi quinq̄, dies q̄, decem,*  
*Nobilibus tribui studijs hæc tempora vitæ,*  
*Vt sic nobilior nobilis ipse forem.*  
*Nunc iaceo, patria longè tumultatus ab oris,*  
*Iudicis expectans acta suprema DEI.*  
*Cimbrica me genuit tellus arctoa, sub austro*  
*Parthenoperapuit, Parthenope q̄ tenet.*

Fratri charissimo Baltazar de Alefelt

C. L. P.

---

IN DIVÆ CLARÆ.

*Nata, eheu miserum! misero mihi nata parenti,*  
*Vnicus vt fieres vnica nata dolor.*  
*Nam tibi dumq̄ virū, tadas, thalamumq̄, par abam,*  
*Funera & inferias anxius ecce paro.*

Debui-

*Debuimus tecum poni, materq<sub>3</sub>, paterq<sub>3</sub>,  
 Ut tribus hæc miseris vrna parata foret.  
 At nos perpetui gemitus, tu nata sepulcri  
 Esto hæres, vbi sic impia fata volunt.*

ANTONIAE, filię clariss. quæ Hieronymo Gra-  
 naræ iuueni ornatiss. destinata, vxor ann. nondum  
 impleuerat XIV. .

IOAN. GAUDINVS, & Eleonora Bossa, paren-  
 tes infeliciss. pos. Rapta ex eorum complexi-  
 bus, An. salut. M. D. XXX. Prid. Cal. Ianu.

VENERILLAE PVELLAE.

*Vrna vt sit tibi salua, precor, que ad flumina pergis;  
 Tu verò, vt mihi sit cura, precare, leuis.  
 Siste, mora est breuis: hac, lege VENERILLA quiesce  
 Manibus & bene sit, & bene sit cineri.  
 Mutua sed faciam: bene sit tibi, sit bene nat<sup>3</sup>,  
 Sit quoq<sub>3</sub> cum placido lis tibi nulla viro.  
 Auctor Iouianus Pontanus.*

HOMINIS MENDICI.

*Nulla mihi viuo domus, at nunc certa sepulto est,  
 Vitaq<sub>3</sub> paupertas, mors mihi diuitia.  
 Vita mihi exilium, requies ac certa sepulcrum:  
 Nudus eram viuus, mortuus ipse tegor.*

D. O. M.

LACT. LVCAITIVS CAVSID.

*Spiritum Deo, Prolem naturæ, laborem forti,  
 Probitatem famæ, nefas Erebo, ossaq<sub>3</sub> sepulcro.  
 Sibi viuens, ac Posteris D.*

D. O. M.

D. O. M.

ISOTTA BAVTIA, Pyrrho Bautio Altimuri Principe, atque Maria Vrsina, parentibus inclitis genita: Petri Geuarę, magni regni huius Seneschalci vxor, prisca matronar. virtute ornâtiss. mortale sui dimidium Sacello in hoc auito deponendum viuens cur. Coelestem ad patriam spe summa & fide ducibus migratura. Quid non æui longinqua vetustas, fortuna obsequente, mutat? Principatus ad alienos fors transtulit: Domina titulos seruauit inanes: at foemina Princeps: licet tot claris orbata & titulis & fortunis; bona tamen animi sanctissima secum retinuit. Vixit ann. 70. mort. anno Theogoniae 1530.

---

IN MONTE PIZO FALCONIO.

ANDREAS CARRAFAS, S. Seuerinae Comes, villam hinc struxit, CARRAFINAM Q. appellauit; Luccullum imitatus parili animo, licet opibus impar, atque ita sanxit. Delicati iuuenes huc ne accedunt. Emeriti senes, nec in gloria, honesta quiete hinc fruuntur. Viri docti bonique ingenia hinc exercent. Qui est Carrafa gentilitate fuerit, qui sanctiones hasce non seruauerit, suburbani huius exhaeres esto, proximiorque succedito. Anno M. D. XII.

---

IN LEUCOPETRA VILLA.

Hospes, etsi properas, ne sis impius, praeteriens hoc aedificium venerator. Hinc enim Carolus V. Rom. Imp. a debellata Africa veniens, triduum in liberali LEUCOPETRAE gremio consumpsit. florem spargito, & vale. Anno M. D. XXXV.



## I N T V R R I.

Vt diurno lusu defessus Pan, Satyris Nymphis-  
que comitantibus, cum musis simul tutus à prædo-  
nibus noctu quiesceret, Bernardus Martyranus Pa-  
tritius Consentinus, Regni Neapolitani sub Caro-  
lo Cæsare V. Secretarius, propugnaculum hoc ere-  
xit. Anno M. D. XXXII.

## I N F O R N I C E N Y M P H A E I.

BERNARDVS MARTYRANVS Consentinus; Imp. Carolo Cæs. Augusto à consilijs, in Re-  
gno Neapolitano Secret. qui magnis domi mili-  
tariq; functus honoribus, decus vetustissimæ fami-  
liæ auxit sua virtute & dignitate: post labores ho-  
nestos fortiter que susceptos, ex opere nouo Con-  
tharum Nymphæum hoc Genio POS. & Otio li-  
berali. Anno M. D. XXXIV.

## P O N T I S M A G D A L E N A E

S V P R A S E B E T H V M.

Sine hospes, siue inquilinus viator es, bene adsis:  
quem vides pontem collata provincialium popu-  
lor. pecunia, publicæ commoditati restituit, BER-  
NARDINO MENDOTIO, Principe optimo, au-  
spice: dum regno Philippi Austrij, regis nostri in-  
clyti, nomine, summa omnium beneuolentia præ-  
fuit. Transi felix, & utere. M. D. LV.

I N H O R T O S E C R E T O P R O R E -  
G I S I N C O L V M N A.

PETRVS TOLETVS Hispanus, Marchio Villæ  
Franchæ, Neapoli Prorex, nouam cum hippodro-  
mo porticum nouæ arci primis regendi auspicijs

H


adden-

addendam curauit, Caroli V. Imp. & futuroꝝ. Regum Proregumq; commoditati, vrbis decori, documento demum magni animi, & in nitidiorem formam, splendoremq; suum cuncta reditura pollicentis. Anno M. D. XXXIII.

---

PORTAE PALATII MARCHIONIS DEL VICO.

NICOLAVS ANTONIVS CARACCIO-  
LVS Vice Marchio, & Cęsarıs à latere Cõsiliarius,  
has Genio ædeis, Gratijs hortos, Nymphis fontes,  
nemora Faunis, & totius loci venustatem Sebetho  
& Sirenibus dedicauit, ad vitę oblectamentum, at-  
que secessum, & perpetuam amicorum iucundita-  
tem. Anno M. D. XLIII.



CAIETAE.

---

IN TEMPLO ARCIS.

*Aucto Imperio, superata Italia,  
Deiicto Gallo, Pontifice obseſſo,  
Roma capta, Caroli BORBONII  
Hoc marmor cineres continet.*

HISPANICÆ.

Francia medio la leche.  
Eſpania la ventura.  
Roma medio la muerte,  
Gaieta la ſepultura.

Obijt anno Chriſti M. D. XXVII.

*Conſule Ionium & Pontem Hæterum, lib. 9. rerum Belg.*

ALIVD.

ALIVD.

*Consilij's Calchas, animo Hector, robore Achilles,  
Eloquio Nestor, iacet hic BORBONIVS Heros:*



SALERNI IN CAM-  
PANIA.

AD S. MATTHAEVM.

**G**REGORIO VII. Soanēsi, Pont. Opt. Max.  
Ecclesiasticæ libertatis vindici acerrimo,  
assertori constantissimo: qui dum Rom. Pôt.  
auctoritatem aduersus Henrici perfidiam strenuè  
tuetur, Salerni sanctè decubuit, anno Domini M.  
LXXXV. VIII. Kal. Iunij, MARCVS ANTONIVS  
COLVMA, MARSILIVS BONGINENSIS  
Archiepiscopus Salernitanus, cùm illius corpus  
quingentos circiter annos, sacris amictum, ac ferè  
integrum reperissent, ne tanti Pôtificis sepulcrum  
diutius memoria careret; Gregorio XIII. Bono-  
niense sedente, anno Dñi M. D. LXXVIII. Prid.  
Kalen. Quint.

IVLII FERRETTI I. C. EPITAPHIVM  
IN S. SEVERO, QVOD EST OPIDVM  
in Apulia Daunia.


*IVLIVS est nomen, Rauenna est patria dulcis,  
Pontifici notus, notus & Imperio.*

*Iura poli, atq; tori, belli, terræq; mariq;*

*Descripsit, tandem conditur hoc tumulo.*

EXUPERANTIUS FERRETTVS moerens,  
Patri V. I. Doctōri, Equiti, & Comiti, Apuliæ præ-  
fecti,

fecti, opt. & B. M. P. C. Vixit annos LX. Obijt  
VIII. Id. Mart. M. D. XLVII.



## PUTEOLIS.

IN HORTO QVODAM.

**P**ETRVS TOLETVS, Marchio Villæ Fran-  
chæ, Caroli V. Imp. in Regno Neapolit. Vi-  
carius, vt Puteolanos ob recentem agrî con-  
flagrationem palanteis, ad pristinas sedes reuoca-  
ret, hortos, porticus, & fontes marmoreos, partâ  
victoriâ Africanâ, quam reportauerat, Otio Ge-  
nioq; dicauit: ac, antiquo, instaurato, purgatoque  
ductu, aquas sitientibus ciuibus suâ impensâ resti-  
tuit. Anno à partu virginis M. D. XL.



## SPOLETI IN VMBRIA.

AD S. MARIAM.

**T**HEONORAE BURSINAE, Coniugi ca-  
riff. seuerus Mineruius B. M. POS.

*Vitam ego te geminam vixi viuente; fuisti  
Supra hanc, qua viuo, tu quoq; vita mihi.  
Morte tua exanimis vitam; nam conditur vrnâ  
Maxima tecum anima pars, THEONORA, mea.*

PHILIPPI PICTORIS.

*Conditus hic ego sum picturæ fama PHILIPPVS,  
Nulli ignota meæ gratia mira manus.*

*Artifi-*



*Artificis potui digitis animare colores,*

*Spirataq; animos fallere voce diu.*

*Ipsa meis stupuit natura expressa figuris,*

*Meq; sibi fassa est artibus esse parem.*

*Marmoreo tumulo Medices LAVRENTIVS hoc me*

*Condidit: antè humili puluere tectus eram.*



## FVLGINIAE.

IN D. FELICIANO.

**I**VLIO II. Opt. Maxim. Pontif. quod LVCA  
CIBO Episcopo Fulginij exorante, annuo sub-  
sidio Clerum perpetuò liberavit, Canonici li-  
beraliff. Principi POS. M. D. XII.

Clemente VII. Pont. Max. quod autore FRAN-  
CISCO ARMELINO, Medic. Presbyt. Cardin.  
S. R. E. & S. N. D. Camerario & Federico Flauio  
Archipresbytero supplice, xxv. aureorum num-  
mos, ad omnem rerum sacrarum apparatus addi-  
xerit, D. Feliciani Sacerdotes benè mer. POSS. M.  
D. XXVI.

IBIDEM.

*Ad mortem properas, vel si hîc paulùm ipse moreris;*


*Siste gradum, cœptum tutius vt sit iter.*

*Tutum iter ad mortem, tutum si viuere temnas,*

*Vt viuas, vitæ hæc cura sit vna tua.*

IBIDEM.

VGOLINO CRISPOLTO Perusia genus &  
nobilitatem, Vectonium sedem, & honestas opes,  
Fulgina vxorem & vnam dedit.



# FANENSIA.

AD S. FRANCISCVM

DVCISS. BIANCAE.

**C**larapudicitia dux PAVLA Bianca, potentis  
 A genitrice trahens Vrsini sanguinis ortum,  
 Cui patrium Malatesta genus, celsumq<sub>3</sub> maritum  
 Pandulphum aula dedit, formæ splendoribus omnes  
 Vincens, atq<sub>3</sub> viros summis virtutibus æquans,  
 Hic cineres liquit, celeremq<sub>3</sub> petiuit olympum.

Obijt anno M. CCC. XCIII. in festo  
 D. Antonij.

## IN FORO MAIORI.

GREGORII XIII. æternę memorię, ductum  
 crateremq<sub>ue</sub> fontis, insignibus ornatum, fides FA-  
 NENSIVM dicauit, anno M. D. LXXVI. Benedi-  
 cto Buccantio Patrit. Romano Fanum guber-  
 nante.

Decuit sanè pereanes latices GREGOR. XIII.  
 Pontif. Max. Senatam Fanensem pro sua fide cul-  
 tuq<sub>ue</sub> in foro dedicare, cum ipse orbi sese Reli-  
 gionis iustitię, Pacis fontem inexhaustum præ-  
 stet.

## IN CATHEDRA IVDICIS.

SVB GIGANTE PORTANTE COELVM  
 in humeris.

*Non leuius fert pondus optimus Senator.*

*Loquuntur multi; pauci dicunt.*

## AD CAMILLI.

*Iustitiam, rectumq; sequi, monstrante CAMILLO,  
Discite: sitq; dolo vincere, turpe viris.*

ITEM.

*Impietas pietate noua depulsa parentis,  
Propatria in patriam nos docet esse pios.*

ITEM.


*Pugnant ter gemini per mutua vulnera fratres,  
Asserere Imperium non sibi, sed patria.*

ITEM.

*Propatria certamen obi, tibi candidus ales  
Fiet, opemq; feret, sit licet ipse niger.*

ALIUD.

*Mollit, agit, nectitq; aures facundia; sed non  
Labem animi eloquio tollere lingua potest.*



## PERVSINA.

IN PERVSIAM IUL. CAES.

SCALIGER.

**S**anguinea audaci conata PERVSIA ferro,  
Tanquam hosti temerè sapè inimica suis.

Partibus Imperium, vitales partibus auras  
Colligit, iniussis partibus atra DEOS.

Vae tibi sic odio quae te partiris amaro.

Est, quae non toto est corpore tota, nihil.

Quin etiam fera iura tui scripsere coloni:

Quae iubeant terras semper habere manus.

H 4

Vestra-

*Vestrarum hæc igitur summa est sapientia legum;  
Nolle placere alijs, velle nocere sibi.*

---

IN ATRIO ARCIS.

PAVLVS III. Pontif. Max. tyrannide eiectâ,  
nouo ciuitatis statu cõstituto, bonorum quieti, &  
improborum freno, arcem à solo excitatam mira  
celeritate muniuit, pontificatus sui ann. IX. Salut.  
M. D. XLIII.

---

A D S E R V O S.

BALDO SECVNDO Perusino I. V. Consultif-  
simo filij pietiss. faciendum curauerunt, proba-  
ueruntque. Vixit ann. LXXVI. M. IV. D. VI. obiit  
M. CD. XC. Septemb. XXII.

*Interpres vtriusq; iuris ingens,  
Orbis gloria, patria decusq;  
Hic BALDVS IACET ille Bartholinus;  
Hui, BALDV M haud tegit hoc, sed ossi Baldi  
Marmor, famâ nitens volat superstes,  
Cælum spiritus innocens recurrit.  
Dic lector VALE, & hinc recede felix.*

De huius morte lege Andream Mathiolum Me-  
dicum.

Tumuli inscriptionem ex Hetrusco sic vertit  
Camerarius.

*Humanis homini nihil est in rebus amicum:  
Nemo scit, hora sua quæ sit, & vnde, necis.  
De summa, quæ in illo fuit, Iuris cognitione  
notum est elogium:  
Nemo, quod hunc latuit, scit: si iura monarcham  
Ferre queant, tanto hic nomine dignus erat.*

ANTE



---

 ANTE AEDEM S. LAURENTII.

IN FRONTISPICIO AENEAE

*Pont. statue.*

IVLIO III. Pontif. Max. ob restitutos magistratus, piè deprecantibus Fulvio S. R. E. Card. & Ascanio corneis, ex sorore nepotibus, ad muneris, gratique animi perpetuitatem PERVSIA dedicat.

---

## MEDICI CVIVSDAM.

*Magnus Aristotelem reserauit Auerrois, ast hic  
Amborum interpres, tres animas habuit.*

---

 FOEMINAE A MARITO ADVLTERRI  
 SVSPICIONE INTERFECTAE.

*Si qua solet proprio gaudere puella decore,  
Quid mea sors possit, nunc ego sola queror.  
Forma dedit multis famam laudemque puellis,  
At mihi de falsa suspitione necem.*

M. CCCC. LXXX.

---

 IN S. FRANCISCI.

Sepulcrum BARTOLI I. C. sumptuosè ex marmore albo erigitur, cum nulla alia inscriptione, quam:

OSSA BARTOLI.

Et saxum vetus humi hoc habet incisum:

*Sepulcrum BARTOLI I. C.*


---

EIVSDEM.

*Hic est BARTOLVS ille iuris ingens.  
Lux, & commodus explicator: hic est.*

H S

*Quem*

*Quem mors ante diem abstulit maligna.  
Heu mors inuida, & aeo iniqua nostro,  
Qua leges iterum iacere cogis!*

Obijt anno M. CCC. LV. ætat. XLVI.

---


PETRI PERVSINI PICTORIS.

*Perdita si fuerat, pingendi hic rettulit artem.  
Si nusquam inuenta est hæctenus, ille dedit.*

---

SVB CATONIS IMAGINE.

*Quisquis vel celebri facturus verba corona  
Surgis, vel populo reddere iura paras:  
Priuatos pone affectus: cui pectora versant.  
Aut amor, aut odium, recta tenere nequit.*



LORETANA.

---

NICOLAUS CAIETANVS.

**C**Ardin. Sermoneta, gentilis BONIFACII  
VIII. cum & sub idem tempus, quo ille  
Pontificatum inijt, sanctam hanc domum,  
hic tandem diuinitus confedisse, & multa se à  
Deo opt. Max. beneficia Beatæ MARIAE Virginis  
Deiparæ precibus obtinuisse meminisset; spe-  
rans, eiusdem opem morienti non defuturam:  
monumentum hoc marmoreum viuens, & incol-  
lumis sibi faciendum cur. atque in eo, vbi morta-  
litate exuisset; corpus suum recondi voluit, an-  
num agens LIIII. Anno Domini M. D. LXXX.  
Obijt, annos natus LIX. M. II. D. VII. Kal. Maij,  
ANNO M. D. LXXXV.

## IBIDEM IN MARMORE.


*Templa alibi posuere Patres, sed sanctius istud,  
Angelica turma, virgo, Deusque locant.*

## IBIDEM.

*Nullus in orbe locus praelucet sanctior isto,  
Quaque cadit Titan, quaque resurgit aquis.*

## IBIDEM.

FERDINANDVS Rom. Vng. & Bohem. Rex,  
Archid. Austr. ex voto pro salute, & in memoriam  
dulcissimæ coniugis ANNAE, hanc eius argen-  
team effigiem D. Mariæ Virgini dedit, consecra-  
uitque, Anno sal. 1547. D. 27. Ian. ætat. 43. M. 7. D. 5.



## ANCONITANA.

IN ANCONAM IVL. CAES.

SCALIGER.

**D***euiatrix Pelagi tutis anfractibus Ancon  
Ostentat placidi commodarara sinus.  
Nimirum Dea, qua voluit capere vrbi honores,  
Lenia sic voluit reddere scepra maris.*

IN D. DOMINICO.

MANILIO MARULLO

Patria Constantinopolit. vetustiss. Marullo-  
rum genere nato, qui ex D. D. Gordianis Ma-  
rullis Roman. Imperat. originem ducunt, om-  
nibus virtutibus honestisque moribus prædi-  
to: à Turcis fortunis amplissim. spoliato, pa-  
triaque eiecto: summis magistratibus, legationi-  
busque

busque varijs, terra marique laboribus, vita denique idibus Nouemb. Anconæ defuncto, Philippus, Theodorusque filij parenti pientis, qui vixit annos LXXXV. Pos. An. salut. M. D.

## ALIVD.

*Flens primum has auræ hausit puer omine diræ:  
 Elebilis erepta vitæ fuit patriâ.  
 Nunc quoque flens morior, ne quid non flebile restat:  
 Hæc est humani conditio generis.*

EUPHROSYNES TARCHANIOTÆ,  
MAN. MARVLLI VXORIS.

*Quæ nam hoc in tumulo tegitur matrona? venustam  
 Ille pudicitiam dixerat, hæc eadem est.  
 Quod genus? Inachidi, generis fortuna? beata.  
 Sed cecidit patria deficiente sua.  
 Quis torus? vnus, & hic felix sine lite, MARVLLI,  
 An mater? sero pignore fecit auum.  
 Quæ vita? in tenebris. quæ causa indigna doloris?  
 Occasus patriæ, seruitiumque graue.  
 Ecquem cum patriâ luxit? fratremque patremque  
 Sed quas felices diceret esse animas.  
 Felices nimirum anima: sed & hæc quoque felix  
 Fœmina, tam rari pectoris, in tenebris.*

PHILIPPI MARVLLI MAM-  
LII PATRIS.

*Siste hospes, atque hæc verba, si placet, lege.  
 Neque enim rogamus, nisi lubentem quempiam.  
 Ego PHILIPPVS hic MARVLLVS contegor.  
 Posuit superstes filius Mamilius,*

Vxor-



*Vxorq̄ Thomæ. hoc satis, cetera alij.*

*Nam de MARV LLO vltcrius proloqui, nefas.*

MICHAELIS TARCHANIOTAE EV-  
PHROSYNES PATRIS.

*Parce hospes, cineresq̄, pios ne lude profanus:*

*Sinescis, Castis hac loca solapotent.*

*Nec te, priuata, moueat, qudd claudor in vrna:*

*Hac quoque fortuna non mea cura fuit.*

*Longè, hospes, longè tamen erras, si mea credis*

*Nomina in exiguo tota repostasolo,*

*Quæq̄, tot ob patriam pugnando vulnera passus,*

*In cineres mecum versa abÿsse leues.*

*Atq̄, vtinam ob patriam tantum, nec dicerer hospes*

*Cum patria, & natis oppetÿsse tribus.*

*Quos ego supremâ Comites hortatus in hora,*

*Vincere dum nequeo, pro patria perÿ.*

T V M V L V S

MICHAELIS TARCHANIOTAE MARVLLI,

EUPHROSYNES TARCHANIOTAE, ET

MANILII MARVLLI F. Philoso-

pho, & Poetæ præstan-  
tissimo.

*Dum floruit magni decus Byzantiÿ*

*MARVLLVS, alti lucidam Iouis domum,*

*Laudesq̄, factaq̄, omnium extulit Deum,*

*Visa suorum cade, patria ignibus,*

*Letho parentum, fortis exilium tulit,*

*Sacris operatus Musicis; fluuio perit,*

*Alijs dolendus: ipse, quæ prauiderat,*

*Æternitatis templa, non miser, colit.*


*Plectro & decorus aureo, & toga grauis,  
Graiam facit cantu stupere Pierin.*

PAULI TARCHANIOTAE EUPHRO-  
SYNES FRATRI, MARVLLI  
auunculo.

*Quòd procù! Inachijs tegeris carissimè ab oris,  
Desine de fato, TARCHANIOTA, queri.  
Vna eadem terra est, quam cernis, vbique locorum,  
Nec minus Elysiùm hinc, aut minus inde via est.  
Nam nobis mandata satisquè super què dedisti,  
Tot rerum inuictus pondere & exilij.*

IN CYMERAE PROMONTORIO.

*Solus in occultis degens HIERONYMVS antris,  
Hic recubo, montis accola Cymmerij.  
Vnde mare, & terras, tenebr osumquè aëra circum,  
Et video cælum, quod colo, sidereum.*



PISAVRENSIA.

IN PISAVRVM IVL. CAES.

SCALIGER.

**H***ic Romæ fulsit primum spes vltima vita:  
Vnde loco, atq; vrbi nomina ducta canunt.  
Dum Gallus Romana actis imitatur auitis  
Arma, premens arma Romula, victor adest.  
Postquam è sollicita posuit discrimina mente:  
Torpuit occulto dextra soluta metu.*

*Ab quid*

*Ab quid agis soboles priscorum inuicta Deorum?  
Rerum, non auri, summa petenda tibi est.*

---

## IN HORTO DVCALI.

## STATVA LOQVITVR.

Veneri vixi æmula. Saxo occuluit delicias li-  
nor. Pietate artificis æternum viuebam, nisi me vi-  
disset marmoream Venus.

---

## IN VILLA DVVIS.

FRANC. MARIAE Duci Metaurensum à bel-  
lis redeunti, Leonora vxor, animi eius causa, vil-  
lam exædificauit, pro sole, pro puluere, pro vigi-  
lijs, pro laboribus, vt militare negotium, quiete  
interposita, clariorem laudem, fructusque vberio-  
res pariat.

---

## IN CATHEDRALI PANDVLPHI

## MALATESTAE TVMVLVS.

*Olim Ductor eram Latio celeberrimus omni,  
Ductor eram ingenio promptus, & ipse manu.  
Quin etiam, populos summa pietate regebam  
Adriacos, gratus militia, atque domi.*

PANDVLPHVS mihi nomen erat MALATE-  
STA, parensque

Progeniesque pari nomine clara fuit.

Hic tumulus fuerat viuo de marmore factus,

Cæsus imaginibus, & Leo subtus erat:


Vltima fex hominum ciues, paucique malorum

Deiecere suis ossa remota locis.

Sed sceleris tanti populus factio agmine vindex,

Hunc illum obtruncat, hos capit, atque fugat.

VRBI.



## VRBINATIA.

---

### AD S. CLARAM.

**F**RANC. MARIAE Duci, amplissimis belli, pacisque muneribus perfunctio, dum paternas vrbes per vim ter ablatas, ter per virtutem recipit, & receptas æquissimè moderatur; dum à Pontificibus; à Florentinis, à Venetis exercitibus præficitur, deinceps & gerendi in Turcas belli Princeps, & administrator assumitur. Sed ante dies sublato DONORA vxor fidissima, & optimeritissimo pos. & sibi.

---

### IN S. BERNARDINO EXTRA VRBEM.

#### ALEXANDRI VETERANI.

*Maxima qui fuerat VETERANAE gloria gentis,  
Aspice quam parua nunc tumultatur humo.  
Mille virum hic stygijs cum frigida corpora ab vni-  
Paonia ad superos saepe reduxit ope: (bris  
Vnde illi merito nomen tribuere parentes,  
Conueniens meritis, finitimumq; suis.  
Mors, quoniam caeci tot funera traxerat Orci,  
Faucibus, vtrices intulit atra manus.*

ALEXANDRO VETERANO Physico, Urbini nati, Castis. coniux, pietissimiq; FF. hoc ponend. curr. Vixit ann. LIIII. Obijt M. D. XIII.

---

### IN ARCE.

FRIDERICVS Urbini Dux, Montis Feretri, ac Duran-



Durantis Comes, S. R. E. Confalonarius, atque Italicæ confœderationis Imperator, hanc domum à fundamentis erectam gloriæ ac posteritati suæ exædificauit: qui bello pluries depugnauit, sexies signa contulit, octies hostem profligauit, omniumque præliorum victor, ditionem auxit, eiusdem iustitiæ, clementiæ, liberalitas & religio, pacè victorias æquarunt ornaruntque.

## AD IMAGINES PRÆSTANTIVM

*VIROVM:*

## PLATONI

Atheniensi, humanæ diuinæque Philosophiæ antistiti celeberrimo Fed. dicauit ex obseruantia.

## ARISTOTELI

Stagirita, ob Philosophiam ritè exacteque traditam, Fed. posuit ex gratitudine.

## CL. PTOLEMAEO

Alexandrino, ob certam astrorum dimensionem, inductasque orbis terrarum lineas, vigilijs laborique æterno, Fed. dedic.

## M. TULLIO

Ciceroni, ob disciplinarum varietatem, eloquentiæque regnum, Fed. D. P. P. P. ex persuasione.

## L. BOETHIO

Ob cuius commentationes Latini M. Varro nis Scholas non desiderant. Fed. Vrb. Princeps P.

## L. ANNAEO SENECAE

Corduben. cuius præceptis animus liberatur perturbationibus, excoliturque tranquillitas. Fed. erexit.

## HOMERO

Smyrnxo, cuius poësin ob diuinam disciplinarum varietatem, omnis ætas admirata est; affectus nemo post. Gratiudo P.

## D. AVGVSTINO

Ob sublimem doctrinam, cœlestiumque rerum indagacionem luculentissim. post. edocti F. C.

## MOSAE

Iudæo, ob populum seruatum, diuinisque animatum legibus, posteritas Christiana posuit.

## SALOMONI

Ob insigne sapientiæ cognomen, Fed. homini diuino P. C.

## D. THOMAE

Aquinati, cuius diuinitas Philosophiæ Theologiæque commentationibus ornata est, dicat ob virtutem egregiam.

## SCOTO

Ob sublimes cogitationes, cœlestiumque rerum assertationes accuratissimas, Fed. doctori acutissimo P.

## PIO

Secundo, P. M. ob Imperium auctum armis, ornatumque eloquentiæ signis. Fed. posuit magnitudini animi, laboribusque assiduis.

## BESSARTONI

Græci Latini que Conuentus pacificatori, ob summam grauitatem, doctrinæque excellentiam Fed. amico sapientis. optimoque posuit.

## ALBERTO

Magno, ob res naturales æmulatione Aristotelica perquisitas, immensis voluminibus, Posteritatis curæ sanctissimæ B. M. P.

XYSTO.

XYSTO

Quarto P. M. ob Philosophiæ Theologiæque scientiam ad Pontificatum traducto, dicat benignitati immortalis.

DANTI

Antigerio; ob propagatos numeros, Poeticamque variâ doctrinâ populo perscriptam. Posita B.M.

P. VIRGILIO

Maroni, ob illustrata numeris Heroicis Romani Imperij incunabula atque Poeseos diuinitatem. Fed. dedit furori sublimi.

EVCLIDI

Megarensi, ob comprehensa terræ spatia lineis centroque, Fed. dedit inuentori exactis.

VICTORINO

Feltrensi, ob Humanitatem, litteris exemploque traditam, Fed. Præceptoris sanctis. P.

SOLONI

Ob leges Atheniensibus traditas, Rom. tabularum seminario sanctis. Fed. P. ex studio bene instituendorum ciuium.

BARTHOLO

Sentinati, acutissimo legum interpreti, æquissimoque, Fed. Posuit, ex merito & iustitia.

HIPPOCRATI

Coo, ob salubritatem humano generi datam, breuibusque demonstratam comprehensionibus, bona posteritatis valetudo dicat.

PETRO

Apono, medicorum arbitro æquissimo, ob remotiorum disciplinarum studium insigne, Fed. P. Cur.

D. GREGORIO

In coelum relato, ob morum sanctitatem, librorum quoque elegantia testatam, gratitudo Christiana memor erexit.

D. HIERONYMO

Ob fidei Christianæ præcepta, doctrina elegantiaque illustrata, Fed. æternitatis gratia posuit.

D. AMBROSIO

Ob spreto fasces consulares, susceptumque Christianum nomen, & ornatam Latini sermonis iucunditatem, Fed. P.


MONUMENTA FR. PETRARCHAE

Ob acerrimum ingenium, suauissimæque ingenuitatis doctrinam, posteritatis lætitia, lusisque dicauere B. M.

## IN BIBLIOTHECA DVCIS.

*Sint tibi diuitia, sint aurea vasa, talenta  
Plurima, seruiorum turba, gemmaque nitentes:  
Sint vestes varia, preciosa monilia, torques:  
Id totum hac longe superat præclara suppellex.  
Sint aurati etiam niueo de marmore postes:  
Et varijs placeant penetralia picta figuris:  
Sint quoque Troianis circumdata mœnia pannis,  
Et miro flagrent viridaria culta decore;  
Extra intraque domus regali fulgida luxu:  
Res equidem mutæ; sed Bibliotheca pacata  
Iussa loqui, facunda nimis; vel iussa tacere,  
Est prodesse potens & delectare legentem.  
Tempora & ipsa docet, venturaque plurima pandit,  
Explicat & cunctos cœli terraque labores.*





 SVESSANA.
 

---

AD PRAEDICATORES.

AVGVSTINI NIPHI PHILOSOPHI.


**D***Vm lapidi titulum mœrens Galeacius addit,  
Et tristi curat funera cum gemitu,  
Si quis honos tumuli: non hoc tibi, NIPHE, supremū,  
Sed patriæ, & misero stat mihi munus, ait.  
Ne viuis meliore tui tu parte. leuamen  
Nos luctus medijs querimus in lacrumis.*


 LINTERNI, vulgò PATRIA.
 

---

OLIM NOBILE OPPIDVM, EXILIO SCI-  
pionis Africani celebre, cuius sepulcrum  
hîc fuisse tradunt, additâ hac  
inscriptione,

**D***Euiçto Hannibale, captâ Carthagine, & aucto  
Imperio, hos cineres marmore tect<sup>o</sup> habes.  
Cui non Europa, non obstitit Africa quondam,  
Respicere res hominum quàm brevis vrna premat.  
INGRATA PATRIA, NE QVIDEM OSSA  
MEA HABES.*


 VERVLI.
 

---

TALE QVID AONIUS PALEARIVS  
parentibus & sororibus suis co-  
gitabat.

**M**ATTHAEO PALEARIO, & CLARAE  
IANARILLAE opt. parentibus: & Elisæ,  
Franciscæ, Ianillæ, Palearijs, sororibus  
honestiss. AONIUS PALEARIVS posuit muta-  
to solo.

NEC NON VXORI.

*Ni mihi spem Christus faceret, quem, Vita secuta es,  
Non possem abrupto viuere coniugio.*

*Ille mihi te olim reditur am in luminis oras*

*Pollicitus, dulci pascit amore animum.*

*Interea AONIUM venientem cursibus ad te*

*Expecta campis vxor in Elysiis.*




## FABERIANA.

IN S. FRANCISCO.

SIGISMUNDI HERCVLANI.

**L**Ege Lector & luge casum infelicis adole-  
scentis. SIGISMUNDVS ego sum patria  
Forliniensis, ex nobili Herculanorum fami-  
lia, qui cum equo per lusum curro, alterius ex ad-  
uerso currentis impetu excussus, biduo superuixi,  
non modicâ de me spe forsân relicta. Cætera ex  
alijs disce. Vixi ann. XVIII. M. IIII. D. VIII.

ANTONIUS HERCVLANENSIS Episcopus  
Curiatensis, agri Piceni Prolegatus con-  
sanguineo B. M. Pos.



## TOLENTINA.

AD INSIGNIA PONTIFICIS

ET SYMBOLA.

PAVLO III. Pont. Max. terrestri Deo, Reipub.  
Christianæ conseruatori.

MEDI-


## MEDICI.

*Cui virtus, cui Musa dedit, cui sidera nomen,  
Et Medicina simul, non cubat hoc tumulo:  
Ast petijt cœlum, manet & comes ipse Deorum;  
Tanta etenim virtus non tulit interitum.*

---

## IBIDEM.

*Vt viuis, vixi: verùm morieris, & omnes  
Qui sum, vos eritis; puluis, & vmbra, solum.  
Qui sapit, & qui non, qui seruit, & imperat, aqua  
Et miser, & felix conditione cadunt.*



## ARIMINENSIA.

IN ARIMINVM IVL. CAES.

SCALIGER.

*Prisca fui quondam ciuilis meta furoris:  
Sed non fortune meta futura fui.  
Non tunc arma toge, non cessit laurea lingua.  
Cæsaris est facere, haud sub Cicerone loqui.*

---

IN D. FRANCISCI.

SIGISMVNDVS PANDVLPHV8 MALATE-  
STA, Pandulphi F. ingentibus meritis probitatis  
fortitudinisque, illustri generi suo, maioribus po-  
sterisque.

*Sum SIGISMVNDVS MALATESTA è  
sanguine gentis:*

*Pandulphus genitor, patria Flaminia est.*

Vitam obiit VII. Idus Octob. M. CCCC.


LXVIII.

## THEMISTII BYZANTINI,

Philosophorum sua tempestate Principis; reliquum Sigisf. Pandulphus Malatesta Pand. F. belli Pelopon. aduersus Turcarum Regem Imperat. ob ingentem eruditorum, quo flagrat, amorem, huc adferendum, introque mittendum curauit. M. CCCC. LXV.

## IBIDEM.

ROBERTI VALTVRII, qui de re militari XII. libros ad Sigismundum Pandulphum Malatestam accuratissimè scripsit, quique Roberto Malatestæ F. comitate insigni, facundia atque fide carus exstitit, Pandulphus Malatesta Robert. F. Sigismundi N. adhuc impubes, officij memor, hoc monumento B. M. ossa condi iussit. Vixit annos LXX. M. VI. D. XVI.



## RAVENNATIA,

IN RAVENNAM IVL. CAES,  
SCALIGER,

**P**rima per AEmathias quondam vetus edita siluas  
Adriacum secuit Thessala prora sinum:  
Desertumque solum, tristicium informe palude  
Munijt: atque urbis nomen habere dedit.  
Hac belli sedes, gelido cum miles ab axe  
Preruit, & Graios expulit inde duces.  
Hinc sedet Illyrica prospectans praelia Nerei:  
Ionius reduci cum tumet astus aqua.

Hinc



*Hinc oculus superiq<sub>3</sub> maris, terraq<sub>3</sub> iacentis  
Excubat, hinc duris vtraq<sub>3</sub> meta viris.  
Si iungas solida liquentia marmora terra:  
In medio, tanquam cor, metuenda iacet.*

---

## A D S. VITALEM.

IACOB. ARIGONIUS heic situs est. Hominem mors exstinxit anno ætat. suæ LIII. sed exstinxit vno in homine multas virtuteis: artis medicæ scientiam eximiam: perpetuam in omni vita continentiam: deniq; pietatem in Deum, humanitatem in omnes homines mirificam: quæ sublata ex oculis vigeant in animis memoriaq; multorum. Iac. Arigonius nepos ac Medicus P. & c.

---

## I N D. FRANCISCI.

P. NVM. CARD.

*Linguam habui Charitum, cor Palladis, ora Diones:  
Non perij, mors est splendida vita bonis.*

---

## ALEXANDRO TRABERO.

Nat. Sueuo, Equ. Cæsareæ militiæ & Pontificis in Prouincia Flaminia duci solerrissimo, qui per annos 40. virtute auita, generis antiquitate & prudentia, Regum Principumque in Italia & Germania indefesso studio castra secutus est, cum laude victoriæ signa reportans, fato Rauennæ. extinctus, hîc summo mœrore, sexagenario maior, deponitur. Tota cohors Germanica officij ergò B.M.F.C. M. D. XLI. XII. Cal. Ianu.

---

## RASPANORVM.

*Ex nobiliss. familia patritio insigni RASPANO,  
I 5 cuius*

cuius inuicta virtus solâ prudentiâ superata est.  
 Vixit ann. XLVII. ac IULIO F. Equ. insigni, non  
 minus matri caro, quàm illustribus viris grato,  
 virtute, ingenio, moribusque raris decorato, quie-  
 tis publicè conseruatori; quo orbata ciuitas, non  
 sinè bonorum omnium mœrore valdè ingemuit.  
 Vixit annos XXIV. MINORAEQUE filiaè dulciss.  
 ac pudiciss. mira indole præditæ: vixit annos  
 XXVII. IOANNA RASPONA Coniux, & ma-  
 ter in vtraque fortuna, magnæ virtutis inuictique  
 animi mulier, piè POS. Anno salut. humanæ M. D.  
 XXXVII. Mense Nouembri.

Viator, si quid in humanis veri est, hîc comitas,  
 liberalitas, hic decus patriæ sepultum est. menda-  
 cium putas? famam consule. OSTASIO RAS-  
 PANO viro dextrâ pectoreque fortissimo, Ponti-  
 fici, omnibusq; Italiæ principibus cariss. RASPO-  
 NA domus mœstissima B. M. P. C.

DIES DIEM INDICAT.

POSTREMVS DE OMNIBVS.

DANTIS POETAE.

*Iura Monarchiæ, superos, Phlegethonta, lacusq;  
 Lustrando cecini, voluerunt fata quouiq;  
 Sed qui pars cecit melioribus hospita castris,  
 Auctoremq; suum petijt felicior astris;  
 Hic claudor DANTE S Patrijs extorris ab oris,  
 Quem genuit parui Florentia mater amoris.*

VIRTUTI ET HONORI.

*Exigua tumuli DANTE S hîc sorte iacebas,  
 Squallenti nulli cognite panè situ.*

At nunc

RAVENNATIA.

*At nunc marmoreo subnixus conderis arca,  
Omnibus & cultu splendidiore nites.  
Nimirum Bembus Musis incensus Hetruscis,  
Hoc tibi, quem inprimis hac coluere, dedit.*

A RAVENNA DVOBVS VEL III.  
MILLIARIBVS IN COLUMNA  
faxea.

*In latere quod respicit Ariminum.*

Heu cladem horrendam! hic ille percelebris  
ager est, viator, in quo acerrimè vtriq; pugnan-  
tes xx. hominum millia conciderunt.

Inferius ibidem hoc distichon.

*Hac petra Petrus donat donatus Iberos,  
Gallosq; hic casos, Casius hac memorans.*

VERSUS RAVENNAM.

Reiectus ab oppidanis, amnem illac traiecit, aci-  
es instructas huc ducit, cum Prorege Hispano,  
Pontificioque exercitu indicto confligit.

PAULO INFERIVS.

Paulo IIII. Pont. Max. sedente,

P. Donatus Casius Episc. Narn. vtriusque fig-  
naturæ Referendarius, dum AEmiliæ præsideret,  
locumque hunc conflictus Rauennatis celebritate  
clarum diligenter explorasset; ne tantæ rei memo-  
riam vetustas temporū aboleret, hoc erecto mar-  
more conseruandum curauit.

VERSUS FLVMEN.

Heus viator, illic trans flumen castra metatus  
OLGASTVS FOISSEIVS Gallorum Ductor Ra-  
uennam oppugnat, murum aperit tormentis, &  
conatur irrumperere.

SENA-

## SENARIJ INFRA SCRIPTI.


*Videbis hospes huc parum attollens caput,  
Inscriptus iste quid velit lapis sibi.  
Recenset illam nempe cladem maximam  
Galli atq; Iberi exercitus, AEmiliam  
Quæ pene totam maculauit sanguine.*

IN QVARTO LATERE VERSVS FO-  
rum Liuij.

Hinc post cruentam Gallorum victoriam G A-  
STONE perempto, Hispanorum reliquæ euaserunt.  
Postremò capitur Rauenna à victoribus, ac deri-  
pitur. Abi.

## INFERIVS.

Gesta fuerunt hæc prid. Id. April. anno à partu  
Virg. supra sesquimillesimum duodecimo. Iul. II.  
Pont. Max. Christianam Rempubl. gubernante.



## V E N E T A.

IN VENETIAS IVL. CAES,  
SCALIGER.

*Peruia Barbaricis tellus OEnotria turmis  
Pertulit impositi pondera dira iugi.  
Ipsa suos fleuit populares Roma Quirites:  
Sensit & indomita noxia tela manus.  
Haud tulit hoc Genius: cuius fatalibus ausis  
Tutior in medio Roma renata mari est.  
Clara virum virtus animo: insatiata cupido  
Imperij: vasta non numerantur opes.*



*Iuppiter, haud temerè tua sunt ita disita cœli  
Mœnia, si possunt tangere; parte cares.*

---

IN EASDEM SANNAZARIVS.

*Viderat Adriacis VENETAM Neptunus in oris  
Stare urbem, & toto ponere Iura mari.*

*Non mihi Tarpeias, quantumuis Iuppiter, arces  
Objice, & illa tui mœnia Martis, ait.*

*Si pelago Tybrim præfers. urbem aspice vtramq̃:  
Illam homines, dices, hanc posuisse Deos.*

---

DIALOGVS AD S. MARCVM.

*A. Dic antique senex, Veneta quis conditor urbis?*

*B. Iuppiter. A. Vnde arces? B. Attica. A. Scor-  
ta? B. Venus.*

*A. Mœnia? B. Neptunus. A. Nummi? B. Dis.  
A. Bellica? B. Mauors.*

*A. Artes? B. Mercurius. A. Iura? B. Miner-  
ua dedit.*

*Non mirum est, si alias inter caput extulit urbis,  
Quam tot caelestes composuere Dea:*

*Quin cum tot simul hanc, solus Vulcanus Olympi  
Sedes; hic credo cesserit aula Ioui.*

*Verum ego cum possem calum conscendere, dixi:  
Mutato hic potius corpore, marmor ero.*

---

IN PALATIO CONSILII  
MAGNI.

Omnibus, qui patriam conseruarint, adiue-  
rint, auxerint, certum est, esse in cœlo definitum  
locum, vbi beati æuo sempiterno fruantur. Quod  
quidem

quidem in terris fiat acceptius, quàm concilia cœtusque hominum iure sociati, qui ciuitates appellantur; hæc etiam in rectores & conseruatores cœlo profecti illuc reuertantur. Auerfemini igitur vitia, colite virtutes; ad rectas opes animum subleuate; humiles preces in excelso porrigitæ. Magna vobis est, si dissimulare non velitis, necessitas inclytæ probitatis, cum ante oculos agitis Iudicis cuncta cernentis.

---

### INSCRIPTIO BIBLIOTHECÆ.

BESSARIONIS Cardin. ex leg. Senatus iussu; Procuratorum D. Marci cura Philippi Trono, Antonij Capillo, Andreæ Leono, Victoris Grimano; Ioannis à Lege Equ. Bibliotheca instructa & erecta. M. Anto. Triuisano Principe ab vrbe condita: M. C. XXXIII.

---

### ANTE DVCIS PALATIVM.

HENRICVS III. Gallix Rex, & I. Polonix Christianiss. accepto de immatura Caroli IX: Gallix Regis fratris coniunctissimi morte tristi nuntio; è Polonia in patriã, ad ineundum Regnum hereditarium properans, Venetias anno salut. M. D. LXXIII. XIV. Calend. Augusti accessit: atque ab Aloysio Mocenigo Sereniss. Venetorum Principe & omnibus huiusce Reipub. ordinibus, non modò propter veteris amicitix necessitudinem; verum etiam ob singularem de ipsius eximia virtute atque animi magnitudine opinionem, magnificentiss. post hominum memoriam apparatus, atq; alacri Italia propè vniuersæ summorumq; Principū præsertim cõcuriu, exceptus est. Ad cuius rei  
 memo-

memoriam sempiternam, Senatus hoc monumentum fieri curauit, Arnolfo Ferrerio Secretioris eius Consilij particeps: Regio apud rempub. Legato id etiam postulante.

---

AD TRIBVNAL TRIVMVIRORVVM  
REI AQVARIAE.

Venetorum vrbs, diuina disponente prouidentia, in aquis fundata, aquarum ambitu circumsepta, aquis pro muro munitur. Quisquis ergo quomodocumque detrimentum aquis publicis inferre ausus fuerit, & patriæ hostis iudicetur nec minore plectatur poena, quam qui sanctos patriæ muros violasset. Huius edicti ius ratum perpetuumque esto.

---

IN D. MARCI AEDIS VESTIBVLO.

BARTHOLOMAEI GRADENIGI

Ducis LII.

*Moribus insignis, recti basis, indole clarus,  
Clarior & meritis, Patrij seruator honoris,  
Clauditur hoc tumulo, Gradenigus Bartholomæus,  
Dux fuit is Venetum, quarto defunctus in anno.*

Obijt anno M. CCC. XXXIX.

---

VITALIS FALERII DVCIS XXXI.

OBIIT ANNO M. LXXXIV.

*Moribus insignis, titulis celeberrime dignis,  
Cultor honestatis, dux omnimoda probitatis,  
In commune bonus, bona semper ad omnia pronus,  
Publica conseruans, meliora bonis coaceruans,  
Dum veterum bene gesta nouas, plus reddis honesta,*

*Cuncta*

Cunctaq; iucundè faciens, das semper abundè,  
 Ut fieret plenus quicumq; veniret egenus, (quos.  
 Plus quoq; longinquos refouens, quā carne propin-  
 Vita fuit cuius patria tremor hostibus huius,  
 Reddens tranquillos hos lingua, viribus illos,  
 Cuius erat scire & populos propace subire.  
 In quocunq; forent expendia siue labores  
 Decretis legum mentes suspendere regum,  
 Ut fieres horum rex, & corrector eorum,  
 Farsæ super Cedros cuius dedit ire Faledros,  
 Chr. st. natalis peragis dum festa Vitalis  
 Duceris ad funus, factus dolor omnibus vnus.

---

LANCINI CVRTII.

En virtutem mortis insciam.

Viuet LANCINVS CVRTIVS

Sæcula per omnia.

Tantum possunt Camœna!

---

IN AEDE SS. IOANNIS ET PAVLI.

ANTONII VENERII DVVIS LXI.

Quisquis ad insigne tumultum tua lumina flectis,  
 Ingentem, cuius cineres hac marmora seruant,  
 Contemplare Ducem: Princeps hic ille per omnem  
 VENERIVS famâ volitans ANTONIVS orbem,  
 Qui tribus hanc urbem lustris, totidemq; per annos  
 Rexerat, æternis signans ea tempora fastis.  
 Taruisina sua, Cassella & mœnis, matri  
 Reddita, Dyrrachium, Corcyraq; & oppida forti  
 Plurima parta manu; pœnas sibi sumpsit ab illo,  
 Quem genuit, nomen metuit dum perdere iusti.

Ipsius



*Ipsius vt clarum micuit clementia sidus.  
 Reddidit Vngaricæ Reginae sceptrâ, suorum  
 Raptâ dolis: ne triste iugum, Furlane, subires  
 Obstetit: Italicam pacavit multa per oram  
 Turbida: post terris abiens, sese intulit astris.  
 Mille quadringentis Christi cedentibus annis,  
 Institit atra dies, vigesima trina Nouembris.*

MICHAELIS MAVROCENI  
 DVCIS LX.

*Inclÿta vitalis, Michael, quem duxit in auras  
 Maurocena Domus, Venetum Dux, cuius ingens  
 Spes erat, alta parans; interceptit ardua fatum  
 Cœpta Ducis: virtute potens, fuit ensis acutus  
 Iustitia, heu moriens patria per secula lactus!  
 Qua cinis est, iacet hic; mens gaudet, fama coruscat.*

LAVRENTII, ET IACOBI TEPU-  
 LI DVCVM.

*Quos natura pares studijs, virtutibus, arte,  
 Edidit illustres, genitor, natusq; sepulti  
 Hat sub rupe Duces Venetum, clarissima proles  
 Teupula, collatis dedit hos celebranda triumphis.  
 Omnia presentis donauit prædium templi,  
 Dux IACOBVS valido fixit moderamine leges  
 Orbis, & ingratum redimens certamine Iadram,  
 Dalmatiosq; dedit patria post Marte subactos.  
 Graiorum pelago maculauit sanguine classes,  
 Suscipit oblatos Princeps LAVRENTIVS Istros,  
 Et domuit rigidos ingenti strage cadentes  
 Bononiæ populos; huic subdita Seruia cecidit.*

*Fundauere vias pacis, fortiq<sub>3</sub> relicta  
Re, superos sacris petierunt mentibus ambo.*

THOMAE MOCENIGI DVCIS LXIII.

*Hæc breuis illustri MOCENIGA ab origine*

*THOMAM*

*Magnanimū tenet vrna Ducē, grauis iste, modestus,  
Iustitiæ princepsq<sub>3</sub> fuit, decus ipse Senatus  
AEternos Venetūm titulos super astra locauit.  
Hic Teucrūm tumidam deleuit in equore classem,  
Oppida Taruisi, Ceneta, Feltriq<sub>3</sub> redemit,  
Vngaricam domuit rabiem, patriamq<sub>3</sub> subegit,  
Inde Foriulli, Catarum, Spalatumq<sub>3</sub> Tragunam,  
AEquora piratis patefecit clausa peremptis,  
Digna polum subijt patrijs mens fessa triumphis.*

IN SACELLO VICINO.

NICOLAO VRSINO, Nolæ Petilianique  
Principi longè clarissimo, Senensium, Florentini  
populi, Sixti, Innocentij, Alexandri Pontif. Maxi.  
Ferdinandi Alphonsique iunioris Reg. Neapolit.  
Imperat. felicissimo, Venetæ demum Reipublicæ  
per XV. annos magnis clarissimisque rebus gestis,  
nouissimè à grauissima omniū obsidione Patauio  
conseruato, virtutis ac fidei singularis, Senatus V.  
M. H. P. P. Obijt ætatis LXVIII. M. D. IX.

•FBIDEM.

Imperator, Ductor, eques, milesque: DIO-  
NYSI NALDI conduntur hîc ossa. Hic iuniorem  
Ferdinandum, regno à Gallis pulsum, restituit:  
Florentinam rempubl. peditatni præf. pec. orna-  
uit:

uit: Venetis Imperij dignitatem sustinuit, fide, ac fortitudine incomparabili, inter alios Ducēs peditem præfectus, Patavium seruanit. Moriens ex nimijs vigilijs, hoc virtutis suæ perpetuum monumentum, clarissimo Lauredano principe, ex amplissimi Senatus autoritate meruit. Obijt ætat. anno XLV. Anno M. D. X.

P A S C H A L I S M A R I P E T R I  
D V C I S L X V.

PASCHALIS MARIPETRVS P. maximis Reip. Senatoribus bonitate & eloquentia semper par, religionis, ac rerum vsu nulli secundus: & cum ijs laudibus in ciuitate excelleret; in locum Francisci Foscarei; adhuc viuentis; à patribus suffectus, quod antea domi debilitatum erat; sua auctoritate in pristinum statum diuinitus restituit. Vixit in Princip. annos IV. Mens. VI. Dies. VI. Obijt M. CD. LXI.

IBIDEM,

*Ex hostium manubijs.*

PETRO MOCENIGO, Leonardi F. omnibus non minus optimi; quam eloquentissimi Senatoris muneribus domi forisque functo, maris Imperatori: qui, Asia à faucibus Helleponti vsque in Syriam ferro ignique vastata; Caramanis regibus, Venetorum socijs, ab Otthomanno oppressis, regno restituto; piratis vndique sublatis, Cypro à coniuratis non minori celeritate, quam prudentia recepta, Scodra ductu & auspicijs suis obsidione liberata; cum Rempub. feliciter gessisset; absens Marci Procurator, inde Dux grato Patrū cōsensu;

creatus est; Ioānes tertius ab hoc Dux, & Nicolaus Mocenigi fratres pientissimi B. M. D.

Vixit annos LXX. Mensis I. Dies XX. Obijt non sine summo populi gemitu, Ducatus sui anno primo, Mense secundo, die decimaquinta. Anno salutis M. CCCC. LXXVI.

---

## IBIDEM.

DUX IOANNES MOCENIGVS, Thomæ patris, & Petri fratris Ducum secutus vestigia, bellum Ferrariense inuitus gessit, & Rodigij peninsulam adiecit Imperio, pacē coluit, Remp. Venetana administravit, iustitia, probitate & prudētia, Dux opt. & amantiss. Reip. habitus est.

L. F. P.

Obijt anno M. CD. LXXXV. Vixit annos LXXVI. Dux annos VII. Menses VI.

---

## IBIDEM.

LEONHARDVM PRATVM, militem fortissimum, & ex prouocatione semper victorem, præfectam Ferdinādi Iunioris & Federici Regum Neapolitanorum, ob virtutem terrestribus natalibusque prælijs felicissimum, magnis clarissimisque rebus pro Veneta Republ. gestis, pugnantem ab hoste cæsum, Leonhardus Lauredanus Princeps, & amplissimus ordo Senatorius, prudentiæ & fortitudinis ergò statua hac equestri donandum censuit.



---

 IN S. SEBASTIANI.

NICOLAUS CRASSVS forum primùm, nauigationem deinde secutus, ab aduersa fortuna, fortunis omnibus spoliatus, ad forum iterum reuersus, hanc postremò locum laborù omnium, & miseriarum quietem sibi, & posteris P. anno M. D. LXIII.

---

## D. O. M.

MARCUS ANTONIVS Triuifanus P. integer vitæ, & paterna virtute ac gloria semper clarus, omnibus honoribus egregiè perfunctus, à patribus, inuito ipsius genio, Princeps cooptatus, cum annum Rempubl. sanctè gubernasset, religionis amantissimus, dum sacris in imaginum aula interesset; nulla ægritudine, flexis genibus, in gremio Patrum moriens migravit in cælum beatissimus M. D. LVI.

---

## A D S. FRANCISCVM.

MARCO ANTONIO MAVROCENO, Equiti, & Procuratori, viro eloquentiss. rerum doctrinâ, ciuilibus negotijs, & bellica virtute Clarissimo. qui cum omnia ornamenta, quæ in rep. sunt amplissima, virtute adeptus esset, maiorib. tamen semper dignissimus est iudicatus. Legationes innumeras maximasque sapienter fortiterque gessit, repressa præsertim apud Maximilianum Imp. quorundam Legatorum temeritate. Legatus in castra Imperatoria, omnia munia feliciter obiit.

In subrico bello Magister Equitum designatus, mira celeritate transmissis Abdua, se Gallorù Regi coniunxit, & Ludouicum Sfortiam victoriæ spe

iam exultantem armis regnoque spoliavit.

Cremonâ captâ, Mediolani Principis insignibus potitus, ea suis ædibus affixit, quæ & suæ virtutis, & præclaræ victoriæ posteris monumenta essent.

Exacta iam ætate, dum videt totam Europam armari contra Remp. & luctuosi belli præcidere causas contendit, diuino consilio è vita discedit, ne urbem, quam auctam Imperio, & potentem opibus reliquerat, paulò post multis cladibus afflictam videret. Obijt an. Salutis M. D. IX. VI. Idus Aprilis, omnium ferè suorum bonorû Syluestro Mauroceno Ioan. F. Q. S. M. & ab eo vno semper ex eadem familia vsufructu legato. Vixit ann. LXXV. Procuratores S. Marci Poss.

---

IN AEDE S. SALVATORIS.

FRANCISCVS VENERIVS Princeps, Priscæ maiorum virtutis, ac disciplinæ verè imitator, nullo nec adumbratæ laudis stimulo, nec priuatæ utilitatis errore vnquam permotus; in regêdis populis summæ clementiæ, in dicenda sententiâ Senatoriæ grauitatis, pacis & cõcordiæ amantissimus, in omni sermone sapientiss. semper, in principatû nihil præter ornamentum Principis, quod est iustum imperium, pulcherrimû liberis, ciuibus exemplum. Vixit annos LXVI. D. IV. In principatu annos II. D. XXII.

*Vide Franciscum Sansonium de Venetorum Ducibus.*

---

AD MONVMENTVM SEPVLCRI  
SALVATORIS, SIMILE  
Hierosolymitano.

*Hoc mirum spectetur opus compagibus auctum,*

*Rupic*

*Rupibus artificio saxa reuulsa manu.  
 Gens Mausoleum sileat vesana sepulcrum,  
 Quod fuit & Domini, Martia Roma, tui.  
 Illa duo congesta viris monumenta fuere;  
 Hoc Christo tanta mole paratur opus. (Etor,  
 Quanto homini superum praeat Rex summus & au-  
 Tanto hoc est alijs clarius, & melius.*

## IN CRYPTA EIVSDEM.

*Quis iacet hic? rerum Dominus. cur morsus acerbo  
 Funere? quo lectis gentibus astradaret.*

## IN S. STEPHANO

IOSAPHATO, scientiæ bonorum amico, vitio-  
 rum hosti acerrimo, qui eloquentiam verè Roma-  
 nam, bonasque artes Venetam iuuentutem per  
 multos annos docuit; ac tandem pietate ac inno-  
 centia clarus, annum agens quintum & octogesi-  
 mum, ex nullo nisi senectutis, & oculorum imbe-  
 cillitatis morbo infirmus, placidè cum familiari-  
 bus loquens, naturæ concessit: filij innocentissimi  
 posuère.

## MARINVS GEORGIVS.

Philosophus, Orator, Senator clariss. qui propter  
 optimarum artium studia fuit tota in Italia, exte-  
 risq; gentibus summo honore ac nomine; Legatus  
 innumerabiles prouincias obiit, domi forisque  
 magistratus amplissimos, quosque facillime ade-  
 ptus est, & summa cum laude gessit; inter quos ca-  
 ptivus pro republ. factus, in diuturnam valetudi-  
 nem cum incidisset, leges Urbanas ex S. C. corri-  
 gens, lugente ciuitate, extinctus est, H. S. M. quod

Helena Maura vxor sequatur T. F. V. vixit annos  
LXVI. Obijt M. D. XXXII.

---

LAVRENTII ROCCHAE.

Qui Reip. in administratione versamini, & ad  
amplissimos in ea gradus ritè contenditis, LAV-  
RENTI ROCCHAE, Vlyssis Doctōris F. magni  
Venetorum Imperij Cācellarij vitā vobis imitan-  
dam proponite : Nam cum virtutes ipse reliquas,  
quarum cultor vsquequaq; studiosissimus extitit,  
ea semper bonitate & innocentia decoraret, vt sui  
ordinis Principatum incredibili omnium consen-  
su fuerit consecutus, annos LXX. iam natus, è te-  
nebris in lucem excedens, certissimam veræ gloriæ  
& honorum adipiscendorum cunctis rationem de-  
claravit : Georgius Stephanus nepos gratiss. P O S.  
v. Id. Iunij M, D, LIX.

---

CONTARENORVM.

Siste, quisquis es, gradum, & cineribus nobilium  
CONTARENORVM ritè saluere iussis, Felix  
abito.

*Cum venerit dies Domini, in misericordia eius  
egrediemur.*

---

IN MAGNA MINORVM AEDE.

FRANCISCI FOSCARI DVCIS LXIV.

Accipite, ciues, Francisci Foscari vestri Ducis i-  
maginē. Ingenio, memoria, eloquētia, adhæc Iusti-  
tia, fortitudine animi, si nihil amplius, certè sum-  
morum Principum gloriā æmulari contendit : pie-  
tati erga patriam meæ satisfeci nunquam: maxima  
bella pro vestra salute & dignitate, terra marique

per



per annos plusquã triginta gessi, & summa felicitate confeci: labantem suffulsi Italiæ libertatem: Turbatores quietis compescui: Brixiam, Bergomum, Rauennam, Cremam, Imperio adiunxi vestro; omnibus ornamentis patriam auxi; pace vobis partã: Italiã in tranquillum fœdere redactã, post tot labores exhaustos, ætatis anno LXXXIII, Ducatus quarto supra tricesimum, salutisquẽ M. CCCC. LVII. Kal. Nouemb. ad æternam requiem commigraui. Vos iustitiam, & concordiam, quod sempiternum hoc sit Imperium, conseruate.

---

IBIDEM,

NICOLAI THRONI DVCIS

LXVII.

NICOLAUS THRONVS, opt. ciuis, optimus senator, optimus Aristocratix Princeps fuit. Quo felicissimo Duce florentissima Venetorum Resp. Cyprum Imperio asciuit, cum Rege Parthorum contra Turcum socia arma coniunxit; fraudatam pecuniam, viua illius effigie, resignauit, cuius innocentissimis manibus hanc meritam diuini operis molem Philippus filius perenni æternitate posuit.

---

IOANNI MAGIO,

Puero incomparabili: qui ob imperitiam obstetricis ex ytero statim translatus est ad tumulum, die XXI. Decemb. M. D. XXII.

---

BERNARDI PRIOLI PATRIT.

VENETI.

*Sanguine clarus eram, & natis, & conijuge felix,  
Nobilis & patria, gratus & officijs.*

*Littore ab Aegypti, gemmarum diues, & auri,  
 Dum redeo, insani me rapit vnda maris.  
 Pone modum votis peregrina ad littora tendens,  
 Perfringet curas nam brevis hora tuas.  
 Ventorum flatus non omnis nauita callet,  
 BERNARDI exemplo discere (disce) potes.*

---

 VRBANO BOLZANIO BEL-

LVNENSI

Minoritanæ familiæ sacerdoti, summæ integritatis & innocentiaë, qui Græcas litteras extorres iam pridem, & procul à terra Italiaë exulantes nobis summa tum dicendi, tum scribendi laude princeps asseruit, PIERIVS VALERIANVS BOLZANIVS ex fratre N. institutionis educationisque memor Pos. Vixit ann. LXXXI. M. III. dies XII. In voluntaria paupertate felicissimus, in omnes, quoad potuit, semper officiosus, nulli vnquam iniurius, locum præceptorum maiorum suorum concessere Cornelij Patroni.

---

 IBIDEM.

PIERIO VALERIANO BOLZANIO Bellunensi, eius si negotia diu apud summos Pontifices curata noris; nihil eum vnquam legere, nedum scribere potuisse, dicas: sin quæ multa tam docta scripserit, inspicias; nulli hominum otia quietiora contigisse iudices. Ioannes Cornelius Fantini Patritij Veneti F. & fratres locum amico suo intimo vnanimis concess.

## FRANCISCI BARBARI.

*Si quis honos, si fas, lacrumis decorare sepultos,  
 Flete super, mœstisquæ locum complete querelis,  
 FRANCISCVS, cui priscaparem vix sacra tulerunt,  
 BARBARVS hic situs est, linguæ decus omne Latina.  
 Fortia facta viri, pro libertate senatus,  
 Brixia, quam magno tenuit sudore, fatetur.  
 Hic summi ingenij scriptis monumenta reliquit,  
 Græcæquæ præterea fecit Romana, tenet nunc  
 Spiritus astra, sacros tumulus complectitur artus.*

I N S. MARIA LVBANICA,  
vel ZEBENIGO.

SEBASTIANI FOSCARINI.

Accipite, Veneti ciues, quod est optimum in  
 rebus humanis, humanas res contemnere. Vixi  
 Reipubl. quamdiu potui; mihi certè parum: & hic  
 vno ictu extincto.

## I N S. L V C A E.

AETERNO NUMINI, SVPERISQ. OMNIB.

*Siste viator, nec Manes ledito.**Quod fuisti, fui. non es quod sum.**Vt me vides, te alij fortè videbunt breui.**Incerta certi fati hora;**Numen ergò semper time.*

GVILIELMVS SVVEERTIVS FRANC. F.

domo Antuerpiâ,

ad maiora natus,

præclara spondente indole, atque industriâ,

in ipso ætatis flore

migravit, vnde venerat.

FRANC.

FRANC. SVVEERTIVS Fratri carissimo contra votum Pos.

Obijt anno M. D. XCIIII. XI. Martij.

Tubone, bonum votum, hoc & mortuus rogat,  
adde, & VALE.

*Surrectas vicisti Alpes, atque vrbis aquose  
Murmura. Fatales cur fugis ante minas?*

---

IBIDEM.

EPITAPHIVM HONORARIVM.

Condit ARETINI cineres lapis iste sepultos,  
Mortales atro qui sale persfricuit:  
Intactus Deus est illi, caussamq̄ue rogatus,  
Hanc dedit: ille, inquit, non mihi notus erat.

---

AD MICHAELIS.

Lector, parum subsiste: rem miram leges.  
Hic Eusebij HISPANI monachi corpus situm est;  
Vir vndecumque qui fuit doctissimus:  
Nostraeq̄ue vitæ exemplar admirabile.  
Morbo laborans sexdecim totos dies,  
Edens, bibens nil prorsum, & vsque suos monens,  
Deum adiit. hoc scires, volebam. abi, & VALE.  
Anno Domini M. D. I. X. Februar.  
ætatis suæ LI, sacrae militiæ XVI.

---

M. A. COCCII SABELLICI

TVMVLVS.

*Quem non res hominum, non omnis ceperat atas  
Scribentem, capit hac COCCION vna breuis.*

---

L A T O M I.

Magnus in hoc tumulo iacet ille SABELLICVS, orbis  
Cuius



*Enius ad ingenium non satis vnus erat.*

*Tempora per modicum incluserat omnia chartis,  
Seruire exemplo quæ potuere aliquo.*

*In Venere incerta tamen hic contabit: atque  
Maluit Italicus Gallica fatapati.*

*Quid iuuat, humanos scire atque euoluere casus,  
Si fugienda facis, & facienda fugis?*

Obijt anno salut. humanæ M. D. VII. ætatis  
ferè LXX.

IN VESTIBVLO D. GEORGII.

*Terror Græcorum iacet hic, & laus Venetorum,  
DOMINICVS MICHAEL, Quem tenet  
Emmanuel.*

*Dux probus, & fortis, quem totus adhuc colit orbis;  
Prudens consilio, summus & ingenio.*

*Istius acta viri declarat captio Tyri,  
Interitus Syria, mæror & Vngaria.*

*Qui fecit Venetos in pace manere quietos:  
Donec enim vixit, patria tuta fuit.*

*Quisquis ad hoc pulcrum venies spectare sepulcrum;  
Cernuis ante Deum flectere propter eum.*

Anno Domini M. C. XXVIII. Indictione  
VII. Obijt DOMINICVS MICHAEL  
Dux Venetiæ.

IN AEDIBVS PHILOLOGIANIS.

Θάμας Φιλόλογος ὁ ῥαβενιάτης, ὁ τὰ τῆς οἰκουμε-  
νικῆς γουναΐσια βοιωτίας, ῥώμης, καταδίδε ἑθρία λαμ-  
πρύναι, ἀνέγαγεν. Ἰτεὶ ἀπὸ χπίσεως κόσμῳ ΖΞΒ.

Thomas Philologus Rauennas Phycus, ære  
honestis laboribus parto, ædeis primùm Paduæ  
virtu-

virtuti; post has, senatus permisso, pietati erigi fecit: illas animi, has etiam corporis monumenta.

Anno Mundi V I M. DCC. LIIII.

Iesu Christi M. D. LIIII.

Vrbis M. C. XXXIV.

IN S. MARIA NOVA.

*Sunt Charitum hi tumuli? Charitum sunt, non tamen hic est*

*Sola Charis, sed & hic ipsa sepulta Venus.*

*Sunt tumuli hi Veneris? Veneris sunt, nō tamē hic est*

*Sola Venus, sed & hic ipsa Minerva iacet.*

*Hicne Minerua iacet? iacet hic, sed nō tamē illa hic*

*Sola iacet, sed & hic casta Diana iacet.*

*Ergo etiam periere Deae? dubitāsne perisse*

*Ipse Deas; potuit SYLVIA si ipsa mori.*


AD CISTERNAM.

*Parcior è celo quàm quis descenderit imber,*

*Hic erit, ingenti quod leuet ora siti:*

*Nec tantum hoc hominum potuit solertia; verum*

*In medio dulces æquore seruat aquas.*



T A R V I S I I.

**A** Vrelij Augurelli imago est, quam vides;

Vni vacantis litterarum serio  
Studio, & iocoso, dispari cura tamen:

Hoc, vt vegetior sic fieret ad seria:

Illo, vt iocosis vteretur firmior.



# VICETINA.

---

IN VICETIAM IVL. CAES.

SCALIGER.

**B** Acche pater, Ceres alma, bona bona numina  
paci:

Quæ patulos agros, qui iuga curua tenes;  
Quid rerum, quid amicitie cum Marte cruento  
Vobiscum? vestrum vt vexet vtrumque furor?

Pulchra racemiferos domitat VICETIA colles;  
Lataque spicilegi iugera findit agri.

Cædis amor, cædis germana insana cupido:  
Nec patrius nato est tutus ab hoste cruor.

Nusquam iter est. vastata iacent latrone proteruo  
Ruscula: corruerunt ignibus hausta suis.

Parce (nefas) scelerare manus, Gens debita calo,  
Imbueque ignoto pectora digna Deo.

Diuina facies: regio caelestis: at huius  
In cali medio tartara diravigent.

---

## IN AEDE CATHEDRALI.

HIERONYMO SOLEDO, Episcopo Vasio-  
nensi, Clementis VII. Pontif. Max. Domus  
Magistro, in Hispaniam Legato, ab eo Carol.  
V. Imperat. misso: rebus supra omnium spem  
eius prudentia celeriter, & ex voto confectis;  
affinitate etiam inter illos coniuncta: Cæsare  
in Italiam adducto: cum Venetis, ceterisque  
Italiæ Principibus fœdere inito, Duce Insu-  
brum Cæs. Conciliato, in Belgis etiam apud eun-  
dem Legatione functo: Romæ in maiori de se ex-  
pecta-

pectatione sublato: Io. Petrus fratri opt. atque innocentiss. P. Vixit ann. 52. dies 2. ☉. 4. Non Ian. 1533.

---

IN D. LAURENTII.

FERRETI BREXANI, & SVORVM.

*Hic situs ex clara FERRETVS origine vates,  
Scaligeros decuit quem cecinisse Duces.  
Scripsit & annales, Genuense & in ordine bellum,  
Et noua de priscis carmina temporibus.  
Et decus hinc patria, Ferreta hic gloriagentis,  
Hic locat aeternum nomen, & ossa laps.*

---

LEONARDO PORTO.

Nobilissimo, Iuris & bonarum litterarum peritiss. qui nummos, mensuras, & pondera antiqua ad nostri temporis rationem deducendi autor fuit, atque octogenario maior decessit. & eius filius xvii. Kal. Octob. M. D. XLV.

---

A D SERVOS.

POLYXENAE CESENATAE.

*Serius, aut citius, nihil est: bene viuere, vita est  
Aeterna; & calum, qui bene vixit, habet.*

Obijt anno M. D. xxv. xvi. Kal. Iulij.

---

ANTE AEDES COMITIS VVAL-  
MARANAE.

MARIA AVSTRIA AVGVSTA, Caroli V. Maximil. II. Rodolphi II. Imp. filia, vxor, mater, à Philippo fratre Hispan. Rege potentiss. ad regendum Lusitanorum quondam Regum Imperium super partum, è Germania adscitiz: per Italiam iter




iter faciens in his ædibus, quod ipsa ob veterem Austriacorum Principum erga hanc Domum clientelam maximè voluit, cum Margarita, Maximilianoque filijs Archiducibus, à Leonardo VValmarano comite, eiusdem Philippi Regis Pensionario splendidissimo apparatu accepta fuit. Anno M. D. LXXXI. XV. Kal. Octob.

---

IN PALATIO MAIORI.


ANTONIO BERNARDO I. C. præstant. & patri opt. ob Rempubl. domi forisque feliciter administratam: vrbe pontibus, carcere, foro, templis exornatâ: Iudæis & noxijs eiectis: ciuitate in pristinam dignitatem & otium, studijs & sanctis moribus restituta: monte pietatis fundato; grata Vicetia Pos. M. CD. LXXXVI.



AE O L I A,

**F**RANCISCVS TRIDENTÆVS, Vicetinus I. C. Hieronymi Equitis F. gelidi venti flatum, in cauerno, Cubalo nuncupata, spirantem in ædes proprias per hanc cryptoporticum deduxit: ad temperandum ardentem & æstiuos calores: quem tum cohibendo, tum relaxando, nouo atque mirabili artificio, per cubicula quæque ducendo: pro libitu ea refrigerare & calfacere valet; ita vt custodia villa, eius ingenio, diligentia, impensa & æmulatione ornatio effecta: inter regia oblectamenta connumerari queat. An. 1560. AÆtat. verò suæ XXXII.

L VERO-



# VERONENSIA.

IN VERONAM IUL. CAES.

SCALIGER.

**I***Talia canimus semper florentis ocellum,  
 Calliope nequeat grandius vlla loqui.  
 Aucta Deis, auctura poli Verona Quirites:  
 Quot ciues, tot habens sidera digna Ioue.  
 Non animi, non ingenij vigor acrior vsquam.  
 Nulla creat plures Martia terra duces.  
 Transferre in calum voluit sibi Iuppiter. Atqui  
 Clarior in nostris maluit esse locis.*

IN NOVA VRBIS PORTA.

VERONA non minùs nobilis, quàm antiqua ciuitas, ac priscae virtutis memor, Venetæ Reipubl. beneficio, non solùm muros, iniuria temporis corruptos, in melius restituit; sed ea quòque sibi templorum, viarum, pontium ac portarum ornamenta adiecit; vt publicorum ædificiorum magnificentiam, nulli vrbiùm postponenda videatur. Tantum illi profuit bonorum Principum tutela ac fauor.

IN PONTE NOVO AD

ATHESIN.

Qui fluminis vim passus annos plures iacuerat, ciuitatis ornamento & commodo pons tandem est restitutus.

EX ALTERA PARTE.

Fluminis impetu disiectum pontem, diligentiam

AEmi

AEmi penè restitutum, FRANCISCI FOSCARIS  
successoris cura perfecit.

---

IN CATHEDRALI.

LVCI, Luca tibi dedit ortum, Pontificatum

Ostia, Papatum Roma, Verona mori:

Imò Verona dedit tibi lucis gaudia, Roma

Exilium, curas Ostia, Luca mori.

Obijt S. Pater D D. LVCIUS Papa III.

Die xxv. Nouemb. Anno M. C. LXXXV.

---

COTTAE.

Sperabas tibi culta nouum, Verona, Catullum:

Experta es veros bis viduata Deos.

Nulla animum posthac res erigat, optima quando

Prima rapit celeri Parca inimica manu.

Qua tamen vt vidit morientes frigida COTTAE

Ora, suum fassa est crimen, & erubuit.

---

IN MARIA ANTIQVA.

CANIS MAGNI DE SCALA.

Si CANIS hic grandis ingentia facta peregit;

Marchia testis adest, quam seuo Marte subegit:

SCALIGERAM qui laudè Domum super astrà

tulisset,

Maiores si parca dies infida dedisset;

Hunc Iulij geminata dies vndena peremit,

Iam lapsis septem quater annis mille trecentis.

---

MARCI ANTONII TURRIANI.

Ante annos sciuisse nocet. nam maxima virtus

Persuasit morti, vt crederet esse senem.

## MASTINI SCALIGERI.

*SCALIGERA de gente fui, celebriq̄ue ferebar  
 Nomine MASTINVS, claras dominabar in vrbes.  
 Me dominum Verona suum, me Brixia vidit,  
 Parmaq̄<sub>3</sub> cum Luca, cum Feltro Marchia tota  
 Iura dabam populis a quo libramine nostris  
 Omnibus, & fidei, & Christi sine sorde secutor.  
 Occubui primò post annos mille trecentos,  
 Et decies quinque heu lux ibat tertia lunl.*

## AD S. ANASTASIVM.

Illustri LEONHARDO ex antiquis. Imperialibus Bauariæ regulis, Comiti in Ortenburg, indolis & spei incomparabilis iuueni, hanc mœroris & amoris sedem superstites sorores Verónica & Anna-Maria proh dolor contra votum dedicarunt: authore agnato Ioachimo, eiusq̄ue filio Antonio procurante. Obijt die XVI. Iulij, Anno M. D. LXI. Sux ætatis vndevigesimo, cum ex gymnasio Patanino hanc sibi fatalem auram pauculos dies captasset.

## D. O. M.

IANVS FREGOSIVS LIGVRVM Princeps, ac Venetę Reipub. terrestrium copiarum omnium præf. vbi fortiss. Ducis officia domi forisq̄ue præstitisset, hac H. T. F. I. Hercules F. paternæ pietatis memor P.

## AD S. FIRMVM.

TOSELLO SORAYNAE I. C. quod Veronæ patriæ antiqua monumenta conscripserit, &  
 per-



perquisiuerit, eaque ab edacitate temporis eripuerit, suorum quoque ciuium gesta conscripserit, & æternitati consecrauerit, S. P. Q. Veron. B. M. Cui D D.

---

AD PROCVLI.

Quod NICOLAI BARBADICI opera, consilio, liberalitate, solertia, difficilimo pestilentia tempore, Verona sit periculo liberata: urbano prouisum otio: plebis egestati annonæ consultum: prætorium magnificè resectum: obscuriores carceres illustrati: amphitheatri arena sordibus purgata: prætura denique præclarissimè administrata: id NICOLAVM BARBADICVM bene & de ciuium commodo, pro sua maiorumque suorum dignitate, posterorumque exemplo bene gerendæ præturæ fecisse, sibi que grata & esse & fore, testatum est D. Zenonis suburbium. M. D. XXVI.

---

IN AMPHITHEATRO.

IACOBO FOSCARENO.

Quod amphit. instaurandum curauit, quodque eius prudentiâ in max. Italiae frumenti inopia, vna Verona abundauit, Prætori, patrique opt. Veron. D. P. M. D. LXX.

---

IBIDEM.

HIERONYMO MAMOREO V. C. cuius incredibili studio dum vrbi præest, quod temporum iniuria huic amphitheatro perierat, reddi coeptum est. Veronenses PP. M. D. LXIX.

## IN AREA PRAETORII.

ZACHARIAS BAR. Eq. Veronen. Præf. nonnullas in agro, tres in vrbe arces instaurauit: Prætorium hoc sublicium marmoreum fecit, forum ampliauit, curiam ædificauit, in penuria annonæ famem defendit, Rempublicam integregessit, æquale ius omnibus dixit. Eius discesum populus lacrymis declarauit. M. CCCC. LXXVI.



## MANTVANA.

IN MANTVAM IVL. CAES.  
SCALIGER.

**M**axima cū veteri turgeret Hetruria regno,  
Sceptraque terrarum iungeret aucta  
mari:

Mole noua tumuit, solijsq; excreuit auitis,

Vt premeret forti iura aliena pede.

Inde est in superas deducta colonia terras:

Non tamen his potuit MANTVA tota dari.

Clara viris, felix ducibus, diuo inclyta cycno,

Quem vitreis aluit Mincias Andis aquis.

MANTVA diues auis, magno non cesserit orbi,

Tota tamen parte hac vincitur ipsa sui.

## IN AEDE CATHEDRALI.

Aduentare mihi extremam dum suspicor horam,

Quibus hanc posui viuis in aede domum.

## AD IMAGINEM RESVRGENTIS.

*Nos quoque, qui solus superata morte reuixit,  
Sumpturos carnem rursus, & ossa, docet.*

## IN S. ANDREAE.

LAMPRIDII.

**LAMPRIDIVM** *Carum Musis hinc Mantua seruat.*

PETRVS MYRTEVS BENED. LAMPRI-  
DIO POS.

*Ergo ego, nobilium ô Genitrix atque hospita vatum  
Mantua, quod nimium vicina Cremona Maroni  
Obfuerit, solus pœnas abs te ipse reposcor?  
Ille soli tantum tulit: aſt ego de te,  
Mantua, de quæ tuo meritis bene principe, cara  
Propatria, & vitam, & cineres tibi reddere cogor.*

## MANTINEAE.

*Esse parem hunc nôris, si non præponis Apelli,*

*Ænea MANTINEAE qui simulacra vides.*

ANDREAS MANTINEA, Apelles suæ æta-  
tis, Equeſtri idcirco dignitate ornatus,  
Obijt anno M. D. XVII.

## CAROLO NAVOLONO.

**CAROLVS** *Eques clarissimus NAVOLONVS,*

*Belli Magister, & equitum inclytus ductor,*

*Prædens duorum tum Ducum gubernator,*

*Patriæquæ militum optimus fuit rector;*

*Nunc superis, ob integerrimam vitam*

*Receptus, hoc reliquit ossa sub saxo.*

Obijt anno salutis M. D. LIX. ætat. LXXIX.

IN D. FRANCISCI.  
HIPPOLYTI ALTERICI.

*Fatis HIPPOLYTO impijs adempto  
Maximo Altericæ domus honore,  
Consulto egregio vtriusque Iuris,  
Oratore quæ & optimo Poëta,  
Deplorat pater, ingemunt clientes:  
Silet Mantua, Aonides quæ lacrymantur,*

*Qui obiit anno salut. M. D. LXIX.  
ætate XXXVIII.*

LAELIO CAPILVPO BENEDICTI P.  
*Mantua te Leli meritò se iactat alumno.*

*Nam Maro qua sonuit tu quoque voce sonas.  
Et tua sint quamuis ex omni parte Maronis  
Carmina; non eadem qua canit ille canis.  
Non igitur mirum si te modò Mantua ademptum  
Certatim spargit floribus & lacrymis.*

*Vixit annos LXII. dies XV.*

*☉. Anno M. D. LX. III. Ian.*

BENEDICTVS AEGIVS AD  
CAPILVPVM.

*Si vera est, LAELI, SAMI sententia vatis:  
Quæ tua nunc anima est, ante Maronis erat.*

IBIDEM.

*Si neque fata queunt animos seiungere amicos;  
Æternum heïc Blanca est, Iulius, & proliis.*

D. O. M.

*Si fata venderent aut permutarent animas;*

IVLIVM



IVLIVM GONZAGAM *probitas redimeret,*  
*Et vxor vitapermutaret propria.*  
*At quia neutrum licet: probitas raptum lugot.*  
*En vxor Biancha amoris aqùe ac doloris*  
*Hoc illi monumentum viuens collocat.*

## IBIDEM.

ANNIBAL CONSTANTIVS Neapol. eques,  
 præsidio equestri Principis præfectus, sibi ac Scipioni Calderino, qui sæpius Ordinem duxit, viués faciundum curauit: ne quos beneuolentiæ caritas in vita arctiss. vinculo coniunxerat, in morte dis-iungerentur.

IN COEMETERIO AD EFFIGIEM  
 IO. BAPTISTAE SPAGNOLI  
 Carmelitæ.

*Alter hic iacet à Marone vates,*  
*Natus Mantua, & quidem Poëta*  
*Dignior titulo, nisi incidisset,*  
*In fluctus varios scientiarum,*  
*Quo musas coluit minore cura.*  
*Primus hic tamen à Marone, natus*  
*Mantua, coluit poëta Musas,*  
*Andinosq; bibit sacro ore fontes.*

Vixit annos octoginta natus M. CCCO:  
 XLIV. XII. April.

FRANCISCVS SVVEERTIVS,  
 in eundem.

*Mantua me genuit, tenuit quoq; Mantua, sacros*  
*Nunc eadem cineres Mantua cara tenet.*

---

 IN S. DOMINICO.

IOANNES MEDICES hîc situs est, inusitatus  
 virtutis Dux, qui ad Mincium tormento ictus Ita-  
 liæ fato potius, quàm suo, cecidit M. D. XXVI.

---

 IOAN. FRANCISCI PVSTERIAE.

*Gallorum veterum scribis dum stemmata regum,*

*Quicquid & occidua contigit Hesperia.*

*Quot reges pictis posuerunt iura Britannis,*

*Quos Hunni, & Rusi, quosq; Polonus habet.*

*Ecce immaturos carpsit mors inuida fructus,*

*Concidit & dura sylua tenella manu:*

*Qua si culta mea poterit reparari arte,*

*Florescet nitido marmore sylua magis.*

Vixit annos XLII. M. v. D. XIII. Obijt

III. Id. Mart. M. D. LXXVI.

---

 IN AEDE S. MARIAE CARITATIS.

ANGELICAE BVRGIAE.

*Diuinum munus supremis sedibus olim*

*ANGELICA ad terras BVRGIA missa fuit.*

*Has Deus angelico non dignas corpore ducens,*

*ANGELICAM sedes duxit ad Angelicas.*

Obijt die vltima Ianuar. M. D. XIX.

---

 AD CARMELITAS.

*Hospes ALEXANDER triplici clarissimus arc.*

*Hic cubat, hic sacer est manibus iste locus.*

*Sive sonum malle, sive instrumenta sonora,*

*Nec melior psalter, nec faber vllus erat.*

*Regia nemo pari tornabat vasa decore,*

*Sive*

*Siue as, seu gemmas, siue terebat ebur.  
 Maiori superos nemo pietate colebat:  
 Qui legis ergo, pia dic pia verba animæ.*

---

## LVCRETIAE.

*Accolit angelicas quæ nunc LVCRETIA sedes,  
 Frigida sub paruo marmore clausa iacet.  
 Ne stupeas, confessa Deo sua crimina planxit,  
 Senferat extremum cum sibi adesse diem.  
 Atq; comas neglecta, crucem complectitur ipsa,  
 Cui lacrynas fundens basia mille dabat.  
 Omirum! o summi pietas immensa Tonantis  
 Quæ peccans vixit, facta beata nece est.  
 Obijt anno salut. M. D. XXXVI. Die XX,  
 Decembr.*

---

## AD S. MARTHAM.

ALEXANDRO GONSAGAE Friderici I. Dn-  
 eis Mantuæ F. Caroli V. Impe. Augusti, & Philip-  
 pi Hispan. Regis auspicijs, maximarum rerum ad-  
 ministracione, & peditum equitumque ductu, non  
 minus pacis artibus, & Christianæ religionis cul-  
 tu, quàm nobilissimi generis splendore, & bellicæ  
 virtutis gloria claro, Fabius & Alexander FF. pa-  
 renti opt. merito PP. mœstissimi. Vixit annos LX.  
 M. X. D. IV. Obijt XIX. Kal. Septemb. anno salut.  
 M. D. LXXX.

---

## ALBERTINO PAVESIO.

Ingenuis artibus erudito Ludouicus filio P.  
*Intempesta mihi cur te mors abstulit? heu heu!  
 Debueras oculos claudere (nate) meos.*

## IN S. BARBARAE.

Amici mei omnes desinite luctu quietem nunc  
meam rumpere. Vixi namque vt morerer: mor-  
tua sum vt viuerem: vobiscum victura demū, cū  
mortua mors fuerit. Dominicæ vxori dilectiss.  
Vincentius de Ferratis, & filij matri bene merenti  
pos. Anno M. D. LV.

## IN S. NICOLAI.

FRANCISCI GISVLPHI, ex antiquissimo  
Longobardorum sanguine hīc ossa clauduntur,  
donec immutatio veniat, & corruptibile hoc in-  
corruptibile induat, & mortale immortalitatem.

## PETRI POMPONATII MANTVANI.

Hīc sepultus iaceo. Quare? nescio. nec, si scis  
aut nescis, curo. Si vales, bene est. viuēs valui. For-  
tasse nunc valeo. Si, aut non; dicere nequeo.

## IOANNES LATOMVS.

Cur, quis hic iaceam, referre cogor,  
Et caussa iugulo meæ admouere  
Hunc Ensem, vt modo mortuus, cinisq;  
Si tecum fuero locutus, atri  
Conuincar placiti, reusq; fiam?  
Sed sunt ij rabidi, & mali poëtae;  
Qui, quum plurima mentiantur ipsti,  
Me verum prohibent tacere: nam sum  
POMPONATIVS ille, qui professus  
Manes esse nihil, sed interire  
Quicquid est hominis, pati q; fatum,

Nunc



*Nunc contra experior: tacere proinde  
Mallem, sed rabidi vetant poëta.*



## CREMONENSIA.

IN CREMONAM. IUL. CAES.  
SCALIGER.

**Q**uis modus esset agris, & quanta licentia fru-  
Verba peregrina Gallica voce notant. (gũ.  
Inde solum nati latum dixere Cremonam,  
Quin Latio vox est delitiosa cremor.  
Vsq̄ue aded longo reddit cum fœnore tellus:  
Præteritiq̄, hornus commoda ridet ager.  
Deficit & cultrum, & vomer: non deficit vber.  
Lassa manus, trita sarcula, fessa Ceres.  
Reddant pensum aliæ: nostra lex vnica terræ est:  
Et votum domini, & spem superare sui.

IN CATHEDRALI.

D. O. M.

PAULO ALAE, qui ob IV. Cl. eximiam pruden-  
tiam in Senatum Mediol. cooptatus, cum Magistra-  
tum, ea fide, grauitate, abstinentia, castè integreq̄,  
& ad prisca probitatis laudem gessit, vt longè ma-  
iores à Rege sperare debuisset. Sed heu! dum Reip.  
dignitati enixè priuatorumq̄ue commodis beni-  
gnè studet, suis parum consulens, perdita valetudi-  
ne diu vsus vita cessit, suo magis, quàm aliorum  
tempore. Vixit annos IL. M. X.

Ciuit. CREM. decreto sepulcro sumptu pub.  
cui B. M. parentauit.

*Inscriptio honoraria in exequijs. Sepultus Albæ.*

IBIDEM,

D. O. M.

M. HIER. VIDAE, ALBAE EPISCOPO,  
quem probè omnes norunt,  
Ciuitas CREMONA decreto sepulcro sumptu  
pub. ciui; qui de vniuersa ciuitat. B. M.  
est, parentauit V. A. N.

Qui cum, quidquid in egregium hominem laudis  
dici potest, in eum beneficio nat. fuerit collatum,  
immortalit. erat dignus, nisi naturæ cõmunis con-  
ditio obstitisset. Viuit tamen adhuc apud nos,  
viuetq; æternum ad posteros benef. iu-  
cundiss. ac perpetua recorda-  
tione.

Qui omnibus erga gregem sibi commissum offi-  
cijs functus piet. charit. fide, const. præclarus, o-  
mnibus carus, nemini noxius à nobis dis-  
cessit, suo magis, quam aliorum  
tempore.

Qui non solùm piè & sanctè Deum coluit, sed ita  
etiam cecinit, vt in cælo locum, vbi beatus æuo  
sempiterno fruatur, & in terris æternam  
sibi gloriam maximo omnium mortã-  
lium fructu compararit.

Obijt anno M. D. LXVI. XXVII. Septemb.

---

SEBASTIANO PICENARDO.

Cæsareo armorum ductori, victorijs innumeris  
clariss. summis Principibus in arduis expeditioni-  
bus vndecumque expetito, cui Insubria Sfortiadæ,  
Liguria ciuib. A Etruria Mediceo seruata, ipsa de-  
nique patria toties defensa, æternū debent IOAN.  
BAPT. PICENARDO acerrimo peditum præfe-  
cto, virtutis paternæ æmulo, & propagatori.

SFOR-

SFORTIAE item PICENARDO fortiss. copiarum Imperatori, qui parentem nō modo æquabat, sed etiam lōgè superasset, nisi in medio victoriarū cursu raptus esset. Valerius & Sfortia fratres opt. ano, patruo, & Patri B. M. pos. M. D. LXXVII.

---

AD S. BARTHOLOMAEVM.

MELCHIORI AIMO I. C. clariss. qui ob egregias eius virtutes, & singularem in patriam pietatem, non minori ciuibus suis commodo & ornamento fuit, quam Ioānes Baltazar, & M. Antonius eius maiores, qui cum in Iure ciuili excellerent, suæ utilitatem publicam præferentes, nominis sui memoriam reliquerunt. Ludouicus I. C. Vincentius Phycus, Ioan. Paulus, & Ioan. Bapt. FF. patri cariss. & B. M. moestissimi POSS.

Vixit annos LXX. P. M. obiit prid. Id. Septemb.  
M. D. LXX.

---

CAMILLI BOCCATI.

*Arte fuit nato prior, & pater arte secundus,  
Ergò erit arte minor, qui fuit ante prior.*

Obiit M. D. XLVI. IV. Non. Ianu.

---

AD S. AVGVSTINVM.

HOMOBONO OFFREDO Philosopho, mortalibus ob mores non minus suauiss. quàm medendi præstantiam caro, omnibusque expetito: cuius domus sanitatis officina, multis è rogo in vitam restitutis, tota Italia adibatur; At dum vndique à Principibus accersitus, amicorum saluti consulit, suam perdit, luctu pub. Ciuitatis, Italia moerente elatus. Vixit ann. LXXX. Petrus Ioan. Bapt. FF. moestiss. parenti sanctiss. POSS.

AD

## AD S. ANGELVM.

Hic pietas in patriam, & pauperes prompta, monumento est vobis posteris, vbi iaceo. ANTONIVS LAFAITATVS, nulli vnquam noxius, Deo proximus. Vale.

## AD SIGISMVNDI.

FRANCISCVS SFORZIAE F. ex Sfortia familia Mediolan. Dux: Blancam—Mariam Philippi Vicecomitis F. heic sibi vxorem adiunxit, idq; per verba & annulos ex more significauit, anno à Christi conceptione 1457.

## IBIDEM.

BLANCA MARIA FRANC. Sforziæ vxor. M. P. Q. aram, atque ædē felic. Matrimonij M. F. C. Hieronymo, eiusq; monachis cessit, ac sacrauit, ministris victū annuum de suo H. E. Cremona dotali vrbe dd. decreuit. Legauit Anno 1460.



## BRIXIANA.

IN BRIXIAM IVL. CAES.  
SCALIGER.

**Q**uæ pingues scatebras specula despectat ab al-  
Postulat imperij Brixia magna vices. (ta,  
Caelum hilarum, frons leta vrbi, gens nescia fraudis,  
Atq; modum ignorat diuitis vber agri.  
Si regeret patrias animis concordibus oras;  
Tunc poterat dominis ipsa iubere suis.



## IN CATHEDRALI.

Vixi, & securus mei possessor fui; quæ dederat mihi Deus, in cursu peregi; pietate Christi optimi meliores sedes spero: Valet Brixienfes mei; cœlum spectate, Deo parete: nam quàm fragilis & caduca sit vita mortalium, meo exemplo discite.  
M. CCCC. L XIII.

## CORNELII MICHAELIS.

*Heu CORNELI, quæ fors tua?*

*Sum felix; ne me vexes.*

*Cur in pube leta obijsti?*

*Satis vixit, qui bene moritur.*

## IN PALATIO CAPITANEI.

*Hic locus odit, amat, punit, conseruat, honorat.*

*Nequitiam, pacem, crimina, iura, probos.*

## IN D. FAVSTINI ET IOVITAE


MEMORIAE AETERNAE.

Illustris Viri PAULI AVOGARDI Brixiani, qui ob insignem animi erga Deum pietatem, SSQ. FAVSTINVM & IOVITAM patriæ suæ Patronos, ad tuendam amplificandamq; Brixianorum societatem, eorum SS. nomine in vrbe nuper institutam, pro sacris, diebus singulis in ea faciendis, mille aureos nummos moriens

legavit. Societatis ordo Bene me-

ren. POS. CIO. IO.

LXXIII.



## BERGOMATIA.

IN BERGOMVM IVL. CAES.  
SCALIGER.

*Ingenium, corpus, mores, obtutus, amictus,  
Tecta, cibus, gressus, guttura, sermo, sonus:  
Omnia crassa modis insignibus, omnia dura;  
Sic valeant filices vt superare suos.  
Ista domi: sed vicinus si aspergat acetum;  
Artibus atque dolis vincitur ipse suis.*

IN CATHEDRALI.

D. O. M.

BARTHOLOMAEVS COLEONIUS de Andegauia virtute immortalitatem adeptus, vsq; aded in re militari fuit illustris, vt non modò tunc viuentium gloriam longè excefferit, sed & posteris spem eum imitandi ademerit. Multoties enim à diuersis Principibus, deincepsque ab Illustriss. Venetorum Senatu accepto imperio, tandem totius Christianorum exercitus, sub Paulo II. P. M. delectus fuit Imperator, cuius acies 14. annis ab eius obitu, solo iam defuncti Imperatoris, tãquam viui nomine militantes, iussa cuiuscumq; alterius contempserunt. Obijt 4. Non. Nouem. Anno Domini 1475.


IN PALATIO.

BERGOMVM vrbs vetustiss. Ann. ante S. N. 1804. à Cidno Liguris Hetruscorum Regis F. exstructa: aliquando in libertate, aliquando sub Romano, Caesarum, Regum, ac Ducum Imperio, vario euentu

euentu iactata, sub sanctissima D. Marci alarú umbra, tandem diuturnæ pacis otio fruitur, & feliciter quiescit.

## I B I D E M.

ANTONIA ciuis Bergomi virgo, non minus animi, quàm corporis pulchritudine pollens; cum ab N. N. violentum in se stuprum parari videret, mortè pro conseruanda pudicitia vilipèdens, gladio violatoris erepto: intrepidum sibi pectus tráfodiens, singulari castitatis exemplo urbem hanc perpetuo illustrauit.


 T I C I N E N S I A.

I N T I C I N V M I V L. C A E S.  
S C A L I G E R.

**Q**VA citus Eridani ditat TICINVS arenas,  
Gratus honoratas hospitis hospes aquas:  
Lux studiorum ingens, Regum pulcherrima sedes,  
Signat inexhausti iugera plena soli.  
Denicta Italia, reliquis voluere relictis,  
Magnanimi hac potius parte sedere Duces. (es!  
Pace tua, Hesperia alma parens, hac dixero: quanta  
Quanta aúe sum! totum es: pars tamen vna placet.

I N A E D E D. P E T R I.

S E V E R I N I B O E T I I E P I S C O P I.

Mæonia, & Latîâ linguâ clarissimus, & qui  
Consul eram, hic perij missus in exilium.  
Sed quid mors rapuit? probitas me vexit ad auras,  
Et nunc fama viget maxima, viuit opus.

## IN CATHEDRALI.

Michaeli Zieglero patritio Sueuo, qui plurimis cum Germaniæ & Galliæ, tū Italiæ ciuitatib. peragratis, ob præclaras animi ingenijq; dotes multorum gratiam conciliauerat. Demū hoc Ticinensi Gymnasio aded in omni virtutum genere excelluerat, vt non minus in Philosophia, quā in Iurifprudent. atque in Musicæ modulis floreret; quique cum in Syriardoribus, æstus leniendi causa, Ticino amni natans se credidisset; eius vorticibus inuolutus, diem obiit anno M. D. LXIV. Non. Quint. ætat. suæ XXVII. Io. Corradius Cotvuitz, cui flebile desiderium reliquit, socius socio carissimo, atque opt. merito moestiss. POS.

*Sueuia me genuit, rapuit Ticinus, habet nunc  
Vrba breuis. calidis te laue, lector, aquis.*

## IN CARMELITARVM.

Renerend. Carmelita D. Archangelus Lafraconus Papiensis, infula Theologorum redimitus, Ticinensi Gymnasio viuens legit, legens obiit, legebat, vt doceret; sciebat, vt bene ageret. Anno M. D. LXV. VII. Cal. Decemb.

## IBIDEM.

IOAN. FRANCISCO DE S. NAZARIO A RIPA I. C. primi nominis Senatori, Dux, Com. Palat. HELENA GENTILIS VXOR, & VI. liberi.

*Hoc, hospes, potes astimare saxo,  
Humani nihil esse non caducum.*

NICO-



## NICOLINI DE S. NAZARIO.

*Vita bonum mendax. longo dignissime seculo,  
 Hic tegit extinctum te, NICOLINE, lapis.  
 Heu quantos Ticino luctus, lachrymasq<sub>3</sub> relinquis,  
 Interpres legum, Concilijq<sub>3</sub> pater!*

## IN S. FRANCISCO.

ANONYMI.

*Non habitat ratione soli, nec stirpis auita,  
 Immisere necem fata sinistra mihi.  
 Nil hinc. inde preces fusæ, nil pulcra iuuentus  
 Profuit; instabilis stat sua cuiq<sub>3</sub> dies.*

BALDI I. C. FRANCISCANORVM  
HABITV CLARI, IN NOVO  
monumento.

*Vita, labor, studium, diuini cultus amoris,  
 Artes nature, fulgentia dicta, legales  
 Normæ pastorum, que sunt & cœlica iura,  
 Ornant Baldi animam, que pãdent dogmata clara.  
 Et quia nunc linoquit mortalis pondera carnis,  
 Dulcia iam gustans auctoris pascua summa,  
 Clauditur hic BALDVS, Francisci tegmine fultus,  
 Doctorum princeps, Perusina conditus arce.*

Obijt M. CCCC. D. xx. April. in aurora.  
 Gothardus Regna Mediolan. Ticinensis  
 Gymnasij Rector instaurauit, anno Do-  
 mini M. D. XLVII.

IBIDEM.

*Filius Astrea morum pater, artis alumnus  
 Casarea, verus religionis honos,*

M 3

BAL

**BALDVS**, *Perusij ducens cognomen ab vrbe,  
Clauditur hic: animam sidera summa tenent.*

Baldus editiorem fortitus locum, hic octo &  
decem suprà centum annis obdormierat.  
M. D. XIX.

---

**FRANCISCI CVRTII SENIORIS.**

*Sacrarum interpret legum, sanctissimus olim*

**FRANCISCVS**, *patriæ gloria magna sua.*

*Quem probitas, quem cana fides, pietasq; decorum*

*Fecerat, hoc positum marmore corpus habet.*

Obijt 1495. 3. Iulij. Bernardinus Curt. gra-  
tus filius fieri iussit.

---

**LVCHINI CVRTII.**

Tegitur hoc lapide **LVCHINVS CVRTIVS**  
**I. C.** patriæ decus, vitæ speculum, pacis amator,  
præcipuus vitiorum osor. 1502.

---

**IN AEDE S. CLARAE.**

**BLANCAE AIATIAE** coniugi, **Augustinae**  
**TVRRIANAE** matri, **BLANCAE SALIMBE-**  
**NAE** sorori, foeminis lectiss. **IOSEPH SALIM-**  
**BENIVS** Eques, tribus animis suis ynica pietate  
POS. M. D. LXXIII.

---

**IN S. EPIPHANII.**

**ANDREAE ALCIATO**, Mediolanensi **I. C.**  
**Comiti**, **Protonotario Apostolico**, **Cæsareo**que **Se-**  
**natori**, qui omnium doctrinarum orbem absol-  
uit, primus legum studia antiquo restituit decori.  
Vix. ann. LVII. Mens. VIII. D. IV. Obijt prid. Id.  
Ianuar. Anno M. D. L. **Franciscus Alciatus I. C.**

A. B. M. P.

A. B. M. P. ad sinistram: μηδὲν ἀναβαλλόμενος.  
 Ad dextram: Ἄνδρός δικαίε καρπὸς οὐκ ἀπόλλο-  
 ραί.

---

## IBIDEM.

HIERONYMO TORNELLO I. C. Max. quem  
 ad intimam arcanamque iuris sapientiam enucle-  
 andam, & ad totius exemplum sanctitatis, & iusti-  
 tiæ, Natura pepererat. Hæredes opt. mœstiff. ad  
 tempus POSS. Vixit annos LXX. Obijt anno M. D.  
 LXX. X. Cal. Nouemb.

*Credite nunc vati augusto posse æquora claudi,  
 Cum, quicquid legum est, hæc brevis vrna tegat.*

---

## AD S. AVGVSTINVM.

CHRISTOPHORO TRVCHSES. S. Rom.  
 Imperij hæreditario Dapifero, Baroni in VVal-  
 purg, Trib. milit. Cæs. in expeditione Africana,  
 ornamentis Equitis donato, D. Caroli V. Imperat.  
 manu.

*Austriacum in Turcas bellum, Caroliq, triumphum,  
 Tunisiae fauces, salsaq, stagna maris.*

*Virtutis monumenta tua immortalia perstant,  
 Corporis hic tantum stat fugitiuus honos.*

Otho Gymnasiarcha Fr. cariss. M. D. XXXV.

---

AD INTROITVM MARGARITAE AV-  
 STRIACAE, ANTE AEDES MAR-  
 chionis Malaspinae.

MARGARITAE AVSTRIACAE, Cæsarum  
 prolis Philippi III. Regum Regis vxoris, Pudici-  
 tiæ ac gratiarum alumnae, omni virtutum splen-  
 dore ornatissimæ, Christianæ pietatis auspici re-  
 ligiosissimæ, pacis nuntiae, publicæ salutis,

tutelæ, maximæ, felici, & augustæ, angusta quidem, sed læta domus.

---

## ITEM.

Intuere ingrediens, diuina Cæsarum propago, Regum olim iam sedem, quæ multoties pro singulari in Austriacos fide penè funditus euerfa, felicissimis deinde eorundè auspicijs instaurata, aurea qua nunc ouans tranquillitate potitur, præsentè tuo Numine, æterna perfrui sperat.

---

IN S. IACOBO EXTRA  
MVROS.

IASON MAINVS Iureconsultus, Eques, & Comes, quisquis ille fuerit, hîc requiescit.

*Materia vincor, & tu vis ire viator?*

*Expeditam; iacet hîc ille MAINVS. abi.*

---

## AD CARTHVSIANOS.

IOANNES GALEACIVS Vicecomes, Magni Matthæi pronepos, sub Galeacio Patre ad magna institutus, rem militarem primus in Italiam reduxit, bellator indefessus, suo auspicio, & aliorum ductu, barbaros & hostiles exercitus, siue iniurias vlcisceretur, siue socios & amicos defenderet, siue regni fines ampliaret, occidione deuicit. Regum gener atque focer, affinitates, amicitiam, & societatem cum potentiss. Regibus iunxit, Religionem Dei amplexus, collapsa templa restituit; noua magnificè & opulenta extruxit; Hierosolymis sacellum & aras erexit; domi & bello disceptator prudens, iustus, magnificus; Papiæ scholas, & cuiuscûque scientiæ Doctoribus annua salaria instituit:



arces, partim opere, partim situ & natura validas, munitiores, alias manu & opere inexpugnabiles fecit, gentes omnes à mari Tyrrheno ad Venetorum vsque littora sub fidem & imperium redegit, ex gubernatore regni dominus & Dux creatus, ad excelsa rerum humanarum fastigia viam affectabat, nisi in Italiæ iacturam fata intercessissent. Constituit moriens cor Viennam Allobrogum, reliqua intestina ad Gallæcos deportari, & in ædibus diuorum Iacobi & Antonij, ossa verò in cœnobio Carthusiensium iuxta Papiam condi testamento iussit. Vixit annos 47. m. 10. d. 19. Obijt 1402. Mediolani. Regnavit annos 24.

---

IN AGRO TICINENSI,

Per quem Mediolano in ipsum flumen  
fossam nauigabilem Comes

FONTANVS duxit.

Martis, & Cereris hi campi sunt,  
Non minus trophæis, quàm aristis clari.

Rex prælio victus, & captus,  
exercitus cæsus:

VICTORI CAESARI

PETRVS ERNIQVES ACEVEDIVS Comes Fontanus monumentum dicauit,

&

fossâ nauigabili Mediolano in Ticinum ductâ

aternæ victoriæ famam,

vbique terrarum sparsam,

Perenni aquarum lapsu, & murmure

in mare deferri voluit,

Vt hoc etiam elemento vagaretur.

*Inscriptio Eryci Puteani, nondum posita.*



# MEDIOLANENSIA.

IN MEDIOLANVM IVL. CAES.  
SCALIGER,

**C**ompositos populos, validiq<sup>3</sup> exordia Regnè  
 Exceptit facili terra beata sinu.  
 Creuerat Ausonio commistus sanguine Gallus:  
 Et dabat antiquo fortia iura Pado.  
 Tertia se adiunxit tantis Germania rebus:  
 Et stetit audaci famaparata manu.  
 Quæuis simplicibus iactet se gloria signis:  
 Cùm triplex vni contigit aucta mihi.

IN AEDE CATHEDRALI.

IOANNIS VICECOMITIS ARCHIEPISCO-  
 pi Mediolanensis.

Quàm fastus, quàm pompa leuis, quàm gloria mundè  
 Sit breuis, & fragilis humana potentia quàm sit,  
 Collige ab exemplo, qui transis, perlege, differ,  
 In speculo speculari meo lacrymabile carmen,  
 Qui sim, qui fuerim, dicam, qui marmore claudor.  
 Sanguine clarus eram Vicecomes stirpe, Ioannes  
 Nomine, nullus opes possedit latius orbe:  
 Praesul eram, pastorq<sup>3</sup> fui, baculumq<sup>3</sup> tenebat  
 Dexteræ pastoris, gladiumq<sup>3</sup> sinistra gerebat  
 Felicis domini; magnusq<sup>3</sup> potensq<sup>3</sup> triumphans  
 Ipse fui viuens, metuerunt nomina nostra  
 Aethera, terra, mare: suberant vrbesq<sup>3</sup> potentes  
 Imperio tituloq<sup>3</sup> meo: mihi Mediolanum  
 Vrbs suberat, Landense solum, Placentia grata,

*Aurea Parma, bona & Bononia, Pulchra Cremona,  
 Bergoma magna satis, lapidosis montibus aucta,  
 Brixia magnipotens, Bobiensis terra, tribusque  
 Eximjs dotata bonis Terdona vocata,  
 Cumarum tellus, nouaque Alexandria, pinguis  
 Et Vercellarum terra, atque Nouaria, & Alba;  
 Ast quoque cum castris Pedemontis iussa subibant,  
 Ianua, ab antiquo quondam que condita Iano  
 Dicitur, & vasti narratur Ianua mundi,  
 Et Sauonensis arx, & loca plurima. (que nunc  
 Difficile est narrare mihi) mea iussa subibant:  
 Thuscia tota meum metuebat languida nomen  
 Hinc obsessa fuit populo Florentia plena,  
 Bellaque sustinuit Tellus Perusina superba,  
 Et Pisa, & Senæ tumidum reuerenter honorem  
 Prestabant; me me metuebat Marchia tota.  
 Italia partes omnes timuere Ioannem;  
 Nunc me petra tenet, Saxoque includor in isto,  
 Et lacerum vermes laniant nunc vndique corpus.  
 Quid mihi diuitiæ, quid lata palatia profunt?  
 Cum mihi sufficiat, paruo quod marmore claudor.  
 Et clausi diem meum M. CCC. LIV. Augusti v.*

---

**MARINO CARACCILO CARDIN.**

Neapolitano, illustri genere orto, qui plurimis  
 pro Pontif. Cæsareque functus Legationibus, pri-  
 mum Carol. V. Imper. ad Aquisgranum coronam  
 imposuit, Anglos ei coniunxit, & Venetos; ac de-  
 mum à Paul. II. Pont. Max. in Cardinalium nume-  
 rum cooptatus, dum Prouinciam Mediolanensem  
 ab eodem CAROLO sibi creditam regeret, im-  
 portuna morte, maxima cum Reipubl. Christianæ  
 iactu-

iacitura sublatus est. v. Kalend. Feb. M. D. XXXIII.  
annos natus LXIX. Ioan. Bapt. fratri opt. Pos.

---

TVMVLVS ALFONSI DAVALI  
MARCHIONIS PISCARIAE,  
& Vastij.

*Arma manu tibi capta, & victo ex hoste trophæa  
Hæc tibi marmora erunt, hæc tibi erunt tituli.  
Hæc tibi Mars statuit; statuit Bellona sepulcrum,  
O DAVALE, hæc cineri debita busta tuo.  
His ALFONSE iaces ornatus & obrutus armis,  
Arma tibi tumuli; tela tibi tituli.*

---

IBIDEM.

POLYDORI SFORTIAE.

*Sfortia auus, pater est Franciscus maximus ille,  
Cui virtusq; parens, sors bona amica fuit.  
Est Mediolanum patria hæc ditissima rerum,  
Atque hominum; generis nomina fecit auus.  
Corpore, mente, manuq; vicens Polydorus in artes  
Et generis titulos conspiciendus eram.  
Præter spem præstare nihil, sed fas fuit. heu mors  
Tam bona vota, heu mors, præcipitata tulit.  
Natus an. 23. obiit an. 1473. 10. Martij.*

---

PVBLII ATILII GRAMMATICI.

*Morborem vitia, & vita mala maxima fugi,  
Nunc careo pœnis, pace fruor placida.*

---

IBIDEM.

CAROLVS BORROMAEVS Card. Tituli S.  
Praxedis, Archiepiscopus Mediolan. frequentiori-  
bus



bus Cleri, Populiq̄ue, ac deuoti foeminei sexus  
precibus recommendatum cupiens, hoc loco sibi  
monumentum viuens elegit. Vixit ann. XLVI,  
M. I. D. I. Præfuit Ecclesiæ Mediolanen. annos  
XXIV. M. IIX. D. XXIV. Obijt III. Non. No-  
uemb. anno M. D. LXXXIV.

---

D. O. M.

*Nolito mores, patriam, genus, nec rem  
Inquirere hospes, manibus meis tantum  
Lucem precare. orbi ipsa protuli lucem,  
Vrbi quietem, sfortia dedi magno  
Cùm maximum natu. quid astra, quid virtus  
Possint, hic ostendit: parentem an agnoscas  
Me Luciam Francisci, & inclytam quam  
Vrbs sensit & felicitatis autorem.*

Obij anno 1450. 21. Ianuar.

---

IN D. AMBROSII.

M. ANTONIO MAIORAGIO,  
dicendi Magistro singulari,  
Latinis, Græcisq̄ue litteris perpolito,  
& libris editis illustri:  
qui publicè docuit annos IX.

Vixit XLI.

Bartholomæus Comes vxoris fratri

B. M. Pofuit.

---

IBIDEM.

A qui Iaze el soldado VILGRIA  
El qual mando el cuerpo ala yglesia  
Y el coraeon ala amiga.

HISPA

## HISPANAE.

A qui Iaze la senora Donna MARIA,  
Que murio treynta dias antes que fuesse Cõdessa.

## IBIDEM.

Esta es la mas cierta morada  
Para el cuerpo descansar,  
Si el alma va a buen lugar.

## IBIDEM.

A qui Iaze Iuan Bras molinero,  
Delos dancantes el mas diestro,  
Que Iamas le falto gesto  
Ni tabaque, ni pandero.

## LVSITANI.

A qui Iaz Vasco BELLO  
Homen bom e fidalgo,  
O qual trazendo espada,  
A mingem matò coela.

## IN S. NAZARII.

IOAN. IACOBVS TRIVVLTIVS Magni Fi-  
lius, qui nunquam quieuit, nec alios quiescere pas-  
sus est, hîc tandem quiescit ipse. Tace.

## PROSPERI COLUMNAE.

*Gesi bella diu, sed incruenta;  
Defendi Hesperiam senex vtramque,  
Prosper vi valida meae Columna.  
Perfeci mea fata: peruicaces  
Vos in sanguine Principes, Valet.*

M. CCCC. XXIV. Kal. Ianuarij.

AD S. MARCVM.  
FACIO CARDANO. I. C.

*Mors fuit id, quod vixi, vitam mors dedit ipsa:*

*Mens aeterna manet, gloria, tuta quies.*

Obijt anno Domini M. D. XXIII. IIII. Kal.

Sept. ann. LXXX. Hieronymus Cardanus

Medicus parenti posterisque V.P.

IN S. FIDELIS.

Quod est templum Patt. SOC. IESV.

PIAE MEMORIAE SACRVM.

PAVLA MARIA TAURILLIA,

Guastalla Comitissa,

Christiana perfectionis imago,

etiam hinc fulget;

in ipsa mortis vmbra

aeternis virtutum facibus illustris;

Diuini amoris, dum vixit, flamma;

postquam vixit, astrum;

quam patronam aucta religio,

quam matrem restituta pietas

agnoscit:

re magna Christo dicata,

factis, non scriptis hæredibus,

esse inter mortales desijt,

v. Kal. Nouemb. ∞ .IO. LXIX.

Collegium virginum Mediol. auctori

& parenti P.

INSCRIPTIO SCHOLAE

*Palatina.*

SCHOLA PALATINA.

Quisquis es otiosus, seu negotiosus,

suspice.

otI hic locus est,

olim

olimque fuit,  
 in quo Themidem, & Suadas colas,  
 hæc te virum, illa ciuem faciet,  
 bona bonum,  
 Sed hæc faciet. Veni,  
 vt in otio negotiosus fies,  
 in negotio otiosus.

ERYCIUS PVTEANVS C. R.

Prof. eloq. & Historiogr. Reg.

D. D. D. P. P. P.

VIDO MAZENTA Præfecto vrbs.

∞ . I O C . V .

AD INGRESSVM MARGARITAE  
 AVSTRIACAE.

Ingredere læta serenissima, MARGARITA  
 AVSTRIACA, maxima, felix, pia,  
 augusta,

Frequentissimo exultante populo, maiestatisque  
 tuæ præsentia, tanquam expectatissimo trium-  
 pho gestiente. Vna enim omnium voce  
 virtus ipsa loquitur, & prædi-  
 cat, te illam esse precio-  
 sam Margaritam,

quæ PHILIPPI III. potentis, regis imperium  
 magnitudine æquat, pondere firmat, can-  
 doreque vniuersum orbem  
 illustrat.

IBIDEM.

PHILIPPO II. Caroli V. Imper. F. Austriaco,  
 Hispanico, Indico, Africo, Belgico, cunctarum  
 gentium pio parenti, inter totius orbis monar-  
 chas potentissimo, numine Dei electo, ad sparsa  
 Impe-



Imperia congreganda, Catholicamque fidem longè lateque propagandam: MEDIOLANENSIS ciuitas, quod quietem Italiae, felicissimis optimisque nuptijs augustissimam prolem promittentibus, firmarit, in aduentum sereniss. MARGARITAE AVSTRIACAE fidei & lætitiæ publicum testimonium.

---

## IBIDEM.

Serenissimo ALBERTO ARCHIDVCI Austriae fortissimo, felicissimo Principi, per imperia, victorias & triumphos ad culmen gloriae, & regiae affinitatis euecto, Mediolanenses tantæ virtutis Heroi erexerunt:

---

## ITEM.

MARGARITAE, AVSTRIACAE PHILIPPI III. Regum maximi coniugis augustissimæ, maiestatem, pacis fatale nomen, propagandæ Imperatorum stirpi aptissimum connubium, ac propulsandæ omnium mœstitiæ propitium aduentum IO. FERNANDEVS VELASCHIVS Castellæ Comesta, lætissimus veneratur.

---

## ITEM.

D. MARGARITAE AVSTRIACAE, cuius per augusta Imperia numerantur aui D. PHILIPPI III. omnium magnorum Regum maximi sponsæ, cum primùm gradum in hac vrbe ad maximâ imperia poneret. IO. FERDINAND. VELASCHIVS, COMES Mediolanensi Prouinciæ, & regio exercitui in Italia præfectus, exorientem auroram felicitatis seculi veneratus, dicauit.



## COMENSIA.

## IN FRONTE CATHEDRALIS.

**O**Rdo Populusque Comensis, C. PLINIVM Secundum maectum ingenio virum, dignatione clarum, doctrina admirabilem, vt qui olim Imperatorum, Cæsarum, Vespasianorum amicitiam meruerit: officia maxima gesserit: ac scriptores vniuersos, copia & varietate superaerit: municipem suum incomparabilem, statua, & elogio ornauere.

## IBIDEM.

C. PLINIO Cecilio Secundo, qui consultatu, auguratu, militiæ gestis, orandis causis, poematibus & historijs conficiendis, Cæfare Traiano Augusto luculentissimè laudando, afficiendoque immensa liberalitate patriam suam, eidem immortale contulit ornamentum, Ordo Comensis conciu suo desiderabili, honore accepto, monumenta posuit. M. CCCC. LXXXIIIX. Cal. Maij.

*Functus eram, sed tum veteri præclarus honore  
Viuebam, perij, nunc quoque vita mihi est.*

## IN TEMPO.

## BENEDICTI IOVII.

Quem inuida mors voluit esse mortuum, historia, patria, orationes & carmina BENEDICTVM IOVIVM mori non sinunt. Iulius Episcopus Nucerinus memoriæ patris opt. P. 1556.

## IN PALATIO P. IOVII.

Fortuna cùm virtutem exornat, nascentem invidiam simul extinguit; labor fortunam conciliat, virtus invidiam frangit. Cùm Naturæ necessitas ad interitum ducat, sola ingenij gloria vitam extendit. Viuidæ feruidæque virtuti Mœcenates nunquam desunt.

*Maior ab euersis rebus clarissima virtus  
Surgit, & è medio funere fata fugit.*


 TAVRINENSIA.

## IN AEDE SVMMA.

AMADEO ROMAGNANO.

**O** *Lim Allobrogici Ducis Sereni  
Cancellarius, insuperque Montis  
Regalis, placidus, pius, benignus  
Antistes, miseris salus, leuamen,  
Romagnagenitus Domo vetusta,  
Hic ingens AMADEV S ille carpit,  
O Lector, placidam senex quietem.*

Vixit ann. LXXVII. Obijt M. D. IX. XVI.  
Kalend. April.

## IOAN. FRANCISCVS RVVERE.

Iulij II. Pontif. Max. Pronepos, Taurin. I. Archiepiscopus, arcis Adrianæ præfectus, Sacrosancti Lateranensis Concilij ex XXIII. decernentibus, diuini humanique Iuris peritiss. Perusio, Senis, ac Roma testibus, vbi acerrimè

de his omnibus xx. annum agens congressus est,  
Leoni X. Coetui inferere cupienti cariss. hic Bo-  
nonia, vbi fato (proh dolor!) periijt, pietate fra-  
trum aduectus iacet pro tempore.

---

IN TEMPLO SOC. IESV.

*A fundamentis pia templa dicantur IESV,  
Qua colet imperio tempore templa nepos.  
Ergò quot Emmanuel Pietati prorogat annos,  
Tot Pietas vitæ proroget alma sua.*

---

IBIDEM.

DIALOGVS PHILOSOPHI ET  
IVSTITIAE.


- PH. *Quæ Dea? IVST. Iustitia. PH. at cur toruo lu-  
mine spectas?*
- IVST. *Nescia sum flecti, nec moueor precio.*
- PH. *Vnde genus? IVST. Cælo. PH. Qui te genuere  
parentes?*
- IVST. *Mi Mod<sup>o</sup> est genitor, clara Fides genitrix.*
- PH. *Aurium aperta tibi cur altera, & altera clau-*
- IVST. *Vna patet iustis, altera surda malis. (sa est?)*
- PH. *Cur gladiũ tua dextra gerit? cur laua bilacẽ?*
- IVST. *Ponderat hæc causas, percutit illa reos.*
- PH. *Cur sola incedis? IVST. Quia copia rara bono-  
Hæc referũt paucos sæcula Fabricios. (rũ est,*
- PH. *Paupere cur cultu? IVST. Sæper iustissim<sup>o</sup> esse  
Qui cupit, immensas nemo parabit opes.*
- 

IN FACIE ACADEMIAE.

*Nosse Deum, & mores hominum, Iurisq; recessus,  
Et rerum causas, morbos curare requiris?  
Huc ades, immortalis eris, labor omnia confert.*

GENVEN-





# GENVENSIA.

---

IN GENVAM IVL. CAES.  
SCALIGER.

**D**Itis opes Asia, & claros Orientis honores,  
Quantaq; ab Euxino tunditur ora salo,  
Pisanas acies, Thuscæ decora inclyta pubis,  
Et traxi ad Ligures Gallica signa manus.  
Subiectis domitas tenui ceruicibus Alpes,  
Et tremuit nostras Africa dura trabes.  
Afflictus toties Venetus, quæ fugerat olim,  
In patrijs metuit tela petitus aquis.  
Frustra Galle cupis: frustra es frustrator Hibernæ:  
Frustra sæua ferox Insuber arma capis.  
Vinco ego, cum vincor. par est victoria damno:  
Sumquæ eadem domina, seruaquæ facta mea.

---

IN CATHEDRALI.

Hic recubat SYLVUS sacro baptismo dictus,  
Cuius terra leuis florida membra premit.

---

IVLII CICADAÆ.

⊙ Decus, & patria magno quoque nomine IVLI,  
Gloria virtutis tempore rara tuo.  
Conderis, heu! fati mundo sublatus iniquis,  
Dum nimium celeri tendis ad astra gradu.

---

AD S. ANDREAM.

Sum munita viris, muris circumdata miris,  
Et virtute meâ pello procul hostica tela.

*Si pacem portas, licet has tibi tangere portas,  
 Si bellum quaris, tristis, victusque recedes:  
 Auster, & Occasus, Septentrio nouit, & Ortus,  
 Quanta bellorum superauit IANVA motus.*

---

## AD S. MATTHIAM.

PHILIPPVS DORIA Comes, vestigia maiorum sequens, sub vexillo Francisci I. Regis Christianis, propræfecto triremeis Andreæ auunculi in regnum Siciliæ citraduxit. In sinu Salernitano cum hostium triremibus legitime felicissimèq; vario Marte conflixit, & gloriosam tandem mirabilemque victoriam, Deo auspice, adeptus est anno 1528. a. d. 18. April. Maximæ virtutis monumentum.

---

## IOANNES BAPT. SPINOLAE.

*Quid miser incassum tantum te sponte fatigas?  
 Cuique sui meritum tale laboris inest.  
 Vermibus hoc corpus, bona linquimus omnia mundo,  
 At melior calum pars resoluta petit.*

---

## IN PALATIO.

ANDREAE DORIAE, quod Rempubl. diutius oppressam in pristinam libertatem vindicauerit, Patri proinde appellato, Senatus Genuensis, immortalis memor beneficij, viuenti posuit.

---

## IN INTROITVM ANNAE AVSTRIACAE, IMMORTALITATI

*Austriacæ.*

DIVAE ANNAE AVSTRIACAE, DIVI MAXIMILIANI II. Romanorum Imperat. filiae, Diui PHILIPPI II. Hispan. Regis Cathol. adoptatissimè

tiſſimæ ſponſæ, gratulantes expectatum eius ad-  
uentum Genuenſes pro tempore DD.

*Ascendas ô virgo, deûm cariffima proles. (ignum:  
Nam ſumus hic, quot habet noſtrum tibi numina re-  
Æquatum eſt æquor, veniunt ad carbaſa venti.*

DIVO MAXIMILIANO ROMANO-  
RVM, VNGARIAE, BOEMIAE

Regi.

*Qui geſtas nomen Proavi Rex Maxmiliane,  
Illius vincas fortia facta tuis.*

*Auſtriades Patruus petuit plus Carolus vltra,  
At tu cum diuo Patre Monarcha manes.*

*Sis felix, referas Patruum virtute Patremque,  
Sic te poſteritas fortibus addet Avis.*

AD INGRESSVM MARGARITAE  
AVSTRIACAE.

Aduentus, virtus, atque coniugium tuum, Au-  
guſtiſſima virgo, Ligurię lætitiã, Auſtriacę fami-  
liæ claritatem, totiusque Hispaniæ gloriam auget.

IBIDEM.

PHILIPPO III. Regi Catholico, auitæ patriæ-  
que virtutis æmulo, lætis regni initijs ob augu-  
ſtum coniugium effloſcenti, Reſpubl. Genuenſis  
tantæ hilaritatis in exoptato Reginiæ aduentu par-  
ticeps, vnanimi voluntate dicauit.

IBIDEM.

Virtuti, ac felicitati Inuiſtiſſimæ Domus Au-  
ſtriæ, quæ Germaniæ decus, Imperij ſplendor, at-  
que vniuerſæ Reipublic. Chriſtianæ propugnacu-  
lum, diuinitus eſt conſtituta; ob innumeras toto

orbe terrarum victorias partas, arcum triumphis insignem Respubl. Genuensis libentissimè dicat.

---

EXTRA MOENIA: VBI AQUAE  
ductus fossam attingit.

A. P. V. . M. D. XXXX.

ANDREAS DORIA, facultate loci sibi publicè datâ, huius aquæ ductum priuato sumptu construxit, communi ornamento æquè, ac sui iuris commoditati futurum.

SARSANAE distantis Genuâ 1060. Pass.

---

IN CATHEDRALI ECCLESIA D.  
VIRG. S. IN SACELLO D.

*Thoma.*

ANDREOLA DE CALANDRINO, Nicol. V. Pont. Max. sedentem, & Philippum Cardin. Bononiensem maiorem Poenitentiarium ex se natos, Romæ materno affectu salutauit, Spoletî moriens, eiusdem Cardin. pietate in patriam delata, humili ex tumulo, felix tanta prole quiescit. Vixit annos LXXX. Obijt anno M. CCCC. LI.

---

D. OPT. MAX. SACR.

&

Memoriæ sequentis æui.

POLYXENA GRIMALDI

primarum princeps

hîc lumen tuum alterum,

hîc Genuæ decus immortale,

Amor simul atque Honor

FREDERICVS SPINOLA

post fata quiescit:

*Qui*



Qui dum virtutem sequitur in excelsa sitam  
 inuia ad gloriam grassatus est via;  
 Cuius mascula mens, eruditio elegans, gnava forti-  
 tudo, posteris æmulanda, inuidenda antiquis  
 parem non habuerunt.

Liberalitate exprompta,  
 lato lepidoque ingenij vigore  
 obligauit sibi publice omnes, priuatim singulos;  
 Cui viuenti Neptunus vterque  
 vltro Tridentem submisit  
 sua scepra,

Viditque inferiorem se mortali, nec inuidit:  
 miratus in corpore humano  
 impavidum pectus  
 contra decumanos fortunæ fluctus  
 ad extrema constans.

Flandrorum saluti posthabuit suam:  
 Pro Morinis non timidus mori,  
 VValachria omni obstupente.

Flores Mater non lacrimas sparge.

CIO. IO. CIII. XXVI. Maij.

Victor super astra triumphet.

*Ioannes Wouuerius Antwerp. pos.*

ALIVD.

DEO SACRATVM

atque æternitati

FREDERICI SPINVLÆ

PHILIPPI F. AMBROSI FRATRI,

inclytæ stirpis, ingentis animi

Viri;

Qui

domi cum inertem odisset quietem,

belli apud Belgas gloriam  
 meliori virtute quàm fato  
 deferuit atq; assequut' est.

A

Maximo enim PHILIPPO Hisp. Indd.

Rege potentiss.

Morinorum classi præpositus,  
 dum

CIO. IO. CIII. VII. Kal. IunI

acriter atque animosè cum hostibus  
 nauali prælio certat,

dignam se, factisq; atque AMBROSIO Fratre  
 stans aduersoque pectore  
 mortem excepit.

Regi, Principib. totoq; Belgarum populo  
 dolore inflictò,  
 desiderio relicto maximo.

Sic abisti, heu! patriæ, imo Europæ futurû decus.



## ALEXANDRIÆ.

D. O. M.

Si quis me roget:

MONICA PEDERANA CAPRIATA  
 fui,

Decus familiæ, delictum coniugis,  
 forma, pudicitia, amore.

nunc, dolor,

postquam fui,

& extincta vrgeor lacrymis

coniugis & familiæ,

parcite. mos gerundus naturæ fuit.

Flores

Flores spargite,  
 formæ, aut pudiciæ famam  
 cineres non maculant.  
 & in ipsa morte  
 castus nunc quoque viuit amor.


*Inscriptio ERICII Puteani.*

AD S. BERNARDINVM.

ANTONIUS GILINVS CONIUGI.

*Αναστάτα χρισός ελπίς εἶς.*

Si inusitatam faciem mœroris miraris, hospes,  
 hæc pellege, & pro humanorum casuum misera-  
 tione, in doloris partem venies. Tumulata hic  
 quiesco ANNA, honesto orta genere, felicior  
 coniugio facta. Sed quid in vita stabile? Ter enixa,  
 postremo liberorum superstite, qui breui fata mea  
 secutus est, in ipso ætatis flore rapta, cum delecta-  
 re vita posset. Creatori, quod acceperam, reddi-  
 di. M. D. V. XIV. Kalend. Sept. Vixi ann. XVIII.  
 coniux ANT. GILINVS mutæ concordie mo-  
 numentum POS.



PLACENTINA.

IN PLACENTIAM IVL. CAES.

SCALIGER.

**N**obilis antiquo porrecta Placentia muro,  
 Hinc hostem, hinc rapidas fluminis arcet  
 aquas.

Rara artes: gens scita, hilari sed dedita luxu.  
 Ingenium augustæ vix patiuntur opes.

IN

## IN CATHEDRALI.

IN CHRISTVM CRVCIFIXVM.

*Huc me sydereo descendere iussit Olympo,**Hic me crudeli vulnere fixit amor.**Si cupis ergo animi mihi signa rependere grati,**DILIGE: pro tantis sat mihi solus amor.*

## AD S. MARIAM.

*Raptus ALEXANDER primis hic Poggius annis**Occubat, & gelidum marmora corpus habent.**Nil genus, & virtus, nil illi profuit etas**Viuida. sic, eheu! res pereunt hominum!**Obijt anno Domini M. D. LXXIV. die XII. Aug.*

## IBIDEM.

ANTONIUS ARCELLVS, & ANTONIA  
BERTARIA, mutæ fidei, & benevolentia con-  
sortes, humanae peregrinationis cursu terminato,  
mortalibus spolijs hinc depositis, supernæ hæredi-  
tatis spe hic quiescunt.

## AD S. SIXTVM.

Diui SIXTI II. Pont. & Martyris, quod mor-  
tale fuit, ob Christi fidem gladio Decius Cæsar ex-  
tinxit. LVDOVICVS II. Imp. Rom. huc trans-  
tulit. PAVLVS DE ARETIO Card. Episcopus  
Placent. & Cæsarius Abbas nouissimè ampliato  
templo hinc reposuerunt. Octauio Farnesio, ac Ale-  
xandro F. Ducib. maxima populi frequentia, ac  
pietate M. D. LXXVI. VI. Id. April.

## IBIDEM.

Diui Fabiani Pont. & Mart. corpus à LVDOVI-  
CO II.



EO II. Imp. huc Româ translatum, DAMIANVS Nouariens. Abbas, Octauio Farnesio Duce præfente hîc repof. anno M. D. LXVI. VIII. Cal. Maij.

IN CASTELLO.

*Finiunt pariter, renouantq̄ labores.*

PHILIPPVS II. Hispaniarum Rex maximus,  
& multarum Prouinciæ Dominus, sanctę fidei  
Catholicę acerrimus defenfor F.F.

ANTE HOSPITIUM FAMAÆ.

*Te viuo Octauî timeat quis Martis alumuos?  
Quis Cereri metuat, cui noceatq̄ malus?  
Te duce tuta fides, duce te dant roscida mella,  
Vel rigida quercus : te duce iura vigent.*

PARMENSIA.

IN PARMAM IVL. CAES.  
SCALIGER.

**I**Nuentum medijs præclarum nomen in armis,  
Prædita quo sit gens ignea Marte docet.  
Ingenium rapidum facili flammatur ab ira:  
Sed viget in patulo pectore purus amor.  
Magnanimo, precium est, non displicuisse pudori.  
Hoc satis. officijs cedere turpe putat.

IN AEDE CATHEDRALI.

Magnus in exigua iacet hac ANTONIVS vrnâ  
BERNERIVS, varijs lux celebrata locis.

*Non tamen hic totus tegitur; caro sola sepulta est;  
Viuit in aeternum cetera pars melior.*

*Præterea ingenium, probitas, prudentia, mores  
Viuunt, hæc aliquam non subitura necem.*

*Hunc Mediolanum bis septem mēſibus, alma  
Roma Senatorem vidit & ipsa tribus.*

*Cetera quid memorem? quantum mortale ferebat,  
Tegmen erat cunctis præditus ille bonis.*

### C Y P R I A N O R O R I,

Flandro, artis Musicæ viro omnium peritiſſimo,  
cuius nomen famaꝗue nec vetuſtate obrui, nec ob-  
liuione deleri poterit: Herculis Ferrarienſ. Ducis  
II. deinde Venetorum, poſtremò Octauij Farnesij  
Parmæ & Placentiæ Ducis II. Chori Præfecto,  
Ludouicus Fr. fil. & hæredes mœſtiſſ. poſſ. Obijt  
anno Domini M. D. L X V. ætat. verò ſuæ X L I X.

### I N B. M A R I A E.

BERTRANDO RVBEO ſummę nobilitatis, æ  
optimæ ſpei adoleſcenti, Io. Hierony. Ticini Pon-  
tiffex fratri B. M. POS.

*Flore aui in primo, primo in certamine Martis,  
BERTRANDVS rapido faucibus igne cadit.  
Scilicet eſt longæ contraria gloria vitæ,  
Nec, niſi difficili, queritur illa viâ.*

### I N D. L V C A E.

FRANCISCO MOYS integerrimo omnium  
horarum viro, bonarum artium cumulato, ob in-  
genij & morum elegantiam multis principibus in-  
timo, poſt longos Romanæ Curiæ labores, & ſuis,  
& ſibi

& sibi domi benè consulenti insperatè surrepto,  
ANTONIUS MOYS Fr. mœstiff. POS.

*Hic reliquum MOYS tegitur : nam cetera seruant  
Cælum animam, famam pectora docta virum.*

Obijt anno Salut. M. D. L. VIII. Kal. Mart. ætat.  
suæ LXIII.

AD CAPVCHINOS.

ALEXANDER FARNESIVS, Belgis deuictis,  
Francis obsidione leuatis, vt humili hoc loco eius  
cadauer reponeretur, mādauit III. Non. Decemb.  
CIO. IC. XCII. Et vt secum MARIÆ eius con-  
iugis opt. ossa iungerentur, illius testamentum se-  
cutus, annuit.

ALIVD.

FARNESIVS ALEXANDER hoc tumulosus,  
Parma<sup>q</sup> Dux, Placentia<sup>q</sup> tertius,  
Sacro<sup>q</sup>-sancta Ecclesia vexillifer:  
*Pietate quo non melior aut quisquam fuit  
Summa, Imperator arte bellandi prior.  
Post liberatam Celticam, post Belgicam  
Bello receptam, & redditam antiquis sacris,  
ODOARDVS, & RANVTIVS mœstissimè  
Posuère, summa officia soluentes Patri.  
Heu, quale Roma amittis, & quantum decus!*

IN PALATIO, AD INSIGNIA.

Pauli III. Pont. Max.

Pro PAVLO Deus: pro nobis PAVLVS.

ITEM.

Qui pro te vis esse Deum, tu lilia serua.

CARG

CAROLO V. Romanorum Imp. victori, ac triumphatori semper Augusto, & de repub. Christiana bene merito S. P. Q. P. P.

MAXMILIANVS Romanorum Imp. voluntarios labores semper appetens, Reip. bonū statum, atque dignitatem Imperij priuatis commodis proponens, omnibus quietem parat.

AD BIBLIOTHECAM.

Ingredere Musis facer, nam & hic dii habitant.

IBIDEM.

Nullus amicus magis libet, quàm liber.

AD CAMINVM.

Præcipua domus vtilitas & perniciēs, ignis & lingua.



## REGIO LEPIDANA.

IN SVMMO TEMPLO.

**C**ONSTANTINVS PORRVS, ex præsentibus futura prospiciens, hoc sibi, suisq; posteris monumentum confecit; in quo morte obita requiescat, dum surgentes hinc rursus Deus euocet. Anno M. D. LII.

AD CARMELITAS.

S. PROSPERI EPISCOPI.

*Hic situs est PROSPER, quo sancto Præsule gaudet  
Regium, & hic cineres ossaq; sacra iacent.*

*Marmoreo monachi condunt pia busta sepulcro,  
Namq; vetus turris fregit at alta cadens.*

A D.



## AD S. DOMINICVM.

*Hoc tumulo Briami requiescunt ossa Simonis,  
Regia se vrbs tanto iactat alumna viro.  
Felsina mirata est, Ferrariaq; ipsa docentem  
Graca, Latina, artes Peonis, astra, Deos.*

## PROSPERI BRVNEI.

*Quem Regium peperit, docuit quem Felsina, vterq;  
Quem populus fleuit, hic iacet orbis amor.  
Decessit xv. Kalend. Maij. M. D. XXIX, Vixit ann.  
XXI. D. X.*

IN ECCLESIA MONIALIVM  
S. MARIAE.

IVLIA MANFREDA SCAIOLA matrona  
lectissima, cuius animus temporibus secundis, &  
dubijs rectus fuit, posteris & vitæ, & mortis singu-  
lare exemplum admiratione imitationeque dig-  
num reliquit: Obijt anno æt. suæ XXXVI. v. Kal.  
Mart. M. D. LXXI. Franciscus Co. coniux coniugi  
integerr. moestiss. POS.

## IN FORO.

## SVB BRENNI STATVA.

BRENNVS totius Saxoniae Rex, Germani exer-  
citus Imperator, cum ea loca teneret, quæ Athe-  
sin, Padumque interiacent; populos, qui, aduen-  
tatis in Italiam Odoacri metu, in paludes sese ab-  
diderant, in vrbes suas restituit: Odoacrumque  
ipsum per sororis nuptias sibi iunctum post Ore-  
stis mortem Romanis conciliauit. Quibus com-  
positis, cum oppida ad viam AEmiliam posita, iam  
O Gotho-


Gothorum aduentu deprædata, non sine magna tantæ vastitatis admiratione peragraret; Regium Lepidi peruenit. Eam cum, aliarum urbium exemplo, vacuam hominibus modestè ferret; ex duobus ibi Sacerdotibus, quos casu in templo latentibus inuenerat, certior factus, populum ad petram Scitulam (Bismantuxæ petram hodie vocant) confugisse, eum in locum missis actutum legatis duobus, adiunctisque in itinere illis Sacerdotibus, nunciari ciuibus iussit, Regium ut redirent, ibi Brennum gratè eos accepturam esse, defensurumque etiam ab iniurijs barbarorum. Itaque cum ipsi tanti Ducis audito nomine, spe pleni in patriam per Clodiam portam redirent; obuiam exeuntem in urbis ponte Brènum habuerunt. Tum S. P. Q. Regiensis, qui cum C. D. equitum præsidio, M. peditum instructa sub Rom. Imper. signis acie aduenerat, moti præsentis Imperatoris maiestate, equis descendere, quo spectaculo delectatus Brennus, pari humanitate ab equo desiliens, ingredientem Senatam amicè suscepit: qui portam deinde Clodiam semirutam, per eos ferè nouem annos, quibus apud eos fuit, instaurandam curauit; adiecitque ab ea parte murum M. cubitorum: eam in posterum, ob gratam rei memoriam, Brènonam portam appellari voluit; pedestremque statuam eam ob rem sibi in illa erexit: insculpique ibi præterea familiæ suæ insignia, pardos tres correpen- tes, iussit, notata literis eius rei, in præsentem usque diem, memoria.

---

S V B C A R O L I M A G N I  
S T A T V A .

C A R O L V S Francorum Longobardorumque  
Rex,

Rex, qui ob egregia eius gesta Magni cognomen-  
 tum tulit, omnibus tum corporis tum animi virtu-  
 tibus præditus; Romani Imperij moderator opt.  
 veræ religionis obseruator integerrimus, eius exi-  
 mia liberalitate; precibusq; Apollinei tunc præ-  
 sulis Regiensis, illi confinium Regij memoriam,  
 in tabulis æneis incisam, & à Principibus Longo-  
 bardorum iamdiu comprobata, offerentis; eos-  
 dem fines nedum confirmauit, verùm etiam vltra  
 terminos M. AEmilij Lepidi Regilli, fundatoris  
 Regij Romanor. colonix, & sub eorum imperij le-  
 gibus insignis, ab ipsis omni pace belloque mode-  
 rata, à finitimis ob monumenta & indulta deorum  
 fortuitò flammis consumpta, interceptos produ-  
 xit, finibusque Mantux, Bononix, Lucæ, Parme, Ti-  
 cini, Nouocomi adiunxit; ciuitatemque ipsam  
 instituendi gymnasij, alijsque quamplurimis pri-  
 uilegijs decorauit.



## MVTINENSIA.

IN MVTINAM IVL. CAES.

SCALIGER.

**N**escit quo potius tumeat Rangonia tellus:  
 Tot se fama noua vertit in ora vetus.

Fama vetus, tot fama recens se vertit in ora:

Vt tituli numeros nesciat ipsa sui.

Mars catus inuictis admiscet viribus artem:

Ardua sic gemino nomine bella docet.

At Venus ætherias cùm sinxerit aurea formas:

Verborum adiunxit pondera picta modis.

Inde triplex liquidos animos inspirat Apollo:

Inde triplex nitida gratia iuncta manu.

*Nulla deest Erato: capiet te candida Pitho,  
Vt mox oblitus tu videare tui.*

*Nescit, quo potius tumeat Rangonia tellus,  
Ergo nec dignum, velle tumere, putat.*

IN CATHEDRALI AEDE.

FRANCISCI CASTALDI corpus hîc iacet,  
cui exultanti, quoniam afflicta bello Patriæ cum  
lectissima manu militum opem attulit, iure Patria  
fuit restituta. Sed fata cauere nequeunt, eum nam-  
que nocte quadam domum redeuntem, plures, &  
armati, solum, & inermem adorti multis vulneri-  
bus confectum trucidarunt.

BARTHOLOMAEI PRIGNANI.

*Callimachum facili vicit qui Pindarum & ore,  
Cognitus & pleni cui situs orbis erat,  
Bartholomæus in hac Prignanus clauditur vrna,  
Qui tamen in vita morte superstes erit.*

ANNAE COLVMBÆ.

Animi candore & coniugij fide, Matronæ libe-  
rali forma modestiss. moribus, & Christiana pie-  
tate ornata, IOAN. BAPT. MOLZA coniugi opt.  
dulciss. cum qua vixit annos XX. M. II. D. VI. con-  
cordissimè, incoerenti animo. Decessit XVII. Kal.  
April. M. D. LVIII.

*Vixit adhuc, niueis volitatq; per aëra pennis  
Clara pudicitia fama, Columba, tuæ.*

IBIDEM.

Si animarum auctio fieret, FRANCISCVM  
MOLZAM licitarètur virtutes, Patria & Cathari-  
na eius vxor, quæ illi, & sibi hoc POS.



## AD CARMELITAS.

LVCRETIAE PARMENSI, Bergontiorum familiae, splendore formae, ac venustatis decore clarissimae; verum pietate, & morum probitate, reique familiaris cura, quam longiss. clariori: Iacobus Molza coniugi amabilissimae, cum qua per annos XXVI. coniunctissimè vixit, moestissimè pos. Vixit ann. XXXIX. Obijt Non. Cal. Maias M. D. LXXII.

*Quà mortalis eram, hinc iaceo, atquæ nescia mortis*

*In prole & claro sum rediuiua viro.*

Si nullæ adfuissent delitiæ; nullæ adessent miseriae.

Quia delitiæ miserijs; miseriae delitijs commutantur.

## IN AEDE S. DOMINICI.

GASPAR PETRAZANVS, Petra Petri Gratiani & Geminiani Pontifex, pro téplis, eum templis; in templis, natus, educatus, exercitatus, vixit, egit, cecidit. Si patriam cernis, huic diuersos decreuit honores. M. D. IC VIII. Cal. Decembr.

*Flamma sacri iuris, Flamen Iouis, optimus ossæ*

*Petrazanus habet Gaspar in hoc tumulo.*

*Maçtabat superis; cecidit maçtatus ad aras,*

*Vt cecidit pro dijs, stat Deus ante deos.*

## IN D. AVGVSTINI.

SMERALDA MATETA, quæ virum habuit Ioannem Sadoletum, Iacobi amplissimi Cardinalis ex fratre nepotem, cum quo vixit annos

XV. Mens. VI. & cum matrimonij nobilitate formam, cum forma pudicitiam, difficilima omnium societate coniunctam, virilemque rerum aduersarum tum in coniugio, tum post coniugium tolerantiam constantissimè seruauit, & aduersus primarios ciuitatis competitores viduitatem: hinc sita est, post annos ætat. XXXVI. Viduitatis III. VII. Cal. Sextil. ex testamento.

---

D. IMM. S.

IOAN. SADOLETO Ia. Fr. Iuris vtriusque scientia omnibus planè antecellenti, memoria incomparabili, ingenio præstantiss. Fide, Religione, temperantia supra vel eximiam laudem, ad vsque dies extremos, incolumitate perpetua & integra prouecto: Iac. Sadoletus, ob pietatem & reuerentiam, quòd ex eo nihil vnquam aspexit, quod imitando non opt. & temperatissimè se gereret: caro apud ciues, memorato apud exteris: opt. patri vita functo, bene merenti: & Franciscæ Machiauellæ eius vnicae vxori, matri suæ carissimæ viuenti, & sibi fecit. Vixit pater annos LXXI. & obiit anno M. D. XI.

Locus decreto Collegij sacerdotum datus, Senatus Populoque Mutinensi procurante.

Huic monumento præter tres hosce inferatur nemo.

---

IN AEDE D. PETRI.


NICOLAI MACHELLAE

*monumentum.*

Medicorum scientiâ, bonorum probitate omnium sui temporis præstantissimi; quorum vtris longiore


giore spatio antecelleret, dubium semper extitit.  
Vixit annos LX.

*Alta cadunt vitijs, virtutibus infima surgunt.*



## I M O L A E.

**A**NDREAE FERRI ossa hinc recondi, sat tibi, viator, dixisse; si, vt medicorū optimus, ita & philosophorum primus vndique nomen protulerit, hic inquam, puluis: Nam quod reliquum est in homine diuinitatis, coelo residet. felix iam viue, & vale. XII. Kal. Octob. M. D. XLV.



## FAVENTINA.

IN FAVENTIAM IUL. CAES.

SCALIGER.

**P***Ars magna Italiae duro discrimine rerum,  
Clara Faentino milite sceptracapit.*

*Quod meruit decus inuictis Heluetius armis:*

*Quod conducta ferox Brennus ad arma fuit:*

*Hoc sumus: hoc fortis meruit vis ignea dextra,*

*Arbitrio cuius numina regna parant.*

AD S. ANTONIVM.

CAROLI TRAVERSARII Canonici Fauent. ac huius Ecclesiae Rectoris: nec non Rotae Su. Palat. Apostolici causarum Notarij: & istius societatis sacratiss. corporis Christi institut. ac benefactoris corpus hinc infra iacet; anima verò eius in pace requiescat. Amen.

Vixit annos LX, diuersis & quamplurimis tribulationibus & persecutionibus semper laboras,

tandem & eius vitæ finem imposuit, dicens in ultimo clarè & altè, versus infra scriptos.

*Inueni portum, spes & fortuna valete,  
Nil mihi vobiscum; ludite nunc alios.*

M. D. XXXXVIII.

ANTE HOSPITALE ORPHANORVM.

Quos parentum paupertas, pudorùe repulit,  
pietas huius loci recipit.

IN PALATIO GVBERNATORIS  
GVIDONI FERRERIO.

S. R. E. Cardinali amplissimo, totius AEmiliae,  
& Exarchatus Rauennæ iustissimo atque prudentissimo de latere legato. S. P. Q. F. grati & deuoti animi ergò.

*Iustitia & pietate regit. non vincitur auro.*

ANTE HORTVM CVIVSDAM  
EQVITIS MELITENSIS.

Satis diues, qui non indiget pane. Satis potens,  
qui non cogitur seruire. Ciuiles curæ procul hinc  
abite. Sabbas. Cast. Solitarius, seipso còtentus, hos  
securos incolit hortulos. pauper an diues, si cor-  
datus es, cogita: Vale.



VOLATERRAE.

IN S. LINO.

ΑΠΝΟΟΣ ΧΡΙΣΤΟ ΣΕΡ- ΠΝΟΩ.  
VATORI.

RAPHAELI MAFFAEO Gerardi Maf-  
fæi F. doctrina, pietate, ac sanctitate cum quouis  
anti-



antiquo comparando, vt eius indicant opera egregia, testantur miracula. Vixit annos LXX. mens. XI. d. VIII. Obijt anno salutis M. D. XXI. VIII. Calend. Feb. Marius Massæus Episcopus Caualirenfis, patri S. Pos. Sic itur ad astra.

---

## VITERBII.

### IN PORTA VALLIS.

**E**X auctoritate ALEXANDRI FARNESII Cardin. Leg. perpet. Populus Viterb. Portam Farnesium aperuit, Valliam minus commodo loco positam clusit, Anno M. D. LXIX.

### IN PORTA SIXTI.

ALEXANDRO FARNESIO Cardin. amplifs. Legat. Perpet. quod prouinciam summa in tranquillitate constituerit, & Viterbium quotidie au-geat, atque ornet S. C.

---

## SENENSIA.

### IN SENAM IVL CAES.

SCALIGER.

**C**Vm premere inuictis vicinas viribus vrbes  
 Martius imperij sollicitaret amor;  
 Abstini, & iustam colui sub pace quietem:  
 Summaque iudicij maxima, nolle, fuit.  
 Quot nam oblita sui, que regna aliena petebant?  
 Vt mea sim, pro me sit, potuisse, satis.

## INSCRIPTIONES

## IN LITHOSTROTO SVMMI TEMPLI

*imagines Sybillarum posita, an. 1482.*

## I. SYBILLA.

**ALBINEA**, seu Tiburtina, quòd Tiburi  
pro Dea coleretur.

Nascetur Christus in Bethlehem, annunciabitur in Nazareth, regnante Tauro Pacifico, fundatore quietis. O felix mater cuius vbera ipsum lactabunt!

## II. SAMIA, de qua loquitur Eratosthenes.

Tu enim itulta Iudæa, DEVM tuum non cognovisti, ludentem mortalium mentibus, sed & spiritibus coronasti, horridumque fel miscuisti.

## III. PHRYGIA, qua Ancyra vaticinata est.

Tuba de cælo luctuosam emittet vocem: tartareum chaos ostendet dehiscens terra; venient ad tribunal DEI reges omnes: DEVS ipse iudicans pios simul & impios, tum demum impios in ignem & tenebras mittet; qui autem pietatem teneant, iterum viuent.

## IV. HELLESPONTICA, in agro Troiano nata, quam scribit Heraclides tempore Cyri fuisse.

In cibum fel, in potum acetum dederunt; hanc inhospitalitatis monstrabunt mensam. Templi verò scindetur velum, & medio die nox erit tenebrosa tribus horis.

## V. LIBYCA, cuius meminit Euripides.

In manus iniquas veniet: dabunt DEO alapas manibus incestis: miserabilis & ignominiosus miserabilibus spem præbebit.

**VI. CYMEA**, quam *Piso* in *annalibus*  
nominat.

Et mortis fatum finiet, somno trium dierum  
suscepto; tunc à mortuis regressus in lucem ve-  
niet, primus resurrectionis initium ostendens.

**VII. DELPHICA**, de qua *Chryssippus*.

Ipse tuum cognosce *DEVM*, qui *DEI* est filius.

**VIII. CVMANA**, cuius meminit  
*Virgilius*.

*Ultima Cumæi venit iam carminis ætas,  
Magnus ab integro seclorum nascitur ordo.  
Iam redit & virgo, redeunt Saturnia regna,  
Iam noua progenies calo demittitur alto.*

**IX. ERYTHRAEA**, quam *Apollodorus*  
suam ait esse ciuem.

De excelso cælorum habitaculo prospexit Do-  
minus humiles seruos, & nascetur in diebus no-  
uissimis de virgine Ebræa in cunabulis terræ.

**X. PERSICA**, cuius meminit *Nicanor*.

Panibus simul quinque, & piscibus duobus ho-  
minum millia quinque in eremo satiabit, & reli-  
quias tollens duodecim cophinos implebit, in  
spem multorum.

**IN AEDE SVMMÆ B. VIRGINIS.**

*IOANNES VGVGERIVS* decreto publico  
hæc situs est. Decessit montis aperti clade an. sal.  
1260. Is ad eò auri abundans fuisse fertur, vt neces-  
sitate tempore vltro reipubl. duos currus auro re-  
fertos Reip. obtulerit, tantundem, aut plus etiam,  
sibi in ædibus referuans. Ob id etiam ædes in foro  
reliquis omnibus prominentiores ædificare con-  
cessum est illi. Item, vt primus ciuium in summæ  
hoc templo sepeliretur.

D. O. M.

*CAMPANVS* iacet hîc nostri clarum decus cui,  
 Eloquio resonans, carmine, & historia.  
 Nec tamen hîc totus. sola hîc sunt ossa, petiuit  
 Cœlum anima, aſt orbem gloria, corpus humum.  
 Interijt corpus: viuit ſed gloria: viuit  
 Spiritus. in ſolo corpore mors patuit.

ANGELI POLITIANI.

Ille ego, laurigeros cui cinxit & infula crines,  
*CAMPANVS*, Romæ delictum, hîc iaceo:  
 Mî ioca dictarunt charites; nigro ſale Momus,  
 Mercurius mæco, tinxit vtroque Venus:  
 Mî ioca, mî riſus placuit, mihi vterque cupido:  
 Si me ſles, procul hinc quaſo, viator, abi.

IBIDEM.

Humanis nulla eſt rebus fortuna perennis;  
 His mundi vicibus denique ſinis erit.  
 Ne querere afflictus, neu tu conſide ſecundis;  
 Omnia ſub paruo diſpereunt tumulo.  
 Sed venerare Deum, ſi mox cupis eſſe beatus.  
 In caca heu transfert tartara nos vitium.

IBIDEM.

Illuſtri IOANNI BENTIVOLO II. cuius ſi  
 virtutem ſpectes, ſatis vixit; ſi ætatem, parum. Is  
 cùm exercitu Henrici II. Franc. regis a læ equitum  
 magna cum laude præeſſet; ad paludem Clauis à  
 copijs Florentiæ Ducis oppreſſus, in bello quod  
 pro euertenda Senen. libertate gerebat, maluit  
 in prælio fortiter occumbendo egregiam ſui me-  
 moriam linquere, quàm fugiendo turpiter qui-  
 tæ glo-



ta gloriæ deesse. Cornelius Bentiuolus, & Anton. Gal. fratres mœstis. P. P. An. Dn. 1554. Vix. ann. X X.

---

IN S. DOMINICO.

*Vina dedere neci Germanum, vina sepulcro  
Funde, sitim nondum finijt atra dies.*

---

ITEM.

*Nemo me lacrymis ploret, nam mortua non sum.  
Viuo sed in superis lata beata locis.*

*Marmore tu cinerem claudis Hieronyme coniux,  
Ipsa sed ante Deum supplico vt astra petas.*

Montanimæ Laurentij Boninsignij Equitis F. gratia & decore supra cæteras insigni. quæ vix. an. 25. cum viro 9. trib. liberis superstitibus decessit. Hieron. Petruccius vxori honestis. & concordiali B. M.

*Cur turbata fremit Pallas? cur Delia clamat?*

*Cur lacerat seuo nunc Venus vngue genas?*

*Occubuit quoniam sapientia, forma, pudor quæ,*

*Cuncta puellari corpore iuncta simul.*

*Prob mala fors hominū! nā que preciosa supersunt,*

*Continud properat impia mors rapere.*

---

D. O. M.

ANGELO PLACITO iuueni Græcæ Latinæ- que linguæ peritis. mira animi, generis & corporis nobilitate claris. sexta ætatis suæ Olympiade defuncto, cuius mores, virtutesque omnes, in- tuentes Parcæ, senem putauere: Ioan. Bapt. pater omnium infelicis. æternum lacrymans B. M. P. An. sal. 1522.

## IN S. AVGVSTINO.

HELEONORAE Piccolmineæ Hieron. F. pudicitia inenarrabili, egregiaque forma præditæ, prudentia verò plus quàm foeminae, diem suum obeunti, Augustus Chisæus vxori carissimæ suauissimæque P. C. Ob. 3. Id. Febr. 1561.

SERVATORI DEO PACIS  
CVSTODI.

Genio, Manibus & vmbra GEORG. ECKARD. eius Inspruchensis: Erasmi Mani de Fuchstadt. Germanicæ cohortis præfecti primipili subcenturionis, qui illustris. Ioan. Baptista Archij Comite Proprætore, Tribuno, Senensi bello, Cæsaris secutus militiam, clarissimum decus sibi suisque peperit. Prælio verò quod apud Marcianum depugnatum est, pro sua virili Germanum nomen insigni gloria præstitit inuiolatum. Decessit ann. sal. 1556. prid. Kal. August. æt. suæ an. 30. d. 7. flentes P. P. commilitones.

## IBIDEM.

LACTANTIUS LVCARINVS caufid. Senensis, spiritum Deo, prolem Naturæ, labores Forti, probitatem Famæ, nefas Erebo, ossaque sepulcro. sibi viuens ac posteris D. an. sal. 1558.

## IBIDEM.

Non ita multum curandum est eis, qui necessario morituri sunt, quid accidat, vt moriantur: sed moriendo quò ire cogantur. Christophorus Francisconius, hoc sibi & posteris dicauit monumentum.

## IBIDEM.

MARGARITAE GRIFFOLAE incomp. prudent. integrit. q; matronæ, coniugi cariss. quæ cum 2. & 20. ann. coniunctiss. amantiss. q; vixerat: filiosque 20. ex ea suscep. Scipio Verdellus, non tam senio quàm mœrore confectus, P. C. Vixit ann. 66. Obijt Kal. Iulij 1563.

## IBIDEM.

EVFRASIAE ex Illiceor. Comitum gente, Claudio Socino iuveni nobiliss. desponsatæ, quæ egregiam teneris in annis corporis pulcritudinem senili prudentia superabat. Hanc, dum illi Hymenæus lætus frequenti pompa iam iam nuptiales tædas accenderet, inuida Mors atras faeces præferens, in quarto decimo heu nefas ætatis suæ anno extinxit. Achilles Illiceus Comes, & Catharina Burghesia parentes mœstiss. P. P. III. Non. Mart. 1554.

## IBIDEM.

PORTIAE SARACENAE Iul. F. proleæ virtute fœcundæ. 7. superstitib. lib. diem pudiciss. functæ, Virginia mater domo eius penitus destituta, & Claud. Ptolemæus coniunx, omnium mœstiss. piè P. P. Vixit annos 32. m. 4. d. 7. Ob. prid. Kal. Iul. 1553.

*Vixit tanquam moritura.*

*Mortua est tanquam victura.*

## POTATORIS.

*Vina dabunt vitam; mortem mihi vina dedere;  
Sobrius auroram cernere non potui.*

*Ossa merum sitiunt: vino consperge sepulcrum,  
Et calice epoto, care viator abi.*

---

## VALETE POTATORES.

AVRELIAE PETRUVCCIAE Burghesij filia,  
cui nihil defuit quod fas esset optare, post annum  
alterum & 30. quàm terris ostensa est, cœlo red-  
ditæ, Camillus coniunx lacrymans P. 4. Non. No-  
uemb. an. Dn. 1542.

---

## IBIDEM.

HONORATA VRSINÆ Puellarum decus, ma-  
trouarum splendor, coniugum honos, pudicitia  
iubar, sanctimoniam templum, virtutum & formæ  
cumulus, hoc breui conditur sarcophago.

---

## IN AMBITV.

*Hic lapis excultos cineres, & membra coercet*

*BAPTISTAE, tumulo qui iacet exiguo.*

*Dum puer insudat studijs, iuuenilibus annis,*

*Soluitur, ac votis fallitur ipse suis.*

*Spargite humum iuuenes, lacrymis rorate sepulcrum,*

*Vt cinis, atque umbra terra sit ipsa leuis.*

---

## IN MONASTERIO S. SPIRITVS.

*Hic Americus humor; sed quis sim nosce viator:*

*Puluis, humus, tellus, Putrida terra, cinis.*

*Exposita semper fuerat mea vita labori*

*Dum vixi, placida est nunc mihi data quies:*

*Octuaginta fluens mundus mihi prestitit annos:*

*In vita humanus, sanctus in interitu.*

*Si quaris, quis me hic intravit, siste, docebo.*

*Filius ornauit hæc monumenta meus.*



## IN S. FRANCISCI.

D. O. M.

Quisquis es, si pius es, ne paruito lacrymis  
 HIERONYMVS SARACAENVS hoc paruo  
 contegor tumulo, qui dum ab hostibus obsessam  
 patriam liberarem, pectus clypeum pro ciuibus  
 offerens, victoriam & immortalem mortem re-  
 portauit, quæ superis, naturæ, patriæ, amicis, pa-  
 rentibus debui, persolui, si piè patriam amas, quæ-  
 so, ne inuideas. In acerbissimam pietatem moe-  
 stis. Parentes PP. quarta olympiade nondum per-  
 actâ, anno 1526. M. Quinct. D. 27.

IBIDEM.

CAMILLO SARACAENO Indolis ingenij-  
 que egregij puello, vnico amplarum fortunarum  
 hæredi, ex ponticulo à Parietum structoribus  
 malè fulcito delapso, & exanimato, Virginea ma-  
 ter nunc vidua & infausta fecit, cuius orbitate lu-  
 ctum nunquam finiendum, puerique casum lector  
 condoleas. Vixit ann. 9. M. 3. D. 8. & 20.

IBIDEM. D. O. M.

NANNEM MARSILIVM, ne immortalis fie-  
 ret, (id enim de se promittebat) in XII. æta-  
 tis suæ anno immatura mors extinxit; præclara  
 camilla, illa inquam Marsilij coniunx, delicias  
 suas hîc posuit, quæ generosæ prolis studiosa,  
 dum mortalis immortalis NANNEM & Mu-  
 tium filios faceret, quod Dijs proprium; humano  
 inuidens ingenio, mors præripuit. Anno 1533. D.  
 II. Nouemb.

---

SYLVII PII II. PONT. MAX.  
PATRIS.

*Sylvius hic iaceo: Coniunx Victoria mecum est.  
Filius hoc clausit marmore Papa Pius.*

---

ALIBI.

*Domenico da Siena, testa matta  
E qui sepolto, vn huom senza vergogna,  
Nacque, risse, & mori contanta rognà,  
Che così morto, morto ancor si gratta.*

---

AD S. BERNARDINVM  
*extra muros.*

PAVLO VITELLIO, à quibus non debuit iniuste confosso, post condonatum, ut Christianum decer, iniuriam religiosissime mortuo, Anton. filius pijs. patri benemerenti. Vix. ann. LXII. mens. VIII.

---

IBIDEM IN CELLA.

*Grata domus, genitor, frater, carique sodales,  
Et quondam preciosa mihi terrena valete.  
Sat me lethifera mundus dulcedine lusit,  
Sat tenuit me falsus amor, discedo solutus  
His laqueis, securam iuuat iam claustra subire.  
Nudus ab hoc pelago veniens ad litus amœnum,  
Te bone Chryste sequor; solus mihi sufficis vnus.*

---

IN PRAETORIO AD IMAGINES  
C. IULII CAES. ET CN.  
Pompeij.

*Hospietate viros animis insigite ciues,*

*Publi-*

*Publica concordia dum sunt bona corde secuti;  
Maestas Romana Duces tremefecit, & orbem.  
Ambitio sed caca duos ubi traxit ad arma;  
Libertas Romana ruit, scissoquæ senatu,  
(Heu) licet & puero caput alta ascendere Romæ.*

## AD PORTAM PISANAM.

Cæs. Fridericum III. Imperat. & Leonoram  
Sponsam Portugal. Regis F. hoc se primum salu-  
tasse loco, lætisquæ inter sese consultasse auspi-  
cijs marmoreum posteris indicat monumentum:  
An. Domini 1451. 7. Kal. Mart.

## IN ARCE NOVA.

COÏMVS MEDICES, Dux Florentiæ & Sena-  
rum, Arcem, & vnâ Senensium quietem, & securi-  
tatem fundauit. Anno M. D. LXI.

## P I S A N A.

IN PISAS IVL. CAES.  
SCALIGER.

**P**ISA *vetus, victi spolijs Orientis onusta,  
Inuidia armauit liuida tela trucis,  
Sic nocuit vicisse! alijs sic vicimus ergò!  
Sic res est humili tutior arcta loco!  
Mortales, sperate vices, nec credite fati.  
Nam quod nos alijs, illa dedere mihi.*

IN TEMPLO SVMMO.  
HENRICI VII. IMPERAT. DVVIS  
Luemburgi.

Hoc in sarcophago non quidem spernendo, Henrici olim Lucenburgenſis Comitſ, & poſt hæc ſeptimi eius nominis Rom. Imper. oſſa continentur, quæ ſecundo poſt eius fatum anno, videlicet 1315. die verò 25. Sextil. Piſas translata, ſummo cum honore fuere, hoc in fano ad hanc uſque diem collocata permansere.

Quidquid facimus, venit ex alto.

STEPHANI COLUMNÆ PRÆNE-  
STINOR. DOMINI. Obijt anno ætatis  
ſuæ XLVIII. M. D. XLIII.  
XIII. Kal. Apriles.

*Hæc STEPHANVM tegit vrna: Parens maſtiſ-  
ſima Roma*

*Optaret Patrio contumulare ſinu.*

*Omne ſolum patria eſt, inquit, fortiſſimus heros,  
Defendi & patriam, ſim licet hoſpes humo.*

*Nè lacruma, externum cernis quicumque ſepulcrum  
Indigetem cali me patria vna tenet.*

IVLIVS ROSCINVS P.

### IN CAMPO SANCTO.

PHILIPPVS DECIVS, ſiue de DEXIO Mediolanenſis I. C. celebri fama notiſ. cum primum locum ſtudij in iure Canonico & Ciuili tenuiſſet, Piſis, Senis, Florentiæ, Paduæ, Papiæ & demum vltra montes in Gallia, reuocatus in Italiam ab excelsa Florentinorum Republic. poſtequam ſtipendium 1500. aureorum in auro pro lectura conſecutus fuiſſet; de morte cogitans, hoc ſepulcrum ſibi fabricari curauit, ne poſteris crederet.



## IBIDEM.

MATTH. CVRTIO Ticinensi, qui Hippocratis Galenique vindex, salutis augurium egit, medicinamque exercendo & docendo, ipse valens semper, excoluit; monumentum hoc amplius quam F. F. T. P. I. Cosmus Med. Florentiæ Dux II. ære suo P. C. An. 1564. Vix. ann. LXX.

Ἀγαθὴ ὑγίεια ἀλεξιπόφ. ἱερὸν καὶ χρηθέρισον  
πῶρ.

## ANONYMI.

*Dum parat hic studijs Astræam inducere mundo,  
Astræa infertur raptus amore polo.*

## D. O. M.

FRANCISCVS Illustris, gentis, nomine olim SANSEVERINVS, posteaquam eius maiores stuprum per vim oblatum vlti, occiso Regis filio, Neapoli Pisas migrarunt, ex fuga, Martius Iureconsult. Canonicus Pisanus, Eques pius, gentis suæ solus superstes S. P. Kalend. Mart. M. D. LXXIX.

GREGORIUS XIII. Pontif. Opt. Max. Patria Bononien. antea vocatus Vgo de Boncampagnis, Pontificij & Cæsarei Iurisconsultis. in cathedra interpretis eximius: in foro Iudex integerrimus: in Synodo Tridentina Catholicæ fidei Præsul studiosiss. in Senatu Cardinalis grauis. in omni vitæ gradu eodem tenore probitatis, prudentiæ, & humanitatis, nec non constantis & moderati animi fama præclarus: Ioanni de Boncampagnis fratri patrueli I. C. præstantiss. probatiss.

moribus, eximia pietate, omnibus denique animi dotibus ornatiss. Pisis cum primo loco max. celebritate Ius interpretaretur, an. ætat. suæ XLI. Sal. hu. 1544. extincto, hoc ad retinendum iucundiss. agnationis memoriam, fieri mandavit. An. sal. 1575. Pontific. III.

---

IN S. DOMINICO.

*En Catacufinus iacet hic Demetrius heros,  
Martis honos, Graij gloria magna soli.  
Æacides alius, Pylius quoque & alter Vlyffes,  
Florentinorum præsidiumque ducis.*

---

IN SANCTA CRUCE EXTRA  
PORTAM.

NICOLAO TIGNOSIO Fulginati, Medico insigni, omniumque sui temporis Philosophorum inter rarissimos numerando, ac multorum Aristotelis librorum commentator acutiss. CURIVS MARIUS F. Patri opt. & suis miris virtutibus ciuitate Aretina donato Pos. Vixit ann. LXXII. M. v. D. XV. decessit cum Pisis legeret XVIII. Kalend. Octob. M. CCCC. LXXIII.

---

IN AEDIBVS MILITIAE S.  
STEPHANI.

COSMVS MEDICES Flor. & Sen. Dux II. sacram D. Stephani militiam, Christianæ pietatis, & virtutis bellicæ domicilium fundavit. Anno Christi M. D. LXI.

---

PROPE PISAS VIA FLORENTINA IN PONTE.

Siccitati paludum, agrorum cultui, cæli salubri-

Iubritati consulens Cosmus Medices, Florentiæ  
& Senarum Dux, à partu virg. Anno 1558. Calend.  
Nouemb.

---

LVCENSIA.

---

IN LVCAM IVL. CAES.  
SCALIGER.

**T**Husci delitium, Thusci laus inclyt a coeli,  
Iustitiæ illeso robore Luca potens,  
Luca potens opibus, felix concordibus armis,  
Cui veneranda fides, mens pia, pura manus.

---

IN S. SALVATORE.

Accipe chare pater, quæ natus munera tradit,  
Munera si cineri sunt bene grata tuo.  
Tu mihi das lucem vitæ, do mortis honores.  
Heu, Heu! quàm dispar gratia nostratua est!

---

IN D. MARTINI.

MONVMENTVM DVCIS ADELBERTI  
anno 1006.

Hic populi leges saxi sub mole sepulta,  
Hic ius, paxquæ iacent, hic patriæ auxilium.  
Pes claudi, vestis nudi, solamen egeni,  
Noster Adelbertus Dux bonus atque pius.  
Gentib. externis timor & pauor, vnica tandem  
Militibus proprijs gloria summa suis.  
Quàm fortis fuerit, nouerunt vltima terra,  
Quàm bonitate fuit, dicere lingua nequit.

*In sexto decimo Septembre notante Calendas*

*Membra sua hic posuit funereo gemitu.*

*Quisquis adis tumultum, culparum facta tuarum*

*Ante Deum recita, cum precibusque iuua.*

### IN DIVI FRANCISCI.

*Augustinus ego Chiuizaneus hic requiesco*

*Nemo mori nescit; viuere discite, vale.*

### IN S. IOANNE.

HIERONYMI VELLUTELLI.

*Hic dum vexillum gerit, & te Luca gubernat,*

*A coniuratis vulnera saua tulit.*

*Felix ille nimis, qui dum cadit Ense, peritque,*

*Et seruat patriam, de nece victor ouat.*

Anno Domini M. D. XXII. Mens.

Iulio. Gerardus F. par. opt. Pos.

### IN AEDE SERVORVM.

IANO GRILLO patricio Genuensi patri opt.  
ac B. M. Lucas Filius Pos.

*Qui legis, an censes Ianum perisse bifrontem?*

*Qui ventura videt, lapsaque, non mortem.*

### IN PALATIO.

Perlege, quisquis ades, libertatis fautor, & scias, qualis fuerit in Republic. nostra Podiorum familia. Horum opera Petrus Cenarius, vnus ex Antianis, anno 1436. interemptus est. Eius socij deinde ann. 1522. libertatis opprimendæ animo Hieronymum Vellutellum vexilliferum Iustitiæ foedissimè trucidarunt. Tota verò ciuitate arma contra eos capiente, parricidæ

aufu-



aufugerunt. Rebelles facti cōscij, capite sunt mul-  
ctati. In alios eiusdem domus multa extant decre-  
ta. Deo agantur gratiæ, & hæc obliuioni non tra-  
dantur.

---

## FLORENTINA.

---

IN FLORENTIAM IVL. CAES.  
SCALIGER.

**P**Arna fluentisonis aggesta Fluentia ripis  
Mollia de nitido nomina Flore capit.  
Fasula regnabat: verum meliora sequutus  
Martius antiquas detulit amnis opes:  
Diuitias Hera: Mercurius discrimina linguæ:  
Mercurius varias ire redire vias:  
Ambitiosa, ferox, bellacia, flammea, Mauors  
Pectora, magnificam docta Minerua manus:  
Iuppiter ostendit cælestes mentibus aulas:  
Sirenum tribuit dulcis Apollo sonum.  
Vera vetus Romæ soboles, aliena requiris:  
Mutua quæ proprias vertis ad arma manus.

---

### IN PORTA CIVITATIS.

CAROLVS V. CAES. August. cùm insigni o-  
mnium Christianorum beneficio immanem archi-  
piratam regno Tunetano pepulisset fugassetque;  
Siculo, Neapolitano suis regnis constitutis; Roma  
profectus Florentiam, hanc portam cum magna  
pompa ingressus, populo cuncto præ lætitia gesti-  
sente, ab Alexâdro Medices ciuitatis Duce, cui Mar-  
garitam filiam desponderat, illustri apparatu, Re-

gali hospitio Mediceas in ædes acceptus est. Anno  
Domini M. D. xxxv. Id. Maij.

---

SVPRA PORTAM MAGNAM AD  
SPONSAM AVSTRIACAM.

Ingredere opt. auspicijs fortunatas ædes tuas, au-  
gusta Virgo, & præstantiss. spõsi amore, clarissimiq;  
Ducis sapientia cû bonis omnibus delicijsq; sum-  
ma animi securitate diu felix & læta fruere, & di-  
uinæ tuæ virtutis, suauitatis, foecûditatis fructibus  
publicam hilaritatem confirma,

---

IN PALATII VESTIBVLO,

*Ingressa auspicijs hanc urbem, dijsq; secundis,  
Cæsaris inuicti Augusti pulcherrima proles:  
Nunc ijsdem subeas hæc limina & aurea tecta.  
Aduentu ecce tuo lætantur, & omnia rident.  
Hæc redimita oleæ crines pax alma corona,  
Et securæ quies, & cætera numina lato  
Te vultu accipiunt venientem, & fronte serena.  
Omnes & votis optant, & voce precantur,  
Sis felix, adsisq; tuo cum coniuge virgo:  
Æternum imperium vigeat, nomenq; decusq;.*

---

IN ARCV TRIUMPHALI AD IMVM  
ARNI PONTEM.

*Quæ tam præclara nascetur stirpe parentum  
Inclita progenies digna atavisq; suis.  
Hetrusca attollet quantis se gloria rebus,  
Coniugio Austriacæ Medicæq; domus.*

*Viuite*

*Vivite felices. non est spes irrita. namq̄;  
Divina Charites talia voce canunt.*

---

ANTE PORTAM ARCIS.

Quod faustum felixq̄; sit: Carolus V. Rom. Imp. ex Africa rediens, cum Alexandrum Medices Florentinorum Ducem, generum suum, extracta iam reliqua arce, turris huius fundamenta locantē reperisset, primū victricī manu lapidem ponere non dedignatus est. Anno 1536.

---

AD PORTICVM MERCATORVM.

COSMVS MEDICES Florentinæ Dux, publicæ magnificentiæ, & salubritatis ergò, porticum transverso columnarum ordine, vndiq̄; permeabilem, aduersus cœli contumeliam negotiantibus in foro ciuibus suis extruxit, Anno M. D. XLVIII.

---

IN AVLA MAGNA PALATII.

Has ædes, atque aulam hanc, tecto elatiori, aditu, luminibus, picturis, ornatuq̄; augustiori, in amplio rem formam decoratam, dedit Cosmus Medices illustriss. Florent. & Senar. Dux, ex descriptione, atq; artificio Georgij Vasarij Aretini pictoris, atque architecti 1565.

---

IN S. MARIAE REPARATAE.

AD PERPETVAM REI MEMORIAM.

Generali Concil. Florentiæ celebrato, post longas disputationes, unio Græcorū facta est in hac ipsa Ecclesia, die VI. Iulij, anno 1430. præsidente eidem Concilio Eugenio P. P. IIII. cum Latinis Episcopis & Prælatiſ, & Imp. Constantinopolitano, cū Episcopis, & Prælatiſ, ac Procerib. Græco-

rum in copioso numero, sublatisque erroribus, in  
vnam eandemque rectam fidem, quam Romana te-  
net Ecclesia, consenserunt.

---

IBIDEM.

Multum profectò debet Musica Antonio Squar-  
cialupo Organistæ. Is enim ita arti gratiam adiun-  
xit, vt quartam sibi viderentur Charites Musicam  
adsciuisse sororem. Florentina ciuitas grati animi  
officiũ rata, eius memoriam propagare, cuius ma-  
nus sæpè mortales in dulcem admirationem duxe-  
rat, Ciuì suo M.P.

---

IOTTI PICTORIS, QUI TURRIM  
AEDIFICAVIT.

*Ille ego sum, per quem pictura extincta reuixit,  
Cui quàm recta manus tam fuit & facilis.  
Naturæ deerat nostræ quod defuit arti,  
Plus licuit nulli pingere nec melius.  
Miraris turrim egregiam sacro ære sonantem,  
Hæc quoq; de modulo creuit ad astra meo.  
Deniq; sum Iottus, quid opus fuit ista referre?  
Hoc nomen longi carminis instar erat.*

---

AD DANTIS EFFIGIEM.

*Quod cælum cecinit, mediumq; inumq; tribunal,  
Lustrauitq; animo cuncta Poëta suo.  
Doctus adest Dantes, sua quem Florentia sæpe  
Sensit consilijs, ac pietate patrem.  
Nil potuit tanto mors seu nocere poëta:  
Quem viuum virtus, carmen, imago facit.*



## SEVERINI NORBII EQVITIS

AVRATI DANI.

Oceanum hostili toties qui sanguinet inxit  
 Agelidæ Thyles littore ad vsque Cronum,  
 Quem non immeritò Sclau, Suediq<sub>3</sub>, Gothiq<sub>3</sub>,  
 Vandaliq<sub>3</sub> vrbes extimuerè ducem:  
 Norbius Etrusco iacet hic Seuerinus in antro,  
 A Florentina missus ad astra pila.  
 Barbarus ille nequit captiuum extinguere Moscus,  
 Mergere non medijs Ennosigæus aquis.  
 Debit in Latio, velut orbis in arce perire,  
 Tanta viri vt virtus vndiq<sub>3</sub> nota foret.

## MARSILII FICINI.

En hospes, hic est MARSILIVS Sophiæ pater,  
 Platonicum qui dogma, culpa temporum  
 Situ obrutum, illustrans, & Atticum decus  
 Seruans, Latio dedit fores primus sacras,  
 Diuina aperiens mentis actus numine.  
 Vixit beatus ante Cosmæ munere,  
 Lauriq<sub>3</sub> Medicis: nunc reuixit publico.  
 Viuitur ingenio; viuit, quem rère sepultum:  
 Mors abolet tanti non monumenta viri.

EIVSDEM.

Mores, ingenium, Musæ Sophiæq<sub>3</sub> sepulta est  
 Laus hic, cum magni corpore MARSILII.

EIVSDEM.

Mores, Ingenium, Musas, Sophiamq<sub>3</sub> supremam  
 Vis vno dicam nomine? MARSILIVS.  
 Ang. Politianus faciebat.

IBI-

## IBIDEM.

Quantum PHILIPPVS DE BURNEBESCO Architectus arte Dædalea valuerit, cùm huius celeberrimi mira testudo templi, tum plures machinæ diuino ingenio ab eo adinuentæ documenta esse possunt: Quapropter ob eximias animi sui doctes, singularesque virtutes, xv. Calen. Maias anno 1444. eius B. M. corpus in hac humo, superstita gratia patria sepeliri iussit.

## IBIDEM.

SYLVESTER MEDICES H. A. D. Q. qui ita de republ. domi forisque meritus est, vt equestri ordine, & amplissimis donis, & loco sepulturæ, maximo consensu ciuitatis, decoratus sit, Anno salutis M. CCC. LXXXVIII. Vixit ann. LXII. M. VIII. D. XII.

## IBIDEM.

VERIVS MEDICES, Eques opibus & gentis nobilitate clarus, sed & probitate & publicæ quietis studio clarior, hac quiescit humo. Locus meriti honoris ergò vni, & viuenti datus opt. ciui. Vixit annos LXXII. M. 8. D. 20. Obijt anno salutis M. CCC Vc.

## IN S. MARIA ANNUNCIATA.

BERNARDINVS LEONCINIUS Thomæ F. Bernardi N. sciens per mortem non esse neglegendum, quod per resurrectionem est immortale, sibi & posteris suis POS. anno salutis M. D. LXXVIII.

## IBIDEM.

ANGELVS MARTIVS Assisensis Episcopus,  
 ac I. C. à secretis Augustæ Medicū Domus, illius-  
 que alumnus, & in eam ob probitatem fidemq; ad-  
 scitus, hoc sibi viuens sepulchrum confecit, defun-  
 ctus vt sibi viuat, cū ante mortē amicis vixisset,  
 Anno 76. ☉. anno Domini 1546.

## IN D. LAVRENTII.

*Si merita in patriam, si gloria, sanguis, in omnē  
 Larga manus, nigra libera morte forent:  
 Viueret heu patriæ casta cum coniuge felix,  
 Auxilium miseris, portus & aura, suis.  
 Omnia sed quando superantur morte, Ioannes  
 Hoc mausoleo, tuq; Picardai iaces.  
 Ergo senex mæret, iuuenis puer, omnis & atas,  
 Orbaparente suo patria mæsta gemit.*

## IBIDEM.

COSMVS DE MEDICIS hic situs est, decre-  
 to publico pater patriæ. Vixit ann. LXXV. M.  
 III. D. XX.

IOAN. AVSTRIACAE MAGNAE  
 DVCISSAE HETRVRIAE.

Hoc tumulo deposita sunt ossa Serenissimæ  
 IOANNAE AVSTRIACAE, Francisci Medices  
 Magni Etruriæ Ducis vxoris, cum tribus filiabus,  
 iniquo fato ante omnia peremptis, cum filiolo, qui  
 prius mortuus erat, cum illa quondam vitales au-  
 ras caperet, mærens ad tempus posuit.

## PAVLI IOVII

Nouocomensis, Episcopi Nucerini, historiarum scriptoris celeberrimi, hîc deposita sunt ossa, donec eximia eius virtute dignum erigatur sepulcrum. Vixit annos LXVIII. M. VII. D. XXIII. Obijt 3. Id. Decemb. anno XXXII.

*Hic iacet heu IOVIVS, Romana gloria lingua,  
Par cui non Crispus, non Patavinus erat.*

## IBIDEM HODIE LEGITVR.

PAVLO IOVIO Nouocomens. Episcopo Nucerinino, historiarum sui temporis scriptori, sepulcrum, quod sibi testamêto decreuerat, posterius eius integrâ fide posuerunt, indulgentia maxx. Ducum Cosmi & Francisci Hetruriæ Ducum. Anno 1574.

## STEPHANVS PASCHASIVS POETA

HOC DISTICHON IN IOVIVM

lusit.

*Venalis cui penna fuit, cui gloria flocci,  
Vix quid, vt ille, fide scripserit historica.*

D. O. M.

ANTONII CIOFII imago hæc est, Iurisperiti celeberrimi, atque omni polita doctrina exculsi. vtrumque Ius spacio 30. annorum Pisis voce subtiliter interpretatus est, quod etiã scriptis suis acuminis & elegantia plenis illustravit. Immaturo viri subitaque mors ingentem dolorem attulit familiaribus & studiosis scientiæ Legum, orbatis repentè & recondita magni Doctoris eruditione, & morum suauitate singulari.

Julia-



Julianus frater monumentum hoc, loco impetrato à Magno Duce Frãcisco, summo amatore ipsius, honoris causa extruendum curavit. Vixit annos 55. Mens. 10. Dies 3. Obijt Pisis 6. Cal. Ianu. 1575.

---

IN AEDE S. MARCI.

IOAN. PICI MIRANDVLAE.

IOANNES iacet hic MIRANDVLA: cetera norūt

*Et Tagus, & Ganges, forsan & Antipodes.*

Obijt anno salut. M. CCCC. XCIIII. Vixit ann.

XXXII. Hieronymus Beneuentus, ne disiunctus post mortem locus ossa separaret, quorum animos in vita coniunxit amor, hac humo supposita P. C. anno salut. M. D. XLII. Vixit ann.

LXXXIX. M. VI.

*Hic situs est PICVS, cuius si cuncta perissent,*

*Virtutum septem vix sat erant tumuli.*

HERCVLES STROZA amico POS.

---

D. O. M.

ANTONIO VIDOTTO, ob pacem inter Anglor. & Francor. Reges confectam, ab Edoardo VI. equestrē gradum, ab vrisq; insignia munera consecuto, in patria ab optimo Duce Cosmo in 48. virorum numerū cooptato, Volaterris demum praetura & vita functa, gentiles eius, absentibus filijs P. P. O. 4. Kalend. Decemb. anno 1555. Vixit annos 63. Mens. 6.

---

IBIDEM.

IOA. MARIA PANLOTIVS heic situs est, domo Eugubia. I. C. celeberrimus, qui cum operam diu nauasset Duci Vrbinati Principi suo, & in alijs

Q

Italiae

Italiae urbibus plurimorum controuersias summa  
cum laude dijudicasset : accersitus postremum à  
Cosmo Medice Duce Florentinorū & Senens. pri-  
mum in IV. Rotæ Iudicibus fuit: deinde causis au-  
diendis præpositus, eo in munere cum valde pro-  
batus foret omnibus, vitam amisit. Antonia Berna-  
mœrens, coniugi cariss. P O S. O. 4. Kal. Ianu. anno  
Domini 1565. Vixit ann. 62. M. 2. D. 20.

---

ANGELI POLITIANI.

POLITIANVS in hoc tumulo iacet ANGE-  
LVS, vnum

*Qui caput, & linguas, res noua, tres habuit.*

Obijt anno M. CCCC. XCIIX. Septemb. XXIV.  
Aetat. XLIV.

PAVLVS CRINITVS amico pos.

---

*Hic hic viator, paululum gradum siste:*

*Vatem potentis spiritus vides clarum:*

*Qui mente promptus acri, & arduum spirans,*

*Ac summa quæq; & alta consequi suetus:*

*Is ille ego ANGELVS POLITIANVS sum.*

*Fouit benigno me sinu Flora, & illic*

*In fata cessi: Parthenepaos Reges*

*Quum Gallica arma irruerent minabunda.*

*Tu vale, & hoc sis meriti memor nostri.*

---

AD MARIAE NOVELLAE SVB  
HOROLOGIO.

*Sic fluit occultè, sic multos decipit ætas,*

*Sic venit ad finem, quicquid in orbe manet.*

*Heu, heu, præteritum non est reuocabile tempus,*

*Heu propius tacito mors venit ipsa pede!*

## IBIDEM.

*Ecclesia antistes fueram qui magnus Eoa,  
 Hic iaceo magnus religionis Ioseph.  
 Hoc vnum optabam mirò inflammatus amore,  
 Vnus ut Europæ cultus & vna fides.  
 Italiam petij, scelus percussimus vnum:  
 Iunctaq; Romana est, me duce, Graia fides.  
 Nec mora, decubui, nunc me Florentia seruat,  
 Qua tunc concilium floruit vrbe sacrum.  
 Felix qui tanto donarer munere viuens,  
 Qui morerer voti compos & ipse mei.*

## PARICAE MEDICÆÆ,

Pudicitiam atque prudentiam non minus, quam sanguine claræ, incomparabili coniugi, Philippus Strozzius moerens, decem liberis collacrymantibus, pro tempore pos. Vixit ann. XXVIII. Mens. VIII:

## NICOLAO GADDIO

Thadæi F. S. R. E. Cardinali, de Republ. Christiana opt. merito, sepulcrum hoc tanto patruo deberi Nicolaus Gaddius censuit, anno salut. M. D. LXXVIII. Vixit ann. LXI. M. VIII. D. XX. Obijt M. D. LII.

## HIERONYMI MIRANDÆÆ.

*Mercator pietate, fide, cultuq; Deorum,  
 Nec minus insignis nobilitate fui.  
 Humanis igitur spolijs MIRANDA relictis;  
 Contemplor superum numina sacra Deum.*

Hieronymus MIRANDA Franc. F. Hispan.  
Vixit annos XXXV. Obijt M. D. LXI. V.  
Idus Februar.

---

D. O. M. S.

*ALBERTVS iacet hic LEO: Leonem  
Quem Florentia iure nuncupauit:  
Quod Princeps fuit eruditiorum,  
Princeps vt leo solus est ferarum.*

---

IOANNIS BOCCATII.

*Hac sub mole iacent cineres atq; ossa IOANNIS,  
Mens sedet ante Deum meritis ornata laborum.  
Mortalis vitæ genitor BOCCATIVS illi,  
Patria Certaldum, studium fuit alma Poësis.*

Obijt anno Domini M. CCC. LXXIII. Vixit  
ann. LXII.

---

ITEM.

*Egregius natus latijs BOCCATIVS oris,  
Fugientis patriæ raptus in orbe iacet.*

---

PROPE TEMPLVM S. CRVCIS.

HENRICVS IV. Roma rediens coronatus, in-  
festus Florentinis, quòd coronationi suæ obstiti-  
sent, rogatus ab exulibus, quorum princeps erat  
Dantes Poeta, urbem obsedit, ab ea parte quæ  
est ad septentrionem: atque cùm vidisset ædificijs  
intentam ciuitatem (præcipuè autem testatur id  
palatium Cocchiorum, quod noctu etiam strueba-  
tur funalibus accensis) post quadragesimum diem  
soluta obsidione discessit M. CCC. XIII. Kalen.  
Octobr.



## IN S. CRVCIS AEDE.

MICHAELI ANGELO BONAROTIO, è ve-  
 zusta Simoniorū familia: sculptori, pictori, & ar-  
 chitecto: fama omnib. notissimo, Leonhardus pa-  
 truo amantiss. deq̄te se opt. merito, translatis Ro-  
 ma eius ossibus, atque in hoc templo maior. suorū  
 sepulcro conditis: cohortante sereniss. Cosmo Me-  
 dices magno Hetruriæ Duce, P. C. Anno salutis  
 1570. Vixit ann. 88. M. II. D. 15.

## LEONARDI ARETINI.

*Postquam LEONARDVS è vita migravit,  
 Historia luget, Eloquentia muta est,  
 Ferturq̄ Musas tum Græcas, tum Latinas  
 Lacrymas tenere non potuisse.*

Obijt M. CCC. XL. ætat. LXXIV.

## CAROLI POETAE.

*Siste: vides magnum quæ seruant marmora vatem,  
 Ingenio cuius non satis orbis erat?  
 Quæ natura, Polus, quæ mos ferat, omnia nouit:  
 Carolus ætatis gloria magna suæ.  
 Ausonia, & Graia crines nunc soluite Musa,  
 Occidit heu vestri fama decusq̄ chori.*

## AD CARMELITAS.

IULIANO PISTORIO PRATENSI, Carme-  
 litæ, suo Prouinciali optimè merito, lugentes po-  
 suere. Qui quantū in Physica ac mathematicis dis-  
 ciplinis omnib<sup>9</sup>, præcipuè in Astrologia valuerit;  
 non Senæ, Pisa, aut Florentia tantum, vbi annis  
 non minus 22. professus est; verum totus terrarum

orbis agnouit. Vixit ann. 64. Mens. 5. Dies II. ☉. ♀.  
Xbr. 1556.

APVD S. MINIATVM ORD. S. BE-  
NEDICTI.

*Regia stirps, IACOBVS nomen, Lusitana propago,  
Insignis forma, summa pudicitia.*

*Cardineus titulus, morum nitor, optima vita,  
Ista fuere mihi, mors iuuenem rapuit.*

Obijt anno M. CCCC. XIX. XVI. Kal. Maij.

NE SE POLLVERET, MALVIT ILLE  
MORI.

Hic cum graui morbo detineretur, medicisq; suade-  
rent, posse vitam sperare, si rem cum muliere ha-  
beret; mortem maluit expectare, quam peccare.

Nota lector: *Egregium Castitatis exemplum.*

IN HOSPITALI AD SCALAS.

AD EFFIGIEM MONSTRI NATI IN  
agro Florentino.

*Hac PETRVS Paulusq; vno sub corpore bini,  
Fabrica natura mira, iacemus humo.*

*Cuiq; suum fuit & manuum fuit oris opusq;  
Vesica, ast vnum fluxile ventris opus.*

*Iunxere extremae partes nos corporis ambos,  
Quas neuter simul & dicat vterq; suas.*

*Neutra ex parte pedes, capita ex vtraq; fuerunt  
Bina, sed è medio corpore planta fuit.*

*Bina fuit medio quæ corpore planta, deorsum  
Pendebat: sursum quinta erat vna manus.*

*Non verò nobis vnus somnusq; cibusq;*

*Nec risus nobis, fletus & vnus erat.*

*Somno membra dabat vnus, ridebat at alter,  
Surgebatq; vnus, flens quoque & alter erat.*

*In Florentina natos nos fluminis Arni*

*Valle dedit patria nos pia curae patris,  
Inde alti, & sacro pariter de fonte leuati,  
Viximus ambo decem bus rotidemq; dies.*

*Quid nunc Neptunū, quid nunc Ianumq; bifrontem  
Miraris? stygij terna quid ora canis?*

*Et quid Geryonis tria corpora? scilicet vnum  
Nos corpus, binas nos animasq; lege.*

### AD CARTHVSIANOS.

*DONATVS nomen, patria est Florētia, gens mi  
Acciaiola domus, clarus eram eloquio.*

*Francorum ad Regem patriae dum orator abirem,  
In Ducis Anguigeri mœnibus occubui.*

*Sic vitam impendi patriae, quae me inde relatum  
Inter maiorum nunc cineres sepelit.*

### EPIGRAMMA BIBLIOTHECAE MEDICEAE.

*DEO, praesidib. familiae, D. CLEMENS VII. Me-  
dices P. M. libris opt. studio maiorum, & suo vn-  
diq;e conquisitis, bibliothecam ad ornamentum  
Patriae, ciuiumq; suorum utilitatem d. d.*

*Hanc Bibliothecam Cosmus Medices Tuscorum  
magnus Dux perficiendam curauit. Anno Domini  
M. D. LXXI. III. Idus Iulij.*





Quis sit, metra docent quæ subscribuntur in illo.  
 Huic legum latis patuit victoria castris,  
 Nunc cedens fati socialibus insidet astris.  
 Canonica coluit scripturæ plenius ortum,  
 Qua ducè promeruit caelestem cornere portum.  
 Hic erat Italia sydus, reuerentia fratrum,  
 Flos reſeus patriæ, decus orbis, gloria patrum,  
 Obsequijs promptus, humilis, iocundus, apertus.  
 Si tres excipias annos de mille ducentis,  
 Terminus occurret, quo mortis iura subiuit.

M. C. XCVII.

IN EODEM LAPIDE.

Inuidus è medio Baſianum finis ademit,  
 Cuius membra breuis hic ſita petra premit.  
 Summus in alterutro Doctoris Iure peregit  
 Hactenus officium, quem lapis iſte tegit.  
 Iura duo potuit naturæ ius ſuperare,  
 Hac duo de proprio mors fugat vna lare,  
 Iſtius meruere ſinu duo iura locari,  
 Solus in Italia qui fuit abſque pari.  
 Non ſibi ſed vitæ moritur fons iuris, & aret,  
 Non is eâ, ſed eo vitæ moderna caret.  
 Quiſquis in iſtius cathedram ſuccedere querit,  
 Fontis reſpectu riuus ineptus erit.  
 Hunc ſociat ſummis Pauli conuerſio turmis.

IBIDEM.

Viator ſi cupis ſcire qui ſim? Iohannes Pla-  
 teus Ciuilis Pontificijque Iuris cultor & ſcri-  
 ptor. Monumentum enim vetuſtate corruptum  
 deſtructumque, renouatum decreto Cardinalis

Q 5

Julia-

Iuliani Reueren. Bononi. Episcopi ac Principis,  
virtutum bonorumque virorum fautoris, cui Bo-  
nonia patria debet permaxima. Conciues mei, ro-  
gatos vos volo, vt pacem habeatis: Deum timete,  
dateque illi honorem, iustitiam colentes, aduersa,  
prospera tolerate, & bene erit.

Procurante Francisco Guidizono Cardi-  
nalis familiari, An. salut. 1502. 13. Ca-  
lend. Febr.

---

MARTINO AGRIPPÆ

Mediolanensi, huius ædis Canonico, alijsque  
Sacerdotijs insigni.

*Si doctrina, vigor mentis, facundia, virtus,  
Ius in fata habeant, saluus AGRIPPA fores.  
Heu quam rara ad eos solet aduentare senectus,  
Qui nimijs animi dotibus exsuperant!*

---

IBIDEM.

*Hic Guilielmus erat Lucensis origine dictus,  
Cui meritò nomen lucis origo dedit.  
Sacra doctrinae titulis & honore magistri  
Lucens, Italicis lucifer alter erat.  
Quod prius in speculo cernebat; lumine vero  
Nunc cernit, deitas nunc patet ipsa sibi.  
Post vitam vita fruitur, Mors pocula mortis  
Huic dedit: ad vitam sumsit & hausit ea.  
Augusti sibi prima dies fuit vltima vite,  
Huius & ad vitam maxima prima fuit.  
Anno milleno centeno septuagena  
Octauo Domini, mors sibi vita fuit.  
Vt moriens semper viuas:  
semper viue vt moriturus.*

## IN S. PETRONIO.

## THEODOSI CAES. PRIVILEGIUM.

Ne bonæ artes, cunctaque disciplinarum dogmata depereant; cùm mores, sanitas, iudicia, ceteraque id genus optimis doctrinis gubernentur: NOS THEODOSIVS Dei gratia Rom. Imperat. Augustus, commoditate & fertilitate loci capti, v. ac XX. mensium pensitato consilio, in dignitatis nostræ folio sedentes, generali Christianorum conuocato concilio, summo Pontifice Cœlestino, Cardinalibus XII. Archiepiscopis Episcopisque innumeris, alijsque in varijs dignitatibus constitutis Principibus ac Ducibus Christianis, Balduino quoque Flandren. ac Gualterio Pictauien. Comitibus legatis, quorum alter Ludouici Franciæ, alter Philippi Angliæ regum, illis arduis negotijs addictis vicem gessere, sedente etiam centum Senatorum collegio, BONONIAM omnium scientiarum fontem, arcanorum nostrorum armarium, perennem studij sedem fore, hac inuiolabili indulgentia decernimus, volentes insuper, vt omnes sententiæ, à iudicibus, qui in alma hac ciuitate per quinquennium saltem non studuerint, latæ, nullæ penitus existant: & si quis ad magistratus promotus dignitatem, ab alio quàm ab Archidiacono Bononiensi librum magistralem susceperit; quanquam id quarumlibet facultatum periti præstiterint, approbauerintque; eum auctoritate nostra omni dignitate priuamus. Si quis verò Scholasticos ad studium hoc euntes abeuntesve ausu temerario offenderit; capite puniatur. Hoc ni Præses exequatur, eadem illud

Ium pœna affici iubemus. Huius autem sacræ constitutionis exemplar, Bullâ aureâ maiestatis nostræ munitum, manuque Ciceronis curiæ nostræ notarij scriptum, ad perpetuam rei memoriam, Petronio Episcopo Bononiensi, ex Cæsarum Constantinopolitanorum sanguine orto, idem summis precibus efflagitanti ac procuranti, gubernandum, custodiendum, omnibusque viribus exequendum tradimus ac concedimus. Romæ in Capitolio, Anno Dominicæ natiuitatis. CCCC. XXIII. die IX. Maij.

---

D. O. M.

Ameliensis Pontifex Naccius hîc est Cæsar, qui vicem gerens legati Bononiensium, summa æquitate ciuibus ius reddidit, mox annum agens tertium & sexagesimum concessit orco.

Vixit, dum vixit, bene.

---

IBIDEM.

GRATIANI CLVSINI Cæsarei Iuris & Pontificij enucleatoris propè diuini, qui Monachus in Martyrum Felicis & Naboris æde absolutifs. ibidem opus decretorum, anno gratiæ M. C. LI. compilauit, monumentum, quod illic carie obfurduerat, hîc magnificentius renouatum est. Ioan. Franciscus Aldrouandus Bononiensis IV. Dictator ære publico instaurauit. Anno salut. 1498. Idib. Iunij, Iohanne Bentiuolo I I. P. P. Rempubl. feliciter gubernante.

---

IBIDEM.

PHILIPPO BEROALDO Seniori, cui Bononiensi, Viro omnium, quos ætas sua tulit, eruditissimo atque eloquentifs. eidemque humaniores li-

teras



ceras Parmæ, Lutetiæ, atque in patria summa cum ingenij laude atque audientium admiratione professus, Phil. & Vinc. F. F. hæredes ex testamento P. P.

*In nunc, & vigila, noctesque absume legendo.*

*O hominum cura, cœptaque vana nimis!*

Vixit ann. L. I. M. VIII. Obijt an. M. D. III. F.

O literæ, ô cantus, ô Apollines: vobis in posterum (heu!) quid fiet?

IN S. FRANCISCO.

ALEXANDRI CAPRARIAE

Offa hîc conduntur, qui agens LVIII. annum, migravit eò, vnde discessit, vt ibi perpetuo quiescat. Hieron. Patri B. M. P. anno M. D. LVII.

IBIDEM.

POMPEIO PEREGRINO Artium & Medicinæ Doctore, & Equiti. Vixit ann. XLVIII. M. III. Obijt anno M. D. XLII. Prid. Kal. Martij.

*Qualis erat bello Pompeius, corpore, & astu,*

*Talis erat studio, viribus ingenij:*

*Intima natura merito scrutatus, at illa*

*Huius cognomen par dedit ingenio.*

FRANCISCI GISLERI.

*Franciscus iacet hoc Gislerus marmore, cuius*

*Nulla vnquam in sanctis lis perijt manibus.*

*Perdidit hanc litem tantum, quam ferrea mouit*

*Atropos. ast extra lis fuit ista forum.*

IBIDEM.

BONAPARTES GISLERVS Georgij F. Senat. us Bonon. Scriba ISOTAE CALDERINAE, cum

qua

qua vixit XLV. annis sine iurgio, & sibi & suis,  
 posterisque eorum, pietatis, naturæ, legum atque  
 officij memor Pos. anno à partu virginis M. D.  
 XXVII. Vixit illa ann. LXIII.

Hominum luxus, fastus, delitiæ, quæ vitam vi-  
 talem esse non sinunt, heu quò redeunt!

---

MARSILII, S. SOPHIAE MEDICI.

*Viuat vt eternum, vita iam munere functus,*

*Hoc præstat virtus, quæ facit vna Deos.*

*Sic inuect a polo supera mens regnat in aula,*

*Vndique per terras inclyta fama viget,*

*Qua mortalis erat, iacet hic pars condita, magni*

*Exuuias animi colligit vrna breuis.*

*Quumque procul latè resonet sua gloria, saxum*

*Accipit exiguis nomina magna notis.*

*Marsilius Patauus, cui dat gens alma Sophia,*

*Bononiæ Medicus, dum docet, occubuit.*

---

ANONYMI.

*Non potuit Medicus, medico præstare salutem,*

*Sis ergo Medico, tu medicina Deus.*

---

D. O. M.

Frater ALOYSIVS PVTEVS Burgon. ex  
 Minoribus Obseruantibus hîc situs est, quem om-  
 nes, qui aliquam eruditionis, administrationis-  
 que famam in familiam suam attulerunt, Magi-  
 strum, qui Rempublic. Franciscanam administra-  
 runt, exemplum sibi adsciuerunt. Qui verò in  
 Concilio Tridentino interfuerunt, quò ille à  
 Pio IV. Pontif. Max. missus adfuit, veramque do-  
 ctinæ & sapientiæ laudem mirificè comproba-  
 runt.

sunt. Qui Prouincialia & Generalia munera tam-  
 diu exercuit, tot Italiae suggestus concionibus ce-  
 lebrauit, Scorum tantâ diligentia, & voce, & scri-  
 ptis explicuit, vt vix vllam horam vacuam aut  
 meditando, cum assidue ageret; aut agendo, cum  
 perpetuò meditaretur, habuisse videatur. De-  
 mum ieiunijs, vigilijs, peregrinationibus, stu-  
 dijs magis, quàm ætate, confectus, grauibus Apo-  
 plexiæ, per IIII. annos incommodis diuexatus,  
 Christianæ patientiæ nobile nobis exemplum re-  
 liquit. Obijt IX. Nouemb. M. D. LXXX. AËta-  
 tis suæ LXXIII. Tanto viro B. M. frater Hierony-  
 mus Imolensis M. H. D. C.

---

IN S. SERVATII.

TRINITATI SACR.

AZONI Iurisconsultorum numini, Anno gra-  
 tiæ M. CC. hic tumulato, in sepulcro vetustate col-  
 lapso, ac inter rudera vix agnito, Ioan. Franciscus  
 Aldrouandus Dictator & Coss. Bononiensis, pub.  
 impensa conciu suo B. M. memoriam posuit. An-  
 no sal. 1496. v. Id. Octob.

---

AD S. DOMINICI.

IN BIBLIOTHECA.

*Dicta fui Bologna prius: nunc Iulia dicor*

*Bibliotheca, sacris adibus hic posita.*

*Maximus huc veniens pastorum, Maximus illo*

*Iulius, hoc nomen præbuit ipse mihi.*

---

IN TABVLA AENEA.

Viator, quisquis es, siste gradum, & quod scri-  
 ptum est perlege: vbi perlegeris; pensita. Hoc is  
 cuius causa scriptum est, fieri rogat.

Orto inter Bononienses & Mutinenses bello, Cæsar Fridericus II. Rom. Imperat. filium Hentium Sardinia & Carficæ insularum regem, Mutinensibus suppetias ferre mandauit, qui inuito apud D. Ambrosij pontem certamine, à Bononiensibus capitur, nullaque re, vt dimittatur, impetrat, cum pater minis, dein precibus & precio deprecatoribus vteretur; cum tantum auri pro redimendo filio polliceretur, quantum ad moenia Bononiae circulo aureo cingenda sufficeret; sic captiuus XXII. annos, menses IX. dies XVI. tenetur, aliturque regio more, publica Bononiensium impensa. sic defunctus magnificentis. ac pientis. funeratus hic tumulatur. Præterea simulacrum hoc in perpetuum, & hosti, & captiuo monimentum S. P. Q. B. posuit. Anno salut. M. CC. LXXII. II. Id. Martij. Hoc volebam vt scires. abi & vale.

Positum ære pub. Ioan. Francisco Aldrouando Dictatore.

---

D. O. S.

IOANNIS DE IMOLA, Pontif. Cæs. q; I. C. ossa, in supposito Gerisendorum sepulcro requiescunt. MINVS GERISENDVS L. L. & ipse interpretres amico suo coniunctis. F.

---

BARTHOLOMAEI SALICE-

TI I. C.

*Hoc tumulo legalis apex, dulcissimus ore,  
Et patria lux alma sua, pietatis amator,  
Iustitiæque sacra clypeus, baculusque cadentum,  
Qui iuuenis multoque etiam venerabilis auro  
Edocuit, super auit eum nec pœna laboris  
Scribendo & pariter iuris nucleando tenebras,*

De Sa<sup>o</sup>



*De Saliceto requiescit Bartholomæus.*

Obijt 1412. die 25. mens. Decemb.

Vixit ann. LXXVII. D. X.

---

IBIDEM.

CAESAR NAPAEVS Matthæi F. viuens sibi, posterisque suis, & coniugi Fec. Anno M. CD. XCIV. Kal. Iul.

Peto, ne quis nos inquietet, aliterve ponat, neve commutet, neve etiam alius inferatur, vt die Censoria hic vnà resurgamus. quid ad vos?

---

IBIDEM.

Hic sita sunt ossa MARCI ANTONII FLAMINII Forocorneliensis, de vtraque lingua B. M. Anno M. D. XXXVI. XV. Kal. Iunij.

---

VVENCESLAI BORGARDI.

Incomparabile, ô viator exemplum, constantiæ atque continentiæ sancta integritate & inclytata fide illustre, bonarum & artium, cippus enaspice vt paruus tegit. Quid hoc quæris? VVenceslaus Borgardus Olmonte ortus (Morauia: ea vrbs est, Iulium montem vocant Latini) is vnicus patri, nuper Bononia: vnico vnice salutem optans adferre amico, peste mortuus occumbit. Plura iste non capit lapis. Vale igitur, atque his pia ossibus dic verba, si es pius. Vixit annos XXVIII. menses X. Obijt M. D. XVII.

---

ALIUD.

MARTINI SVLIMANNI, cuius præclara in iure extant opera, humana hic ossa quiescunt. Lapidea hæc memoria illi posita est, anno salut. M. D. XXVII.

R

181-

## IBIDEM.

Hic ossa AVGVSTINI CIANZON Corsici  
Sardiniensis quiescunt, qui ob armorum tumultus  
in foro Bononiensi excitatos, ex lege vivere desijt.  
Tibi pax viator. M. D. XVII.

## IN AMBITV MONASTERII

## GERMANORVM.

*Siste gradum, spectata monumētum hoc, quaeso, viator;  
Quod pia, quod cultrix legum Germana Iuuentus  
Condidit, vt genti pateat commune sepulcrum;  
Vt Germanorum manes post fata quiescant,  
Sacraparentali capientes annua ritū.*

M. D. I.

O quam fragilis, (ΓΝΩΘΙ ΣΕΑΥΤΟΝ) ruit  
voluptas.

## IOANNIS VOLZII.

*Tū quicumque sagax veterum monumenta reuoluīs,  
Te si fortè mei nominis ardor habet;  
Hac lege: Ianus eram dictus cognomine Volsus,  
Arctooque meum claruit orbe genus.  
Limpergo fueram, quod Chiron iustus Achilli,  
Et quod Pelleo Stagiritanus erat.  
Ad Romam admissæ dum fortè piacula labis  
Accepturus eo, contegor hoc tumulo.*

Georg. Limperger, Dei gratia Episcopus Bam-  
bergensis, Ioanni Voltz præceptori suo  
hoc sepulcrum posuit.

## HIERONYMI BORAGINEI.

*Me Lubeca tulit, docuit Germania linguas,  
Ad studia huc missum mors truculenta rapit.*

Not

*Non ferrum, non vlla Venus, Bacchus quæ peremit,  
 Sed studij nimius prob dolor hausit amor.  
 Nam dum Phœbe tuas æstiuis solibus herbas  
 Persequor, inuasit pectora seua febris.  
 Iam ter fortè nouem, studio quæ vit a peracta est;  
 Annos attigeram, cum rapit hora nocens:  
 Ab tua, qui fueras medicus, vestigia frustra  
 Insequor, ô genitor, cum necer ante diem.  
 O patria, ô germana vale soror vna relicta  
 Quæ fueras: hac me mors tumulauit humo.*  
 An. sal. M. D. XXXV. d. 27. Aug.

---

## IBIDEM.

*Hoc situs in tumulo est Gulielmus gloria gentis  
 Anglorum, quem mors traxit ad Elysios.  
 Nam modò festiuos dum spectat ludere bombos,  
 Bombardæ fractus viribus occubuit.  
 Proh dolor ergò homini quanam fiducia Mortis;  
 Si iugulant etiam quos putat ille iocos?*

---

## ARTURO COO ANGLO.

*Quid fles viator? an quod agnoscis tui  
 Ciuis sepulcrum patrio procul solo?  
 Nil nostrum ob hoc malignius fatum fuit:  
 Eadem vndecunque prorsus in calum est via.*  
 III. Non. August. Anno Domini M. D. V.

---

## IN S. MARTINI.

## ALEXANDRI ACHILLINI BONON.

*Hospes Achillinum tumulo qui quæris in isto,  
 Falleris: ille suo iunctus Aristoteli est;  
 Elysium colit, & quas rerum hîc discere causas  
 Vix potuit, plenis nunc videt ipse oculis.*

*Tu modò, per campos dum nobilis vmbra beatos  
Errat, dic longum perpetuumque vale.*

IULIO BOCCHIO

Romæi F. ea pietate, fide, modestia, vt nec minui  
detractiõibus, nec augeri laudibus possit. Vixit  
ann. LXVII. M. I. D. XXV. Obijt x. Kal. Septemb.  
M. D. XXV.

IN SERVORVM AEDE.

SCIPIONIS BARGELINI

Iurisconsulti.

*Mors dicam tibi veriora veris:*

*Nunc quanquam tumulo cadauer hocce*

*Claudis, id nihil, id nihil putamus:*

*Virtus, fama, scientia huius, & spes*

*Non possunt tumulo profano claudi.*

*Quid mors ergo tenes? quid assequuta es?*

AD D. PROCVLI.

*Si procul à Proclo Proculi Campana fuisset,*

*Tunc procul à Proclo Proculus ipse foret.*

GASPARIS CONTARENI

CARD.

*CONTARENE tibi pietas dum dia parentat,*

*Et queritur longo amissum Resp luctu:*

*Ite, ait, illustres animæ, vitalia secla*

*Heroum, & vestro Athleta exornate sepulcrum*

*Floribus: hic veris docuit rationibus esse*

*Immortalem animam, summa de mente creatam.*

Obijt nondum sexagenarius An. M. D. XLII.

IANVS VITALIS amico Pos.

AD



## AD S. MARIAE ANNUNCIATAE.

*Parmaparens, primos Mirandula cessit honores,  
Declarat ciuem me Imola grata suum.*

*Ad se docta vocat me tandem Felsina; deslent  
Artes me Medica, docta cohorsque virum.*

*Deslent moesta vrbeis ipsa, ciuemque reposcunt  
Imola, Mirandla, Felsina, Parmaparens.*

Ioanni Baptistæ Theodosio Medico F. F.  
pientissimi P. P. Vixit annos LXIII.  
Obijt M. D. XXXVIII. mens. Se-  
ptemb.

## ALOYNO GEORGIRIO

Epidauro ex Dalmatia, viro tum Philosophiæ,  
tum Medicinæ scientia eximiè ornato, atque et-  
iam historiarum, Astrologiæ, imprimisque Cos-  
mographiæ ac Geographiæ, quas non tam ex li-  
bris, quàm ex diuturna terrarum, perlustratio-  
ne sibi ascuerat, cæterarumque Mathematica-  
rum artium omnium cognitione clarissimo, ami-  
co & ciui opt. merito BONIFACIVS A STE-  
PHANIS Episcopus Stagninus moestifs. Pos.  
Obijt anno M. D. LXV.

AD S. VICTOREM EXTRA  
urbem.

VGOLINI DE FONTANA LL.  
glois.

*Transit vt viuat mundane legis alumnus,  
Mors sit ei requies, vltima vita DEV S.  
Vrbis honor, mundi speculum, iacet hic Vgolinus;  
Spiritus astratenet, corpora signat humus.*

*Cui fortuna manum reuocans concessa tetendit,  
 Cui lex vberius vbera plena dedit,  
 Mens legum cecidit, reliqui latitant Pharisei,  
 Christus qui nouit parcere, parcat ei.  
 Mens respondebat veraci consona lingua,  
 Et par effectus cordis & oris erat.  
 Fraudis, nequitia, liuoris & ambitionis  
 Inter conciuēs vnicus hostis erat.  
 Mors voluit mundum sub certa lege teneri.  
 Nam cinis est hodie, qui fuit ignis heri.*

An. Dn. M.C.LXVIII.

---

IN SCHOLA PVBLICA

BONONIENSI.

GREGORIO XIII. Pont. Max. annuarum re-  
 uolutionum felicis. restauratori.

*Tempora qui seros Phœbi referentia gyros  
 Toto, sancte senex, orbe venire facis,  
 Scilicet vt redeat nunquam reuocabilis annus,  
 Atque suum teneant festa sacrata diem:  
 Næ tu caliculis gratum, atque perutile nobis,  
 Immortale tibi conficis auctor opus.*

Sub felicibus auspicijs magnificorum D. D. D.  
 Ioannis Baptistæ Bergarotti Parmensis, & D. Viti  
 Antonij, Horatij de Curtis Mursonensis, Vniuersi-  
 tatis patronorum medicorumque priorum meri-  
 tissimorum die xxx. mens. Decemb. Anno Domi-  
 ni M. D. LXXXII.

---

IN AVDITORIO MAGNO IV

RISCONSULTORVM.

Principem Gymnasij classẽ, vrbis ornamen-  
 to, ciuitatis splendori, & posteris incitamento,  
 con-

consiliarijs bene gestæ administrationis memoriæ relinquendæ, ac bene meritis se officijs deuinctos ostendendi studio; eorundem generis, nominis & honoris insignibus placuit exornari. Anno ab ortu Christi M. D. LXIX. Pij V. Pont. Max.

---

## ITEM.

Vniuersitas Legum studiosa, veterem huius Auditorij dignitatem animo repetens, atque eidem in posterum, quoad possit, consulere cupiens; nouis his insignium suorum ornamentis cohonestandum curarunt, Annuente Dn. Ioanne Baptista Saluago Genuense Vniuersitatis Priore dignissimo. Anno à Christo nato M. D. LXXI. Gregor. XIII. Pont. Max.

---

## IN AVDITORIO I. C. III.

Bonon. Gymnasij adolescentes nobiliss. vtramque Iuristarum Vniuersitatem consilij prudentia & fidelitate gubernantes, sui præceptoris nomen honorificè illustrare, harum ædium splendorem magnificentius augere, bene gestæ administrationis memoriæ relinquere, ac eiusdem muneris vicarios ad honestam æmulationem excitare studentes, ad classem hanc publicam suæ familiæ ac nobilitatis imaginibus publicis exornandam, æs publicum erogari iusserunt. An. Dom. M. D. LXXVII.

---

## IN MEDICORVM AVDITORIO.

D. O. M.

Gaspari Talcacotio ciui Bononien. Philosopho ac Medico ætatis nostræ celeberrimo, cum vniuersam humani corporis anatomen in doctissimor. virorum frequentiss. conuentu publicè administratam, facundia, methodo ac doctrina ad-

R 4 mira

mirabili explicarit; eiusque incompertas ad huc partes in lucem prodiderit; animi grati & perpetuæ memoriæ ergò Lect. medicique P. P. ordinariæ anatomæ ab illo administratæ monumentum.

---

IN AVDITORIO INFERIORI.

*SVMMA PRIVILEGII AB IMP. CAES.*

*Fl. Theodosio iuniore Aug. Gymnasio Bononiae concessi.*

Qui Prætor, Iudexve quinquennio in Bononiën. Gymnasio studiorum causa non consumpto, ad iudicandum accesserit, eius decreta sententiave irrita sunt.

Qui Doctor in ordinem afficitus, libro à maioris Ecclesiæ Archidiacono non accepto, fuerit; eius dignitas, licet peritorum omnium suffragijs comprobata, prorsus nulla esto.

Qui Scholarem aliquem ad Gymnasium Bononicum se pergentem manu verbove offenderit, capit is reus esto.

Qui Magistratus, prout Magistratus, iniuriam scholari illatam persequi prætermiserit, eadem pœna tenetur. Anno Domini M. D. LXVII.

Qui honestissimi huius consilij participes erunt facti, imprimis operam dent, vt iura, instituta, mores, consuetudinesque omnes, quæ ad huius Scholæ comoda autoritatemque tuendam pertineant, summa cura custodiantur.

Rectori Scholæ maximus idemque meritus honos ab omnibus habeatur.

Legi mi publicarum professionum dies diligentissime obeantur,

Pro-



Professorum ipsorum dignitas quam maxime obseruetur.

Inter scholasticorum nationes æterna pax; concordiaque conseruetur.

Exornatus, ad vrbis & scholæ dignitatem, ex autoritate eorum, quorum insignia circumscripta sunt, & ex totius Consilij, locus esto, Anno Domini M. D. LXVIII.

IN ALIO AVDITORIO.

*Estepares, & ob hoc concordēs viuite, cum vos  
Et decor, & studium, & munus sociarit & etas.*

IN PORTICV INFERIORI.

Moderatoribus optimis assidua cogitatione curantibus, vt inclytæ huius Academiae splendor & dignitas, ad utilitatem iuuetutis, ex cunctis regionibus studiorum gratiâ confluentis, incrementum accipiat; Priorum, ac Consilij Vniuersitatis Philosophorum & Medicorum illis diutinam Maiestatis felicitatem, sibi que patrociniū precati, exigua hâc, sed quam præ imbecillitate sua possunt, maximam grati animi significationem memores officiorum p p.

Procurante hanc memoriam Magnifico ac generoso viro D. Iosepho Zacconio de Fano Priore dignissimo. Anno Domini M. D. LXXXIII. die XXIV. Decemb.

IN AVDITORIO INFERIORI.

I.

*Magister esto diligens, doctus, vigil,  
Veriq; amator, & alieni commodi;*

R S

Auditor

*Auditor at tu sis laboris appetens,  
Magistri amator, & imitator sedulus.*

## I I.

*Consultor hic, utcumq; tempus postulat,  
Adesto. semper publicum negotium  
Curato; agendum quid sit in presentia,  
Videto; longe providens in posterum  
Caueto; partes sic tuas tuebere.*

## IN SCHOLA HISPANORVM.

AEGIDIUS ALBERNOTIVS S. R. E. Card.  
Primas Hisp. totius Italiae Legatus, qui Sedem Ro-  
manam diu Auenione exulantem Italiae restituit,  
haec aedes publicae iuuentutis Hispaniae comodo  
construi iussit, quas Ferdinandus Hispalensis Prae-  
sul a fundamentis refecit, ann. post Christum Nat.  
M. CCC. LXV.

## I B I D E M.

AEGIDIUS Card. crucis spectabili virtute, B.  
Petri patrimonium tyrannica saevitia rabiente, va-  
rijs turbinibus agitatum, recuperata pristina li-  
bertate Reip. in tuta pace quiescit. Anno M. CCC.  
LXIII.

## IN PALATIO BONONIENSI.

CLEMENTIS VII. PONT. MAX. ET CARO-  
li V. Caesaris Imper. vnanimitas, stabile  
*firmamentum.*

CLEMENS VII. Pont. Max. ut Christianae  
Reip. statum reformaret, cum Carolo V. Cæs. Im-  
per. Bononiae congressus est. In hanc urbem Caesar  
Non. Nouemb. anno Domini 1529. introijt, pro  
templi

templi foribus, de more, Pontificem M. adorauit: eius authoritate & consilio, cum restituto in auitum regnum Francisco Sfortia, ac Venetis pace data, cunctæ Italiæ otium ac tranquillitatem diu optatam reddidisset, Imperij coronam hoc pompæ ordine accepit. Fenestra hæc ad dextram fuit porta prætoria, ea ingressus Cæsar per pontem publicium, in ædem D. Petronij deductus, sacris ritè peractis, à Pont. Max. auream coronam, & imperij cætera insignia accepit. Inde cum eo triumphans, exercitu ornatissimo præeunte, urbem perlustrauit, cum ambo in eodem prætorio, totam hyemem coniunctissimè de summa rerum deliberantes, egissent. Cæsar post suum aduentum mense v. in Germaniam, ad tumultus impiorum ciuium sedandos, & bellum Turcicum cum Ferdinando fratre Pannoniæ rege apparandum, profectus est. Huius rei monumentum hoc, Innocentio Cibo Cardinale legato auctore, Vberto Gambarà vrbis præfecto, referente S. P. Q. B. extare voluit. Non. Nouemb. 1530.

---

LEGES VILLICAE SEV GENIALES  
PROPE BONONIAM IN AMOENIS-  
*simo pradio foribus inscriptæ.*

Hanc Villulam, atque hunc agellum, qui animi aut valetudinis causa inuiserint, ne voluptas valetudinem, corporisve curatio voluptatem corrumpat; neue locus, quæ sacer est, violetur, aut quæ cultus est, deseratur; hæc obseruant leges.

Deum Opt. Max. proxima in æde primùm venerantur. Quiduis postea lustrando, se vbiuis exerceat, vbiuis quiescunt: sed hoc citra languorem,

rem, cis sudorem illud. Seruorum greges importunorum non modò à pomarijs, sed procul ab vtroque pomœrio interea excluduntor. Si quos tamen ministerij caussa voluerint, paucos & modestos introducunt, qui nec hilum attingunt, in consulto villico. Eis abeuntibus, pro anni tempore, pro rerum copia & inopia, pro cuiusque persona, flores, frondes, ramusculos, poma, olera, viritim villicus distribuit. Quos ruris dominus ad prandium coenamve inuitarit, curæ, mœrores, tristitiæ in urbem remittuntor: voluptates honestæ, iocus, hilaritas remanent. Mensæ eleganter & splendè sine luxu ac pompa, aprico opacoûe loco pro anni tempore parantor. Dapes solito lautius ac copiosius, sed ad vitam viuendam, non ad mortem maturandam, apponuntor. Pocula, quæ sitim pellant, non quæ hospitem obruant, potantor. Interim auium concentu & aquarum murmure se oblectant. Iis silentibus, Iopæ, Amphiones, Orphei, loquaces compescendo; aureis mulcento. Remotis mensis atque arbitris suis, cuique conuiuarum mores paulo liberius pati, seni, iuueni, faceto, dicaci vel ad ineptias vsque, fas esto. Si qua licentius poti dixerint, fecerint; ea in vrbe alijs narrare, aut omninò in memoria habere fas non esto. Scorta, scurræ, parasiti, præstigiatores, arioli, ac eiusmodi impurum & profanum genus procul arcentor. Aleis, latrunculis, scrupulis, talis, si qui se oblectare maluerint; nemini tunc vitio dator, modò fiat modicè, ne fortè iacturæ dolor in gaudij, cui hic locus à maioribus dicatus est, sedes mœrorem induxerit. Hisce actis, in eodem sacello Deo item Opt. Maxi. gratias aguntor. In urbem læti ludibundique abeuntor.



IBIDEM.

*Gaudentem locus hic; procul hinc discedite tristes.*


---

 FERRARIENSIA.
 

---

 IN FERRARIAM IUL. CAES.  
 SCALIGER.

**I**Nclyta qua patulo fruitur Ferraria cælo,  
 Reginas rerum lumine ditat aquas.  
 Aurea nobilitas: studiorum nobilis oti  
 Ingenia: audaci pectore prompta manus:  
 Magnanimiq; duces, genus alto à sanguine diuûm:  
 Perfugium profugis mœnia sancta viris.  
 Vos meluctifica redeuntem è stragis aceruis,  
 Quos vetus ex ima sede Rauenna gemit,  
 Germano inpugna amisso, fortiq; parente,  
 Quo matri victa vita dolore fugit,  
 Ornatum elogijs, decoratum nomine regum,  
 Auctum Felsinae rest: cuius ope.  
 Saluete heroës, & qua sanctissima tellus,  
 Fratrisq; ac matris, & patris ossa regis.

---

 IN ASYLO.

 MEMORIAE D. HERCVLIS ESTENSIS  
 Ducis II.

Hic Alphonso Neapolitanorum regi, ob egregiam indolem, charissimus, cum Galeatio Pando-  
 no viro illustri ac fortissimo, vixdum adolescens,  
 non sine maxima laude singulari certamine depu-  
 gnauit: ad Molinellam Venetorum exercitum ho-  
 stili

stili impetu grauiter laborantem virtute sua con-  
 seruauit: neq; prius acriter pugnare destitit, quàm  
 repulsis hostibus; plumbea glande dextrum pedè  
 fauci, ex prælio discèdere coactus est. Multa, im-  
 periũ adeptus; ad vrbis ornatum excogitauit per-  
 fecitque. Aulam regiam commodiorem pulchrio-  
 remq; reddidit: innumeras domos, noua fora, pu-  
 blicas porticus marmoreis columnis insignes, ca-  
 stelli veteris molem iam pridem inchoatam cele-  
 riter & exactè consummauit. Belliguardi palatiũ  
 auxit atq; exornauit. Belflorem incèdio consump-  
 tum restituit: arcè nouam ad Eridanũ positam me-  
 liori structura & amènis hortis additis, multo de-  
 centiorem refecit; aqua ex Padi alueo plumbeis fi-  
 stulis in vrbè traducta, perennes fontes instituit.  
 Templis ferme omnibus instauratis, atq; ad am-  
 pliorem & augustiorè formam redactis, noua po-  
 suit: & ea omnia præclaris muneribus ditauit. Pa-  
 lustres agros ad culturam redegit: antiquorũ Co-  
 mœdias, ac veteris scenæ modos actusque retulit:  
 plurimaq; ad spectatorum hilaritatem, inusitato  
 sumptuosoque paratu, actibus interposuit. Hunc  
 nouum vrbis ambitum in septentrionem vergen-  
 tem, antiquæ vrbi addidit: crebrisq; propugnacu-  
 listurritis, & inexpugnabilibus muris, lata ac præ-  
 cipiti fossa, lateritijs pontibus super constructis;  
 celerrimè communiuit. Tot magnificis operibus  
 breui perfectis, tot publicè priuatimque collatis  
 beneficijs, tot clariss. virtutum ratione habita, Au-  
 gusti & P. P. nomen merenti, S. P. Q. Ferrariensis,  
 hanc equestrem statuam viuenti posuere. ad quam  
 si quis intra ambitum x x. P. confugientibus vim  
 attulerit, se læsæ maiestatis crimen incurrisse non  
 ignoret.

## CLEMENTI OCTAVO,

Pontifici maximo, Principi optimo,  
patri patriæ,

Dominó nostro beneficentiss:

Qui Ferrariam, Petri Card. Aldobrandini  
fratris F. Pótificij exercitus moderatoris,  
virtute receptam;

fui & sacri Senatus aduentu, decorauit;

Vestigalia à Ducibus quondam imposita;  
aut sustulit, aut imminuit.

Centumuirale consilium, ac decemuiralem  
Magistratum annuo censu  
ad tuendam dignitatem,

& publicos sumptus faciendos attributo,  
instituit.

Quinque virorum tribunal ad lites iustè  
ac celeriter dirimendas,

stipendijs perscriptis erexit:

Nouam arcem præsidio ciuitatis exædificauit.

Margaritam Austriam magnificentiss. exceptam.

Philippo III. Catholico regi coniugio iúxit.

Duobus maximis conciliatis regibus.

Optatam Christianæ reip. pacem peperit.

Postremò vrbe[m] repetens, apud Ferrarienses ciues,  
de quibus optimè priuatim ac publicè  
meruerat, ingens sui desideriu[m] reliquit.

Ne tot tantorumq; beneficiorum  
erga hanc ciuitatem

memoria obliuione intercidat;

FRANCISCVS ex Comitib. BLANDRATAE;

Et S. Georgi Cardinalis, S. Clementis

Flaminia Legatus, eiusdemque Cardinalis

Aldobrandini Ferraria Collegatus,

poni mandauit. M. DC. II.

## IN CATHEDRALI.

*Quid hospes aſtas? tymbium  
 Vides GYRALDI LILII,  
 Fortune vtramq; paginam  
 Qui pertulit, ſed peſuma  
 Eſt vſus altera, nihil  
 Opis ferente Apolline.  
 Nil ſcire refert amplius,  
 Tua aut ſua. in tuam rem abi.*

LILIVS GYRALDVVS Prot. Apoſt. mortali-  
 tatis memor, annum agens LXXII. V.S.P.C.  
 Anno M. D. L.

## HIERONYMVVS RYNTIVS

Hoc ſibi viuens monumentum P. ſuos optans  
 manes in perpetua eſſe eius numinis fide, cuius in  
 Sacello dum viueret, piè ſemper operatus eſt. An-  
 no Domini M. D. XLI.

## IN D. STEPHANI.

## DE RESTAVRATIONE ECCLESIAE.

Cùm anno M. D. LXX. die XVII. Nouemb. ter-  
 tia noctis hora, quam maximus terræ motus hanc  
 præclariffimã vrbeſem ita conquaſſaſſet, vt eius for-  
 tiſſima mœnia, munitiffimas arces, alta palatia, re-  
 ligioſa templa, ſacratas turres, omneſq; ferè ædes  
 omnino euertiſſet, & proſtraſſet, vnã cum maxi-  
 mo ciuium damno, atque acerba clade, aded vt o-  
 mnes maximo metu perterriti, relictis caris & or-  
 natis domibus, cæteriſq; ſuis bonis, in lugubria  
 cœmiteria, in lutoſos hortos, atque demum, reli-  
 cta ipſa vrbe in ſylueſtres agros, in pauperibus tu-  
 gurijſ



gurijs atq; in humilibus tentorijs tota hyeme prægelida & aspera degentes, passim diffugerent: hoc sacrum Diui Stephani templum ipso terræmotu scissum, fractum, atque ferè collapsum, pijsissimi Parochiani & Reuerendus Vinutius Segantus illius Rector, Dei & ipsius Diui Stephani protectoris auspicijs, in pristinum statum ipso etiam terræmotu nondum cessante, restitui curarunt, Anno M. D. LXXI. D. XVIII. Septembr.

---

DE HOC TERRÆ MOTU ALOY-  
SIVS LVSINVS ITA LVSIT.

*Diluuium, terra motus, contagia, passim*

*Bella, fames: mundi quid reliquum exitio est?*

*Ignis & ipse propè est, vnde hæc? ex arce Tonantis.*

*Tot mala quid mundo congerit? impietas.*

*Anne salutis adhuc spes vlla est? vnica. Quisnam*

*Porriget hæc? Pietas. hæc vbi? nullus habet.*

*Quid stas munde? rue, vt pietas est nulla. ruentem*

*Iam video: auxilium numina lesa negant.*

---

CORNELII BRYNI.

*Viator siste gradum, quid spectas?*

*Fui, & fueram, nunc sine vita*

*Excubias ago. idem tu, & alij. Benè vale.*

---

IN AEDE D. DOMINICI SVpra OS-  
TIVM BIBLIOTHECAE IN SEPVL-  
chro Cælij Calcagnini.

INGREDIENTIBVS.

COELIVS CALCAGNINVS Apost. S. Proto-  
not. viuius sibi posuit. Hoc scilicet deerat temeri-

cati humanæ, vt eorum curam susciperet, quæ neq;  
viviis, neque mortuis essent profutura.

## EXEVNTIBVS.

Cùm CAELIVS CALCAGNIVS nihil ma-  
gis optauerit, quàm de omnibus, pro fortunæ captu,  
optimè mereri : decedens Bibliothecam, in qua  
multò maximam ætatis partem egit, in suorum ci-  
uium gratiam publicauit, & in ea se condi manda-  
uit. Tu quisquis es, rogo, vt hominis B. M. manibus  
Deum propiciam preceris. Ex diuturno studio in-  
primis hoc didicit, MORTALIA CONTEM-  
NERE : & IGNORANTIAM SVAM NON  
IGNORARE.

---

BEATRICIS IOCVLAE SA-  
LIMBENAE.

Tria cum maxima haberet BEATRIX IOCVLA  
clariss. Sigismundi Salimbeni filia; generosum spi-  
ritum: constantissimam fidem : & castiss. corpus:  
aliud in beatorum sedes; aliud in cari coningis Al-  
bertini ex nobili Ioculorum gente pectus migra-  
uit: qui cum summo voluntatis & consiliorum te-  
nore vixerat. quod tertium erat, hîc iacere vides,  
non sine magno omnium dolore & desiderio. vbi  
& amantiss. maritus, cùm superis visum fuerit,  
eximie beneuolentiæ gratia, conquiescit. Anno sa-  
lut. human. M. D. XL.

---

D. O. M.

*Progenite antiquis Mutinæ sub mœnibus alta,  
Marmoreo hoc tumulo BARTHOLOMÆE  
Diuini interpret iuris, quasitor & huius (iaces.  
Religionis eras, Philosophusq; grauis.  
Non valet hoc animi virtutem abolere sepulcrum,  
Quam*

*Quamuis defunctum corpus & ossa tegat,  
Nunc te delatum calo Probitasq̄, Fidesq̄,  
Seraphicos inter conferit alma choros.  
An poterant maiora tibi contingere? cui laus;  
Viuerè magna fuit, gloria magna mori.*

M. CCCC. XLVIII.

---

NICOLAI LEONICENI.

Nicolao Leoniceno Vicentino, qui sibi Ferrariã patriã maluit, vbi annos LX. Italos & prouincia-les magna celebritate Græcè & Latinè instituit, continua serie apud principes Estenses magno in honore habitus, vnus omnium magis pectore, quã lingua Philosophiã professus, rerũ naturæ abditissimarum experientissimus. qui primus herbariam penè desitã, & syluã rei medicæ iniuria temporum negligenter habitã, in disquisitionem, magna spe mortalium, reuocauit: in barbaros cõditores pertinaciter stylũ perstrinxit: & studio veritatis cum omni antiquitate acerrimè depugnauit.

Annos natus VI. & XC. cum iam æternis monumentis in arcem immortalitatis sibi gradum fecisset, homo esse desijt. Alfonsus Estensis Dux III. & S. P. Q. Fer. B. M. posuere. 6. Id. Iun. anno 1524. Bonauentura Pistophilo grato ipsius discipulo procurante.

*Cui neq̄, sat fuit, & terras euoluere, & vndas,  
Quæq̄, arcana tenent flumina, terra, mare.  
Dum rerum causas latè vestigat, & agra  
Morborum reuocat corpora colluie.*

*Nunc LEONICENVS tegitur paruo aggere terrã,  
Cuius vtramq̄, volat fama per Hesperiam.*

PETRVS MYRTEVS POS.

## DEO IMMORTALI MAX.

HVGONI BENICIO Senensi, Philosophorum omnium, ac Medicorum suę ætatis facilè Principi, parenti opt. ob excellentem doctrinam de vniuerso hominum genere B. M. filij poss. XI. Kalen. Decemb. anno M. CCCC. XLVIII.

## DOMINICO ACCIO,

I. V. insignia vix adepto, suauiss. moribus optimisque litteris prædito, religione in Deum Opt. Maxi. ardentissimo, caritate in Patriã carissimam flagrantissimo, nihilominus tamè immatura morte præuento, tumulum hunc CATHARINA filio dulciss. & Io. Iac. fratri suauissimo, non sine lacrimis P. C.

## FRANCISCI SACRATI.

*Hac Eques insignis tegeris, Francisce, sub vrnâ,  
Sacrata quondam firma columna Domus.  
Morte tua doluit Princeps, Populusq;, Patresq;,  
Et pudor, & socia cum probitate fides.  
Hoc memores nati clauserunt membra sepulcro,  
At pia sidereas incolit umbra domos.*

## HIERONYMI SAVANAROLAE.

*Dum fer a flamma tuos, Hieronyme, pascitur artus,  
Religio sanctas dilaniata comas  
Fleuit, & (ô) dixit, crudeles parcite flamma,  
Parcite, sunt isto viscera nostra rogo.*

M. ANT. FLAMINIUS POS.

## DOMINICI BONDII,

Qui à prima adolescentia Græcis latinisque litte-



litteris peritissimè imbutus, ingenij atque industriae laude semper claruit: Philosophiam verò Medicinamque Ferrariæ multos annos publicè profitendo, acutissimè, diligentissimè, atque integerrimè cum omnium fauore docuit, ac exercuit, de vniuersa autorum antiquitate, vt de sua ipsiusmet ætate, optimè meritus; nisi fortè nullo tantæ eruditionis superstite monumento, ambitionis etiam aliquid in molestissimo viro desiderare possit posteritas.

*Mi domus hæc requies curarum sola mearum,  
Omnibus vna meis certa me dela malis.*

---

## IBIDEM.

*Cæsar, Alexander, tumulo Traianus in isto  
Clauduntur, nec tres clausos tenet vrna, sed vnum,  
Scilicet Estensem, sublatum in sidera Borsum,  
Cuius erant mores tantorum in pectore regum.*

---

IANI PANNONII, EPISCOPI  
QUINQ. ECCLESIENSIS, POETAE  
celeberrimi.

*Hic situs est IANVS, patrium qui primus ad Istrum  
Duxit laurigeras ex Helicone Deas.  
Hunc saltem titulum, liuor per mitte sepulto,  
Inuidie non est in monumenta locus.*

---

## IBIDEM.

SEBASTIANO CLARIGNANO acerrimi ingenij viro, & in scena, siue risus vrbanos moueret, seu Tragico fletu pulpita quateret, Cynthius Ioannes Baptista Gyraldus amicus amico: optimo

ac benè merenti posuit. Vixit annos LXIV. Mens.  
VIII. Obijt anno M. D. LI. III. Non. Sextilis.

*Te, Rosci, extincto perijt res Comica, teq,*

*AEsopè, extincto, regia scena perit.*

*Ambas Monsfalcus Stygijs reuocarat ab vmbrijs,*

*Et dederat vita nobiliore frui.*

*Nunc ipso erepto, prorsus periere, nec vlla est*

*Spes reliqua, amissas demere posse neci.*

*Melpomene hinc tragico flet tristia fata boatu,*

*Et laniata sinus mœsta Thalia gemit.*

*Cynthius occasum veteris miseratus amici,*

*Supremos cineres condidit hoc tumulo.*

APVD SERVOS.

PETRVS MONFERRATVS,

Honorariæ potestatis accensus, dum operam ci-  
uibus pestilentia laborantibus præbet, noctu equi  
calce ictus in abdomine, magnum suæ sedulitatis  
desiderium populo, & decurionibus Ferrariensi-  
bus reliquit. Ioan. Hieronymus, parente optimum  
lugens, pos. Anno salutis M. D. XXVIII.

PICTORIS GVIVSDAM.

*Occubat hic proles pictoria: va tibi, mundum,*

*Et sua quisquis amat, huc nihil inde feres.*

*Huc nihil inde feres, guttam hic à paupere diues*

*Poscit aque; mundum, va tibi, quisquis amat.*

APVD CARMELITAS.

LVDOVICO ARIOSTO.

LVDOVICO ARIOSTO poëta, Patrîtio Fer-  
rariensi,

rariensi, Augustinus Mustus tanto viro, ac de se bene merenti, tumulú & effugiem Marmor. are proprio P. C. Anno sal. 1573. Alphonso II. Duce. Vixit ann. L X I X. obiit anno 1533.

*Heic ARIOSTVS est situs, qui Comico  
Aureis theatri sparsit vrbanas sale:  
Satyráq, mores strinxit acer improbos.  
Heroa culto qui furentem carmine,  
Ducumq, curas cecinit atq, pralia.  
Vates corona dignus vnus triplici.  
Cui trina constant, qua fuere vatibus  
Graijs, Latinis, virq, Hetruscis singula.*

## IBIDEM.

*Ludouici Ariosti humantur ossa  
Sub hoc marmore, seu sub hac humo, seu  
Sub quicquid voluit benignus heres,  
Sive hæredè benignior comes, seu  
Opportunius incidens viator.  
Nam scire haud potuit futura. sed nec  
Tanti erat vacuum sibi cadauer,  
Vt vrbnam cuperet parare viuus.  
Viuens ista tamen sibi parauit,  
Que scribi voluit suo sepulcro,  
Olim si quod haberet is sepulchrum.  
Ne cum spiritus, hoc breui peracto  
Prescripto spacio misellus, artus  
Quos agrè antè reliquerat, reposcet,  
Hac & hac cinerem hunc & hunc refellens,  
Dum noscat proprium, diu vagetur.*

*Tu repetis cælum; & terras, ARIOSTE, relinquis:*

*Et loca iam meritis inferiora tuis.*

*Nos miseri, & curis longè mortalibus acti;*

*Non tibi, sed nobis fundimus has lacrymas.*

*Gloria te niueis subducit in æthera bigis;*

*Nos sine te luctu perpetuo opprimimur.*

CAELIVS CALCAGNIVS POS.

ANGELI GAMBILIONIS de Aretio, perspicacium ingeniorum alumno, oriundi; perplexarum LL. enodatoris, interpretisque; fama noti super æthera; summis ac infimis gratissimi integritate; comitate graui; genere, diuitijs b. modo partis, numerosa, & ingenua liberorum sobole ornatiss. viridi senectâ religiosissimè extincti, ossa hic molliter quiescunt.

IOANNI MANARDO FERRARIENSI,

SI, VIRO VNI OMNIUM INTEGR-

*rimo, ac sanctiss. Philosopho ac Medi-*

*co doctiss.*

Qui annos P. M. LX. continenter tum docendo & scribendo, tum innocentissimè medendo, omnem medicinam ex arce bonarum literarû fœdè prolapsam, & in barbariæ potestatem ac ditio- nem redactam, prostratis ac profligatis hostiû copijs, identidem vt Hydra renascentibus, in antiquum pristinumque statum ac nitorem restituit: lauream omnium bonorum consensu adeptus, IV. & LXX. annum agès, omnibus omnium ordinum sui desiderium relinquens; humili se hoc Sarco- phago condi iussit. Iulia Manarda vxor, quod ab eo optabat, posuit.

Hæc



*Hæc brevis exuias magni capit vrna Manardi:*

*Nam virtus late docta per ora volat.*

*Mens pia cum superis calj colit aurea templa,*

*Hinc hospes vitæ sint documenta tua.*

Anno M. D. XXXVI. in Martio.

CYNTHIVS GYRALDVS.

*Non hæc, q̄ spectas, claudit brevis vrna Manardum*

*Claudere tam magnum nam brevis vrna nequit,*

*Est ipsi tumulus, quicquid sol lumine lustrat,*

*Est, quicquid magnus proluit Oceanus.*

IN S. MARIAE.

Quis fuerim, quid egerim, qui monumentum  
posuerint, si tua scire refert viator, hanc ædem in-  
gressus scito: manibus bona precare, sicque viue, vt  
&, cum vixeris, viuas. Ex bonis defuncti positum,  
qui in interiori pariete sepultus est.

D. O. M.

IACOBO CAGNACINO I. C. qui post per-  
functos in patria summa æquitate Magistratus, ad  
publiceque docendi munus, magna sui nominis  
gloria, doctrinæ ergo accersitus Ticinum, morte  
præuentus obiit, anno M. D. L. Amici B. M. F. cura-  
runt.

IBIDEM.

*Hic Baptista iacet Stabilinus marmore, viuus*

*Nunquam quieuit, at quiescit mortuus.*

H. M. H. N. S.

HIERONYMI BELLACVMBÆ.

Vale anima candidissima. vale tuorum paren-

tum, quos dolore & luctu conficis, æternum desiderium. Vale & huius patriæ, quam tua hinc migratione miserabiliter orbasti, & Musarum, & huius ætatis immortale decus, Vale animula blandula, & in numerum deorum tam brevi vitæ spacio recepta. Vale rursus, & si animæ ullus est sensus; donec recto ordine te, sicut natura concedet, affequemur; nostri memor.

---

IN AEDE B. VIRGINIS DELLA  
LA PORTA.

CATHARINA AVRICALCA, nec mulier, nec vir, atandrogyna potius. quæ cum ter modò mater esset, hæc, ò rem miseram, iacet. cuius quidem nominis memoriam cupidus eius vir amplius. monumentis consecrare, in sui nomine, suisque hæredibus, hoc commune statuit condi sepulcrum. XII. Kal. April. Anno 1550.

---

IN AEDE B. MARIAE ANGELORVM.  
ALOYSII PANCRATII.

*Quisquis adis magna templum venerabile Matris,  
Ad noua ne pigeat sistere busta pedem.  
Quid cupiam, nomenq; meum, Patriamq; Domumq;  
Versibus his paucis verba notata docent.*

*Ille ego Campanis ALOTSIVS ortus in oris,  
Urbs cui natalis Parthenopea fuit:  
Quem genuit claro Pancratia sanguine proles,  
Cui decus eximium Martia dextra dedit.*

*Qui toties ausus farti certare duello,  
Exuuias domito victor ab hoste tulit.*

*Gallia semper erit, semperque Britannia testis  
Pugnarum, & multus parva trophæa locis.*

*Estensit andem senio confectus in aula*

*Hic tegor. hac de me sint tibi nota. VALE.*

---

## IBIDEM.

*Herculis hic Strossa tumulus, quem condidit vxor.  
Mœrens, Taurella BARBARA gentis honos,  
Plus dederit quamuis, non hac, Mausole, meretur  
Plus tua: fortunâ hac non pietate minor.*

ANT. TIBALDEO Auct.

Obijt an. salut. hum. M. D. I I X.

---

## IN D. PAULI.

*Hunc tibi consensu tumulum Ferraria magna  
Pro meritis posuit, clare GVARINE, tuis.  
Tu pater eloquij; gemina tu gloria linguae;  
Præcipuus iuuenum tu moderator eras.  
Te duce, nostra vicens studijs florentibus ætas,  
Pieriopriscis certat honore viris.  
Ne Verona minus, tali se iactat alumno,  
Quam veteres celebri nomine tollit auos?  
Primus, & extremus te nouerat orbis, & vltra  
Humanum virtus se tulit ista gradum.  
At nos hic senio resolutos condimus artus,  
Candida sydereas incolit vmbra domos.*

Obijt anno saluatoris M. CCCC. LXXI.  
die IIII. Decembris.

---

## IOAN. MARIA VERRATVS

Ferrariensis, Carmelita Theolog. post multos labores in sacris Scripturis interpretandis, Populoque Christiano publicè, ac pijs concionibus erudiendo, impiorumque dogmatibus cum scribendo, tum dicendo expellendis, Bibliothecam, collectis vndeque omnibus omnium generum ac ordinum optimorum auctorum scriptis, suo sum.

sumptu his in ædibus instruxit, hoc D. Iacobo sacellum erexit, honestoque reditu, pro studijs eorum, qui carmelit. familiæ addicti sunt, eruntque iuuandis, auxit, & eandem, mortalitatis suæ memor, hanc vrnam, quâ, cum fato functus fuerit, ossa sua tegerentur, sibi viuens P. C. Obijt an. M. D. LIII.

---

IN DIVI FRANCISCI.

RUBERTI TROILI.

*Ille ego, qui nunquam, Mauors, tua signa reliqui,  
Propatriæ promptus fata subire mea.  
Post varios tandem casus, vitæque labores,  
Rubertus tegor hoc Troilus in tumulo.*

M. D. XXX. Mense Iunio.

---

IBIDEM.

GILLINO Episcopo Comaclensi, vtriusque Iuris Doctore, Comiti Palatino, & Equestri Ordine insigni, amplissimis Germaniæ, Galliæ, & Romanæ curiæ Legationibus honorificè, & ad vota functo, & illustrissimis Atestinæ familiæ Ducibus præcipue carissimo: qui tanta liberalitate in pauperes opes suas effudit, vt in acquirendis moderatiõne fuerit, an in elargiendis intemperantior, difficile sit cognitu; & quem, annos natum LXXXII. vitam sanè, si ad labores, nimis diuturnam, si verò ad eius virtutem, & patriæ desiderium spectes, perbreuem, mors improba nobis eripuit; superstites pietatis ergò posuerunt. Obijt autem XII. Kalend. Ian. M. D. LIX.

---

D. O. M.

GERARDO SARRACENO Iurisconsulto,  
maxi.



maximâ apud Alphonsum Ferrariæ Ducem auctori-  
tate, & Francisco eius filio, item Iurisconsulto,  
tanta in foro nominis celebritate, vt litigatores  
acrius de eo sibi patrono cooptando, quàm de  
caussa ipsa disceptarent. Vixit annos LVI. Gerar-  
dus & Opizzo fratres, Auo & Patri monumentum  
hoc, qualecumque est faciendum curauerunt; ma-  
gnificentius curaturi, si eis suam ipsorum pieta-  
tem magis, quàm paternum testamentum exequi  
licuisset. Anno M. D. LVII. XIII. Cal. Apr.


## AENEAE VICO

Nobili Parmensi, C. R. Alfonsi Ducis II. Ferrar-  
iæ antiquario, antiquaria in antiquario versanti,  
cumque ipsis versis ad humum verso tandemque  
collapso, & repentino obitu suffocato, imaginibus  
tamen penè spirantibus, scriptisque suis immor-  
talibus subleuato, & vitam perpetuam respiranti  
CATHARINA vxor moestissima posuit, Anno  
M. D. LXIII. Vixit ann. XLIII.

## FRATRIS AVGVSTINI

RICHINI.

*Flens veni in terras, & flens discedo, fuitque  
Dum vixi, fletus, vita, dolor, gemitus.*



## PATAVINA.

IN PATAVIVM IVL. CAES.

SCALIGER.

**H***vc antiqua Deum Domus Ilium, & inclyo  
bello  
Robora, Dardanos exposuere lares.*

Deco

*Dēcepti patrias, non victi, amisimus oras.*

*Perpetuis, res est Græca, valere dolis.*

*Qui vicere, suos idè amisere penates:*

*Ast noua sunt profugis regna parata viris.*

*Arma decent Teucros, vastros sapientia, Graios:*

*Victis Euganeis pectus vtrumque dedi:*

*Regna, vides, Veneto Phrygijs maiora ruinis,*

*Atticaquē à Patauo pectore terra capit.*

### LVCIAE SOLIS.

*Extinctum est Pataui lumen, nam Lucia Solis*

*Lux ipsa hinc lucem sustulit ad superos:*

*Inter & astra micat Veneris Comes, emula Solis:*

*Non erat illa diu his digna manere locis.*

### LAZARVS BONAMICVS F.

*In eandem HIERONYMVS PANICVS:*

*Solis honor, lucisquē decus, benedictaquē verè*

*Occidit; heu tristis Cypris Amorquē dolent!*

*Dant gemitum Charites cineri, pia thura, Cupido;*

*Ex arcu & pharetra, constituitquē Pyram,*

*Impositiquē rogis, vna exarsere lepôres,*

*AEgra Venus cineres texit, & ossa cado.*

*Quisquis amat, largis conspergat fletibus vrnami,*

*Quâ tegitur, pulcri quicquid in orbe fuit.*

### D. M. SACR.

FRANCISCO ZABARELIAE Florentiae  
 Archiepiscopo, viro optimo, vrbi atque orbi gra-  
 tissimo, diuini humanique Iuris interpreti præ-  
 stantissimo: In Cardinalium Collegium, ob sum-  
 mam sapientiam, cooptato: ac eorundem animis

Pon-

Pontifici propè Max. Ioan. XXIII. eius senatu  
 abdicato, ante Martinum V. ob singularem probi-  
 tatem, in Constantien. Concilio destinato: Ioan-  
 nes Iacobi viri clarissimi filius id monimenti po-  
 nendum curavit. Vixit ann. 78. Obijt Constan-  
 tiæ 1417.

---

IACOBI DONDI.

*Ortus eram Pataui IACOBI S, terraquæ rependo,  
 Quod dedit, & calidos cineres brevis occulit urna;  
 Vtilis officio patria, sat cognitus orbi.  
 Ars Medicina mihi, calumquæ, & sydera nosse,  
 Quod nunc corporeo resolutus carcere pergo.  
 Vtraque nempè meis manet ars ornata libellis.  
 Quin procul excelsæ monitus de vertice turris,  
 Tempus, & instabiles numero quod colligis horas,  
 Inuentum cognosce meum, gratissime lector,  
 Et pacem mihi, vel veniam tacitusquæ precare.*

---

MERCATELLORVM FRA-  
 TRVM.

Siste gradum, viator, atque hæc pauca, si libet,  
 lege.

AND. BARTHOL. NICOLAVS, fratres  
 MERCATELLI hîc siti sumus.

Posuere superstites HIER. BERNARD. nepotes.  
 De nobis fortassis alij alia: nos nihil aliud.

---

IN DIVI ANTONII.

SIMONI ARDEO, Minoritanæ Religio-  
 nis splendori: qui dum ex Patavinis Athenis om-  
 nes terras illustrasset, Philosophorum & Chri-  
 stiano-

stianorum Theologiam summa cum laude omnium, inuidia superata, professus, viam tandem vniuersæ carnis ingressus, dormiuit in Domino. F. Bernardinus alumnus rerum & cognominis hæres non ingratus Pos. Obijt anno M.D. XXXVI. ætat. suæ LXV. III. Cal. Maij.

---

A D PETRI BEMBI IMAGINEM.

PETRI BEMBI Card. Imaginem Hieronymus Quirinus Ismerij F. in publico ponendam curauit: vt, cuius ingenij monumenta æterna sint, eius corporis quoque memoria ne à posteris desideretur. Vixit annos 76. M. 7. D. 29. Obijt 15. Calend. Februarij, anno 1547.

---

IN LAPIDE LYDIO.

Hanc ALEXANDRI CONTARENI, Venetæ classis, cum summa potestate fortissimi Legati, Diui Marci Procuratoris, quem nec venti in periculosis Reipublic. temporibus retardarunt vnquam, & Hariadenus Barbarossa Othomanicæ classis Imperator potentis. sæpe timuit: tam admirabili artificio ductam effigiem, magni indicem animi, præclaramque totius maritimæ disciplinæ simulacrum, vt posteritas haberet, quod instar immortalitatis ac gloriæ vnice coleret, nec quicquam Patauino splendori deesset: Petrus & Randolphus frat. opt. P. Vixit an. LXVII. D. XIII. Obijt Cal. April. M. D. LIII.

---

GATTAMELATAE.

*Dux bello insignis, Dux & victricibus armis  
Inclytus, atque animis GATTAMELATA fui.*

Nar-



*Narnia me genuit, media de gente, meoque  
Imperio, Venetum sceptrum superba tuli.  
Munere me digno, & statua decoravit equestri  
Ordo senatorum, nostraque pura fides.*

## CORRADI SALAE.

*SALAE fuit genti cognomen, sal neque menti  
Defuit: heu, fato minuuntur cuncta parato!  
Corda duo gessi CORRADVS, inertia pressi.  
Me fidei meritum lustravit gloria legum:  
Nec solus persto hic, DANIEL mihi filius esto.  
Conclusus, totidem fultus virtutibus idem.*

## ALIVD.

NICOLAUS CATARVS vir optimus, in  
amicos officiosissimus, rei bellicæ ita peritus, ut  
exemplum desit, & in Republic. Venetam ad eum  
fidelis, ut parem fortassis aliquem, superiorem ve-  
rò habuerit neminem. Is Veneto Senatui, sub cuius  
Imperio per XL. annos militavit, ad eum carus fuit,  
ut nec pace, nec bello ab expeditione unquam va-  
cuus fuerit: & ubi maius periculum instaret, ibi  
fuit præsidio: Cum summis militaribus honori-  
bus functus esset, obiit à Christi natali die M. D.  
XL. ætatis autem suæ LXXVII.

## BRIXIAE OPPIDO.

Huius cineres, & ossa, hunc in locum ab Anto-  
nio filio Iureconsulto relata.

## IBIDEM.

ROLANDO, & AYCARDÆ indolis optimæ,  
ROLANDINVS PLACIOLA filijs sarcophaga-  
rum.

T

Præter

*Præter amare Deum, cum cetera deleat ætas:  
Hic sere, quod plena post modò falce metas.*

---

## ANTONIO TVBETAE

Paduano, Athenien. Antistiti: qui publicè Me-  
taphysica annos II. & XL. professus est, D. An-  
tonij Prouinciæ annos super XX. præfuit, plura-  
que edidit anno ætatis altero & LXXX. natura  
cessit, hospitium ad hoc nunquam reuersurus. M.  
D. XVIIII.

*Orpheæ fama refert pisces, volucresque, ferasque,  
Infernumque canem conciliasse lyrâ.*

*Prisca fides iaceat. raptus super æthera præsul  
Id tulit eloquio, quod tulit ille lyra.*

*Expulit hic sophiæ sordes, tenebrasque fugauit:  
Extant ingenij plurima scripta sui.*

*Vnica seu Phœnix, vitam sibi morte nouauit.*

*Dic (rogo) perpetuum, qui legis ista, vale.*

---

## RAPHAELIS FVLGOSI.

*FVLGOSVS RAPHAEL virtutum iaspis,  
vtroque*

*Iure stupor, tantus qui fama, quantus & orbis.  
Scriptis morte vacat, tam paruo clauditur antro.*

---

## EIDEM.

*Emerita prædigna gerens cognomina laudis  
Fulgosus Raphael conditur hoc tumulo.*

*Consuluit nemo melius, fulsitque docendo  
Cæsareas Leges, Iuraque Pontificum.*

*Claruit eloquio, quem blanda Placentia forma,  
Et genere insignem, mente piumque d. dit.*

*Cuius anima in pace quiescat.*

## ALVATORVM MONVMENTVM.

Amice, qui istac transis, etsi properas, lapis hic te rogat, vt paulisper inhæreas, & hæc scripta legas. Hac in Basilica Beati Ioan. Baptistæ sunt Iacobi Aluarotti insita ossa. qui dum vixit suo studio & doctrina post susceptas doctrinales infulas, commentarios vtiles, cum Repertorio, in Ius Feudale formauit, eosque venerandæ vniuersitati Iuristarum donauit. Volui vt ista non ignores, & pro anima ipsius ores.

©. 18. Iulij M. CCCC. LIII.

D. O. M:

ERASMO A KRETCHOVV, Polono Palitini-  
dæ Brzesten. Castellano Gnesnen. Pisdren. &c. Qui  
ann. ætatis suæ quinquag. obiit Patavij, die Maij  
XVI. M. D. LIIIX. Amici P.P.

*Hic te Cretcoui mors & tua fatâ manebant;*

*Cùm terras omnes, & cùm maria omnia circum  
Lustrares, nullo defessus membra labore.*

*Te rapidus Ganges, gelidaque Borysthenis vnda,*

*Te Tagus & Rhenus, te ripa binominis Istri,*

*Et septemgemini nouerunt ostia Nili.*

*Nunc concessisti magnum visurus Olympum,*

*Æthereasque domos, vbi Dijs immistus inanes*

*Et curas, & spes hominum, lamentaque rides.*

Et hoc de consensu nobilium de Lan-  
zarotis, & ex eorum liberalitate:

IACOBO ROSEO

Theologo Minoritæ, patria Dandaco, natio-  
næ Siculo, animi candore, Christianæ religio-  
nis stu-

nis studio, morum integritate, doctrina, prudentia, & charitate insigni, qui varijs laboribus, ærumnis, & morbis in Concilio Tridentinõ confectus, hîc tandem, quod semper optauerat, obdormiuit in Domino. Cornelius Mussus Placentinus, Episcopus Bitontinus, illi vni proximè & secundum Deum, virtutes, honores, fortunas, omniaque denique accepta referens, tanquam patri de se optimè merito, perpétuum sanctissimæ educationis monumentum posuit.

*Mortali optasset tecum Cornelius vnâ*

*Carcere ad ætherias Rosa redire domos:*

*Non licuit, quando ergo tibi summa omnia debet,*

*Formasti enixu quem pater ipse pio.*

*Cum nunquam posset meritas tibi reddere grates,*

*Virtutis tanta tempus in omne memor:*

*Hunc tumulũ extraxit, morientem fleuit, acerbum*

*Vulnus adhuc animo nocte dieque gerit.*

*Vixit annos LXXV. M. X. Obijt anno Domini*

*M. D. XLVII. Calend. Iunij.*

IBIDEM.

HENRICO A CRAM, Germano, Saxoni, ex nobili familia, summæ pietatis, raræque modestiæ adolescenti continentissimo, ingenio humano erga omnes, & præcipuè pauperes liberali, optimarum artium cognitione, & Iuris Ciuilis scientia ita instructo, vt suis magno decori esset, Reipublic. ornamento maximo futurus. Postquam absoluto penè studiorum cursu, in ipso reditu ad suos, acerbissima feбри oppressus, animam Deo, corpus terræ, amicis summo sui desiderio relicto reddidisset; Ascanius frater pientissimus,

cum



cum sorore mœstissima posuère. Obijt anno M. D. XLV. Octob. XXXIX. Vixit annos XX. Procurabant Bartholdus à Mandeslo, Conr. Filius, & Nzuius.

*Opes fallaces, cura vanique labores!*

*Omnia mors abolet, anxia vita nihil.*

*Disce mori, nec te ludat spes vana iuuenta.*

*Nam nescis statuunt quem tibi fata diem.*

### IOANNIS DRENCVVARDO.

*Quis hic, viator, conditus iaceat, rogas?*

*EST IANVS, è Drencvvardiorum familia*

*Natus Batauiæ nobili, in quem cum parens*

*Natura rerum cunctas animi & corporis*

*Dotes benignè contulisset, inuida*

*Mors, verita, ne immortalitate eum quoque*

*Viuum bearet, gloria hæc, ait, mihi*

*Propria dicabitur: neque mora, manum iniicit,*

*Primoque in aui flore præceptum, vbi pia*

*Anima Deo fruuntur, in superùm plagas,*

*Sedesque transtulit beatas atheris.*

Vixit annos XXV. Obijt M. D. LI.

Idibus Augusti.

### ERASMO DELPHIO.

Belgæ, Antuerpiensi, summæ virtutis & nobilitatis viro, qui, procul à patriâ, magno cum dolore omnium, ex deplorata valetudinis infirmitate extinctus est, amici mœsti B. M. posuit.

Τῶδε τὰ φραζίας μέγα φῶς ἀνακείταυ Ερασμοῦ  
 Δέλφινου, ὃς μνηστὴν ἐξοχοῦ ἦν ἀρετῆ.

Ὀν διὰ τὴν παντὸς λίσαν εὐσέβειαν φίλοι ἄνδρες  
 θαύμασαν, ἀλλ' αὐτῶν ἀλγεα θῆκε θανάτου.

Τῶ δὲ ἐπικτὴν γῆρας συχερόν ῥα φλόγησε μελάμνη  
 αὐτὰρ ἐσ οὐρανίδεσ νῦν ἀνέβησε θεῶε.

Ὅσις εἶ, ὃς σεμνὸν ζένε τῶτ' ἐπὶ σῆμα παρῆλθεε,  
 Ἡσυχίῳ ψυχῇ εὐχεο πολλὰ φίλη.

Quod est:

*In hoc sepulcro magnum lumē patria iacet Erasmus*

*Delphius, qui virtute per quā memorabili clarus*

*Hoc ob faciliē in omnib<sup>9</sup> pietatē amici homines (fuit.*

*Admirati sunt, sed eos moriens dolore affecit.*

*Huic parca in tristi senectute invidit funesta,*

*At tamen ad caelestes ascendit Deos.*

*Quicumque es hospes, qui prope huius praclari viri  
 sepulcrum transis,*

*Tranquillitatem animae precare multum grata.*

Vixit ann. XXXVI. M. XI. D. VII.

Obijt v. I. Kalend. April. M. D. XL.

### IOAN. BAPTISTAE AMYCO

Consentino, qui cūm omnes omnium libera-  
 rium artium disciplinas miro ingenio, solerti in-  
 dustria, incredibili studio, Latine, Graece at-  
 que Hebraicē feliciter percurrisset; ipso adole-  
 scentiae, suorumque laborum & vigiliarum cur-  
 su penē confecto, a sicario ignoto, literarum, vt  
 putatur, virtutisque invidia interfectus est. N.  
 F. amico opt. studios. omnibus, totaque ciui-  
 tate Patavina mœrente, tristis. P. Anno M. D.  
 XXXVIII.

*Premia, quæ referunt alijs, vitamquæ perennem,  
Virtutes; vni huic caussa fuere necis.*

GABRIELIS FALLOPII MUTI-  
NENSIS.

*FALLOPI, hoc tumulo solus non conderis; vnà  
Est pariter tecum nostra sepulta Domus.*

ANTONIAE FABRICIAE.

*Siste gradum: iacet hîc ANTONIA, sanguine  
creta*

*Fabricio, terra mortua, viua polo,  
Hanc gemit ablatam mundo probitasquæ decorquæ,  
Atque fides, passis immaculata comis.*

PIERIO VALERIANO.

Bellunensi, Poetæ, Rhetoriquæ amplissimo, cu-  
ius pia umbra non poenitendum hîc tumulum for-  
tita est. Nam vt optabilis in patria, ita speciosius  
Patauij supremi officij decus fato amissum, virtute  
recuperavit. Petrus Carrarius, ac Ioannes Baptista  
Rota, Patauini, vnanimis, grato hospiti Pos,  
*Pieridas dum PIERIVS sectatur, & Orci  
Nil timet insidias, hunc fera mors rapuit.*

*Illa necem, aeternæ ostentant hæ muneræ vitæ,*

*Hinc medius vitæ PIERIVS QV E neci.*

*Abstulit hæc annos tristes: at præmia laudum*

*Atque animam hæc seruant, inuida mors moritur.*

D. O. M.

FRANCISCO ROBORTELLO Vtinenti, Rhe-  
thoricæ artis, moralisquæ Philosophiæ Professo-  
ri clarissimo, qui in florentissimis quibusque Ita-  
liæ Gymnasijs magna famæ celebritate triginta

totos annos publicè docuit. Natio Germanica  
præptori bene merito, in perpetuam grati animi  
memoriam vnanimis P. Vixit annos L. menses VI.  
dies IX. Obijt xv. Kal. April. M. D. LXXVII.

Confiliario Carolo Frolich à Frolichsberg,  
Procuratoribus Georgio Rotmairo, &  
Hugone Iacobi Roterdamo.

## S. D. C.

Non sum Vlysses VENTVRIVS, sed fui, & ero.  
Nec Senæ amplius, nec Roma, sed cœlum patria  
est. Eques fui D. Pauli, in equitem nunc Christi  
commutatus. Quos non conspecturus in terris de-  
reliqui moestissimos, expectabo conspecturus in  
cœlis lætissimos. Iure Cæsareo supra ætatem fui  
ornatissimus: cupiensque eius scrutari originem;  
ad naturam accessi, primamque eius impleui le-  
gem: Orta moriantur: idque feci: Anno salut. M. D.  
LXX. A Etatis verò XXIII.

## D. O. M.

Ianua gloriæ virtus est; per hanc ingressus Io.  
PAVLVS CONRADVS ætate adolescens;  
morum integritate & studiorum maturitate se-  
nex, citò eam assecutus est. Propterea Talleaco-  
tio sui generis patria derelicto, Patavium studio-  
rum sibi similiam patriam attingens, in eoque im-  
purum, non nisi purum repetiturus, exuens, in  
patriam æternæ gloriæ euolauit. Præcox inge-  
nium præcocia cuncta sunt subsecuta. Diutur-  
niorem tamen hanc in terris memoriam fieri M.  
Propertius moestissimus curauit. Sexto Kalend.  
Octobr. hora XXIII. satisfecit naturæ M. D.  
LXX.



## IBIDEM.

ALEXANDRO SIRENAE Fulginati, generis nobilitate, & morum elegantia, ac probitate ornatiſſimo, aliarumque bonarum artium, ac potiſſimū Latinæ, Hetrufcæque Poeticæ peritiſſimo. Cū quo totius Sirenæ familiæ, cuius vnicum erat germē, ſpes omnis extincta eſt. Baptiſta Sirena, & Columna Pontana parentes mœſtiſſ. turbato, heu, naturæ ordine, filio optimo, & dulciſſimo P. C. Vixit annos XXV. M. V. D. XXIV. Obijt III. Non. Febr. M. D. LXIV.

Lactantius Brunas, & Io. Bapt. Elmus procurabant.

## IN D. AVGVSTINI.

*Hæc magno domus arcta viro ſub marmore paruo,*

*Heu! Pater hic patriæ, ſpesq̄, ſalvsq̄ iacent.*

*Quiſquis ad hoc ſaxum conuertis lumina, lector,*

*Publica damna legens, iunge preces lacrymis.*

*Illum flere nefas, ſua quem ſuper æthera virtus*

*Suſtulit, humano ſi qua fides merito.*

*Flere grauē patriæ caſum, fractamq̄, bonorum*

*Spem licet, & ſubitis ingemuiſſe malis.*

*Quem Populo, Patribusq̄, Ducem Carraria nuper*

*Alma dedit Patauo, mors inimica tulit.*

*Nullus amicitias coluit dulcedine tanta,*

*Cū foret horrendus hoſtibus ille ſuis.*

*Optimus, inq̄, bonis ſemper ſtudioſus amandis,*

*Nescius inuidiæ, conſpicuusq̄, fide.*

*Ergo memor IACOBI ſpecioſum credula nomen,*

*Nominibus raris inſere, Poſteritas.*

M. CCC. LX. IX. Decemb,

T 5

BLAN-

## BLANCAE BORROMEAE.

CANDIDA honor Pataui, immatura morte per-  
*Vt rosa vix florens vngue recisa, cadit. (empta,*

*Tecum omnis virtus, tecum omnis forma recessit:*

*AEterni meritò te voluere Dei.*

Obijt anno M. D. LVIII.

## IN DIVAE IVSTINAE.

IOANNI A QUILAE Patri pientiff. dolentes  
 filij POSS.

*Hic cineres; adijt melior pars astra IOANNIS.*

*Mirum, qui potuit? sed Iouis ales erat.*

IN IMAGINEM SCIPIONIS  
 ET BENEDICTI.

SCIPIO quid meruit? laurum. BENEDICTVS?  
 Olympum.

*Munus habent dispar; magnus vterq; labor.*

## IN AEDE SERVORVM MARIAE.

PAVLVS DE CASTRO I. C. disertiff. maxi-  
 mæ authoritatis apud omnes habitus; quod Flo-  
 rentia testatur, cuius ius municipale innouauit,  
 & in ea coniugatus Petræ vxori, Vicariatus offi-  
 cium in spiritualibus Rom. Pontif. decreto exer-  
 cuit, vbi etiam in Bononiensi & Patauino Gymna-  
 sijs publicè profitendo floruit, æternamq; sibi  
 gloriam comparauit, relinquens consiliorum &  
 in Iure volumina plurima edita, quæ inter manus  
 versantur, & ipse Angelus filius, clarus ingenio,  
 amborum Iurium tenens fastigia, XL. annos Pata-  
 uij Iura docuit, eoq; Nicolaus Canonicus Padua-

nus,

nus, qui ab his processit, vtramque & ipse parentum virtutem adeptus, hoc immortalitatis opus ipsis

Confecrauit anno M. CCCC. XCII.

Paulo de Castro auo, & Angelo patri,  
Nicolaus suo ære donauit. 1499.

IN BASILICA D. IOANNIS  
PRAECURSORIS IN VI-  
ridario.

LAZARI BONAMICI.

*Quantū ager Arpinas Ciceroni, atq; inclyta quantū  
Palladis vrbs debet Socratis ingenio :*

*Bassani, & Patavi debent tibi mœnia tantum,*

*LAZARE, quando illis vnus vtrumq; refers.*

LAZARI BONAMICI, Catharinæque vxoris carissimæ in secundum Redemptoris aduentum quietis sedes. D. H. M. D. M. A. Obijt M. D. LII. ætat. LXX.

IBIDEM.

LAZARO BONAMICO Bassanensi, in quo vno totius antiquitatis memoriam, eruditionem, iudicium, & eloquentium sibi redditam putans Europa, per annos XX. & I. Patavij admirata est, Catharina coniunx, & Lucretia Senis animula, benemerenti posuere. Vixit ann. LXXIII. Obijt III. Id. Febr. M. D. LII.

HECTORIS PYRGO TELI.

*Virtuti equales annos quia Parca putauit,*

*Terapuit iuuenem, dum putat esse Senem.*

*Pectore.*

*Pectore seruabas memori, crinitus Apollo,  
Ad medicam quicquid contulit vnus opem.  
Sed quia temporibus superis neq; subdit a virtute;  
Hector eris, donec lumina solis erunt.*

---

## IN D. FRANCISCI.

HIERONYMO CAGNOLO Vercellensi, viro opt. & in Iuris Ciuilibus scientia inter nostræ ætatis Doctores eminentiss. & propterea Taurini primū, deinde Patavij, maiori stipendio, quàm quisquam alius, Ius Ciuile magna cum laude atque omnium admiratione professus, nob. gen. illust. Ducis Sabaudia munere Senatorio & Equestri dignitate perfunctus. fil. summa erga talem patrem pietate honoratus. mon. pos. Vixit ann. LIX. Obijt Kalen. Februarii M. D. LI.

---

## D. O. M.

CHRISTOPHORO LONGOLIO Romanam ciuitatem propter insignem in studijs literarum præstantiam adeptus, summo ingenio, incredibili industria, omnibus bonis artibus præditi, supra iuuentem annos: in qua extinctus est magno cum Italia dolore, cui ingentem spem sui nominis excitauerat.

P. Bembo, amico atque hospiti POSUIT  
*Te iuuenem rapuere Deæ fatalia nentes  
Stamina, cum scirent moriturum tempore nullo,  
LONGOLI, tibi si canos seniumq; dedissent.*

---

## ITEM.

LONGOLIVM insano Ciceronis amore flagrantem  
*Mercurius nobis abstulit ante diem.* (tem,  
Scili-



*Scilicet, ille sibi ne lingua auferret honores.*

*Heu! Diuos etiam liuor acerbè petis?*

D. O. M.

LEONICO THOMABO Veneto, mitioribus in litteris, Pangendisq; carminibus, ingenio amabili, Philosophiæ verò in studijs, & Academica Peripateticaque doctrina præstanti. Nam & Aristotelicos libros Græco sermone Patavij primus omnium docuit publicè, Scholamque illam à Latinis interpretibus inculcatam, perpoliuit: & Platonis maiestatem nostris hominibus, iam propè abditam, restituit: multaq; præterea scripsit, multa interpretatus est, multos claros viros erudit. Præter virtutem bonasque artes, tota in vita nullius rei appetens. Vixit autem annos LXXV. M. I. D. XVII.

P. Bembo amico incomparabili P. C. adscripto carmine, quod sibi viuus fecerat.

Νῶν ὄντως εὐδαιμονίας καὶ ἀεληπίας ὑπὸ πλάγι τῆδε  
Υἱῶνον ἐκοιμήθην πάντιν ὀφειλόμην.

IOANNES LATOMVS.

*Precare sacra verba, viator;*

*Nam THOMAEVS hic sepultus est.*

*Dulci fruitur memoria*

*Integritatis illibatæ,*

*Partaq; litterarum gloria.*

*Funde, puer, dulce merum,*

*Odoros sparge flosculos,*

*Spiret vt bustum, madeatq; tellus:*

*Illaq; sancta, & candida animula*

*Se totam nostram gratitudine inebriet.*

*Addemus titulum sepulcro & istum,*

*Barba*

*Barbarus vt ne quis violet.*

HIC IACET VIR VNVS OMNIVM  
DOCTISSIMVS, PIISSIMVS.

---

IBIDEM:

FRANCISCO CVRTIO Ticinensi, solius tem-  
poris honesta auaritia extincto. Vixit ann. LXX:  
Ius professus Patauij & Ticini.

---

IN BASILICA EREMITARVM.  
DVORVM IUVENVM, GALLI, ET  
Poloni.

*Siste, legas iuuenum crudelia fata duorum:  
Alter aqua perijt turpiter, alter equo.*

---

IN COMMVNI GERMANORVM  
SEPVLCHRO:

*Ne plores hic amissos, Germania, natos,  
Tempore quemq, suo fata, locusq, manent.  
Felices, ne conspiciant incendia mundi,  
Ante mori summum qui potuere diem.  
Cum nut ante breui cœlum dabit axe ruinam:  
Et tandem falsum non sinet esse Deum.*

Annō Domin M. D. LXI:

Consiliario Nicolao Ribeyfen, Procura-  
toribus Melchiore Haintzel, & Caro-  
lo Bambergō.

---

BEATRICI TVRRIANAE

Veronens. vxori incomparabili, VII. natorum  
matri, medio æuo part<sup>o</sup> difficultate præceptæ, Hie-  
ronymus Turrianus Veronens. Medicus, viduati  
thori mœnore, dolēs maritus superstes, P. H. M. H. S.

D. O. M.

D. O. M.

THEODORO MOLLER, nobili Germano, ex Gambriuijs oriundo. Qui summa ingenij felicitate, doctrinarũ orbe ante annos absoluto, cũ Iurispudẽtiã sacris initiatus, magna Germaniẽ & Galliaẽ parte peragrata, excellẽtis doctrinã & singularis iudicij rectitudine, viros principes in sui amorem & benevolentiam certatim adduxisset; in Italiam profectus, dum indefesso conatu studiorũ metam consequi properat, immatura morte præuentus, ingenti patriã, familiã & amicis sui desiderio relicto, feliciter decedit. IOACHIMVS I. C. EBERHARDVS Reip. Gambr. Cos. Henricus D. & Ioannes VV. Ampliss. FR S. Germani, desideratiss. FRI. hoc amoris & pietatis extremum officium exoluerunt. Vixit ann. XXIIIX. M. II. D. XXIV. Moritur ann. nouiss. temp. M. IO. LXII V. Consobrino S. B. merito Eberhard. Tvvestrengh. procur. M. IO. LXXV.

## IN AEDE CARMELITARVM.

NALDV S ego hic iaceo, monumentum, & gloria  
 Non leuis Ausonios inter habenda Duces. (belli,  
 Assuetus bis centum equites & in omne periculum  
 Bis ternas peditum ducere Centurias.  
 Flamminiam medio furibundi ardore Gradiui  
 Ingenio rexi, seruoq; ab hoste manu.  
 Anglum dum premerẽ, ac intus premerentur Iberi,  
 Transfixit pectus plumbea massa meum.  
 Vixi lustra nouem, genuitq; Fauentia mater:  
 Vrbs Patavi sepelit, me gemit Italia.

Anno M. D. XXVIII.

I N

## IN S. LEONARDO.

*Hac octo iacui iam lustra, vel amplius vrna,  
 Laeserunt tanto nec mea membra mora.  
 At dum, nescio quis, mihi nunc adiungitur alter,  
 Saucior, & lacero corpore damna fero.  
 Quisquis es, aut vita debebas parcere functo,  
 Aut dare, qui medica me modò sanet ope.  
 Accidit anno CIO. IO. LXII.*

## IN S. LVCIAE.

*Lucida luce sis lucenti LVCIA luce:  
 Mens mea luce sciat, LVCIA, mente tua.*

## IN AEDE S. SOPHIAE.

*Insigni probitate iaces fidiſſima coniux,  
 Elisabetha mea maxima pars anima.  
 Mors tulit vna duos : te prima parte iuuenta,  
 Et nondum natum morte necat puerum.  
 Quid moror infelix? cur non & vestra secutus  
 Fata cado, eheu bis virg<sup>3</sup>, paterq<sup>3</sup> miser?  
 Bonus extremum vobis hac munera tristis,  
 Et pater & coniux reddit Aloysius.*

## IBIDEM.

*Epitaphium honorarium, auct. Iul. Cæſ. Scaligero.  
 Hic situs est FRACATORIVS HIERONY-  
 MVS: vrna  
 Quem capit, hic cepit pectore cuncta suo.  
 Sidera digeſſit, reuocauit fanera, rerum  
 Nature, imperij conſcius, atq<sup>3</sup> Dei.  
 Aut Heliconiadum fontem ſibi ſuſtulit omnem,*

Aut



*Aut tumulus, vertex hic Heliconis, erit.*

Obijt M. D. LIII.

IN TVMBA ANTENORIS.

*Inclytus ANTE NOR, post diruta mœnia Troia,  
Transtulit huc Enetum, Dardanidumq; fugas.  
Expulit Euganeos, Patavinam condidit urbem,  
Quem tegit hic humili marmore casa domus.*

T. LVPATI PADVANI, MILITIS,  
IUDICIS, ET POETAE. OBIIT  
anno M. CCC. XCIX.

*Id quod es, antè fui; quid sim post fata, requiris?  
Quod sum, (quicquid id est) tu quoque lector eris.  
Ignea pars cœlo, cæsa pars ossea rupi,  
Lectori cæsit nomen inane LVPI.*

IN S. MARIAE DE AVANZO,  
FRANCISCI CASSANI MEDICI.

*Hic dedit antiquæ quod erat mortale parenti,  
Cassanus medicæ maximus artis honor.  
Is pedemontanæ tantum decus attulit ora,  
Quantum olim Cois civibus Hippocrates.  
Esse senescenti inferior, sed magnus Apollo  
Dum timer, heu cœlo maluit esse parem.  
Conditur hic corpus, terreno carcere liber  
Spiritus astra colit, fama per ora volat.  
Obijt anno M. D. XLI. xx. Octob.*

*CASSANVS liquit corpus mortale sepulcro,  
At laus præstantis non peritura viri est.*

## IN AEDE D. PETRI.

ISABELLAE RAVIGNANAE PVEL-  
lae agrestis.

*Euganeas inter praestans virtute puellas  
Hic iaceo, indigno condita virgo viro:  
Nam cum me peteret lasciuum miles ad usum,  
Munera posse mori, magna fuere mihi.  
Disce, age, sit quanti, virgo, seruare pudorem,  
Pro quo nil timui perdere corpus aquis.*

MONTERTONAE PROPE  
APONVM.

*Tristis eram, longo tenuit me Gallia bello;  
Nulla erat in medico, spes neq, multa Deo.  
Corripuit custos audacter me meus. heus tu  
Consule te, & mentem volue nefande tuam.  
Virgo tui poterit succurrere maxima votis.  
Cur dubitas teneras soluere dure preces?  
Filia sponsa patris, mater spes vnica nostra,  
Oranti priscam restituet faciem.  
Tunc ego singultu & lacrymis pia vota resolui.  
Suscepit voces diua Virago meas.  
Letus ago ingentes pro tanto munere grates  
Virgo tibi, vita sola medela mea.*

## IN PALATIO PATAVINO.

SVB VETERI STATVA IN ANTIQVO  
lapide.

*Ossa, tuumq, caput ciues tibi, maxime LIVI,  
Prompto animo hic omnes composuere tui.  
Tu famam eternam Romae patriaeq, dedisti,*

*Huic*

*Huic oriens, illi fortia facta canens.*

*At tibi dat patria hac; & si maiora liceret,*

*Hoc totus stares aureus ipse loco.*

TITVS LIVIVS, IV. Imp. Tib. Cæsaris anno  
vita excessit, ætatis verò suæ LXXVI.

PRAETOR  
IVST.

EQ. PRAET.  
OPT.

IBIDEM.

Inclyto ALPHONSO Arragonum regi, studio-  
rum fautori, Reip. Venetæ foederato, Antonio Pa-  
normita Poeta, legato suo orante, & Matthæo Vi-  
cturio, huius vrbis prætore constantissimo inter-  
cedente, ex historiarum parentis T. Liuij ossibus,  
quæ hoc tumulo cõduntur, Brachium Pataui ciues  
in munus concessere, anno Christi millesimo qua-  
dringentesimo quinquagesimo primo. XIV. Kal.  
Septemb.

IN GLOBO ALICVBI DEPENDENTE.

Maxilla & lingua T. LIVII in hoc globo con-  
tinentur.

IBIDEM.

Ossa TITI LIVII Patauini, vnus omnium  
mortalium iudicio digni, cuius propè inuicti ca-  
lame, inuicti Popul. Roman. res gestæ conscribe-  
rentur.

SVB NOVA TITI LIVII IMAGINE

HOC ELOGIVM EST.

TITVS LIVIVS Patauinus, historicorum  
Latini nominis facilè princeps, cuius lacteam e-  
loquentiam ætas illa, quæ virtute pariter ac erudi-

tione florebat, ad eò admirata est, vt multi Romã, non vt urbem rerum pulcherrimam, aut urbis & orbis dominum Octavianum; sed vt hunc vnum inuiferent, audirentque, à Gadibus profecti sint. Hic res omnes, quas populus Romanus pace belloque gessit, quatuordecim Decadibus, mira styli facilitate complexus, sibi ac patriæ gloriam peperit sempiternam.

---

LIBRO, QVEM IN MANV TENET  
LIVIVS, INSCRIPTVM EST.

Paruus ignis, magnum sæpè suscitatur incendium.

---

IBIDEM.

PAVLVS PATAVINVS, Iurisconsultorum clarissimus, huius urbis decus æternum, Alexandri Mammeæ temporibus floruit, ad præturam, præfecturam, consulatumque euectus. Cuiusque sapientiam tanti fecit Iustinianus Imperator, vt nulla Ciuilis Iuris particula huius legibus non decoratur, qui splendore famæ immortalis, oculis posteritatis admirandus, insigni imagine hac meritò decoratur.

---

IN PRAETORIO PATAVINO,  
SVB IMAGINE C. VALE-  
rij Flacci.

CAIVS VALERIVS FLACCVS, Patavinus, carmine heroico labores Argonautarum decantauit; quod opus fato præuētus imperfectum, in emendatumque reliquit, cum sui magno desiderio illorum temporum studiosis, imò vel testimonio Fabij Quintiliani, conquerentis, nuper in Valerio Flacco



Flacco multum amissum esse. nec tacuit M. Valerius Martialis, Tellurem Aponam non minus gaudere Stella & Flacco, quàm suo Liuiio. ad quem etiam scribès, alumnum, & spem Iaris Atenorei cum appellat. Floruit sub Vespasiano & Tito, peruenit ad imperium Domitiani; eo genere carminis, ætatis suæ nemini secundus.

## IBIDEM.

Q. ASCONIVS PAEDIANVS Patauinus, Orator, in M. T. Ciceronis orationes scriptor egregius, quem Laurentius Valla, Aul. Gellio doctiorem dicere non dubitauit. Plæraque alia scripsit, ex testimonio virorum doctorum, quæ à studiosis linguæ Latinæ desiderantur.

## ASINIVS STELLA

Patauinus, columbam in delicijs amicæ Iantidis, elegiaco versu defleuit. quo genere carminis adeò excelluit, vt M. Valerius Martialis, ipsum Val. Catullo anteferre sit ausus, suo Epigrammate affirmans Stellam tanto maiorem Catullo, quàm pascere maior est columba. Papinius etiam Statius iure sodalitij sibi iunctus, elegantissimo Epithalamio suas cum Violantilla nuptias celebravit, quibus nouem Musæ cum Elegia non abfuerunt. Opus Elegiarum, fatorum inuidia desideratur. Floruit temporibus Domitiani, nec de ipso aliud comperitum haberi potest.

## IBIDEM.

PETRVS APONVS Patauinus, Philosophiæ Medicinæque scientissimus, ob idq; Conciliatoris nomen adeptus : astrologiæ verò adeò peritus, vt

in magiæ suspicionem inciderit, falsoque de heresi  
postulatus, absolutus fuerit.

---

SUPRA FORÈS PRAETORII.

Dant, BERNARDE, tibi duo munera Teutones; illud  
*Quod patet, è saxo: quod latet, ex animo est.*

*Mors veniet saxis, animis haud. ergo fatiscat*

*Hac nota; mens semper grata superstes erit.*

Germanica natio anno M. D. LXXXIV. pos.

Maximum malorum est, si vitam diligit is, qui  
vita dignum nescit aliquid agere.

---

IN VICINIA PATAVII.

IN PAGO ARQVATO VISITVR FRAN-  
cisci Petrarchæ marmoreum sepulcrum,  
cum hac inscriptione.

*Frigida FRANCISCI lapis hic tegit ossa PE-  
TRARCHAE.*

*Suscipe virgo parens animam, sate Virgine parce,  
Fessaq; iam terris, cali requiescat in arce.*

Moritur anno M. CCC. LXXIV.  
XIX. Iulij.

Viro insigni FRANCISCO PETRARCHAE,  
Poëtæ Laureato, Franciscolus de Borsano, Medio-  
lanensis genere, indiuidua conuersatione, amore,  
propinquitate, & successione, mem.

---

AD TVMVLVM PETRARCHAE.

*Dij tenuem tibi terram, & in vrna perpetuum ver:  
Ardoris nostri, magne poëta, iaces.*

IANVS LERNVTIVS pos.

IBIDEM.

## IBIDEM,

DANTI ALDIGERIO, FRANC. PETRAR-  
CHAE, & Ioāni Boccatio, viris ingenio, eloquen-  
tiaq; clarissimis, Italicæ linguę parentibus, vt quo-  
rum corpora mors & fortuna seiunxerat, nomina  
saltem simul collecta permanerent: Ioannes Bfe-  
uius Canonicus Cenetensis, huius Basilicæ rector,  
in sui erga eos amoris obseruantiaęque testimoni-  
um posuit. M. D. XXIV.

## IBIDEM IN ADITV HORTI.

*Impunè hinc Cererem sumas, impunè Lyäum,  
Intactas habeat dum mea laurus opes.*

## INSCRIPTIO FONTIS.

*Fonti nomen inest, hospes venerare liquorem,  
Vnde bibens cecinit digna Petrarcha Deis.*

IN HORTI MEDICI VE-  
stibulo.

- I. Portam hanc decumanã ne pulsato ante diem  
Marci Euangelistæ, nec ante horam xxi.
- II. Per decumanam ingressus, extra decumanam  
ne declinato.
- III. In viridario scapum ne confringito, ne uē  
florem decerpito, ne semen fructum uē sustolli-  
to, radicem ne effodito.
- IV. Stirpem pusillam, succrescentemq; ne attre-  
ctato: ne uē areolas conculcato.
- V. Viridarij iniuria ne afficiuntor.
- VI. Nihil inuito præfecto attentato.
- VII. Qui secus faxit, ære, carcere, exilio multa-  
tor.



# TRIDENTINA.

IN TRIDENTVM IVL. CAES.  
SCALIGER.

**N**obilis Italico quæ prima vrbs imminet orbi,  
Ausonijs miscet Norica verba sonis.  
Romanum ingenium est, animus Germanus, acerba  
Vltio, si obducta est nube serena fides.  
Accipere à Veneto, cuius pars, milite leges  
Hæc potuit; si non, & valet ipsa dare.

AD S. MARCVM,

DOROTHEAE TONNAE,

Pudicitia, prudentia, venustate, atque moribus  
insigni, vxori cariss. & bene meritæ Andræas Bur-  
gius Cremonen. eques, & Cæsar. Consiliarius, ma-  
ritus mœstiss. pos. Vixit ann. xxx. M. II. D. III.  
Obijt die decimo Octob. M. D. XX.

*Quid gemis, heu, tanto felicia funera luctu?  
Turbantur lacrumis gaudia nostra tuis.  
Parce, precor, tristes questus effundere; vixi  
Non erat in fatis longior hora meis.  
Immatura per I; sed tu diuturnior annos  
Viue meos, coniux optime, viue tuos.*

IBIDEM.

HIERONYMO SERIPANDO Card. Concil.  
Tridentini Legato, Christophorus Patavinus, So-  
dalitij Eremit. Magister POS.

Vixit ann. LXX. M. v. D. XI.

*Si quis*



*Si quis honos tumuli quantum sol lampade lustrat  
Terrarum, caliqué tuum est, SERIPANDE; se-  
pulcrum.*

---

D. O. M. S.

*Siste gradum, & tumulo flores insperge, viator,  
Fausstaqué ter cineri verba precare sacro.  
Tridentum Grudjys à Cesare missus Athenis,  
Hic procul à patria conditus HASSELIVS.  
Ab, fera mors! reduce potiùs strauisse decebat,  
Aut prius Alpinus quàm peteretur apex.  
Diem, & locum, & natalem scimus;  
fatalem nescimus.*

---

IN S. SIMONE MARTYRE.

*Forma, iuuenta, animus, vegetoq, in corpore virtus,  
Spem dederant, longas viuere posse dies.  
At nimis infausti ravior dum sidere fati,  
Heu periere simul, forma, iuuenta, animus.  
Sic solet exiguam spes vana eludere vitam;  
Est aliquid, viuos sic meminisse mori.*

---

GEORGII FRONSBERGII

TVMVLVS.

Ad eum modum armatus prælium conciuuit an-  
te Papiam, Gallos cecidit, castra cepit, obsessos ex-  
trema patientes seruauit.


---

MEMORIAE DEFUNCT. S.

GEORGIO FRONSBERGO Imper. decretis  
Germanici exercitus Duci, qui per Tirolim defe-  
ctionem colonorum compressit: per Liguriam &  
regionem Transpadanam Italix vrbes, populos

V 5 rebel-

rebelles perdomuit: ad paludes Venetas & turrim vsque Mergeram victor accessit: ferro, & igni urbem terruit: socias ciuitates oppugnatas, exercitumque ad loca iniqua delapsum, ex hoste confertis. obsidione quartum & quintum liberauit. vicies, plus minus, signis collatis pugnavit: fortitudine, celeritate, animo consilioque rebus inclinatis presentissimum se & inuictum prestitit. post ingentia facta vita perfuncto patri opt. Gasperius F. pientis, gemens illachrymansque mon. more maiorum religiosè P. An. Christiano 1528, mens. Aug. 20. obiit diem. Vixit an. 54.



## IN ZACYNTHO.

M. TVLLI CICERO HAVÈ, ET TV  
TERTIA ANTONIA.

**F** Desiderius Lignamineus Patauinus scribit, se reperisse hoc Ciceronis Epitaphium, idque circa annum Christi M. D. XLIIII. Adamus Tefellenius Louaniensis in suo itineraio M. S. scribit, se contrectasse in Zacyntho, anno Christianæ salutis CIO. IO. L. ipsius CICERONIS ossa, legisseque hoc Epitaphium:

*Ille Oraturum Princeps, & gloria lingua  
Romana, iacet hac cum coniuge TVLLIVS vrnâ:  
TVLLIVS ille inquam, de se qui scripserat olim.  
O fortunatam natam me Consule Roman!*

IN TEMPLO D. MARIAE.

ANDREAE VESALII Bruxellensis tumulus,  
qui


qui obiit anno M. D. LXIV. Idib. Octob. ætatis vero suæ LVIII. cum Hierosolymis rediisset.



## TERGESTÆ IN ISTRIA.

### EPITAPHIVM PVERI.

**M**E longè effigie venustio rem  
Narcisci vel Apollinis comatè  
Parcarum Lachesis soror seuera  
Isti Quinterinam dedit sepulcra.  
Cur non flosculus exeam requiris,  
Cum tantum fuerim puer decorus?  
Hæc tellus nimis arida est viator,  
Nostri facta perustione amoris.  
Nam terram quoque læsimus decore.  
Quod si lacrymulis tuis madescet;  
Forsan flos nouus ibit è sepulcra.




## POLAE IN DAL- MATIA.

**V**iatores, ciues optimi, vel aduenæ, siue  
bini, siue singuli inceditis, siue turmatim,  
quod magis erit gratiæ, obfirmate gres-  
sum, nec miremini, si moramini aliquantisper.  
Dicaculus equidem fui; succinctus sermo dari vo-  
bis non potest: & iuuat vobiscum esse, vt iuuat  
semper, & quiui ab ore meo pendulos detinere.  
Saxum hoc vos vocat. Quid inquam? vt viuus  
assuet

affueui, prudens, imprudens, mortuus item vos fallo. Nam non vos vocat, quod vacat ore. Verum is, quoniam cinis hic latet, olim quomodo potuit, nunc huc vos vocari voluit, valuitque. Hæc olim sua voluntas volentis vos legere hoc scriptum; (vah! quid loquor?) immò sculptum. Quam ægrè Veritas adhuc se mecum conciliat! nam neque hic atramentum, vel papyrus, aut membrana vlla, sed malleolo & celte literatus filix, silens adhuc, quis hic lateat, quod ego efferre, & effari gestio.

SERGIUS Polensis parasitus, histrio vester festiuissimus hinc cubo. Hoc vnum quidem tandem sponte dictum verum est. Si quis dubitat, hanc olfaciat humum: olet enim temetum, & florem vini veteris, quo satur satis viuens vixi. At si vixi vitam, tam vobis gratam, quam notam vrbi & orbi, non minus munus à vobis impetrem, oportet. adeste mihi, & fauete, edicto que huic vos subscribite, & obsignate.

Adfuisistis, fauisistis, obsignastis; video iam vos risum dare. Sitio huius? Sentio: dictum volui esse. Quid hoc est, quod tam facilliter istuc procedit veritas? hac profecto contagione mei fitit ipsa, & mihi ipsi supparasitatur, cum vltro potum inuocata aduenit. nunc, si urbani perhiberi vultis, & veritati supparasitanti, & arenti meo cineri cantharo piaculum vinarium festinate; post valete. Abite in rem vestram viatores optimi; his nugis, trufis, ambagibusque meis condonate posthumis.



## HISPANICA.

HISPALENSIA.

ANTE



ANTE PORTAM, vulgò DE LA CARNE.

**C**ondidit Alcides, Renouauit Iulius urbem:  
Restituit Christo Fernandus tertius heros.

IN CATHEDRALI.

Reuerendissimo atque Illustrissimo DIDACO  
HVRTADO DE MENDOZA; quem clarissimum  
genus, insignis litterarum scientia, inuiolata in  
suos Reges fides sanctissima, æquitas in omnes, re-  
galis munificentia in amicos & pauperes, atque  
ingens animi magnitudo & temperantia, ce-  
leberimum reddiderunt; nec non Religio & pietas in  
Deum Opt. Max. Hispalensem Archiepiscopum,  
Alexandrinum Patriarcham, & Hispaniæ Cardi-  
nalem extulerunt INACHVS LOPEZ DE MEN-  
DOZA, Tendillæ Comes, Germanus natu maior,  
Generalis Granatensis Capitaneus, ac Iliberitano-  
rum arcis primus Præfectus, hunc fratri marmo-  
reum tumulum, maiora merito Pos. Vixit ann.  
LVIII. Obijt XIII. Octob. M. D. II.

AD PRAEDICATORES.

In Sacello D. THOMAE AQVIN.

PIETATI, ET POSTERITATI.

IOANNES SVVEERTIUS FRANC. F.

Belga Antuerpiensis,

honesti animi candore,

probitatis insigni cum laude

apud suos vixit, exterosque:

Sed apud hos, & in hac vrbe,

immatuum rapuit fatum,

Anno Christiano CIO. IO CIV. id. Octob.

Ætatis XXX. Mens. X.

Et sacri loci commune hoc conditorium

vt pri-

TOLETANA.

vt primum cepit,  
ita plures capiet.

MISERATOR DEVS MISERERE.

---

IBIDEM.

PIAE MEMORIAE SACR.

FRANCISCAE FLORIDAE.

mulieri incomp.

matrimonio iunctæ IOANNI DANIELI,

quicum annos III. vixit,

quæque ætatis suæ XIX. deuixit

à Natali Christi CIO. IO. CV.

XIII. Octobris,


Primaque sui sexus hoc monumento conditur.

IOANNES FLORIDVS Brugensis

Pater filiæ cariss. H. M. P. C.

Viator adsta comprecans benigniter,

mortisque viuito memor.



TOLETANA.

---

D. O. M.

ALVARVS COMESIVS CASTER fui.

Dixeram de mea vita satis,  
sed adsta paululum.

Nemini vnquam sciens nocui:  
Prodesse quamplurimis curau.

Viris placui bonis, quos  
potui fallere.

Verum quod nondum nosti,

de me iam fecit iudicium

iustus Iudex,

postea de omnibus palàm facturus.

Tu in-

Tu interim me postula  
reatibus exolui.

Vale.

Obijt xv. Kal. Octob. M. D. LXX. an. agens Lxvi.

---

IBIDEM.

BERNARDINO SANDOVALI Toletano, Ec-  
clesiæ eius vrbis Scholastico & Canonico, atque  
Academiæ ibidem, à maioribus suis erectæ ornata-  
que Cancellario, Nobilitate, moribus, literis, &  
pietate erga pauperes singulari, GEORGIVS  
FONSECA fratri opt. & B. M. Pos. Obijt v. Non.  
Maij, anno M. D. LXXII. ætat. verò xl. facultati-  
bus suis pauperibus, dum viueret distributis, par-  
tim testamento relictis.

---

IBIDEM.

IOAN. VERGARA Doct. Theolog. Canonicus  
Tolet. vir prudentia incomparab. Græca & Latina  
literatura nulli secundus: quo quidem solo, si ex-  
teras nationes doctissimorum hominum altrices,  
Hispania in certamen vocet, ingeniorum palmam  
feret. H. S. E. Vixit ann. LXIII. M. v. Dies scit ne-  
mo. Obijt xx. Feb. M. D. LVIII.

Ne propera, viator, expecta parumper, & hæc  
ossa aliquando spera tecum victura. Dixi,  
abi.

---

ALIVD.

IOAN. VERGARAE, DOCT. THEOLOGIAE,  
HVIVSCE TEMPLI CANON.

Viro in omni disciplinarum genere eximio: quo  
viuente, Natura declarauit, se adhuc minimè ef-  
foctam esse ad præstantissimos viros producendos.  
Canonici Toletani sodali B. M. Pos.


ANTE

ANTE PORTAM IN NITIDO  
MARMORE.

*Erexit factore Deo Rex inclytus urbem  
BEMBA, sua celebrem protendens gentis honorem.*

IBIDEM.

*Vos Domini sancti, quorum hic presentia fulget,  
Hanc urbem, & plebem scilicet seruate favore.*



C O R D U B A E.

AD S. HIERONYMI.


DEO OPT. MAX. SACR.

**A**NTONIVS MORALES Corduben. honesto & vnde quaque probatis. genere ortus, Medicinæ Doctor præstantis. quem plangunt pauperes, inclamant diuites, & tota penè Batica ademptum luget H. S. E. Obijt anno salutis M. D. XXXV. Aetatis suæ LXVI.

*Hoc tibi, care pater, natus cum carmine Saxum  
Dat, cæca obscurus ne tegereris humo.*

*Nil mains potuit pietas, perculsa dolore,  
Quod dedit hæc meritis inferiora tuis.*

AMBROSIVS MORALES Parenti opt. P.



C O M P L V T I.

FRANCISCI XIMENI S. R. E. CARD.  
Per Ioannem Vergaram Can. Toletanum.

**C**ondideram Musis FRANCISCVS grande  
de Lycaum,

Condor



*Condor in exiguo nunc ego sarcophago:  
Prætextam iunxi sacco, galeamq; galero,  
Frater, Dux, Præsul, Cardineusq; Pater.  
Quin virtute mea iunctum est diadema cucullo,  
Cum mihi regnanti paruit Hesperia.*

Obijt VI. Id. Nouemb. CIO. IO. XVI. æta-  
tis fermè LXXX.



## B V R G I S.

D. O. M.

LOYSÆ SIGÆÆ

foeminæ incomparabili:

cuius pudicitia cum eruditione linguarum.

quæ in ea ad miraculum vsque fuit,

ex æquo certabat,

FRANCISCVS CVEVAS

mœrentiss. coniugi B. M. P.

Vale beata animula,

coniugi dum viuet, perpetuæ lacrumæ.

ALIVD.

LOYSÆ SIGÆÆ TOLETANÆ,

sui seculi Mineræ.

*Docta SIGÆÆ iacet gelido hoc sub marmore, cuius*

*Ob mortem mœrens, heu! gemit Hesperia:*

*Et meritò, quoniam Hebræa, Græca atq; Latina,*

*Non secus ac patria voce perita loqui.*

*Tot linguas huius rapuit mors saua puella,*

*In tenera admirans accumulata simul.*

*O mors in vanum liuor, diffusa per orbem*

*Fama volat. sanctam non capit vrna animam.*

IOAN. MERVLVS Tolet. pos.

CAESARAVGVSTAE.

Toletum nascentem excepit,  
Lusitania honores & diuitias dedit;  
Burgi maritum vnicamq; filiam,  
& proh dolor ante diem  
sepulchrum:

Anno sal. CIO. IO. LX. Octob. die XIII.

CAESARAVGVSTAE.

HIERONYMO SVRITAE:

Michaelis F. Gabrielis N. Cæsaraugustano,  
historiæ Arragoniæ  
diligentiss. atque electo scriptori,

Patri B. M. Hieronym. F. P. O. S.

Vixit annos LVII. Mens. XI.

Obijt Cæsaraugustæ,

III. Non. Nouemb. CIO. IO. LXXX.

MARTINI AZAGRIÆ ARRAGONENS.

*Dum Salo, dum Sicoris, dum Cinga augebit Iberi,*

*Dum maris augebit magnus Iberus aquas.*

*Post cineres, manesq; tuos, heu magne SVRITAE,*

*Semper erit maius nomen in orbe tuum;*

*Annalesq; tui tantarum pondere rerum*

*Æterni, æternum te sine morte dabunt.*

IACOBI FALCONIS EQ. VALEN-

TINI, POETÆ ET MATHEMATI-

ci summi carmen retrogradum.

*Ingenium & candor SVRITAE viuet, opinor.*

*Viuet dum mundo Carmen & Historia.*

---

 MONTILLAE.
 

---

IN COLLEGIO SOC. IESV

MAG. IOAN. AVILAE PATRI OPT.

Viro integerr. Deique amantiff.

Filij eius in Christo POSS.

*Magni AVILAE cineres, Venerabilis ossa Magistris*
*Saluete, extremum condita ad vsq; diem.*
*Salue Diue Pater, pleno cui flumine calum*
*Affluxit, largo cui pluit imbre Deus.*
*Cali rore satur, qua mens tua seuerat intus,*
*Mille duplo retulit foenore pinguis ager.*
*Quas Tagus ac Batus, quas Singylis alluit oras,*
*Ore tuo Christum buccina personuit.*
*Te patrij ciues, te consulturus adibat*
*Aduena, tu terris Numinis instar eras.*
*Quantum nitebaris humi reptare pusillus,*
*Tantum prouexit te Deus astra super.*


---

IPSE LECTORI.

*AVILA mi nomen, terra hospita, patria calum:*
*Queris quo functus munere? messor eram.*
*Venerat ad canos falx indefessa seniles,*
*Qua Christo segetes messuit innumerat.*


---

 VALLIS-OLETI.
 

---

EPITAPHIVM, QVOD SIBI IPSE

SCRIPSIT ANTONIVS DE

Guenara.

X 2

Obije

Obijt anno M. D. XLIV. x. Aprilis,  
ipſo cœnæ Domini die,  
ſepultus in D. FRANCISCI.

CAROLO V. Hiſp. Rege Imperante,  
Illuſtris Dominus D. frater ANTONIVS DE  
GVEVARA,

Fide Chriſtianus, natione Hiſpanus,  
Patria Alauenſis, genere de GVEVARA,  
Religione S. FRANCISCI, habitu huius cõuentus,  
Profeſſione Theologus, officio Prædicator &  
Chroniſta Cæſari,

Dignitate Epicoſopus Mendoneniſis, fecit anno Do-  
mini M. D. XLII.

*Poſui finem curis, ſpes & fortuna valete.*

*Orate Deum pro anima huius digniſſ. Epicoſopi.*



## SALMANTICAE.

ANNO Domini M. CC. Aldephonſus VIII.  
Caſtellæ Rex Pallentiæ vniuerſitatem ere-  
xit, cuius æmulatione Alphonſus IX. legio-  
nis Rex, Salmãticæ itidem Academiam conſtituit,  
illa defecit deficientibus ſtipendijs, hæc verò in-  
dies floruit, fauente præcipuè Alphonſo Rege.

### THEOLOGIAE SACR.

Qua rerum diuinarũ cognitione hominũ men-  
tes imbutæ terrena deſpiciant, cœlum votis petant,  
beatamque iam nunc incipiant viuere vitam.

### IVRI CIVILI.

Quo poſſint Principes Remp. bene gerere, & cu-  
ras hominum rectè componere, ſitq; omnibus cor-  
di Pax



di Pax & Iustitia. Prudentiam maiorum hoc loco  
Senatus docendam curavit.

---

MEDICINAE SERVATRICI.

Corpori vt anima inhabitet suauius, & vita tot  
periculis obnoxia cōstet, Senatus cōsultuit, & Phi-  
losophiâ & Astronomiâ.

---

IBIDEM IN PICTURAM PALLADIS,  
quæ nascitur ex cerebro Iouis.

*Non aliud capite ex tanto prodire decebat,  
Non aliunde dari virgo Sophia potis.  
Quid salit armata? vt pugnet inuicta profanis,  
Defendat populos, regnaq̄, tuta regat.*

---

IBIDEM.

Ad fortunam, & Occasionem.

*Artis opiq̄, potens occasio rapta beabit;  
Aggerat, ah! lacrymas cum fugitiua volat.*

---

MICHAELIS VERINI POETAE  
Epitaphium, incertæ positionis.

*Regia Pyramidum cedant monumenta, viator,  
Huic lapidi, quanquam in armera nulla vides.  
VERINVS MICHAEL decus immortalis pudoris  
Clauditur hoc saxo, siste parumper iter.  
Quod latet ingenij sidus? quæ gloria Phœbi?  
Delicias orbis quàm breuis vrna capit?  
Disticha composuit grauibus distincta figuris,  
Quæ possint sacris equiparare libris.  
Est breuis, argutus, facilis, sine felle pudicus:  
Littera plus nerui, quam sua carnis habet.*

---

 LVSITANICA.
 

---

IN AEDIBVS RESENDIANIS EX-  
TANT DVO CIPPI CVM HIS IN-  
*scriptionibus.*

**I**VLIANVS famulus Christi, Episcopus Eccle-  
się Eborensis, hic situs est. Vixit ann. plus minus  
LXX. Requieuit in pace, Kalend. Decemb. an-  
no Natal. Domini 566. Era D C. IV.

ALTER EST HVIVSMODI.

Depositio PAULI, Famulus Dei. Vixit ann. LI.  
Requieuit in pace Domini III. Id. Mart. Anno sa-  
lut. 544. Era D. LXXII.

---

 EBORAE.
 

---

**D**Iuo ANTONIO AEGYPTIO, sanctissimo  
Monachorum Archimandritę sacrę, HEN-  
RICVS Diui Emmanuelis, Lusitanię Re-  
gis, pij, felicis, inuicti filius, Sanctę Romanę Ec-  
clesię Presbyter Cardinalis, primus Eborensis Ar-  
chiepiscopus priore diruto, nouum hoc structu-  
ra, formaque angustiore religionis ergo erexit.

Diuo ANTONIO ARCHIMANDRITAE san-  
ctiss. sacrum.

---

 VLYSSIBONAE.
 

---

IN S. CRVCIS ECCLESIA.

*Ossa MICHAELIS sunt hic tumulata CABEDI,  
Quem legum & iuris doctus ceterus gemit.*

*Florex*

*Florentem studijs, genere, haud etate labantem*

*Mors tulit humanis inuidiosa bonis.*

*Causarum iudex, inter quos regia honorat*

*Curia, praeclarum nomen adeptus erat.*

*Cingebat gemina (quod rarum est) tempora lauro,*

*Inq̄ forum Phœbum, Castalidasq̄ tulit.*

*Gloria sed maior morum est & vita probata,*

*Qua nunquam à recto deuia iure fuit.*

*Ergo cadaver humo requiescit, ad astra volauit*

*Mens iusta, & isti iudicis ora videt.*

*Obijt anno M. D. LXXVII.*

## D. O. M.

*Epitaphium honorarium incertæ positionis.*

*Externis quicunq̄, veni peregrinus ab oris,*

*Auriferiq̄, intras ostia magna Tagi.*

*Sister atem, mæsti q̄, vide monumenta doloris,*

*Si vacat, & nostris fletibus adde tuos.*

*Hic iacet ereptus primeuo in flore iuuenta*

*IOANNES, regni cura dolorq̄ sui.*

*Si faciem & mores, si quis consideret annos,*

*Dignior aeternum viuere nemo fuit.*

*Visum aliter superis, quos plus iuuat ardua semper*

*Casibus, & subitis implicuisse malis.*

*Si quid amas, nolis nimium placuisse, senectam.*

*Vix vnquam summis fata dedere viris.*

## ALIUD.

*Lusitanorum columen, nostraq̄, sepultam.*

*Spem libertatis, continet hic tumulus.*

*Hic iacet egregij seboles praeclara IOANNIS,*

*Ille nepos magni Caesaris, atq̄ gener.*

*Vix decimum atatis, sextumq<sub>3</sub> expleuerat annum,*

*Vix pubertatis tempora transferant.*

*Iniecit mors seua manum, tantoq<sub>3</sub> repente*


*Priuauit miseros Principe Lysiadas.*

DE GYMNASIO IN PALATIO

CONIMBRICAE.

*Regum olim hac fuerat, Musarum regia nunc est,*

*Esse vsquam melius non potuere Deae.*



GERMANICA, ET

FINITIMA.

VIENNENSIA.

IN VIENNAM IUL. CAES.

SCALIGER.

**A** Spice barbaricis qua propugnacula bellis;  
 Quae stet fulmineis machina torua pilis:  
 Aduersus spurium, quae fortia pectora, Turcam  
 Apparet intrepida Norica dextra fide.

*Illam igitur validis assultibus irrita fudit  
 Prælia, quae capto fecerat hostis agro.*

*Quin etiam patrij demissis turbine caeli  
 Auxilijs largo perpluit imbre polus.*

*Qualia regna putes, numen quibus excubat armis?  
 Nonne Dei est, pro quo pugnat & ipse Deus.*

CHRISTO O. M. ET MEMORIAE

AETERNAE.

D. N. FERDINANDO felici, pio Aug. Germ.  
 Pannonico, Bohemicoq<sub>3</sub>, q<sup>is</sup> originis & principatus  
 sui hanc Metropolim præter arma cõsilijs & munimentis iuuerit, ac inter cætera hanc ingentis sumptus



ptusmolē aduersus Solymannū Turcarum tyran-  
num cōmune illud & horrēdum Christiani orbis  
fulmē, opposuerit: NICOLAUS COMES à SALM  
militæ, CHRISTOPHORVS ab EITZING Baro,  
Senatus, & MARCVS BOECK à LEOPOLS-  
DORF Scriniorum magistri, cæteriç; administra-  
tionis Austriacæ Senatores deuoti numini princi-  
pis sui, de patria seq; optime merentis, V. S. L. L. M.  
Anno Christi M. D. XLVI.

ARAE SEPVL CRALES INCLYTAE  
FAMILIAE SALMENSIS.

A R A I.

DIS MANIBVS SAC.

Incomparabilis heros, NICOLAUS à SALMIS,  
D. Ferdinādi Rō, Hung. ac Boemię Regis, Archidu-  
cis Austriæ ab arcanis cōsilijs, Cubicularius, & su-  
prem<sup>o</sup> prouinciarū Austriæ Capitaneus: Quum D.  
FRIDERICVS, Rom. Imp. D. SIGISMVNDVS, D.  
MAXIMILIANVS Rō. Imp. & FERDINANDVS  
Rom. Cæsar, Augusti fratres, rerū potirentur: eorū  
auspicijs, Reip. annis XLVI. fortem atque strenuā  
operam domi militiaç; nauauit. Anno porrò Do-  
mini M. D. XXIX. Solymano Turcarum Tyran-  
no Viennam obsessam atrociter oppugnante, dum  
dirutis mœnibus multum generosi animi robur  
pro muro hostium minis opponit, saxo percussus,  
lethale vulnus accepit. D. FERDINANDVS Pat.  
Patr. virtutis rerumque gestarum gloriæ ergò, hoc  
ei monumentum fieri cur. Moritur 1 v. die mensis  
Maij, anno Domini Iesu Seruatoris M. DC. XXX.

Virtutem posterī imitantor,

*Quam meruit virtus, sequitur te gloria. Cæsar*

*Et tumulum, & lacrymas dedit has tumulo.*

## A R A II.

D. O. M. S.

Nicolao IV. Salmæ & Neoburgi Comiti, Nicolai illius III. Salmæ Com. magnit. rer. gestar. suo seculo belli Ducis clariss. F.

D. Ferdinan. Rom. Regis supr. Cubiculario, omnibusque ipsius regnis ac ditionibus cum summo imperio Præposito:

A Ioanne Pannon. Rege, & Solyman, Turcar. Tyranno, ad quos ipsius Ferdinandi nomine legatus missus fuerat, ampliss. muneribus donato:

Ab illo atque etiam in fratrem cariss. admiratione virtutis adoptato:

A suo Principe Pofonien. regionis iurium arcisque præfectura & Comitatu Neoburg. aucto ornatoque:

A Carolo V. Cæs. maxi. & feliciss. in ampliss. ordinem aurei velleris cooptato:

Quum Leuam, Chiabrachium, Zythnam, Miranum expugnasset, communemque pacem Regno Hungariæ reddidisset:

Paternam iam gloriam assecutus, decessit Agriæ. XVI. Calend. Sept. anno Christi M. D. L. ætat.

Iulius Com. Salmæ & Neoburgi, D. Maxim. Rudolph. II. ab Imperialis aulæ consilijs, Filius mœrens Parenti sanctiss. atque opt. fecit. Anno Salut. Hum. M. D. XVIIIC.

*Si vitam vitâ mihi compensare liceret*

*Magne parens, mea iam, iam tua vita foret.*

*Sed mea vita nihil: potior tua cœlica vita;*

*O liceat tecum viuere, sicq; mori.*

## A R A III.

Iehouæ Opt. Max.

CHRISTOPHORO COM. SALMIO  
ET NEOBURGIO:

Nicolai III. F. Nicol. II. N. Ioan. pron. præ-  
claræ indolis, ac summæ spei adolescenti, qui in  
floridissima iam tum ætate, vita hîc laudatissimo  
peracta, maxima fidei constantia, fatis cessit, ma-  
gno cum patriæ dolore ac desiderio.

Anno Salut. Hum.

Aet.

## A R A IV.

## CHRISTO S. SERV.

VVolfango Nicol. F. Nic. Ioan. pron. Comiti  
Salmio & Neoburgio, Præfuli & Episcopo Para-  
uino: sinceræ Religionis, & æquitatis obseruan-  
tissimo: summo ingenio, eximia doctri-  
na, rara eloquentia prædito:

Humanitate ac beneficentia domi forisque  
claro: Principi sanctissimo:

Musarum patrono incomparabili:

Bonorum omnium cum luctu,  
Supremo die piè religioseq; functo: Passauix,  
VI. Decemb. anno M. D. LV. Aet.

*Munde vale: nulla hîc est constans patria: calum  
Per te Christe datur patria firma pijs.*

## A R A V.

D. O. M. S.

Eckio & Nicolao, Salmæ & Neoburgi Comi-  
tib. Nicol. IV. Com. Salm. & Neo-  
burgi filijs:

Pofonien, regionis iurium, arcisque præff.  
ambobus viris ampliff. ac clariff.

Alter Iaurinen. præfidij Princeps, perterrefactâ  
Zygethana clade Pannoniam, re, fortuna, fide, fu-  
stinuit:

Summa vsus celerit. Hegettam, Tattam, & Vef-  
primium à Solyman. Turcar. Tyran. ereptas virtu-  
te sua recuperauit:

Liberalis, magnanimus, laborû militar. patien-  
tiff. in omni belli munere ita egit, vt hosti celeberrimus simul & formidabilis haberetur.

Alter autem omni liberali doctrina perpolitus,  
Græcè Latinè aliquotq; aliar. exotic. linguar. exa-  
ctè doctus, veram sapientiam ante canos compa-  
rafse visus est:

Primùm Imperialis, inde bellicus Senator, sub  
Ferd. Maximil. & Rudol. II. Reimp. fideliff. & opt.  
confilijs semper rexit.

Machinamentis ad præfidia munienda, adq; ho-  
stium augendam incuriam inuentis, cum ijs quos  
mirata est antiquitas, comparandus.

Ille Iaurini in complexu milit. quibus apprimè  
carus semper fuerat, extremum vitæ spiritum edi-  
dit. Anno Salut. M. D. LXXIV.

Non. Iul. AEtat.

Hic Canisæ, cui cum summa potestate præerat,  
postquam vixit x. mens. spatium excubias pro sal.  
patriæ egisset, vi repentinæ mortis sublatus est. 6.  
Cal. Decemb. AEt. S. anno XLIII. Christi M. CC.

Iulius Com. Sal. Neob. D. Maximil. & Rudolp.  
II. ab Aulæ Imperialis consilijs, auitæ paternæq;  
virtutis æmulatoribus, germanis cariff. pos. Anno  
M. D. XVIIIC.



*Accipite ô anima fortes, monumenta doloris,  
 Mixta pijs lacrymis hac pia vota, mei.  
 O me fata darent vobiscum viuere: vita  
 Inuita, haud vita est, cui sua vita deest.*

---

## A R A V I.

P. M.

Illustr. at strenuo Heroi NICOLAO V.  
 Nicol. F. Eginonis & Iulij Com. à Salm. &  
 Neoburg. FR.

Senatu bellico Maximil. & Rudolph. II.  
 cognito,

Pofonien. regionis Comiti, Canisîæ que  
 præfecto:

Qui quum suæ custodiæ excubiarumque duûm  
 vix. mens. (quos anni multi haud emeti-  
 rentur) edidisset:

Siue fato, siue iniquorum maleficio impor-  
 tuniss. sublatus:

Iul. fratri Maximil. & Nicol. filijs filiabusque con-  
 iugique Iudithæ à Polhaim superstitionibus mæro-  
 rem cunctis, dum cineres quiescunt, sui  
 desiderium relinquens:

M. H. M. H. S. E.

Vix. ann. XLIII. Obijt Canisîæ XXVI. ann. q.  
 Salut. LXXX.

---

## A R A VII.

D. O. M. S.

Elisabethæ Thuræ, Freistadij, Semphtæ, Riches-  
 nauæ, & Themetuini Dominæ, foeminæ  
 lectissimæ,

Alexij

Alexij Thurri, viri summi, Pannoniæ Proregis  
æquiff. & sapientiff. filiæ;

Quæ sic semper vixit, vt seculum ipsa haud di-  
gnum vidèretur:

Ita diem extremum clausit, vt mors omni vitæ  
ipsius curriculo responderet:

Sed & AEmiliæ ac Iuliolo puellis bñmulis:

Qui vtrum formosiores, an blandiores fuerint,  
dubium reliquerunt:

Qui quod voluit mater, semper fecerunt:

Alterum mî Elisabetha, alterum Anna-Maria  
Dietrichsteinia vxor superstes fidissima peperit:

Iulius Com. Salm. & Neoburg. Maximil. &

Rudolph. II. ab Imperialis aulæ  
consilij,

Maritus & parens, coniugi ac liberis  
dulcissimis,

Quòd cùm illis non sim, do-  
lens feci.

Anno Sal. M. D. XXCIV.

\*

*Si dolor & lacryma possent vos reddere vitæ:*

*Reddiderint vitæ vos dolor & lacryma*

*Jamdudum. quid tum? dolor est & lacryma testis,*

*Gaudia vos vitæ sola fuisse mea.*

ARA VIII.

CHRISTO REDEMPT. S.

ANNAE-MARIAE DIETRICHSTEINIAE,

Sigism. F. Sigismundi N.

Liber Baron. ab Holleburg &

Finckenstein, &c.

Quæ matronal. virtutum omnium ac  
laud. præclariss.

Summæ erga Deum religionis, erga  
maritum fidei,

Amoris erga liberos, benevolentia erga suos,

Benignitatis erga pauperes, erga omnes  
humanitatis;

Morum denique ac vitæ perpet. sanctimoniam,  
castitatis, innocentiam,

Viuens moriensque,

Singulari præluxit exemplo omnibus sui ordi-  
nis & sex. hominib.

Coniugi incomparabili,

Quæ supra ætatem morbo varorum pa-  
labundo infestata,

Partu heu immaturo nimis quintam  
enixa sobolem,

Magno cum dolore ac labore:

Quam sacro fonte prius renatam, & ex se  
Annam-Mariolam cognominatam, secum in  
cælum sublatam, Christo initiauit:

Inter amplexus coniugis, & liberor. aman-  
tiss. piè sancteque expirauit,

Animulæ suæ carissimæ

Iulius Com. Salm. & Neoburg.  
maritus infeliciss.

vberibus cum lacrymis pos.

\*

*Vita mea vita quondam, mea mellila coniunx,*

*Mors vita nunc es mortua nempe mee,*

*Soluar, & o tecum Christo nunc deniq. viuam:*

*Si placeam: Christo viuere certa salus.*

Obijt ann. ætat. xxvii. Sal. hum. 1517. Martij 5.

---

MICHAELIS HELDINGI  
THEOLOGI.

*Infima tui iuuenis pueros elementa docebas,  
Frena scholæ Magani summa moderatus in aede.  
Mox verbi praco Diuini factus ibidem,  
Præfulis officium mitra redimitus obibas.  
Post pauld̄ Casar laudum rumore tuarum  
CAROLVS incensus, te fecit Episcopon esse  
In Mersburgensi latè ditione patente.  
Imperij Camera tibi committuntur habena.  
Et mox Austriacam iussus concedis in aulam,  
Concilia ut Præses, præsensq; augusta gubernes.  
Sed Deus exiguo passus te tempore talem  
In terris agere, ad summum reuocauit Olympum.*

Anno 1561. ætatis 55.

---

IBIDEM.

Imperator Cæs. MAXIAEMILIANO, Pio, Felici, Augusto, Principi tum pacis, tum belli artibus, omnium ætatis suæ Regum longè clarissimo: sub cuius felici Imperio inclita Germania dulciss. ipsius patria, tam armis, quàm literarū studijs plus quàm antehac florere, caputque super alias nationes extollere cœpit; cuius insignia facta Tabellis inferioribus, quamuis sub compendio, expressa conspiciuntur; Imperator Cæs. FERDINANDVS Pius, Felix, Augustus, auo paterno perquam colendo, ac benè merito pietatis ac gratitudinis ergò posuit.

Tabellæ, quarum mentionem facit, breuem rerum à Maxæmiliano gestarum epitomen continent.

MAXÆ.



MAXAEMILIANVS  
CAESAR SEMPER AVGVSTVS,  
DEMISSVS CAELO,  
REDDITVS CAELO,  
NON QUIT, SED ABIIT.

Petrus Aegidius S. P. Q. Antwerp. à secretis  
poneb.

FRIDERICI III. AVSTRIAE  
DVCIS.

*Hac Mausoleo moles, aequata sepulchro  
FRIDERICI Magni, Caesaris ossa tegit.  
Qui Romanum orbem placide sancteq, quietus  
Circiter vndenas rexit Olympiadas.  
Largus opes & templa dedit, secla aurea fecit,  
Hinc inter Diuos astraq, celsa micat.  
Post domitos hostes, post praelia maxima, postquam  
Accessit titulis Bœtica terra suis;  
Filius Augustus referens bonitate parentem,  
Dadaleum posuit MAXMILIANVS opus,  
Amborum pietas manet, aeternumq, manebit,  
Pyramus hac quando saxaq, puluis erunt.*

IOANNIS SAMBVGI CAES.  
HISTORICI.

Epitaphium honorarium.

SAMBVCVS linguas coluit qui doctus, & arces,  
Cui natale fuit Pannonis ora solum:  
Caesaris historicus praemissi temporis acta,  
Et dignos scripsit cognitione libros.  
Aonios inter meruit quoq, nomen olores,  
Carmine incundum qui cecinere melos.

*Ante diem quamuis, Musis plorantibus, ipsum  
E medio tulerit mortis avara manus.*

*Ipse tamen superest, meliori parte superstes  
In calis animâ, nomine clarus humo.*

*Nil in sollertes Musarum iuris alumnos  
Mors habet: à Musis doctus obire nequit.*

*Obijt Id. Iunii M. D. XXCIV. A. Etat. LIII.*

**IN COEMETERIO NOVO, (vt vocant)  
EXTRA PORTAM SCOTORVM.**

**D. O. M.**

**ET POSTERITATI.**

*Stirpis honor, flos, exemplumq̄, Rosina pudoris  
Eberstorferi nobilitata toro;*

*Et soror Anna, puellaris duo lumina sexus,  
Huldendorferi Coniugis Anna decus.*

*Hic tumulis posuere iuuentæ insignia iunctis,  
Ante suum, Pietas, vitæq̄, raptæ diem:*

*Tinxit humum lacrymis Eberstorferus, & optans  
Dedicat huic ipsi seq̄, suosq̄, rogo.*

**ALIUD EODEM IN LOCO.**

*Fida hic Penelope Lucretia casta, Minerua  
Ingeniosa, Charis quarta sepulta iacet.*

*Cui Deus, & Coniunx, soboles, acus, ara, focusq̄,  
Fama, fides, virtus, maxima cura fuit.*

*Scilicet Haunolti dilecta Maria Mariti,  
Antea mellitus, nunc peramarus amor.*

*Quæ ceu viua viro fuerat spes certâ voluptas  
Summa, animi requies, lux, columenq̄, tori.*

*Sic eadem viduo nunc est mors lenta dolorum  
Fons, animi anxietas, vmbra, ruina domus.*

*Sponsa*

*Sponsa bis, & ter facta parens, semel orba, triginta  
Nata annos, natam cum peperisset, obit.*

*Heu dolor! Octobris matrem lux noua peremit,  
Mox duodena infans vix triduana cadit.*

*Hic sancta ossa cubant; anima super aethera viuunt;  
Expectantq; patrem filiola, vxor herum,  
Sic rosa manè viret, mox aret & interit, & sic,  
Qui fuit ignis heri, cras cinis esse potest.*

**MAXIMO MIRABILIQVE MOTORI  
MOBILIS MAGNAEQVE MACHINAE  
momentanei Mundi, mortaliumq; modera-  
tori mancipatum.**

Miraculum mulierum minimè malitiosarum,  
Matrona morigera, Mariti ministra, moderata, mâ-  
suetâ, munifica, morata, modesta, mitis, materfa-  
miliâs, Maria, Marita mea mellitissima, mero metu  
Medico malo morbo mederi metuente, mea; Ma-  
ria Magdalena mollicula, Mammæ, minus maturâ,  
moriuntur (miserandam) momento, manè morte  
minimè matura, mihi; multum molesta misero me  
marito, magno mœrore mœstitia; multum moto  
mutato; mansione mœsta, mole molesta manen-  
te. Migrarunt malle me mortuū mullio.  
Massas, Magnæ Matri, monumento muscoso, man-  
dauit mœstus, mortuus, molliter, magnum mortâ-  
lium motum, mortisque mortem moramini, me-  
moriam minimè mortalis, manebit manes merito.

Huic Epitaphio ex latere vno astat Pelicanus  
cum isthoc Pentham.

*Vita sit vt pullis; morte sit, ecce, meâ.*

Ex altero verò latere Phœnix cum tali Penth.

*Vt iuuenes viuant, se cremat antè senex.*

In dicto sepulchro hoc distichon legitur  
*Heu tua vita breuis, breuis & tua gaudia tecum,  
 Et breuis hic lapis est, & breue carmen, AV B.*

---

ALIVD LOCO DICTO.

Maritus ad vxorem.

*Ossa iacent: mens astra colit: cum prolibus vxor  
 Cur desles Domini fata benigna tui?  
 Me non Orcus habet, nollem reuiuiscere, vel si  
 Fata velint: igitur desine flere, Vale.*

Vxor ad Maritum.

*Non deploro tuam, coniunx per amande, salutem,  
 In nos sed fidi pectoris acta fleo.  
 Qua quoties recolo cum natis, fluminis instar  
 Ex oculis lacryma nocte dieq; fluunt.*

---

ALIVD LOCO DICTO.

*Artis erat medica quondam studiosus amator,  
 Blanditias optans pharmaca grata suas.  
 Res tamen vt dubia fragilis cum vita laboret,  
 Arigido letho quis modò tutus erit?  
 Ars iuuat haud vllum, cunctos discrimine nullo  
 Mors aufert, gelida falce, cruenta, viros.  
 Serpentis suasu vestiunt tot crimina mundo;  
 At roseo ex Christi sanguine vera salus.  
 Non igitur dubito, placida quin morte quiescat  
 Grandaeuus Sanger, vir pietate grauis.  
 Et benè ceu vixit, solida benè dormiat vrna:  
 Rex superum foueat spiritum in axe poli.*

---

LOCO DICTO ALIVD LEGITVR.

*Hic situs est, medica vir praestantissimus arte*



Qui fuit: & tantos mors rapit atra viros?  
 Vincere sic gestis? sed te victoria ludit,  
 Nam victo vita das meliore frui.  
 Stulta iubes parcas Aicholzi rumpere fila,  
 Nil agis: hic vixit iam satis ipse sibi.  
 At nos lugemus; nobis (mors improba!) longam  
 Nestoris aetatem viuere dignus erat.  
 Hunc sepelis? sed iam superauit spiritus astra,  
 Viuidiorq; hominum fama per ora volat.  
 Quis te autem? quis te tam dignis laudibus ornet  
 Aicholzi, quantas te meruisse liquet?  
 Scilicet alma Dei vis, atq; benigna potestas,  
 Saepe bonos terris datq; deditq; viros.  
 Illa sed exemplum de te memorabile multis  
 Ante alios statuit; tot tibi dona dedit.  
 Felicem iussit rerum cognoscere causas:  
 Hinc tot Paonias linguis amicus opes.  
 Cumq; alijs linguis Latia tum deniq; Graia  
 Erudit pectus Pallas amica tuum.  
 Ardor erat seclirimari corporis artus,  
 Morborum sedes sic patuere magis.  
 Herbarum genus omne simul tibi quaerere cura:  
 Quoq; iuuent homines, quo noceantq; modo.  
 In te lugebunt tenera in conuallibus herbae,  
 Florum demittent germina triste caput.  
 Sacra tamen Laurus vireat Phoebea sepulchro,  
 Quo tua defuncti molliter ossa iacent.  
 Loco dicto hoc distichon legitur.  
 Vita parum dederat: sed mors dedit omnia felix,  
 Cui nona pro mortis faenore vita datur.

## ALIVD IN DICTO COEMETERIO.

Dum Patria tristes satagis reparare ruinas,  
 Petre ruis, gelida victima opima necis:  
 Tecum quāta (eheu) spes, quantaq; gaudia Nympha,  
 Quantaq; Germano (proh) periere tuo!  
 Sic sunt hæc humana, ruunt, ruituraq; in auum,  
 Quippè ruinosum, nil, nisi mundus habet.  
 Non ruitura tamen Pietas contermina calo,  
 Nixa illa in Christi sanguine saluifico.  
 Rudera dia Fides nescit, quam Petra salutis  
 Contra Erebi portas fortificata gerit.  
 Petre labascens enim hoc stabas, stabis Olympo  
 Fortis eques Christi morte necis domitor.  
 Viue Deo Rhenerè: leuis tibi terra sit, æther  
 Subleuet hos cineres, quos premit vrna vorax.

ALIVD IN COEMETERIO AD  
D. STEPHANVM.

Franciscus medica felix Emericus in arte,  
 Ingenium spectès, siue operam, atque fidem.  
 Omnipotentè Dei iussu iam morte solutus,  
 Plus fatum quauis arte valere monet.

## ALIVD LOCO DICTO.

En iaceo generis columen laudabile nostri,  
 En patria iaceo spes opulenta mea.  
 Pannonis ora dedit, dulcem rapit Austria vitam,  
 Inq; tuo tumulor, culta Vienna, solo.  
 Criminis innocuus, quod turpis fama notaret,  
 Exegi vita tempora pauca mea.  
 At teneris Musas vero sectatus amore,

Salui-

Saluificam didici cum pietate fidem.  
 Consilioq; iuuans patriam, studioq; fideli,  
 Tranquilla pacis suator, & Author eram,  
 Ardua, praefectus, sincero munia corde  
 Sustinui, vera dexteritatis amans,  
 Officiosus eram, nec mens mihi conscia fraudis;  
 Iustitiam colui, verbaq; sancta Dei.  
 Hinc vbi Legatum me Transyluania mittit,  
 Imponens humeris quaeq; regenda meis.  
 Caesaris Augusti genua ad diuina volutus  
 Defero commisse pondera magna, rei.  
 Parua mora; (heu) tristis depascens viscera morbus,  
 Me grauis ardenti Febris ab igne necat.  
 Sic Fatis pereo, sic fatis viuo superstes,  
 Quod mihi terra dedit nomen, id ipsa tulit.  
 Tu mihi Christe faue, cuius me gratia caelum  
 Promissa donat, regna beata domus.  
 Sparge salutifluo perfusum corpora fonte:  
 Mens Paradisiacos pura pererret agros.  
 Ossa tegit tumulus tenui mutata fauilla,  
 Sed subit. aetherea spiritus astra plage.

---

 ALIUD LOCO DICTO.

Tres natos Bresla misit Faber vrbe Viennam;  
 Tempore non longo tres rapit vna dies.  
 Nomina Patris habens, Istri, Fridericus in alto  
 (Heu) Fratrum medius, gurgite primus obit.  
 Inde vbi tres ierant anni, tibi tristia Caspar  
 Fata etiam minimo pestilis aura patat.  
 Proximus at morbo Laurentius ictus eodem,  
 Lumina Dianae post duo plena cadit.

*Viuite tres anima celo feliciter alto,  
Frigida dum tumulus molliter ossa cubant.*

---

ALIVD.

*Sunt dolor & lacryma lucis primordia nostra,  
Sunt medium, & finis: quid, nisi bulla sumus?*

---

ALIVD.

*Participem casus quem Cæsar habebat in omnes,  
Quiq; Palatino fulsit honore Comes.  
Mente tenax, virtute nitens, gravitate verendus,  
Synceraq; colens usq; piusq; fide.  
Tumulo VVolfge ange iaces, sed fama perennis  
Viuit, & æthereo mens nitet alta polo.*

---

ALIVD.

*Quicquid habent Latia numerosa volumina lingua,  
Edidici; Sophiam, carmina sacra, Deum.  
Virtutem adiunxi, reliquorum premia tellus  
Vana, Deus morum non peritura dedit.*

---

ALIVD.

Imperator Cæsar Diuus Fridericus Tertius, pius, prosper, Augustus, Christianitatis supremus Princeps, Hungariæ, Dalmatiæ, Croatiæ &c. Rex, Archidux Austriæ, Dux Stiriz, Carynthiæ, & Carniolæ, Comes & Princeps in Habsburg, & Tirolis. Landgravius Alsatiz, Princeps Sueviæ, Comes Phirretis, & in Kiburg. Dominus Marchiæ Sclauonicæ, & Portus Nacnis, & Princeps religiosissimus; qui sacrum Romanum Imperium iustitia, & virtute quinquaginta tribus annis sapienter & moderatè rexit; Quique filio suo Maxæmiliano Imperatori



tori gloriosissimo Serenissimam Dominā Mariam, vnicam Filiā, & Hæredem, Diui Caroli Ducis Burgundiæ Potentissimi, &c. legitimo toro copulauit: ex quo quidem felicissimo connubio omnes Ducatus, Principatus, Marchionatus, Comitatus, & Domina, quæ præfatus Carolus Dux terra marique possedit, felici domui Austriæ, hæreditario iure perpetuo accesserunt: quæ & Imperator Maxamilianus potenti manu & gladio conseruauit. Ipse Fridericus talibus, multisque alijs Imperatorijs virtutibus perpetuatis, naturæ debito persoluto, celeberrimis famosissimisq; exequijs deuotè celebratis, in hoc pretioso monumento reconditus est. Hic Fridericus Tertius, Imperator Augustus nascitur anno Salutis nostræ 1415. Eligitur in Regē Romanorum anno 1440. Coronatur in Augustum ac Imperatorem anno 1451. Obijt 19. die Augusti anno 1493. ætat. suæ 78, Imperauit annis 53. Mensibus 4. diebus 4. Corpus eius in hoc saxum reconditur ac transfertur Anno 1513. die 7. Nouemb.

Ferdinandus Dei gratia Romanorum, Hungariæ, Bohemiæ Rex, Princeps Hispaniarum, Archidux Austriæ, Dux Burgundiæ, &c. hoc opus Friderico Proauo piè F. F.

---

ALIUD IN TEMPO B. MARIAE  
AD SCOTOS.

*Hic iacet Antistes Claustri Iacobus: Et illum  
Sub gelida monstrat nobile marmor humo.  
Gaudia qui vitæ caelestia sine carentis  
Angelicisq; choris associatur, habet.*

---

ALIUD L. D.

*Ne crede, artificem tibi verba dedisse, viator,*

T 5

*Qui*

*Qui mira sculpsit relligione virum.  
Respicis Alphonsi Mercado in imagine vultus,  
Hunc Hispana dedit, Teutona terra tegit.  
Notus erat Marti in campis, Syluisq; Diana,  
Hestes prostravit viribus, arte feras.*

---

ALIVD IN DICTO TEMPLO.

*Vita quid est? labor est, & habendi vana cupido  
Tristis, ad extremum, sollicitudo, diem.*

---

ALIVD IN TEMPLO AD  
S. MICHAELEM.

*Eheu! quàm rapido pereunt mortalia casu,  
Quamq; nihil vasto praestat in orbe diu!  
O spes fallaces hominum! ludibria fortis  
Quàm nos precipiti mobilitate rotant!  
Ut rosa dulcissuo turgens in stipite succo,  
Exiit aëreum, sole cadente, decus:  
Mox decussa graui nimborum turbinis ictu  
Disilit, & nitido cassu decore perit.  
Sic homo stelligero ducens primordia calo,  
Quoq; nihil toto pulchrius orbe viget.  
Voluitur, ambiguus per mille discrimina fati  
Carpitur, & varijs obruiturq; malis.  
Mox collecta furit saue violentia mortis,  
Spargit & in gelidam putre cadauer humum,  
Falce sonans, cunctos, nullo discrimine sternit,  
Inijcit & rabidas caeca furensq; manus.  
Dotibus ingenij, nec formæ parcere nouit,  
Nil Rex, nil diues, morte premente, valet.  
Optima prima ferè tetro prosternit hiatu,  
Et citò virtutis rumpere fila solet.*

At mala distinctos intacta relinquit ad usus,  
 Ut numeris consent accumulata suis.  
 Nunc quoq<sub>3</sub>, sorte pari, virtutum foemina donis  
 Euphrosyna potens, mortis adiuit iter.  
 Quam sua nec pietas, nec opima muneris sortis,  
 Nec paterna iuuat gentis auitus honor.  
 Inter vt expansas fragrat rosa candida spinas,  
 Et ponit nitidas sole cadente, comas.  
 Euphrosyna sacris sic dotibus aucta refulsit,  
 Iamq<sub>3</sub> suum posuit, morte fremente, decus.  
 Gratia, forma, vigor, ceciderunt: vnica virtus  
 Restat, in extremis non peritura rogis.  
 Foemine specimen referens illustre pudoris,  
 Coniugij casti pulchra corona fuit.  
 Prodit a diuini voluens oracula verbi,  
 Immota coluit mente, fideq<sub>3</sub> Deum.  
 Ocia deuotans, vitæ fomenta nefandæ,  
 Sedula quod faceret, semper habebat opita.  
 Omnibus officijs coluit venerata maritum,  
 Tristitia constans, letitiaq<sub>3</sub> comes.  
 Candida simplicitas puro sub pectore fulsit,  
 Forma verecundis moribus aucta fuit.  
 Hanc quoq<sub>3</sub>, constanti complexus amore maritus,  
 Præstitit & pactam, non sine laude, fidem.  
 Quantus amor, pietasq<sub>3</sub> fuit laudata duorum,  
 Quam sincera fides, & sine labe torus!  
 Ergo dolet merito clarus pietate maritus,  
 Plangit & vxoris turbida fata sua.  
 Auulsamq<sub>3</sub>, dolet proprio de corpore costam,  
 Hoc vulnus valide cor animumq<sub>3</sub> ferit.  
 Heu seuæ mortis rabiem, tetræq<sub>3</sub>, furorem,

Heu fatum duro non adamante minus.  
 Sed quid flebilibus disrumpimus astra querelis,  
 Fundimus & tristes, ore gemente, sonos?  
 Nil lacrymæ, fletusq; iuuant, mœstæq; querelæ.  
 Nil rabida mortis fata mouere potest.  
 Euphrosina piæ inter defixa cohortes  
 Viuida tranquillis gaudia rebus agit.  
 Illustres inter animas, cœtusq; micantes  
 Aspectu fruitur, colloquioq; Dei.  
 Illi parta quies, & vitæ metæ perennis:  
 Nos agimur varijs, concutimurq; malis.  
 Spiritus in calo, corpus tellure quiescit:  
 Illius in terris fama q; lausq; manet.

---

## ALIVD L. D.

En ego, qui fueram Christi pietatis amator,  
 Hic iaceo sacra contumulatus humo.  
 Ingenuos docui pueros tibi clara Vienna,  
 Et vigilans ista Pastor in ade fui.  
 At nunc ipsa quidem tantis mens libera curis  
 AEthereas arces, lucida tecta colit.

---

ALIVD IN TEMPLO AD D. DO-  
ROTHEAM.

Fuxmagonum vixisse iuuat, rectumq; piûmq;  
 Quod coluit: reliquum somnia vana putat.  
 Dicite, quid melius, qui viuitis? hoc ego tantum  
 Cognoui, vt moriar; nescius ipse mei.

---

ALIVD IN TEMPLO AD  
AVGVSTINIANOS.

Melchior in magni Porthinus Caesaris aula



*Consilio, & iuris clarus honore fuit.  
Et sua viuit adhuc post funera, nominis extat  
Gloria, mens calo reddita, corpus humo.*

---

IN COLLEGIO I. C. AD IMAGINEM  
Iustitiæ, hi duo versus leguntur.

*Reddo cuiq; suum, sanctis & legibus omne  
Concilio mortale genus, ne crimine viuat.*



PRAGENSIA.

---

IN PRAGAM IVL. CAES.  
SCALIGER.

**S**ep̄ta metallifero circum qua monte superbia,  
Hercinia in medio Martia Praga sinu,  
Linque alijs populis tanta munimina sedis:  
Qui nequeant armis iura tenere loci.  
Namq; tuum est, non praesidio turgere locorum:  
Sed loca praesidijs fidere posse tuis.

---

SIGISMVNDI HVNGARIAE ET BO-  
HEMIAE REGIS.

*Caesar & Imperium tuus & ego ROMA, sacratum,  
Rexi non ense, sed pietatis ope.  
Pontificem summum feci, spretis tribus, vnum,  
Lustravi mundum, schisma negando malum.  
Obijt v. Id. Decemb.*

---

D. O. M. S.

ET

PETRI MONAVII Vratislaviensis, Patricis  
familiæ

familia nati, Sacr. Cæs. Maiest. Medici, viri trium  
linguarum, & bonarum omnium disciplinarum  
cognitione cum singulari pietate coniuncta cla-  
riss. MEMORIAE.

Obijt anno M. D. LXXXVIII. XII. Maij:  
Ætat. XXXVII.

---

## ALIVD.

*Vis multa paucis discere, hospes? hoc audi.*

PETRVS MONAVIVS clausus hac iacet  
tumba.

PETRVS MONAVIVS: sed sat hoc, sat audisti.

In nomine ipso cuncta iam recognoscis,

Iam pridem in illo quæ fuisse, cognosti.

Nam fama nulli muta, tuq; non surdus.

Venerare tumbam. dic bene, hospes, & gaude,

Rescisce & hoc hîc, fortè quod minus scibas.

Vix plura didicit paucioribus quisquam:

Vix plura quisquam paucioribus discet.

---

## ALIVD.

MONAVIOS totū dum conscia fama per Orbem

Fratrum vehit par nobile:

Invidit calum, terrisq; migrare, IACOBO,

PETRV M iubet, superstite.

Scilicet vt terras alter repleret, & alter

Diuiso Olympum lumine.

O fortunatos fratres, quorum vnus honori


Terra ambitus non sufficit!



D. O. S.

GEORGIO EMERICO EQ. NOBILISS.  
 Qui cum opifice, & duobus eum seqq. comitibus  
 in Palæstinam profectus, ibique militari dignitate  
 & Equestri super sepulch. Christi ann. M. CCCC.  
 LXV. M. Iul. D. XI. donatus esset: post tot exha-  
 ustos terra marique labores, tanto itinere confecto:  
 cum domum ad suos patre adhuc superstite reuer-  
 tit: tum sacellum hoc D. Crucis, vicinumque cen-  
 taphium ad exemplum expressum, sibi & posteris  
 F. F. Ipse deinceps Reipub. huius Senator, ad an-  
 nos XXXVI. Cos. v. finem vitæ clausit, Anno M.  
 D. VII. M. Ianu. D. XXI.

Ioannes Ioannis F. Georgij Equ. NN. Emme-  
 ricus auo B. M. P. cur. M. D. LXXIIX.



D R E S D A E.

S V B S T A T V A H E R C V L I S .

**D**I V O Maximiliano II. Imperatori Maxi.  
 Caf. Augusto, ob desideratiff. illius aduen-  
 tum, Augustus Dux Saxonix, Elector, gratu-  
 lationis & obseruantix ergo fieri curauit, vt heros  
 inclitus sectam Calvinisticam in has terras irrep-  
 tam, & dissimulanter nutritam, Deo iuuante suo,  
 & opprimeret & vinceret: sicuti Lernam Hercu-  
 les, numerosum licet monstrum, igne tandem vi-  
 dit, & mori docuit.

L Y N .



---

 LYNZII.
 

---

 IN COEMETERIO EXTRA  
 VRBEM.

**M**ole sub hac cali, sublatus amore IACOBVS  
 Conditur, Hubera lapsa columna Domus.  
 Boius hic, Austriadum postquam se dedit aula,  
 Caesaribus meruit nomen, opesq; tribus.  
 Hinc pietas vitæ fessumq; labore caducis  
 Vltimus rebus noluit esse super.  
 Nam merus est hac vitæ labor, quod tardior exit,  
 Longior hanc vinctam carcer & umbra tenet;  
 Lustra bis exegit cum sex, September ademptum  
 Tertius, è thalamo transtulit in tumulum.  
 Agnus erat vitæ patiens, ac moribus agni:  
 Nunc igitur Christi sanguine saluus ouat.  
 Hic Brigitta Viro plangit viduata, sed illic  
 Notus, & excepit Barbara nupta senem.  
 Tempus erit, coetum cum nos tuba coget in vnum,  
 Et pia mors, vitæ ver melioris aget.

---

 IBIDEM.


Quod Tria sit Deus, ac vnum, sit noscere prima:  
 Proxima cura tibi sit, benè posse mori.

---

 IBIDEM.

AVMLNERA solo cubat hoc decus ANNA  
 Et pudor, & pietas presidiumq; domus. (mariti,  
 Vixit ter septem STRVZO cum compare messes,  
 Letho post partum concidit vndecimum.

*Nata tres, totidem perierunt funere nati;  
 Matri iam supera plaudit in arce chorus.  
 Tres genitrix natas, duo germina morte reliquit  
 Mascula, spem generis, deliciasq; patris.  
 Incolumem soboli pia longum Fata reseruent,  
 Patris & hic serò contegat ossa locus.  
 Casarei secreta fori quod scrinia poscunt,  
 Quod cor, consilijs sustinet ille suis.  
 At vos STRVZIADES summo contendite nisu  
 Ire pares, gestis vel superare patrem.  
 Hoc Genitor gaudet, nam quisq; profundius auctus,  
 Altius eximios quò videt ire suos.*



## VRATISLAVIANA.

ANNAE, ET ANNAE-MARIAE FILIA-  
BUS DVLCISS.

**V**Os etiam ignotas mundo, sed sanguine mūdas  
 Christi, commendat cura paterna pijs.  
 Imperio mortis superato, viuite Christo,  
 Et capite aeternae gaudia latitiae.  
 Me quoque, qui senio propior properantibus ad vos  
 Cursibus aduento, suaviolo excipite.  
 Viuemus: spes hac irbet hinc discedere latos,  
 Non moritur massa portio, Christe, tua.

IOHAN. CRATO VRATIS. IMPP. D. FER-  
 DINANDI I. & D. MAXIMILIANI II. AVG.  
 CAES. P. F. MEDICVS PHYSIC. D. MOR-  
 STISS. P. AN. M. D. LXVII.

---

 IOANNIS CRATONIS IMPP.  
 MEDICI.

*Cesaribus vixi tribus intimus, arte medendi  
 Me Pater asciuit, Filius, atque Nepos.  
 Quem mihi iactato das portum, Christe, quietis,  
 Hunc teneo, iungas dum mea membra tibi.  
 Obijt ann. salut. M. D. XXCVI. ætat. LXVII.*

---

D. O. M. S.

MIRABILIS IN ALTIS DOMINVS.

*Collapsa est turris Siloë madefacta cruore,  
 Pyramide hac nostra, nemo, cadente, perit.  
 Nam iussu Domini exceptam (cui gloria soli)  
 Angelica molem deposuere manus.  
 Ambrosij Moibani D.*

---

MAGDALENÆ KROMAYRINÆ, VX-  
 ORIS BARTHOLOMÆI METELLI,  
 Episcopi Vratislaviensis Can-  
 cellarij.

*Magdalis hic somnum coniux tua carpo, Metelle,  
 Corpore: mens supera viuit in arce Deo.  
 Nos ibi lata dies longum coniunget in æuum,  
 Et sine tristitia gaudia plena dabit,  
 Tempora cum mundi celo nos summa reducent,  
 O desiderio tempora tarda meo!  
 Interea vidui dum perfers tædia lecti,  
 Vt mihi cura tui, sit tibi cura mei.*

---

IN SAXO TVMVLI.

LXVI. ætatis annum agens obiit Saurus. Dimi-  
 dium autem, vel eo etiam minus, an vixerit, mor-

tuus etiamnum addubitat. M. D. XXXV. D. XXI.  
Mens. Ianuar.

SVSANNÆ VOGTÆ FEMINÆ LE-  
CTISS. VXORIS IACOBI MONAVII.

*Hoc tibi verus amor, Coniux dilecta, sepulcrum  
Consecrat, hoc veri pignus amoris habe.  
Moribus & castam retulisti mente Susannam,  
Ipsa SVSANNA Deo, & casta SVSANNA viro.  
Ergo tibi pietas quodcumq; ex marmore struxit,  
Promeruit pietas id tua sancta tibi.*

EPI T A Φ I O N

Filiolæ Dn. IACOBI MONAVII

Patric. Vratisl.

Ex nominis eiusdem Anagramma-  
tismo de promptum.

MAGDALENA MONAVIA.

O ANIMA VALDE MAGNA!

*MAGDALIS hic iaceo magni vnica nata Monaul,  
Surrectura bene hac, qua bene condor, humo.  
Paruula erā, in vite ancipites cum nascerer auras;  
Paruula, mi donec vita manebat, eram.  
Paruula eram, de me cum spes foret ampla parenti;  
Paruula, cum raperet spem via mortis, eram.  
At nunc cœlicolam magna ad sociata corona,  
Postquam deposui flebile carnis onus,  
Magna feror, magni magno sub numine IHOVÆ;  
Magna super magnos orbe leuata polos.  
Magna feror, capiti membrum insita nobile Christo;  
Magna sub electis, angelicisq; chorus.*

O ANI-



O ANIMA! O VALDE MAGNA! *ô bene  
paruula quondam!*

*Paruula humi, calo magna: quid inde mali est?*

S. GRVNAEVVS Facieb.

CHRISTIANI MONAVII F. PRIMO-  
GENITI EX SECVNDIS NVPTIIS  
IACOBI MONAVII.

Hic CHRISTIANVS IACOBI MONAVII S  
*Prolestenella dormio.*

*Mundi theatrum immundum vix tetigi: cito*

*Ingressus, egressus cito.*

*Dicamné, veni, vidi, vici ego puer?*

*Quid ni? triumpho in aethere.*

Natus x. Martij. Obijt XXI. Mart. ann. M. D. X C. I.

INSCRIPTIO MVSÆI MONA-  
VIANI.

Domino Deo nostro IESV CHRISTO, vnico  
regni sanctorum heredi: perenni vitæ fonti: triu-  
phanti mortis victori; æterno beatarum anima-  
rum hospiti, Sacr.

Summa in his terris tum sapientia, tum felicitas  
est, posse quiescere, ac sua potius agere, & propria,  
quàm aliena. Deinde vtraque fortuna, & siue sit  
agendum, siue patiendum, in DEVM potius, quàm  
in homines respicere, & ab eo solo pendere. Mor-  
tem denique suam perpetuò sic meditari, vt pecca-  
tum potius fugiatur, quàm illa nimis metuatur.  
Mundum præterea, quæque sunt illius, despiciere  
simul, & odisse. De vita perpetua magis, quàm de  
hac fragili, & caduca sollicitum esse: Animæque  
curam gerere maiorem, quàm corporis, & ita sese

comparare, vt anima prius læta iubensque hinc in  
 cælos euolare cupiat, quàm è tabernaculo suo euo-  
 cetur.

M. R. V.

Pſalm. xc. Domine doce nos ſcire numerum  
 dierum noſtrorum: vt ambulemus corde ſapiente.

Θυμέβλέπον ἄνω: χθονίων δὲ ἐπιλήθεο πάντων.

IPSE FACIET.

IN AEDIBVS IOANNIS CRATO-  
 NIS MEDICI CAES.

*Tu quoque fac timeas, & quæ tibi læta videntur,  
 Dum legis hæc, fieri triſtia poſſe, putes.*

SVPRA IANVAM CVBICVLI.

Optimo Maximo ſeruatori omnium, vni in Tri-  
 nitate Deo, IOAN. CRATO artis medicæ D. ſe  
 ſuaque omnia pijs votis commendans S. M. D.  
 LXVII.

IN INFERIORI HYPOCAVSTO.

Quid ſis; quid fueris, quid eris, ſemper medi-  
 teris.

IN MENSA, QVAM ACCEDIT  
 A CAESARE.

In hæc menſa Diuus FERDINANDVS Imp.  
 Aug. P. F. pacificus, priuſquam lethalis morbus  
 lecto opt. & beatiff. principem affligeret, multis  
 menſibus cibum ſumpſit: Imper. verò Maximilia-  
 nus II. F. Aug. perp. cum in meditationibus ſaluta-  
 ribus verſaretur, ſua manu ſententias plenas pie-  
 tatis & humanitatis inſcripſit. Haſ poſteris ſalu-  
 tares,

cares, CRATO sacratissimorum Imperatorum Medicus, ne hanc tabulam, qua vfos, & sustentatos diuinos Monarchas intelligant, tanquam vile lignum haberent, studio ac diligentia sua conseruauit.



## SALISBURGI.

IN NOSOCOMIO AD S. SEBASTIANVM.

**C**onditur hic PHILIPPVS THEOPHRASTVS insignis Medicinæ Doctor, qui dira illa vulnera, Leporam, Podagram, Hydropisim, aliaque insanabilia corporis contagia mirifica arte sustulit, ac bona sua in pauperes distribuenda collocandaque honorauit. Anno M. D. XLI. D. XXI V. Septemb. vitam cum morte mutauit.

*Aurea pax viuis: requies aterna sepultis.*

IN AMBITV BENEDICTORVM  
APVD D. PETRVM.

Viator preces funde, KNOLLIVS hic iacet.

*Abi moriture.*

D. O. M.

Clarissimo viro HIEREMIAE KNOLL. V. I. nec non inelytæ Salisburgensis Prouinciæ Cancellariatus officio functo; qui XVII. Octob. anno à reparatâ salute M. D. XCIV. ætatis verò suæ LVII. piè in Christo obiit, parenti suo HENRICVS KNOLL. Fil. amoris & pietatis paternæ memor, hoc monumentum pos. inœstissimus.

## IBIDEM.

DOMINO SEBASTIANO HOFLINGERO Ba-  
 uaro I. C. Equiti aurato, vtriusque tam Cæsarei,  
 quàm Pontificij Palatij Comiti, viro nobiliff. &  
 clariff. qui Iurisperitia, Consilio, ingenij dexter-  
 itate, vitæque integritate eousque innotuit, quod à  
 summis Christiãni orbis Monarchis, maximis  
 priuilegijs donatus, duorum Archiepiscoporum,  
 eorundemque Principum Salisburg. MICHAELIS  
 & IOAN. IACOBI Cancellarius fuerit; aliaque  
 non mediocria officia cum laude gessit, amore  
 Principis sui, & Reip. re priuata posthabita, im-  
 mensum laborauit. Laboribus tandem exhaustus  
 laborando mortuus anno Christi IESV M. D.  
 LXXIII. D. XXVIII. Octob. qui fuit Dominic.  
 I. Aduent. I. CH. D. N. cùm vixisset ann. L. M.  
 X. D. XXVIII. Hæredes monumentum hoc cor-  
 pori, in eius æde, cui animus se dicauerat, mœsti  
 PP. Eidem ob singularem candorem, & de omni-  
 bus bene merendi studium, tam Ciuibus, quàm ex-  
 teris charo, Ioan. Bapt. Ficklerus, & Hieremias  
 Knollhus I. V. DD. elogium hoc qualecunque, gra-  
 ti animi ergò, dictauerunt H. M. H. N. S.

## AD D. RVPERTI.

*Post tot perpeffas corrente atate labores,*

*Ingressus portum, mersus & hic iaceo.*

*Ergò fallaces spes, & fortuna valete,*

*Nil mihi vobiscum: ludite nunc alios.*


## NEAPOLI AVSTRIAE.

IOANNES KATZIVS, Nouiomagus Philoso-  
 phiæ



phiæ ac Medicinæ Doctor, huius vrbs, & DD. Pro-  
uinciæ Austriæ inferioris Physicus ordinarius, con-  
iugi suæ desideratissimæ Pos. Anno Domini M. D.  
LXXXIII.

Hoc tibi, mea MAGDALENA, postquam me  
deserens hinc abisti monumentum statui, tecum  
quotidianus vt loquerer, nec, si mihi non respon-  
des, non respondebit desiderium tui, per quod ipsa  
mecum semper es: aut obmutescet memoria, per  
quam nûc tecum loquor. Aue ergò mea MAGDA-  
LENA; ybi enim ossa mea tuis miscuero, vterque  
simul bene valebimus. Viuens vixi tecum ann. xvi.  
victurus post mortuus tecum spe lætissimæ resur-  
rectionis, æternitatem perpetuam.



## AD OENIPONTVM, IN COENOBIO STAMSIANO.

DN. SEVERINI DVCIS SAXONIAE  
monumentum.

**A** Ere. SEVERINVS princeps hoc claudi-  
tur: artes

*Cum natis regis dum colit ille bonas.*

*Indole magnanima iam patrem aquabat, auumq;*

*Quos celebrat summos Saxonis ora Duces.*

*Augustus fieri hac fratri monumenta iubebat,*

*Post messem vndecimam, quem tulit atra dies.*

DN. SEVERINO, Duci Saxoniae, ad Henrici  
patris & Alberti aui virtutem, indole pietatis ac  
magnanimitatis aspiranti, patriæ in spe summa c-  
repto Dn. Augustus frater P. C. Toti genti Saxoni-  
cæ luctum, liberis regijs, quibuscum educabatur,

desiderium reliquit. Vixit vltra annum XI. M. I.  
D. XIII. Obijt ann. 1533. VI. Id. Octob.

---

INTER OENIPONTEM, ET BRIXIAM  
PROPE VICVM STEINACVM.

Imp. Cæs. CAR. V. P. F. Aug. ex Hispania Italiaque, susceptis imperialibus coronis aduenienti: & Ferdinando Hungariæ, Bohemiæque Regi, è Pannonijs occurrenti: optimis principibus, ad perpetuam publ. lætitiæ memoriam, quod fratres annos ante IIX. digressi; summis inter mortaleis honoribus, regnis, triumphis aucti; hoc in loco salvi sospitesque conuenerunt 1530.

Frid. Franlius à monte niueo, Steinaci Præfectus mandato regio F. C.



HELVETICA.

---

IN COENOBIO CHVNGHFELDENSIS,  
MONVMENTVM CAROLI CRASSI

*Regis Sueuiæ, pronepotis Caroli  
Magni.*

**C**AROLVS CRASSVS Rex Sueuiæ, Pronepos Caroli Magni, Italiam potenter intravit, eamque deuicit: imperiumque Romanum, vbi Cæsar coronatus, obtinuit; ac mortuo fratre suo Ludouico, vniuersam Germaniam & Galliam iure hæreditario acquisiuit. Demum animo, mente & corpore deficiens, ab imperio, sanè magno cum fortunæ ludibrio, deiectus, à suis omnibus postpositus humili hoc in loco sepultus iacet. Obijt anno Domini 888. Idib. Ianuar. in cuius  
memo-

memoriam Christophorus Dei gratia Episcopus  
Constantiensis, Augiæque maioris Dominus, mo-  
numentum istud de nouo restaurari, & refici cura-  
uit.


SAXO, SVB QVO CONDITVR, HAEC  
incisa leguntur.

*Pannonas, & Cimbroſ diuerſo Marte ſubegit*

*CAROLVS à Crasso corpore nomen habens.*

*Sed bene quas iuuenis regni tractâr at habenas*

*His iterum ſenior diſpoliatus obit.*



## MVRATHI.

D. O. M.

**C**AROLI inclyti & fortissimi Ducis Bur-  
gundiæ exercitus Murathum obsidens, ab  
Heluetijs cæsus, hoc sui monumentum reli-  
quit Anno M. CCCC. LXXVI.



## BERNAE.

**F**ELICI memoriæ BLASII MARCVARDI,  
doctiff. Theologi & Philosophi, &, quod  
maximum, optimi viri: qui in ipsa ætatis suæ  
ætate, dum patriâ, & amici auctioré ab ipso mes-  
sem sperabant, in cælum commigravit: Ioannes  
Seranus, amicus amico moerens posuit.



## SELESTADII.

IN CATHEDRALI.

**T**A Τῶν βροτῶν ἐφήμερα,  
βίῳ καὶ πνῶ, σκιάς ὄναρ.

Εὐωλον ἀνθρώπων ἔφυ.  
 Οὐκ ἔλθῃ, αὐχρῦσθ, γένῃ,  
 Τυραννίς οὐδ' εὐμορφία,  
 Οὐδ' εὐμαδὲς μόρον φύγει  
 Βαίνει γὰρ δὲ ἀφ' ἡνίκε βροτῆς  
 Πολυμόχθοισι (λείβετε  
 Νῦν δάκρυον) θεῶν μέγας  
 Βεατὸν ἤρπαζεν νόθῃ  
 Πρὸς ὀλίγων χόρως ἀγαμ.  
 Ὅς ἦν μὲν δῆμα παζῆθ,  
 Καὶ κλεινὸν ἔυχθ' θευτόντων.  
 Μήσασι προσφιλέσασθ  
 Ἑλληνικῶς, καὶ πῆμιθ.  
 Ρωμαϊκῶς. σὺ δὲ ἐτύχει.

Et paulò inferiùs:

Πᾶσα μὲν οὐρανή στρατὴ γήθητεν Ἴονη,  
 Πᾶσα ἣ Σιελσαδίων ἐσονάχητε πόλις.



## FRIBVRGI BRISGOIAE.

**H**VLDRICHO ZASIO I. C. suorum tem-  
 porum toto orbe celeberrimo: huius Aca-  
 demix ornamento singulari: & Reip. Fri-  
 burg. in restaurando Iure municipali iam olim  
 strenuam operam nauanti, alijsque multis nomi-  
 nibus de se bene merito: Magistratus officij me-  
 mor fieri iussit, Concessit naturæ anno Salut. CIO.  
 IO. XXXV. VIII. Calend. Decemb.

ALIVD.

ZASIVS hic situs est: cuius schola Iure peritos.  
 Tot dedit, armatos Tros. quot Equus Danaos.

ALIVD



## ALIVD.

*Sparge sacro cineri flores, hac conditus vrnâ est*

*FALLERIVS, Themidis gloria, iuris bonos.*

*Maximus ille toga fatis ereptus iniquis,*

*Nunc apud æthereum iure tribunal agit.*

*Is, HVLDRICHE, tibi sub eodem puluere Zafi,*

*Proximus vt tumulto, sic fuit ingenio.*

*Obijt anno Salut. CIO. IO. LX. D. XVII.*

*Octob. ætat. suæ XXXVIII.*

## IBIDEM.

HENRICVS GLAREANVS poëta Laureatus, Gymnasij huius ornamentum eximium, expleto feliciter extremo die, componi hîc ad spem futuræ resurrectionis prouidit, cuius manibus, propter raram eruditionem, candoremque in præfitendo, Senatus Reip. litterariæ gratitudinis & pietatis ergò monumentum hoc æternæ memoriæ consecratum, posteritati vt extaret erigi curauit. Excessit è vita, anno sal. CIO. IO. LXIII. D. XXVIII. M. Maij. ætat. suæ LXXV.

*Πολλὰ χε γράμων, & πολλὰ παθῶν ἐν παιδοδιδάσκειν,*

*Ἐνθάδε νῦν κείμα σὺν θεῷ ἡσυχίῃ.*

*Quod sic Latinè sonat.*

*Multa tuli, didici, docui, dum fata sinebant,*

*Mortuus in summo iam requiesco Deo.*

*Obijt ann. M. D. LXXIX. XVI. Id. Iun. ætat. LXXV.*

## IOANNIS CAMPENSIS.

*CAMPENSIS præstans sanctæ mysteria lingue*

*Dauidicos psalmos fusius explicuit.*

*Non sine laude diu Venetâ prælegit in vrbe,*

*Obtinee*

*Obtinet hinc Romæ multa sacerdotia.*

*Louanij statuit vitam finire docendo,*

*Friburgum veniens peste repente perit.*

*Ne fortasse senem mutet fortuna secunda,*

*Hinc iuuenem campos misit in Elysios.*

*I nunc, rara studens Hebræis iungito Græcæ;*

*Mors etiam doctos opprimit atra viros.*

ALARDVS AMSTELRODAMVS amico pos.



## FRIBV RGI HELVETIO- RVM IN D. NICOLAI.


D. O. M.

**V**enerandus in Christo Pater PETRVS CANISIVS Theologus, Nouiomagi natus, Societatem IESV tertio à cōfirmatione illius anno ingressus, ac Sacerdotio insignitus, ob magni simul & placidi animi præstantiam, à Colonienſi Ecclesia ad Carolum V. Imp. ab Ottone Cardinale Augustano ad S. Concilium Trident. à Carolo V. Imp. VVormatiam cōtra Melanchthonem hæreticum; à Pio IV. Pont. Max. ad Principes Germaniæ in fide confirmandos missus: postquam Romæ, in Siciliæ & Germaniæ Academijs docuisset; diu apud Ferdinandū Imp. & passim summa cum laude Verbum Dei prædicasset; primus Prouincialis Societatis eiusdē in Germania ab ipso Societatis auctore P. IGNATIO datus fuisset, scriptisq; fidem Catholicam egregiè illustrasset, auspicijs Reuerendī D. Ioannis Francisci Episcopi Vercellensis, Nuntij Apostolici Friburgum Sexagenarius venit, Collegij Societatis fundamēta iecit, multa præclara documenta dedit, & quasi quidam Friburgensium pa-

TRONVS,

tronus, Ecclesię per Heluetiam Patriarcha, religionis Catholicę sui tēporis columna, toto Christiano orbe notissimus; fide, prudentia, indefesso scribendi labore, abstinētia perenni, grauitate, animi puritate, flagrantissimo Dei amore, multaq; sanctitate clarissimus: migravit ad Christū, festo S. Thomę Apostoli M. D. XCVII. Anno ætat. LXXVII.

*A nobili Patricio Ioanne Wild amoris ergò erectum.*



## INGOLSTADII.

IN SCHOLA THEOLOGORVM,

PETRO CANISIO SOC. IESV COL. THEOL.

**P**ETRVS CANISIVS Neomagensis è Geldria, S. Theologię Doctor, primus ex Germanis Soc. IESV religiosus, verè Germanus; ac deinde eidem Societat. in Germania primus Prouincialis præpositus ab ipso B. IGNATIO datus; ob insignem animi moderationem, constantiam, prudentiam, à summis ad summa non rarè missus, vocatus, postulatus: à Guilielmo IV. Vtriusque Bavarix Duce ad hanc Academiam, in qua Professoris Theologi & Rectoris munere functus; ab Ottonne Cardinale Episcopo Augustano ad S. Concil. Trident. à Carolo V. Imper. in causa religionis VVormatiam; ab Imp. Ferdin. Augustam, atque ad Episcopatum Viennensem, quem recusauit; à Pio IV. Pontif. Max. ad fidem in Germania ac Polonia propugnandā, propagandā &c. Cùm & sacris concionibus, etiā apud Imp. Duces, assiduè habitis, & varijs libris, p fide, pro pietate editis, rē Catholicā mirificè iuisset, promouisset; ob perpetuam vitæ innocentiam, & summā in omni virtute præstantiam, admitt-

admirabilem sanctitatis opinionem consecutus,  
 tandem Eriburgi Heluet. sanctam animam Deo  
 reddidit die festo S. Thomæ Apostoli, Anno M. D.  
 XCVII. ætat. LXXVII.

---

STATHAGAE.

---

EPITAPHIVM D. OTTHONIS  
 COMITIS SCHOUMBVRGII.

**H**ic virinq; suæ consortis imagine cinctus  
 Stat Comes Illustris Iodoci filius OTTHO,  
 OTTHO Comes Schoumburgiaca primaria gentis  
 Gloria, consilio præstans, dextraq; fidelis  
 Ensiserâ, Turcuq; olim Gallisq; tremenda:  
 Cesaribus dum pro patrÿs, & rege Philippo  
 Bellagerit victor. Sed quem nec tela, nec hostes  
 Denicere, ardens mox pustula vicit, amanti  
 Et patria eripuit. flet Mars, flevere Camæna.  
 Ipse agat æternos caelesti in pace triumphos.

---

EPITAPHIVM MARIAE POMERANA-  
 NICAE D. OTTHONIS COMITIS  
 Schoumburgij vxoris.

Hæc M A R I A est Pomeranorum sata principe. fortè  
 Barmino, quam conspicuus florentibus annis  
 Ottho Comes sibi consortem delegit, amore  
 Casto ardens: cui fuluo auro magis aurea virtus  
 Corpore in eximio regnans, animusq; pudicus,  
 Admorant faculas. quater illam masculus hæres  
 Effecit matrè, quorum OTTHO hæc conditus vnus,  
 Tres etiam nunc consilio & virtute supersunt,

In pa-



*In patria & foris illustres, & honoribus aucti.  
E celo genitrix quibus omnia fausta precatur.*

## IN STATVAM.

ELISABETHAE VRSVLAE LVNEBURGIA-  
cæ, D. Otthonis Comitis Schoumburgi  
relictæ viduæ.

*Pulcra quidem hæc statua, & marrona illustris ima-  
go est,*

*Pulcra oculos, formosa genas, digitosq; tenellos;  
Sed quæ viua, memor mortis, sibi talia condi*

VRSVLA mandauit, longè est formosior illis.

*Omnia sunt muta hîc, motuq; & sensibus orba.*

*Illi autem pulcro mens est in corpore longè*

*Pulterior, est sermo, mentis pulcherrimus index:*

*Est pietas grege castarum comitata sororum.*

*Ergò illam viuam potius, quàm flebile marmor,*

*Vt liceat spectare, pio Patria ore precatur.*

MEMORIAE IOANNIS CRVSII  
ISLEBENSIS.

*Cui vitam Islebium dederat, cui Baltica Rhodus  
Excoluit mentem & vocem; Schoumburgius heros,*

*Cuius consilijs operaq; est vsus alacri;*

CRVSIVS hîc recubat, qui dum seruire paratus

*Omnibus est; sibimet non sat bene seruijt ipsi.*

*Tabæ etenim illius sicca hæc sub mole quiescunt*

*Ossa, sed æterna fruitur mens viua quiete,*

*Viuentem & multis, ne sit sibi mortifer vni,*

*Admonet, accusans passim diuersa sequentes.*



# BASILEAE.

D. O. M. SACR.

**F**R. IOAN. CANONI Norimbergensi Theologo, Græcæ linguæ callentiss. latinæ scientiss. singulariq; per omnem vitam integritate prædito, qui spe iuuandi meliores litteras, ob immaturam mortem, non nihil frustratus est: beatus Rhenanus, pietatis ergò præceptori B. M. de suo fecit. Vixit ann. circiter L. Obijt anno Domini D. D. D. XIII. Nono Kal. Martij. Vale, & abi in rem tuam.

LVDOVICI PONTANI, cog. ROMANI I. V. D.

Auct. AENEAE SYLUIO.

*Si mille aut totidem rapuisses vsq; virorum  
Pestis, adhuc poteram parcere seu a tibi.  
Viuens. quo nusquam fuerat præstantior alter,  
Extinctum potius reddis iniqua lues.  
Quem fletis leges, quem fletis iura, sacriq;  
Nunc Canones: obijt, quem coluistis herus.  
Hic vos ornarat, vestras, vbi cumq; fuerunt,  
Soluerat ambages: nunc sine voce iacet.  
Heu voces! heu verba viri diuina! memorq;  
Ingenium! quo vis nunc tua multa loco est?  
Heu ROMANE iaces, quo non Romanior vllus  
Antè fuit, quo nec fortè futurus erit.*

Te p.

*Te pater, & charus retur modo viuere frater,*

*Heu quantos gemitus ille, vel ille dabit?*

*Te Roma, atq; omnis plorabit Etruria, teq;*

*Totapetet lacrymis Itala terra pijs.*

*Te nunc Concilium, te nunc vlulatus vnus*

*Ipsa quoq; extinctum querit at Ecclesia.*

*Heu vanas hominum mentes, heu pectora caca!*

*Cuiq; dies certum est fata dedisse suos:*

*Et nos, cum superi statuent, veniemus ad illos:*

**NEMO PARVUM VIXIT, CUI BONA**

**VITA FVIT.**

Obijt ex pestil. s. Id. Iul. tempore Concil.

Basil.

**SAXO SEPVLCRALI HAEC IN-  
SCRIPTA SVNT.**

Anno Domini M. CCCC. XXXIX. Reue-  
rend. in CHRISTO Pater Dn. LVDOVICVS  
PONTANVS de ROMA I. V. D. egregius, S. se-  
dis Apostolicæ Protonotarius, cuius anima R. I.  
P. Amen.

D. O. M.

*Arida IOANNIS tegit hic lapis ossa FRO-  
BENI:*

*Orbe viret toto nescia fama mori.*

*Moribus hanc niveis meruit studijsq; iuuandis,*

*Que nunc mæsta iacent orbaparente suo.*

*Rettulit, ornauit veterum monumenta sophorum,*

*Arte, manu, curis, ære, fauore, fide.*

*Huic vitam in celis date, numina sancta, perennem:  
Per nos in terris fama perennis erit.*

PARENTI CHARISS.

MOESTA LIBERORVM PIETAS,

AD DEFVNCTI MEM.

LVCTVSQ. SVI SOLATIVM

POSVIT.

AN. M. D. XXVII. MENS. OCTOB.

---

ALIVD.

IOANNIS PETRI Langendorfensis, viri raris  
animi virtutibus & incomparabili ingenio prædi-  
ti, cui formandorum librorum ars multas instru-  
mentorum commoditates acceptas fert: ac BAR-  
BARAE MELLINGERAE coniugis opt. suauis-  
simæque: nec non FRANCISCI, FRIDOLINI &  
IOAN. HENRICI liberorum in ipsis vitæ rudi-  
mentis sibi faustè, parentibus infeliciter extinc-  
torum, hîc quiescunt cineres. Obijt ille III. Kalend.  
Maias. M. D. XI. Hæc VII. Id. Nouemb. M. D. XII.

IO. FROBENIVS ὁμότεχνος καὶ ὁμοπαῖς  
Patrono B. M. Ponendum curavit M. D. XIX.

---

AMERBACCHIORVM.

Quo nullus suo seculo fuit, cùm in excudendis  
libris nitidior, quod sumptuosæ dexteritatis est;  
tum in ijsdem ad veterum exemplarr. fidem resti-  
tuendis diligētior, quod eruditionem, & laborem  
requirit;

IOANNES AMERBACHIVS hîc cubat cum  
BARBARA ORTEMBERGIA singul. pudic.  
femina, ac BRVNONE BASILIOQ. filijs, præ-  
properè quidē hinc ereptis, sed antè tamen eru-  
ditio-



ditione sua trilingui per laboriosiss. Hieronymian. operum recognitionem, quibus nunc docti ubique gent. fruuntur, orbi toti commendata.

---

BONIFACIVS AMERBACHIVS

Parentibus, & fratribus opt. sed & MARTHÆ FVCHSIAE vxori suæ Christianarū virtutum dotibus incomparabili, cum VRSVLA ac HESTERA duabus filiolis, hic quiescenti: Item sibi ipsi, liberis suis superstitibus, FAVSTINAE, BASILIO, IVLIANAE, posterisque in humanæ fragilitatis memoriam F. C. parentibus, fratribusq; iam olim, vxore verò in ipso ætatis flore cum filiolis haud ita dudum, expectandi censorij, nouissimiq; diei ergò collocatis. Anno M. D. XLII.

---

ALIVD.

*Hic iacet ante diem fatis ereptus iniquis,*

*Gentis Amerbachia gloria prima BRVNO.*

*Non tulit vxori superesse maritus amate,*

*Turtur vt erepta commoriens socia.*

*Hunc blanda lugent Charites, Musæq; trilingues,*

*Canaq; cum casta simplicitate fides.*

ERASMVS ROTERODAMVS amico POS.

---

CHRISTO SERVATORI SACR.

Def. Erasmo Roterodamo, viro omnibus modis maximo, cuius incomparabilem in omni disciplinarum genere eruditionem, pari coniunctam prudentia posteri admirabuntur & prædicabunt: Bonifacius Amerbachius, Hieronymus Frobenius, Nicolaus Episcopus hæredes, & nuncupati potestatem suæ voluntatis vindices, patrono optimo,

non memoriæ, quàm immortalem sibi editis lucubrationsibus comparauit, ijs, tantisper dum orbis terrarum stabit, superfuturo, ac eruditis vbique gentium collocuturo; sed corporis mortalis, quo reconditum sit, ergò, hoc saxum P. P. P. Mortuus est 4. Id. Iulij, iam septuagenarius. Anno à Christo nato M. D. XXXVI.

---

IN SAXO, QVO SEPVLCHRVM INTEGRITUR, est Terminifacies, basi quadrata, cum his verbis:

DES. ERASMV M ROTERODAMVM amici sub hoc saxo condebant, quarto Eid. Iulias, anno 1536.

---

IVLIVS CAESAR SCALIGER.

Tu ne etiam moreris? ah quid me linquis, ERASME,  
 Ante, meus quàm sit reconciliatus amor?  
 Túne etiam? cui tam paruus fuit orbis, vt alta  
 Expleres mentis fulmina torua tua.  
 Ergò sidereis postquam est subducta quadrigis,  
 Atque Dei lato lingua recepta sinu:  
 Ille ego, qui insana ridebam vulnera mortis,  
 Conditag, A Etnæa tela trifulca manu;  
 Ad quoduis stupeo momentum, ac territus asto,  
 Maxima cum videam numina posse mori.

---

HVLDRICHI ISELII

I. V. D.

Cultor Iustitiæ fui seuerus,  
 Et vera Pietatis indagator,  
 Vtramq, ad superos Comes secutus,

Hæc

*Hoc natos moneo ac seros nepotes,  
Discant Iustitia, ac Deo placere.*

Obijt ann. C. M. D. LXIV.

---

ALIVD.

CONDITVS EST SVB HOC SAXO,  
MICHAEL ISINGRINIVS, Vir pietate, virtu-  
te, atque doctrina eximius: inter principes typog-  
raphos Basileenses non postremus. Qui ante di-  
em cum summo omnium bonorum luctu in Do-  
mino obdormiuit, die III. Martij. ann. salut. no-  
stræ 1557.

*Huic tu, qui transis, pacem, requiemq̄, precare:  
Ac, vitæ numerans tempora, discere mori.*

---

D. IOHAN. HVBERI ARCHIATRI  
BAS. AN. AETAT. LXV. SAL. M. D.  
LXXI. defuncti.

*Heic vrbis AEsculapius,  
Scholæq̄ gloria Rauraca,  
Medicæq̄ Idea conditur.  
Nec Dij pereunt, neq̄ Idea.  
Nec tu putato mortuum,  
Quem virtus, eruditio,  
Perenne fama celebrat,  
Quem Christus aeternum beat.  
Ab ei, & bonis cum viuere,  
Discito, cum pijs mori.*

---

D. O. M. S.

EVCHARIO HOLZACH,  
Patri pientiss. non tantum, vt supremum ac  
Aa 4 debi-

debitum pietatis munus: Verùm etiam vt testimo-  
nium exhiberent, eundem virum opt. totos, quos  
honestè & bene vixit, annos LXXII. iustis ingenij  
& fortunæ opibus, numerosa prole, Medicina cla-  
rum, ciuibus suis semper profuisse, obfuisse nulli:  
HIERONYMVS HOLZACH F. cum fratribus  
ac sororibus mœstiss. B. MER. P. F. C. Spiritum  
Deo redd. An. 1558. Id. IXbr.

## C. S.

MARIA LVMPARTIN. non felix, sed casta  
matrona; AND. KELLERI, huiusce Reip. Trib.  
desiderium. Ann. sal. M. D. XXC. sanctæ vit. XXV.  
spe vitæ melioris exuit.

## D. O. M. S.

HIERONYMO FROBENIO  
Ioannis F. Typographo. clariss.  
inter initia foed. Helueti  
Basileæ nato,  
de Repub. liter. optumis autorib.  
emendatè atq; eleganter edend.  
præclarè merito:  
humanitate ac beneficentia  
domi forisque omnib.  
charo;  
in acerbiss. ac diuturnis  
stomachi cruciatibus, quib.  
& extinctus est,  
supra fidem  
ad extremum vsque patientiss.  
M. S. ergo:

AMBROSIVS & AVRELIVS FF.

paren-



parenti longè chariss.

M. P. P.

B. Annos LXI. Mens. VII. Dies VII.

anno Christi M. D. LXIII.

III. Eid. Martij.

CONDITORIVM HOC HABET  
distichon.

*Gentem expectamus nostram, spes altera vitæ;  
FROBENII quondam, nunc gelidi cineres.*

ALIVD.

GVILIELMO GRATAROLO Bergomenfi,  
Artium, ac Medicinæ Doctori, medicique filio, in  
medicorum Basil. collegium cooptato, ob relig.  
exuli, coniugi cariss. Barbara Nicotia F. C. obiit  
ætat. suæ ann. 52. Christi 1568. D. 16. April.

TRIVM FILIARVM C. S. CVRIONIS  
PIET. VIRTVTI, HONORI D.

ANGELAE, COELIAE, FELICI, puellis no-  
biliss. quarum ingenium, candor, pietas, industria,  
pudor, morum elegantia, & sanctitas grata Deo,  
multis nota, probata bonis, parentibus iucunda  
fuerunt:

Coelius Secundus Curio pater, & Margarita Isa-  
cia mater, trib' animulis præstantissimis dulciss. q;  
vt, earum quod mortale fuit, in beatæ reparatio-  
nis spem conderetur, hoc monumentum F. C.

Migrarunt ex hac colluione piè atque ala-  
criter, in maxima huiusce vrbs pestil. mense  
August. ann. sal. M. D. LXIV. ætat. singularum an.  
XVIII. XVII. XVI.

## IBIDEM.

ANGELAE CVRIONIAE, nobili & generosa puellæ, cuius diuino ingenio atque industriæ nihil difficile vnquam est visum, quod ingenuâ pudicamque puellam deceret: quæ Italicè, Germanicè, Gallicè venustè loquebatur: Latinè non ignara: omnis elegantiaë decorique studiosa: candore animi, virginali verecundia, religione in Deum, pietate erga parentes, caritate in fratres sororesque, comitate in omnes insigni fuit: Cæl. Secundus Curio pater, & Margarita Isacia mater, Itali, in beatæ reparationis spem filiaë dulciss. ac præstantiss. PP.

Pestilentiaë ardore triduo consumpta, ad Christum IESVM mira alacritate migravit. ætat. suæ anno XVIII. salut. hum. M. D. LXIV. IV. Non. August.

## DEO IMMOR. &amp; V. S.

Hic situs est HORATIVS CVRIO, CAEL, Sec. F. Philos. & Medic. laurea ann. ætat. suæ XX. Pisis donatus: cuius ingenium, prudentiam & fidem admirati Reges, eius opera in maxi. negocijs sunt vsi. nam Ferdinando, eiusque F. Maximil. Augustis cognitus, ad intima consilia adhibitus est: grauiissimisque de rebus, pro Christ. Repub. Byzantium missus, in ipso munere excessit è vita, magno sui desiderio, non parentibus modò mœstiss. propinquis & amicis, verumetiam ipsi Cæsari, alijsque quibus fuit notus, relicto. Anno ætatis suæ ferè XXX. XV. Februar. Hum. sal. CIO. IO. LXIV.

Maximil. Cæs. iussu amici F. C.

Huius

*Huius ad exemplum iuuenes , florentibus annis  
Viuerè ritè Deo discite, ritè mori.*

---

## I A N V A V I T A E.

DEO SER. SO. SAP. S.

Cæl. Secundus Curio , A V G V S T I N O filio dulciss. sanctiss. q; Polyhistori , ac facundo Basil. scholæ Rhetori : cuius corpus heïc cum III. sororib. lectiss. iacet : spiritus cum Christo, nomen immortalib. scriptis viuit in terris : socio & hærede studiorum orbatus , dum reuiuiscit, P. Vixit ann. XXIIIX. Obijt ann. Dom. C I O . I O . L X V I I . die XXIV. Octobris.

---

## C H R I S T O S.

A V G V S T I N O C V R I O N I Bas. scholæ Rhetori,

Qui honestiss. pietatis & erud.  
certamine suscepto,

In ipso ætatis flore morte  
vinci,

Quàm patrem vincere  
maluit,

Veritatis & virtutis cultori  
Max.

Saracenicòn scriptori,

Hieroglyphicòn auctori,

Americæ illustratori,

Italiæ interpreti,

Theod. Zuing. ob stud. me-  
rumque eleg.

Collegæ & amico pijs

cum lacr.

P.

M. L. LXVII.

AVGVSTINVS ERAS IN TERRIS EXVL  
OBERRANS,  
NVNC AVGVSTVS ERIS COELO SVSCE-  
PTVS AVITO.

## CHRISTO S.

NICOLAO EPISCOPIO SEBVSIANO,

Viro opt. Typographo clariff. & IYSTINÆ  
FROBENIÆ IO. F. matronæ honestiffimæ, cum  
per VII. Iustra in Sacrosancto coniugio fortunati  
vixiffent, Pietate Deum, AEquitate homines sibi  
conciliaffent, mortal. vinculis exolutis, liberi su-  
perstites parentibus desideratiff. M. C. L. P.

Obijt pater ex Atrophia, ætat. suæ LXIII.  
Non. Martij.

Mater verò cum IV. liberis ex pestilentia ætat.  
suæ LII. V. Kal. Octobr. anno Christi M. D.  
LXIII.

*Viximus vnanimis, Christo nunc carne soluti  
Viuimus; æternum victuri viuite nati.*

ΕΥΔΑΜΛΟΝΕΩΝ ΜΑΚΑΡΕΣΣΗ.

## TRINITATI SACR.

NICOLAO EPISCOPIO NICOLAI F. Ty-  
pographo Basil. vti nominis, ita & artis, industriæ,  
fidei, erudit. paternæ hæredi: in medio ætatis cursu  
magno cum Reip. litterariæ incommodo, bono-  
rum omnium cum Iuctu, humanis exempto, mari-  
to incôparabili, ELISABETHA BAVARA VXOR  
infeliciff. animæ suæ dimidio extremum hocce  
coniug.



coniug. fidei, & obseruantix munus contra votum  
perfoluit. Migravit v. vitæ septenario, anno sal.  
M. D. LXVI. IV. Kal. Ianuar. H. M. H. S.

ALIVD.

G A M O L Y A E O S.

ELISABETHAE HOLTZACHIAE,  
Eucharij Med. clariss. F. vxori III. venustiss. pudiciss.  
sanctiss. IO. OPORINVS feliciter infelix,  
sux senectæ portui, decori, solatio, qđ sibi ab illa  
fieri desid. opt. oportuerat, multis cum lacrumis  
F. C. B. Ann. XXXI. ex ijs XI. cum IOAN. HER-  
VAG. iuncta Typogr. sine bile; cum OPORINO  
menses cheu! vixit IV. Obijt ann. salut. M. D. LXV.  
xvi. Kal. Aug. cum Christo æternùm victura.

*Vicerat insanos fluctus vocalis Arion,*

*Et portu in medio naufragium patitur.*

*Quid superest misero? calum mihi portus, & aura  
Christus, quôq; vebar mors mihi Delphis erit.*

AETERNITATI SACR.

IOAN. OPORINVS, Basil. Typographus do-  
ctus, operosus, elegans, libris innumeris, virtutum  
hæredē ex v. cōiuge vnico relicto. pub. lacrymis  
priuata pietate sexagenario maior heic conditur.

*Frugifer Autumnus perijt Dīs notus, & orbi.*

*Orthion, elapsus nautis, mediatur Arion.*

ITEM.

*Quantula sint hominum corpuscula, disce viator.*

*Magnus O P O R I N V S conditur hoc tumulo.*

Huius viri tumulum quidam amicorum eius his-  
ce verbis ornare meditatus est.

OPEROSVS OPORINVS

HEIC SITVS EST.

ERGO REQUIESCIT ARION!

DIXISSE PLVRA FAS NEFA ST;

An. sal. M. D. LXIIX.

Prid. Eid. Iul. ætat. suæ L X.

ALIVD.

*Heus viator, tristis spiritus & mentem  
consumit, & ossa.*

O SVALDVS ego BERVS fui, non Cous ille  
senex, sed vrbis huius Hippocrates. Vixi lætus, læ-  
tus obiui, & domino vigilans; domino tandem ob-  
dormiui. Quid vltra? Mortalitat̃is exuuiò, post  
v XC. ætat. ann. heic deposito cum Christo lætus  
resurgam. An. C. S. CIO. IO. LXVII.

ALIVD.

*Siste gradum viator. Si bonus es morere  
victurus, sin malus es viue moriturus.*

HOCCE

CONRADVS ego LYCOSTHENES Rubea-  
censis, Philosophiæ perennis compendium, æter-  
ni luminum datoris benigni per XLII. valetudi-  
nariæ ætatis, ann. M. VII. D. VII. sedulo serio-  
que commentatus: IIX. Kalend. Aprilis, non im-  
prouiso apoplexiæ turbine ad certam immortalit.  
Anno eiusdem repar. M. D. LXI. præter votum  
metumque abreptus, sortis literariæ multam sal-  
tem, si non magnam reliqui vsuram posteris. Qui  
potès meliora, debes, atque vt præstes in rem tuam  
abi.

CHRI-

## CHRISTO S.

IACOBVM RVDINVM Tribun. plebis Basil.  
 cui præter cætera, illud etiam numinis benigni-  
 tate contigit, vt ex IV. vxoribus pater esset XII.  
 Auus XLV. Proauus XXVII. Lib. v. Nepp. XXIv.  
 Pronep. XXIII. Superstites P. C. L. P. S. L. Ann.  
 salut. M. D. LXXIII. ætat. LXXII. Tribun. XVI.  
 Die Nouemb. XXIv. Quod virum verè magnum  
 lapis quem S. V. F. C. non caperet, in æternæ spem  
 resurrectionis sub hoc saxo cond.

*Clarus erat, quia magnus: erit quoq<sub>3</sub> clarior olim,  
 æmula si magnis sit pia posteritas.*

## ALIVD.

VICTRIX IN AMORE QUIESCO.

C. S.

ELIZABETHA BEIBRA

fui.

Quæcunq<sup>ue</sup> habebam, mecum abstuli:

Fidem, Pudorem, Pietatem:

Quod non habebam, adepta sum in  
 beatorum sedibus.

SAMVELI GRYNÆO I. C. mar. amantiss.

libbb. item dulciss. luctum reliqui

& lacrumas.

Obijt ann. ætat. XLV. sal. M. D. LXXVI. VI. IXbr.

CONGRATVLANTES CONDOLENTO.

## HYGIAE AET.

ADAMVS à BODENSTEIN, Theophrasti Pa-  
 racelsi, vt primus, sic fidus scitusq<sup>ue</sup>, & opere  
 & ore, interpres, palmam victoriæ suæ Regi tri-  
 umphanti oblaturus, mortalitatis exuias nec  
 metuens,

metuens, nec optans, solo hoc, cœloq; libero homo liber, fide deposuit bona. Quas spe bona iterū repetet. ann. sal. CIO. IO. LXXVII. ætatis hebdomade septima.

*Nec omnia, nec omnes mihi  
Placere; quānam ego omnibus?  
Non omnibus Cous senex,  
Non Eremita Spagirus,  
Num tu viator omnibus?  
Deo placere cura, abei.*

---

ÆTERNITATI S.

DN. DEMOLINO ROCHEFORTIO Blesati, Gallo, qui vrbis huius liter. secessum aulico splendori lubens anteposuit, vitęque satur æt. an. LXVII. x. Mart. spiritum virtute ac eruditione mobilem misericordī patri, reliquias corpusculi magnę matri REDD. THEODORVS ZVINGERVS EXTR. HOCCE, non mutuum, amoris mutui munus, B. M. P. CIO. IO. XXCII.

---

D. O. M. S.

Et maiorum splendore, & virtute propria nobiliss. Iuueni

VITO CHRISTOPHORO VVELZERO, Franenstenij, & Nusbergę Domino, Illustris & inclyti viri Dñi Christophori VVelzeri, Sereniss. Carolo Austrię Exarcho, à Consilijs, & Carinthię Præfecti Filijs; qui præter ætatem omni politiori doctrina, variarum linguarum peritia, & singulari prudentia instructus, Italia, Gallijs, Britānia, Germaniaque feliciter perlustratis, dum ad suos commodius redeundi expectaret tempus, Basileę Rauracorum



racorum angina, ardentique febrì correptus, in cęlestem patriam pię emigravit, summo suorum, patrię, & vniuersę familię luctu; inuerso factorum ordine, cariss. filio mater męstissima F. F. Obijt anno Domini M. D. XXC. VII. IIX. Id. Nouemb. Vixit ann. XI X. M. V. D. VII.

## S I S T E V I A T O R,

&amp;

GEORGIO à COLLEN, patri octogenario, pro pietate tua condoleto. Sic oris & moris probi hęc conditur Eugenius, ę nobili Coloniorum gente apud Megalopyrgenses oriundus, spes patrię, columen familię, iuuetutis exemplar, dum Rheno per æstum recreatur, vortice abreptus, in ipso ætatis flore, in medio studiorum cursu, pro Italia, quam cogitabat, cælum adit. CIO. IO. XXCVII. XVI. August.

## T R I N V N O S.

THEODORVS ZWINGERVS Basiliensis, cüm ex Philolophia tenebras; ex arte medica humanas miserias deprehendisset; summi boni cognoscendi potiundi que desiderio accensus, Christiano Philolopho dignam mortis commendationem instituit, viuens que mortuus est, vt mortuus viueret. B. annos 54. mens. 7. d. 8. ☉. Ann. Christ. CIO. IO. XIIC. 6. Idus Martij.

*Alma fides abijt, spes indubitata recessit.*

*Perfuior, intueor. solus Amor remanet.*

## ALIVD.

FRANCISCI HOTOMANNI I. C. mortales exuias, tantisper asseruadas, dum Christo iubente

Bb.

immor-

immortales exsurgant, amici sub hoc saxo deposuere. Loco, honoris ergo, ab ædis curatoribus liberaliter concessio. Vixit ann. 63. m. 5. d. 20. Obijt prid. Eid. Febr. ann. CIO. IO. XC.

*Gallia progeniuit, seruat Basilea sepultum,*

*Interitus expers nomen vbiq; viget.*

*Hunc pietas tumulam, tumulã hunc Astræa tuentur,*

*Astræa cultorem suum,*

*Cultoremq; suum pietas, post fata tueatur*

*Aduersa fata huic seculo.*

*Et si desertas gemebunda voce queruntur*

*Cultore priuatas suo:*

*Quin reditum ad superos infecta voce minantur,*

*Nî talis exemplum viri.*

*Huius tu inspector tumuli, Pietate sequaris,*

*Nî nos sequamur posteris.*

*Hoc ipse è tumulo clamat post fata superstes,*

*Hoc ipse mandat posthumis.*

IN AVLA ACADEMIAE PHILOSOPHICA SCELETORVM

*Epigraphe.*

Vtrumque sane donarium, hoc ciuis, hospitis illud sui, Basilienses Academici grato animo illustri hocce loco inaugurat. A fronte potius, quàm, vt in triumphis olim, à tergo spectandum contemplandumq; proposuere: non tanquam Phidix, & Praxitelis equos, sed vt, qui pij sunt, boniq; mortalitatis suæ argumento ad immortalitatem propere, Naturæ verò operum studiosi, sexus & ætat. discrimen citra neg. in humanis ossibus obseruare discant, & exercere.

## IBIDEM.

ANDREAS VESALIUS Bruxellen. Caroli V. August. Archiaterus, laudatiss. Anatomicarum administr. comm. in hac vrbe regia publicaturus: virile, quod cernis, Sceleton artis & industriæ suæ specimen; anno Christiano M. D. XLVI. exhibuit, erexitque. Sexto post lustro, FELIX PLATERVS Archiaterus, & Medicæ scholæ Antecessor, conatus nemaiore, an meliore successu Præceptoris hospitale munus maritarit, foecundarit, & exornarit, quisquis eris spectator gratiosus, & eruditus, iudicato.

IPSA DE SE SCELETA ITA  
LOQVITVR.

*Nostro perempti scelere,*

*Aliena viuimus manu:*

*Pueri auctiores ossibus,*

*Agilisq; sceleto simia.*

IN COLLEGIO INFERIORI E RE-  
GIONE TABVLAE, VBI ALVMNI

*Erasmi cibantur, ab ipso autore scri-  
pta leguntur hac verba.*

Sudoribus emuntur literæ; sed pariunt immortalitæ. Vigilijs parantur; sed semel partæ non amittuntur. Rarius contingunt; sed, vbi contigerint, indubitata simul, & perennis est possessio.

OPORINVS FORIBVS SVIS INSCRI-  
PSIT.

Quisquis es, rogat te

OPORINVS

## COLMARIÆ.

etiam atque etiam,

vt

si quid est, quod à se velis

perpaucis agas:

deinde

actutum abeas:

nisi,

tanquam Hercules,

dessepto Atlante veneris

suppositurus humeros.

Semper enim erit, quod est,

tu agas, &amp; quotquot huc

attulerint pedes.



## COLMARIÆ.

## IN CVRIA.

**O**ceanus quamuis fluctus pater excitet omneis:  
 Danubiumq<sub>3</sub> omnem barbare Turca bibas:  
 Nontamen irrumpes perfracto limine: Cesar  
 Dum Carolus populis bellica signa dabit.  
 Sic sacra quercus firmis radicibus astant:  
 Sicca licet venti concutiant folia.

## AD D. AVGVSTINI.

Nugamur, mortemq<sub>3</sub> procul, procul esse putamus,  
 At medijs latet hæc abdita visceribus.  
 Scilicet ex illa qua primùm nascimur hora,  
 Prorepunt iuncto vitaq<sub>3</sub> morsq<sub>3</sub> pede.  
 Partem aliquam furtim, qua se metitur & ipsa,  
 Surripit è vita qualibet hora tua.

Paula-



*Paulatim morimur : momento exstinguimur vno:  
 Ut lampas oleo deficiente perit.  
 Ut nihil interimat; tamen ipso in tempore mors est:  
 Et nunc interea dum loquimur, morimur.*

---

## INSCRIPTIO GYMNASII.

Patres Reipub. qui docendis atque discendis, cum litteris, tum moribus ædes hæc posteritatis ergo FF. hortantur pergere, & mactæ virtute esse adulescentis, ijsque studijs incumbere, quibus & sibi honori, & amicis gaudio, & reip. emolumento esse possint. Ann. Dom. 1539.

Expertes inuidentiæ Musar. fores.

## CONSTANTIAE.

---

 EPITAPH. EMANVELIS CHRYSOLORAE BYZANTINI.
 

---

**I**lle ego qui Latium priscas imitari artes  
 Explosis docui sermonum ambagibus, & qui  
 Eloquium magni Demosthenis & Ciceronis  
 In lucē retulit CHRYSOLORAS nomine notus,  
 Hic sum. post vitam peregrina sede quiesco.  
 Roma meos genuit maiores; me bona tellus  
 Byzantina tulit: cineres Constantia servat.  
 Quo mori are loco, nil refert, vndiq; calum,  
 Pœnarumq; locus mensura distat eadem.

---

## IN SAXO FORNICIS.

Ante aram situs est D. MANVEL CHRYSOLORA, miles Constantinopolitanus, ex vetusto genere Romanorum, qui cum Constantino Imper.

migrarunt: vir doctissimus, prudentiss. optimus, qui tēpore generalis Concilij Constantiensis diem obiit, ea existimatione, vt ab omnibus summo Sacerdotio dignus haberetur. die 15. April. Conditus est anno 1415.



## GENEVAE.

IN D. PETRI.

**R**euerendus in Christo DN. AMBLARDVS Goyetus I. V. Doctor, & Theologus insignis, Apost. Pronot. Abb. Filiaci, Geben. Canon. pietate in Deum, & religione deuotus, apud principes, nobiles & plebeios, consilio, gratia & liberalitate conspicuus, impio fato concessit, anno à cunis Christi 1517. 7. Martij.

IBIDEM.

Reuerend. Pater PETRVS GRINETVS Apostolicus Proton. Geben. Canonicus, & generalis Vicarius meritissimus, Iurium Doctor celeberr. virtute, gratia & consilio potens, isto exanimis capulo tegitur; die sui obitus XXIII. m. IX. Anno 1531. Orate pro eo.

*Qui nostra fuerat custos gratissimus vrbis,  
Virtutem decus & religionis honos,  
Præsule sub quinto sceptri donatus habens,  
Nunc diro mortis subditur imperio.  
Marmore conclusus iacet & resupinus in antro,  
Astra tenet virtus, cetera puluis habet.  
Disce tuum quisquis simili pede claudere passum,  
Et tergant oculos hac monumenta tuos.*

IOAN-

## IOANNI CALVINO.

Epitaphium honorarium nunquam positum,  
*Sic CALVINE, quiescas, atq; leuis tibi terra  
 Sit, tua quo possint eruere ossa canes.*

Obijt M. D. LXIV. AEtat. LIV. Maij, XXVII.



## AVGVSTANA.

Monumentum ab Iconoclastis dirutum.

**P**ETRVS eram SCHAVMBERG quondam  
 de stirpe creatus,

*Pile a rubra tuli, quæ mihi Roma dedit.*

*Cardineos titulos Sancti Vitalis habebam,*

*Vindelicam rexi Præsul hic Ecclesiam.*

*Quadraginta & quinq; illic præsedimus annis,*

*Cardineos titulos gessimus octodecim.*

Obijt XII. April. M. CCCC. LXIX. in arce Dilin-  
 gensi. Translatus Augustam, & ante aram S.  
 Victoris sepultus.

## A D S. M A R I A E.

Imp. Cæs. OTHONI August. III. ex gente ma-  
 gni VVitekindi Saxonum Regis, Cæs. Othonis Au-  
 gust. II. Filio Cæs. Othonis Aug. magni nepoti, Re-  
 gis Henrici Augu. Aucupis Pronep. Othonis Ducis  
 Saxonix, & Ró. Imp. gubernatoris abnep. Lutolphi  
 Saxonú Ducis ac nep. Brunonisq; Saxonú Ducis &  
 VVitekindi Fr. trinepoti. Obijt x. Kal. Febr. anno  
 sal. M. II. Regnorú XIX. Imp. V. Quod viscera eius  
 hic condita iacent, Fridericus III. Dux Saxonix,  
 Princeps Elector, Comes Prouincialis Thuring-  
 giæ, Marchio Misniæ, & Sacri Romani Imperij

locum tenens Generalis, progenitoribus dulciff. faciendum curauit. Salut. anno M. D. XIII. v. Id. Maij.

---

### AD PRAEDICATORES.

PHILIPPO Catholico, regi Hispaniar. &c. D. Imper. Cæsaris Maximiliani Aug. & Mariæ D. Burgundiæ filio. Qui vix. ann. 28. m. 3. d. 11. Obijt Bruggis, florentiff. ætate: magna R. P. Christianæ iactura: relictis patre, & filijs pupillis, Carolo rege, & Ferdinando principe Hispaniar. &c. Anno salut. M. D. VI. 7. Kalend. Octob. ob vitæ eius felicitatem Frat. Ioan. Fabr. deuotiff. posuit. ann. Christi M. D. XIX.

---

### IBIDEM.

Imp. CAESARI MAXIMILIANO Aug. Pio, Felici, Hung. Dalm. Croatiaeq; regi, &c. Quòd suū Austr. Archiducatum, ac etiam Rom. Imp. pacatum reddiderit, auxerit, ampliauerit, quodq; Philipp. filium, & Carol. nepotem, Hispaniar. reges constituerit. Vixit ann. 63. Mens. 9. D. 19. Ob. VVelfæ, d. 12. Ian. salutis ann. 1519. regni anno 33. princ. opt. Christianæque religionis acerrimo propugnatori Fr. Ioan. Fabr. Augustan. Theologus, Maiest. suæ à consilio: deuotiff. faciendum curauit, atque posuit 1519.

---

### IBIDEM.

Imp. Cæs. CAROLO V. Aug. Max. Cæs. FridERICI III. pronep. Cæs. Maximil. Aug. & Ferdinandi Magni Hispaniarum Regis nepoti: Philippi, & Ioannæ Hispaniar. Regum filio: Ob felicem eius electionem, ab vniuerso populo Christiano desiderata-



deratam: de se an. ætat. 20. vnanimi principum elector. consensu factam, 4. Kalen. Iulias. fal. an. 1519. principi clementiff. Frater Ioan. Fabr. Theologus ordinis S. Dominici, deuotiff. pos. Ann. reparationis humanæ 1520.

---

## IBIDEM.

FERDINANDO, Principi Hispaniarum, Archiduci Austriæ, Duci Burgundiæ: Cæs. Friderici III. Aug. pronepoti: Cæs. Maximil. Aug. & Ferdinandi Magni Hispaniar. regis nepoti: Philippi & Ioannæ Hispan. regum filio: Caroli Imp. Cæs. Maximil. Aug. v. fratri germano: principi pientiff. Frater Ioannes Fabr. Augustanus, prædicatorij ordinis, deuotissimè posuit. Ann. hum. restaurationis 1520.

---

## IBIDEM.

Lector aucto. Frater Ioan. Faber: sacræ Theologiæ artiumque Doctor: ordinis prædicator. cõgregal. Germaniæ Vicarius generalis: Prior Augustensis: AEdem hanc sacram, ruinam ob vetustatem minantem, partim Apostolicę sedis beneficio; partim verò ciuium Augustensium eleêmofynis, Leone X. Pontif. Max. atque Maximil. P. F. PP. gloriosiff. Cæsare remp. Christianam gubernant. Fabr. procurauit. Hieronymus im Hof, & Melch. Stunz, August. max. laboribus, & incredibili cura: Deo Opt. Max. Mar. virgini, Mar. Magdal. Ioanni Euang. atque diuo Dominico, ordinis prædicatorij parenti, intra trienniũ, vix credas, à fundament. F. C. anno Christi M. D. XV. Sept. X. Hoc volui vt scires.

## DEO IMMOR. SACR.

IACOBVS FVGGER humanæ fortis atque fragilitatis memor, viuus monumentum hoc, in quo condi mortuus voluit, ad perp. memor. proprio ære sibi vxoriq̄ue præmortuæ, cum qua, ann. 14. mens. 2. d. 27. coniunctiff. vixerat, constituit: coniugisq̄ue monumento iungi voluit; vt quos viuos idem animus, eademq̄; sociauerat voluntas: ijsdem defunctis perpetuæ gloriæ atque honoris simula-cra essent vnita.

Certa dies nemini: mors certa cunctis: incerta posterorum cura.

Tu qui es, ego fui. Qui ego sum, tu eris.

*Io. Iac. Fugg. sibi, vxori, haredibusq̄, eorum.*

## D. O. M.

ALPHONSO GONZALI de Meneses à secreto cubiculo: seren. princip. Ferdin. Hispaniarum Infanti fideliff. ac opt. adolescenti: cui patrius decora arma inter honestiff. controuersias induit: qui-que sub verbo principis contubernali nudum petus præbuit: acerbo fato interempto. Fide, amore, veritateq̄ue sui desiderium hero facientibus. Bernardinus frater fratri mœrens misero P. Ora pro eo beate Iacobe.

Rogante Sereniff. Principe Ferdinando; Philippus Adler locum sepulturæ inter gẽtiles suos, non minus piè quàm liberaliter gratis concessit. Anno à Christo incarnato 1526. m. Ianu. d. 6. Morientem Musæ, Charites & Apollo plāxerunt: Pullata curia condoluit. ann ætat. 28. mens. 5. die 23. vna minus nocte. Vale Lector.

## ALIVD.

Homo ortus tui rationem, ac termini, maximè tecum meditare. In Deo sit inprimis fixa spes omnisque cogitatio. Cùm enim certa sit mors; hora incerta, neq; cognita vlli: haud curę minori sobrio & vigilantı vitæ æternę tam iactura, quàm lucrum esse debet. Ioannes & Michael à Stetten hæredibus ac posteris suis H. M. F. C.

## CHRISTO SERVATORI S.

CATHARINAE nobili Turzonum familia: magnifici Raymundi Fugger. coniugi: pudicitia, pietate, vitæ sanctimonia, benignisque in egenos largitionibus insigni: relictı v. filij M. H. matri dulciss. ac pientiss. amoris ergo PP. Obijt an. sal. 1535. d. vlt. Febr.

## IN FVGGERANO SACELLO

D. O. M.

IACOBVS FVGGER Augustanus, omnium siri ordinis ac nationis ornamentum, Maximil. & Caroli V. Imp. à consilio, diuitiarum inusitatarum partu, liberalitate in omnes, vitæ integritate, animi magnitudine, nulli secundus: cùm nemini conferendus viuens fuerit; post obitum inter mortales referendus non erat.

## IBIDEM.

VDALRICVS FVGGER Augustanus, aurea mediocritate, munificis Georgio & Iacobo german. fratribus non posthabendus, œconomix atque omnis æquitatis, sacrorumque rituum seruan-  
tissimus, H. S. E. Vixit an. 72. M. 3. Obijt 1510.

PER

## PERPETVAE SECVRITATI,

HIERONYMO FVGGER: Huld. sen. filio. generis splendore; corporis elegantia; animiq; dotibus insigni: Gloria verò equestri, cæterisque virtutibus ornatissimo. cuius largas inter opes, absque curis anxijque negotijs; iucundos inter amicos, in otio hilariter ac benignè vitam traducere studium fuit, M. H. patruelis, & patruelis filij ex testamento hæredes, gratitudinis ergo, agnato opt. E. B. M. F. C. Obijt 26. Nouemb. an. sal. 1538.

## D. O. M.

RAYMVNDO FVGGER, eximia integritate ac munificentia incomp. optimarum artium, atque rerum antiquarum amantissimo: studiosorum atq; egenorum patrono, & meccœnati vnico, ingenti relicto sui desiderio, magnoque omnium luctu erepto, v. filij mœstiss. parenti pientiss. monumentum hoc P. E. P. Moritur an. salut. 1535. d. 3. m. Decemb. in ædibus, quas ex fundamento proprio ære construxit. Relato caduere in hoc familiae sepulchr.

## ALIVD.

ADOLPHVS OCCO, A. F. A. N. Medicus Reip. Augast. hoc sibi monum. V. P. vt in eo cum vxore, ac liberis, ad extremum vsq; iudicij diem moriturus, mortuus quiesceret. Tu viator, quisquis es, quieti locum non inuideas. Vale, Abi.

*Qui fuit aeterna Christus mihi caussa salutis,*

*Exuuijs rursus vestiet ossa meis.*

*Eius dum reditu mihi vita salusq; paratur,*

*Interea tumulo molliter ossa cubent.*

ALIVD.



## ALIVD.

IOACHIMO IENISCH minori, pietate erga DEVM, humanitate, & mansuetudine erga cūctos, præcipuè verò munifica in egenos liberalitate: viro præstantiss. vera in Christum fide, magnoq; cum desiderio, omnibus bonis corporalibus posthabitis, ad patriam cœlestem euocato: Anna Balerina, vidua mœstiss. viro cariss. P. N. an. 1534. Kal. Sept. O. 1573. 8. April.

## ALIVD.

Venerab. Dn. CONRADVS BRVM, I. V. D.  
Augusten. & Ratisbon. Canon. sic disposuit.

*Est hominis nasci primum: vixisse secundum:*

*Vltima post vitæ tempora mors sequitur.*

*Est fortunati benè nasci: viuere honesti*

*Et iusti: felix est benè qui moritur.*

*Ergo ego qui natus longo quoq; tempore vixi,*

*Durum etiam mortis sustinui imperium,*

*Nec fortunatus nimium: studiosus honesti:*

*Defunctus tandem regna beata colo.*

CONRADVS patrio dictus cognomine BRVMVS,

*Cuius in hac tumba molliter ossa cubant.*

Ob Monaci, cum OEniponte, quò paulò antè à Cæs. Mai. Christianæ reip. causâ vocatus erat, domum contenderet. An. Dom. 1563. à d. 20. Iun. 68. annor. iam senex. cuius anima, cum piè in Christo defunctis, in pace quiescit.

CHRISTO DEO OMN. SÆCVL.

Sacram ædiculam,

## AVGVSTANA.

quæ ante annos amplius M. CCC;  
prima in hac vrbe

Christiano cultui dicata creditur:  
quam an. Chr. MLI. restitutam  
LEO IX. PONT. MAX.

Deo opt. max. & S. Gallo Abbati  
sacrauit.

Vetustate iterum collabentem  
& ad proph. vsus dudum redactam,  
instaurandam C.

EUPHROSYNA à KREYT, collegij nobilium  
Virginum ad D. Stephanum Abbatissa.  
Anno P. Chr. N. M. D. LXXXIX.

IESV VIRGINVM CORONAE,  
ET MEMORIAE

ELEVSINAE innocentiss. Virginis,  
quæ ex illustri Kyburgenstum  
Comitum familia orta,

D. VDALRICO Episcopo, sanguine,  
& vitæ integritate proxima,  
collegio nobilium virginum  
ad D. Stephani ante ann. amplius DC.  
prima Abbatissæ nomine præf.  
quod eius ossa.

ædic. instaurata, detecta,  
religiosè iterū condita,

EUPHROSYNA à KREYT ABBAT. P.  
Anno P. Chr. N. M. D. LXXXIX.

IN S. VDALRICI BENEDICTORVM  
ABBATIA.

Viuus mihi hanc, sub qua mortuus requiescerem,  
Domum parauit:

Sum etenim CONRADVS MOERLIN,  
Coenobij huius Abbas.

Noli obsecro mortuo iniuriam facere,  
quam nec tibi fecerim.

Obijt ipso die Purificationis B. Mariæ, anno  
M. D. X.

*Fuit hic Abbas XLIII.*

IN MEDIO TEMPLI CAMPIDONENSIS  
ABBATIAE, ORD. S. BENEDICTI.

Monumentum VVOLFANGI à VIRIDI  
LAPIDE,

vulgò Gruenstein, viri nobiliff. ac doctiff.

Salve viator, & noli terreri:

Communis hæc est, quam aspicias, mortalitatis  
nostræ facies.

Sed qui sim requiris? Fui, non sum: Es, non eris?

Nec ego te in tenebris noscere possum,  
sed vt te ipsum noscas, rogo.

VALE,

Nouissimorum tuorum nunquam immemor,  
vt non pecces, & moriaris perpetim.

Obijt an. M. D. LV.



NORIMBERGENSIA.

IN NORIMBERGAM. IVL. CAES.  
SCALIGER.

**D**iva mihi extremi da munera sacra laboris,  
Non tamen extremo conspicienda loco.  
Sed velut abducto veneramur in ordine caelum,  
Hic vbi natura sine quieuit opus.

NON

*Non potes athereis deducere sedibus astra;  
Inuenies, tibi quæ Norica terra dabit.*

*Hunc si corruptas terras Aстреa relinquens  
Fatali statuit sede tenere locum;*

*Quis putet horrifico sociatas Marte camœnas?  
Sacra tamen duplex tempora laurus obit.*

*Martus habe, & Phœbi felicia tempora laure,  
Sanctæq; sit valido fœdere iuncta fides.*

*Omnibus ex istis ne tu ne dempseris vnum.*

*Addere quin potius omnia magna, tuum est.*

IN D. SEBALDI.

IN AENEA TABVLA AVRO OB DVCTA.

ERASMVS TOPLER I. V. D. Protonotarius  
Apostolicus, ac Serenissimi Maximilian Romano-  
rum Imperatoris Consiliarius, huiusque ædis Præ-  
positus bene meritus, dum patriæ operam intendit  
fidelem, Treueris solemnî principum cōuentu vi-  
tam cum morte mutauit, anno Dom. M. D. XII.  
VI. Cal. Maij. Vixit annos L.

Tu lector vale, ac pro tanto viro ad Deum pre-  
ces fundere ne pigeat.

EXTRA VRBEM IN COBETERIO

D. IOANNIS.

MEMORIAE ALB. DVRERI.

Quicquid ALBERTI DVRERI mortale fuit,  
sub hoc conditur tumulo, emigravit VIII. Id.  
April. M. D. XLVIII.

ALIVD PER BILEBALDVMPIVC-  
KHEYMHERVM.

*Ingenium, Probitas, Candor, Prudentia, Virtus,*

*Ars,*




*Ar̄s, Pietasq̄, Fides, h̄ic tumulata iacent.*

---

EIVSDEM CENOTAPHIVM.

Memoriæ ALBERTI DVRERI viri opt. ac ætate sua pictoris absolutissimi, qui nō solum primus è Germanis picturam auxit, illustravit, & ad feueriorem legem restrinxit: sed literis posteritati commendare cœpit. Quamobrem, præcipuè verò ob mores compositos, prudentiam, ac modestiam singularem, Nuremburgensibus suis, imò exteris omnibus fuit charissimus. Diuo verò Maximiliano, ac Nepoti eius Carolo Cæsaribus, nec non Ferdinando Hungariæ, & Bohemiæ Regi acceptissimus: qui illum annuo largoq̄; stipendio fouerunt, & summo profecuti sũnt fauore. Obijt autem non sine magnò amicorũ desiderio VIII. Id. April. anno M. D. XXVIII. Anno verò ætatis suæ LVII: BILIBARDVS PIRCKHEYMERS amico integerrimo M. POS.




AMBERGAE.

---

IN TEMPLO MONASTERII.

**V**OLFGANGVS HALLER à Raitenbuech & Amerthal, Diuis Carolo V. Ferdinando & Maximiliano II. R.R.R. Imp̄p. necnon Dn. Friderico III. & Ludouico Patri, & filio Comitibus Palatinis Rheni Electoribus, &c. & Dn. Ioanni Casimiro Comiti Palatino Rheni, &c. Tutori, & Administratori Palatinat. Electoralis à secretis & Consilij. Positis hic carnis & in ea hærentis peccati mortalibus exuijs.

Expecto resurrectionem mortuorum, & vitam in  
 caelo sempiternam, per IESUM Christum Dominū  
 nostrum, qui constitutus est à Deo Iudex viuorum,  
 & mortuorum: Quo cum vt post mortem ater-  
 num beatus viuerem, vixi semper, vt mo-  
 riturus, anno Chr. M. D. XCI.



## PATAVIAE.

IN S. STEPHANO.


**N**atales mihi clara dedit nomenq̄, propago,  
 Quae nunc insigni dexteritate viget.  
 En ego Canonicus primis Patavinus in annis,  
 Casibus in magnis aspera damnatuli.  
 Corporis exposui vires in † Schismate totas, † scilicet  
 Ecclesiae grādes ne caperentur opes. (Heslerianō  
 Curia testatur fortes Romana labores,  
 An mea profuerit officiosa manus.  
 Diuinos ritus, exactaq̄ munia templi  
 Ritè reformauī, quando Decanus eram.  
 Consensu Patrum conscendi Pontificalem  
 Ecclesiae Cathedram, Praesulis arma ferens. —  
 Caesaream Cameram Iudex bis lectus adiui,  
 Principibus gratus, Romuleoq̄ duci.  
 Nunc functus vita tumba VIGILAEVS in illa  
 Antistes iaceo: spiritus astra petit.  
 Obijt anno M. D. XVII. 8. Id. Nouemb.

ALIUD.

CHRISTOPHORVS cubat hīc à TRENBACH,  
 Nobilis heros,  
 Praepositus templi, vrbs ô Patavina, tui.

Vir non maiorum saltem splendore, & honestis  
 Et longè & latè notus imaginibus.  
 Sed virtute, bonisq; animi tam notus in vrbe hac;  
 Quàm vel Aristides vixit in vrbe sua.  
 Iustitiam coluit summè, dans cuiq; parato  
 Pectore, quod proprium cuiq; sciebat, ouans.  
 Quantus at in studio seruanda religionis  
 Extiterit, facile hoc inde patere potest:  
 Quod multos aluit iuuenes doctosq; bonosq;  
 Et foris, atq; domi, sumptibus ipse suis.  
 Pauperie oppressos, fortuna humiliq; iacentes;  
 Munifica est solitus sèpè leuare manu.  
 Mortuus est verò sic, vt qui non moriturus  
 Vnquam est: viuit enim cum genitore Deo.  
 Corpus in hac vrna mortis ludibria passum  
 Dormit, in hunc ipsum scilicet vsq; diem.  
 Quo caro consurget rursus mortalis, & antè  
 Confluet, aetherei Iudicis ora sui.

POSTRIDIE S. THOMAE.



VVITTEBERGAE.

IN TEMPLIO OMNIUM  
 SANCTORVM.

**H**ENNINGO GODEN Havelbergensi, Iuriconsultorum suæ ætatis facile principi, huius Ecclesiæ Præposito, ac B. Mariæ Erphurdienfis Scholastico, Canonicoq; extrema ætate, sed florentibus honoribus, Anno Christi 1521. XII. Kal. Febr. hinc vita functo sepultoq; MATTHIAS MEYER I. C. Cathedralis Hildensheimensis, ac prænominatæ Erphurdienfis Ecclesiæ Ca-

nonicus eius vltimæ voluntatis primarius execu-  
tor, patrono optimè merito gratitudinis ergò  
F. C.

---

FRIDERICI III. DVCIS  
SAXONIAE.

*Hac quicumq; vides oculo properante viator,  
Ad sacra ne pigeat sistere busta pedem.  
Ille FRIDERICVS, duce quo Saxonia felix,  
Ardua sacratum tollit ad astra caput.  
Qui, quamuis tota arderet Germania bellis,  
Effeci pacem gentibus esse meis.  
At senio tandem longis confectus ab annis,  
Hic tegor exiguo conditus in tumulo.  
Virtutum laudes, & famam longa mearum  
Posteritas semper (sit modò grata) feret.  
Decessit anno Christi M. D. XXV. die v. Maij.  
Vixit annos LXII. mens. III. dies XIX. horas  
ferè IIII.*

---

ALIUD.

ORA, ET LABORA. IN LABORE  
PRAEMIUM.

*Hâc MATTHAEE tenes te VVESENBEC  
sub vrna:  
Sed laus doctrina nescit in orbe mori.  
Obijt v. Iunii, anno Dom. M. D. XXXVI. æt. LV.  
Natus Antuerpiæ 1531. suæ ætatis Iurisconsultorum Princeps.*

---

IBIDEM.

*Hac PETRVS OTTONIS recubat sub mole  
sepulcri  
Ille Mathematici ductor ad astra poli.*

*Dans*



*Dum sacra Leucorij moderatur regna Lycæi,  
 Occubat, & cali patria regna migrat.  
 Qui teris hoc saxum, nî saxo durior hoc es,  
 Dices: his benè sit corporis exuujs.*

## I N D. M A R I A E.

AD TABVLAM, IN QVA CHRISTVS CVM  
 Discipulis Coenam celebrat.

*Sive hanc, sive aliam referebas ore figuram,  
 Gnate Dei, expura virgine natus homo:  
 Certè hominis tibi forma fuit speciosa decori,  
 Cui gratum adflauit læta iuuenta decus.  
 Corpus & haud dubiè validum, toleransq; laborum,  
 Quodq; famem potuit ferre. sitimq; diu.  
 Hoc loca testantur multa, & distantia longè,  
 Quæ cursu assiduo sunt peragrata tibi:  
 Inq; preces vigilæ, in tot certamina summum  
 Robur erat, quod non frangeret vllus agon.  
 Hei pietas, si quanta tua est? quam pignus amoris  
 Ingens erga hominum, Christe benigne, genus?  
 Quod fragili de carne hominum istos induis artus,  
 Et morti horrendæ debita membra subis.  
 Vt nostram carnem pollutam sordibus, ipse  
 Contactu emundes, restituasq; tuo.  
 Quod sumus ergò, sumus, te nos gestante, tuisq;  
 Pendentes humeris vile leuamur onus.  
 Hanc, ô Gnate Dei, miseram ne desere massam,  
 Ne fiat stygio præda petita lupo.  
 Sed placideq; foue, firmoq; amplectere nexu,  
 Perpetuo vt sinus sarcina grata tibi.*

IN MARTINI LVTHERI EFFI-  
GIEM ANONYMI.

*Tali Bacchus erat, tali Gargantua vultu,  
Tale triplex mentum Pantagruelis erat.*

IBIDEM.

*Hic iacet extinctus, prob! Mellerstadius ille,  
MARTINVS POLLICH, gloria magna virum.  
Philosophus, vates, Medicus q<sub>3</sub>, Theologus ille,  
Prob! iacet hic nostræ Dux q<sub>3</sub> parens q<sub>3</sub>, schola.  
Qui q<sub>3</sub> reformator vice cancellarius omnes  
Sustinuit casus; Spiritus astra subit.  
Obijt ann. Dom. M. D. XIV. VI. Kal. Ianu.*

GEORGII BARONIS A LAM-  
BERCK.

*Quem florere vides hodie, cras occidit ille:  
Quid sumus, ah? miseri? puluis, & vmbra sumus.  
Pi lus, & vmbra sumus, metã properamus ad vnam,  
Qui bene desierit viuere, saluus erit..  
Sic quoq<sub>3</sub> GREGORIVM lumen vitale reliquit,  
Qui Lambergiaco sanguine natus erat.  
Viuus ad atheream migravit spiritus arcem,  
Eius in hoc tumulto molliter ossa cubant.*

GEORGII SCHVVICKERI.

*Quisquis ades, tabula ne sic mirere colores,  
SCHVVICKERI studijs vt moueare parum.  
Huius ad exemplum patrios tempfisse penates  
Discito, diuitias spernere discite puer.  
Hic tibi vel iuuenis, vera pietatis imago,  
Hunc sequere in studijs sedulitate tuis.*

*Atq; ita, SVVICKERO veluti tibi dextera sedes  
AEthereas, sortem iudicis vrna dabit.*

VRSVLAE BVRENIAE SALOMON  
ALBERTVS SEPTENVIRALIS IN  
aula Dresdenſi Medicus hoc  
mon. F. F.

*Hic poſuit SALOMON ALBERTVS quatuor vni-  
Vxorem, matrem, filiolasq; duas. (bras,  
Surgere nemo poteſt diuina lucis ad auram,  
Qui non mortali ponitur vmbra ſolo.*

GEORGIO A MILTITZ NOBILISS.  
Adoleſcenti ætatis XVII.

*O vitam inuitã! O ſpem ex ſpẽ, ſortemq; gemendam!  
O fata triſtia, commoda atq; incommoda?  
Vita fugax hominum eſt, volucrisq; ſimillima ſomno,  
Et omnibus breue eſt, & irreparabile  
Tempus; purpuream ſorem mors atra iuuentæ  
Carpit, ſenectam demetitq; marcidam.  
Mente vrgeſcentem rara, gente atq; vigentem  
Cara (heu) dies ſpeculum iuuentæ atra abſtulit  
MILTITZVM morale decus, patriaq; perenne  
Alter mihi hoc non carior, non rarior.  
At citius moriens, citius petit ætheris aulam,  
Elyſium & ipſe cum beatis incolit  
Chriſticolis: præmiſſe haud periſſe putetis,  
Et cum Deo regna tenere cœlica.*

D. O. M. S.

LVDEMILLAE FRIDESINAE ALBINAE,  
priſca matronarum virtute ornatiffimæ vxori,  
vnanimi, concordî, fidelî, dulciſſ. cum qua ſine lite  
vixerat

vixerat PETRVS ALBINVS Niuemontius con-  
iux desolatissimus, mœroris indefessi, meritò pos,  
Vixit ann. XXIII. M. v. Obijt II. puerpera. III.  
Kal. Mart. anno M. D. LXXXII.

*Corpus terra, meliora calum possidet.*

Ἐμὲ βλάψον ἄνω.

*Vitam ego, te geminam vixi viuente, fuisti  
Supra hanc, quam viuo; tu quia vita mihi.  
Morte tua ex animis viuam, nam conditur vna hîc  
Maxima tecum animæ pars LVDEMILIA, mea.*

ALIVD.

Depositum hîc est, spe certissimæ resurrectio-  
nis, corpusculum IOANNIS FREDERICI à  
VVEIHE I. C. filioli cariss. qui dum in hoc mun-  
do annum, I v. mens. XVI. dies consumpserat, ipse  
fontico morbo consumptus, & mortuus est, VII.  
Iulij, anno M. D. LXXXIV.

*Felix ô nimium futurus olim  
Est, cui sic citius mori placebit,  
Quam mundo malè serius perire.*

P. P. M. F. C.

MICHAELIS VARADINI  
HUNGARI.

*Dum benè sperata virtutum laude placeret,  
VARADINI MICHAEL patria cura soli,  
Mortuus in priscas olim reditur a figuras,  
Nuper in hac sterili membra reliquit humo.  
Dum tamen exuuias retinebit corporis vrna,  
Hospita sderium pars colit ipsa polum.*

*Quis-*



*Quisquis es, & gelida positum spectabis arena,  
Expectes vitæ tu quoque fata tua.*

Obijt anno M. D. XC. VII. Octob. ætat. XXIV.

## IN CAMPO SANCTO.

ANDREAE FREIDEMANNI.

*Hac FREIDEMANNIADES lapidis sub mole qui-  
Nec poteram tumulo floridiorè tegi. (esco,*

*Quot dilecta putas me circum pignora matrum*

*Hocce peregrino contumulata solo?*

*Integritas vitæ, morumque virilis honestas,*

*Et studij vigilax, & pietatis amor.*

*Clarabant iuuenem, poterantque referre parentem,*

*Hos nisi conatus frangeret atra dies.*

*Iamque magistralis sperabam præmia mitra,*

*Cum fluerent vitæ lustra quaternæ meæ.*

*Ista quidem magni faciendâ, sed omnibus vnum*

*Præfero, quod? faciem posse videre Dei.*

Obijt die XXX. Iunij anno M. D. IIC.

ætât. XX.

## MICHAELIS MENCII.

*Natus erat cano patri, atque hoc carior illi*

*Natus erat, vitæ sed brevis usus erat.*

*Nam primis animam iussit mors ponere cunis,*

*Et vix visa illi vitæ relicta fuit.*

*Quo brevius vixit terris, hoc æthere viuet*

*Longius: hæc mœstum spes leuat vna patrem.*

Obijt anno M. D. LXIX. die XXVIII. Decemb.

ætât. M. III. D. II.

EPITAPHIVM, QVOD BALTHASAR.

MENCIVS LETHALITER DECUMBENS

Romæ sibi ipse fecit.

*Parcat liuor iners tenebris & morte sepulto,*


*Cuius nunquam vlli vita molesta fuit.*

*Stemmata Menciades, patria sum saxo, Camœnis,*

*Ars mea, & aeterno seruijt vsq<sub>3</sub> Deo.*

*Scis iam, qui fuerim. quis tu sis, nescio, Lector,*

*In tenebris: ipsum te rogo nosse velis.*



## VVIRTEBERGENSIA.

**I**llustriff. Principi ac Dominæ, D. ANNAE Ducis VVIRTENBERG. Ducis Vldrici, &c. filij dulciff. Quam benigna Dei manus ex ista fragili & caduca rerum humanarum cõditione, ne diutius calamitosis & tumescẽtibus ærumnarum procellis misera quateretur, adolescentulam tenerr. atq; in ipso bládissimo virginitatis flore an. Domini M. D. XXX. mens. Iunij XXIIX. ætatis verò eius XVII. feliciter eripuit: huic, inquam, in hunc locum amœniss. vbi iam Carthusianorum latibula Auraci, cum illic ann. XXIIV. sepulta iacuisset, collaberentur, traductæ Illustriff. Dux Christoferus Dux VVirtemb. clementiss. vnice sorori suæ dilectiss. ad perpetuam memoriam hîc erigi voluit, anno Domini M. D. LIV.

### CHRISTO CRVCIE. GLOR.

Memoriæ Illustriffimi Principis Vldrici Ducis de VVirtemberg. &c. infantis dilectiss. P. Qui vixit mens. II. d. I. O. an. Christi M. D. LVIII. mens. Iulio, d. VII. cuius ossa VIII. eiusdem mensis, huc ad aui-

ad auita conditoria deposita sunt. V. G. V.

*Principis VLRICI potuisti tollere corpus*

*Inuida mors, animam tollere nulla potes.*

*Scilicet hoc solo fuerat mortalis. At idem*

*Parte tamen viuuit nobiliore sui.*

D. O. M. S.

Vt omne natum caducitati subiectum, ita & eodem decreto, Illustriss. Princeps Maximilianus Dux VVirtemberg. &c. Anno salut. M. D. LVI. XXVII. die Augusti natus, mens. VI. dieb. XXII. superstes, infans dulciss. parentes optatæ vitæ desiderio priuauit ann. Christi M. D. LVII. mens. Mart. die xvii. Cuius ossa xix. eiusdem mens. huc ad auita conditoria translata sunt.



## VVIRTZEBVRGENSIA,

VEL

## HERBIPOLENSIA.

IN SVMMO TEMPLO.

**C**ONRADO à THVNGEN Episcopo VVirtzeburg. & Franciæ Orientalis Duci, præcipuæ viro iustitiæ, egregiæ eruditionis, temperantiæ singularis, acutissimiq; iudicij, quem primo statim susceptæ administrationis limite arreptum vesani huius seculi dissidiû, seditio, & calûnia seueriter diu & contumeliosè habitum, vnà cum Ecclesia eius, extremæ penè subiecissent interneconi, in Deo suffragante, aduersus iniquissimæ fortunæ procellas vigili prudentiâ, infracta dexteritate, tolerantiaq; mirâda grauiter superasset;

set, æquiore seculo digniss. vixit autem an. plus minus LXXIV. præfuit an. XXI. mens. IV. dies x. Obijt XVI. Kal. Iul. Anno salut. M. D. XL. communi suorum mœrore & luctu, vt umbra corporis comes, sic fascium cura, labor, ærumnæ, atque mille pericula; quæ strenuè vtentem sequuntur vndique, sed vincit ille cuncta, qui fidit Deo.

---

AD TVMVLVM MAVRITII AB  
HVTTEN EPISCOPI EYSTETTEN-  
fis, &c.

*Aspicias humana breuis vt sit linea vita,*

*Vt dubias verſet mors inopina vices.*

*Fata manent quemuis, humili seu stirpe parentum,*

*Sive sit à magnis nobilis ortus avis.*

*Grandia nec profunt vel pondera diuitis auri,*

*Lecta vel in rubro gemmea gaza mari.*

*Omne relinquendū est, cūm venerit horula mortis,*

*Suaue prius quicquid, vel tibi dulce fuit.*

*Talia peccati labes ab origine prima,*

*Noxius hæc meruit præmia lapsus Adæ.*

*At benè qui vixit, moritur benè, dignus olympos;*

*Sanguis & quanquam corpus inane iacet:*

*Vis tamen haud anima cum corporis interit umbra,*

*Vita sed huic Christus, mors erit ipsa lucrum.*

*Viue memor lethi quisquis cœlestia curas,*

*Sic lethi victor gaudia læta feres.*

Vixit ann. XLIX. dies II. Obijt viij. Id. Decemb.

Anno LII.

---

IVLIVS EPISCOPVS VVIRTZEBVRG.

& DVX FRANC. CARISS. FRATRI SVO

Sebastiano Echtero à Mespelbron, V. I.

Doctori POS.

Vt ti-



*Vt tibi care meum frater testabor amorem,  
 Qui raperis fatum iunior ante meum?  
 Hoc tua componam, quod nunc licet, ossa sepulchro,  
 Perpetuas animo constituamq; preces.  
 Morte tua dolui, lacrymas fudere parentes,  
 Tu sapiens, doctus, religiosus eras.  
 Spes erat auxilio mihi te, sed vana, futurum,  
 Imperij dum me sarcina bina premit.  
 O vtinam pariter, possis vt viuere mecum,  
 Tempora sint vita dimidiata mea.*

Obijt anno Domini 1575. die 7. Nouembr. Anno  
 ætat. suæ 30.

---

IOANNIS SINAPII MEDICI  
 CLARISS.

*Heu vester ille concidit SINAPIVS,  
 Lugete Musæ, quem tulit Suinfordia  
 Mater parenti consuli. Vos inclytæ  
 Duxistis alti sub iugum montis Deæ,  
 Vbi Latinas Atticasq; litteras  
 Felix puer cum lacte primo disceret.  
 Maiora Phœbus huic repente contulit,  
 Artem medendi industrium vt iuuenem decet.  
 Hac ille carus regibus multis fuit;  
 Primum Renatæ Franciæ ad ripam Padi:  
 Deinde magno Præsuli Zobellio,  
 Alijsq; multis: atq; cùm prudentia  
 Præstaret, eloquentiæq; viribus;  
 Quintas loquentem comprobauit Carolus.  
 Nil ergò mirum si modò SINAPIVS  
 Viuit, nec eius vnquam abolebitur decus.*

*Mens sancta cœlo continetur, anxie  
 Diem resurrectionis expetens,  
 Christo iubente quando spiritus suum  
 Corpus reducet, atq; viuent mortui.*

*Vale viator, & memor SINAPII,  
 Cui Bruma vitam, Bruma funus attulit,  
 Vinumq; trade, mortuumq; te Deo.*

## DEO IMMOR. SACR.

Et virtuti ac memoriæ clementiss. Principis Melchioris ex antiqua Zobelliorum gente, Reuerendissimi huius Ecclesiæ Præsulis sexagesimi, qui adolescentia multis magnisque in negotijs acta, cùm proximum ab eo, qui primus est in amplissimo collegio, dignitatis gradum adeptus esset; vnanimi deinde amplissimi Senatus consensu, caput Ecclesiæ VVirtzeburg. inclytæque Ostrofranciæ Dux factus, magna laude, summo erga suos studio; summa voluntate, egregia fide, singulari pietate, iustitia, temperantia annis octo Rempubl. administravit. Idẽ Marchico deinde bello sæuissimo, tentatis frustra sæpè conditionibus, extrema per peti, quàm suos in hostium potestatem venire maluit. Ideoque sumptus incredibiles, maxima pericula, damna, direptiones, incendia, omniaque hostilia fortiter in tertium vsque annum sustinendo; tandem prælio ac periculo vitæ, ter hostibus in fugam actis; patriam à crudelissima servitute liberavit, pacem ac tranquillitatem subditis suis, Deo adiuuante, restituit: toti que Imperio factum suum comprobavit. Sed, ô fallacem hominum spem, fragilemque fortunam, quadriennio post, pace iam composita, anno D. LVIII. su-

prà millesimum, xvii. Kalend. Maij à xv. coniu-  
 ratis illius belli reliquijs, in prooppido insidian-  
 tibus, ex vrbe in arcem ascensurus, globo per pa-  
 pillam sinistram nefariè traiectus, vnà cum duo-  
 bus nobiles aulicis suis præstrenuis iuuenibus  
 VV. Carolo à VVencheine, & Iacobo Fuchs, pro  
 patria, quam conseruarat, mortem in Christo feli-  
 cem, nobis autem per luctuosam, Princeps opt. glo-  
 riosè oppetijt, cùm annos XIII. mens. VIII. dies  
 v. præfuisset, Reuerendissimus amplissimusque  
 Princeps Fridericus à VVirtzburg. Episcopus, ac  
 Franciæ Dux, successor, & in eius morte decoranda  
 studiosissimus. H. M. P. C.

## ALIVD.

*Conditur hac DANIEL STIBARVS vir ma-  
 gnus in vrna,  
 Quem meritò sequitur gloria, fama, decus.*

## D. O. M. S.

D. DANIELI STIBARO à Rabeneck huius  
 ædis, ac aliarum aliquot Canon. & præpos. Eq.  
 Ord. viro, pietate, eruditione, rerum experientia,  
 omniq̃ adeò virtutum genere, non priuatis tan-  
 tum & suis, sed summi ord. principib. etiam exte-  
 ris probatiss. necnon literatorum ac bonorum o-  
 mnium fautori patronoq̃; singulari: qui in grauiss.  
 Reip. negotijs annis amplius xx. summa fide &  
 integritate versatus, ita vt salutari eius consilio  
 multoties adiutam sese patria perspexerit, pro cu-  
 ius & salute, bello turbulentiss. temporibus neces-  
 sariò legationis munere perfunctus, deficientibus  
 in itinere viribus, breui pòst tempore, nō sine ma-  
 gno multorū, ac opt. cuiusq̃; mœrore, succubuit.

Vixit

Vixit annos plus minus III. Execut. Test. F. C. C.  
Anno 1555.

---

EPITAPHIVM CONRADI EPI-  
SCOPI.

*Hic procumbo solo, sceleri dum parcere nolo,  
Vulnera facta dolo dent habitare polo.*



HERVORDIAE.

---

IOAN. GLANDORPII MONASTE-  
RIENSIS.

**L** Vce bis vndena Febrai Glandorpius atris  
Absumptus curis in sua fata ruit.  
Ossa boni cineresq<sub>3</sub> viri tegit humida tellus.  
Aspectu fruitur mens animosa Dei.

---


E REGIONE IN COLUMNA  
LAPIDEA.

GLANDORPI, cuius studiumq<sub>3</sub> fidemq<sub>3</sub> Iuuentus  
Sensit, amans tellus hoc capit ossa sola.

---

DE EODEM HENR. SIBAEVS  
OLPHENIVS.

*Lector amans Christi, iacet hic Glandorpius ille,  
Musarum cultor, Pieridumq<sub>3</sub> decus.  
Quem nunquam viuum Germania tota prehendit,  
Defunctum tumulus continet exiguus.*



MAGDEBURGI.

---

IVL. CAES. SCALIGER.




**V**os ego magnanimis inuictos Saxonas armis,  
 Atq; graues Martis turbine canto duces.  
 Non Macedo tu miles eras. Sic Gracia mendax  
 Facta tua in laudes transtulit alta suas.  
 Non veteres huc te quondam misere Britanni:  
 Quin iam seruiuit terra Britanna tibi.  
 Ipsa tua es: primumq; tuis cum montibus orta:  
 Cum caeli ipsius sinibus orta tui.  
 Diues agri, diues quasita vestis, & auri;  
 Gens, dubium est, armis, iustitiãe prior.  
 Est hominis, patrijs alios bene vincere telis:  
 Iustitia teipsam vincere velle, Dei est.

OTTO I. IMPER. OBIIT ANNO  
 D. CCCC. LXXIII. ET SEPULTVS PRO-  
 pè coniugem \* Editam cum hac \* alij legunt  
 inscriptione. *Idithæ.*

*Tres luctus causa sunt hoc sub marmore clausa,  
 Rex, decus Ecclesie, summus honor patriæ.*

IN MEDIO FORO VRBIS  
 VETERIS.

ROLANDVM vix vetustate agnitum, Consules  
 D. Ioan. Scheyring, artium & vtriusque Iuris Do-  
 ctor: & D. Heyne Aleman, S. P. Q. M. expensis re-  
 nouari ac restaurari curarunt. Anno Domini M:  
 D. XXXIX.



ARGENTINAE.

AD PRAEDICATORES.

Dd

Cedite

**C**edite pictores, hinc blandi cedite vates,  
 Oratorq; tuo flumine constiteris.  
 STURMIVS vt fuerat, non est imitabilis arti,  
 Talis & ingenio, talis & ore fuit.

Sturmiorum genti, cuius antiquitas à Rudolpho Habsburgio Romanorum Rege confirmata fuit, perpetuo nobilitatis Offenburgicæ beneficio, quod ab eo VVernherus Sturm. accepit: qui anno 1560. Senator erat. Iacobo item Sturm. ornamento maiorum, exemplo nepotum, anno Christi 1524. Senatori, 25. XV-viro, 26. XIII-viro, sæpè Prætori, XCI. ad comitia Imp. conuentus Principum, ciuitatis legato: Quibus legationibus ab vrbe abfuit annos propè nouem: Qui gratis, maiorum exemplo, patriæ consulere maluit, quàm Electorum & Principum consilijs, magno suo emolumento præfici: constitutis suo consilio Scholis: amplificata sua pecunia bibliotheca: auctisque suo testamento Scholarum fructibus annuis 50. aur. argen. nato anno Christi 1489. mortuo 1553. Aetatis 64. pleno ac 10. Augusti, hebdomade 12. 30. Octobris: optimo ciui: clarissimo viro: charissimo fratri: Fridericus & Petrus Sturmij, amoris, honoris, memoriæ, exempli ergò hanc tabulam posuerunt.

IOAN. STURMIVS F. Argentor. ann. 1560.

---

IOANNIS GVINTERII  
 ANDERNACI MEDICI.

*Hic situs est ANDERNACVS prope coniugis ossa,  
 Expectans regni gaudia lata Di.  
 Certabant virtus, pietas, doctrina, senectus,*

Et vo-

*Et voluit primo qualibet esse loco.*

*Sed vicit pietas, animamq; per aethera Christo*

*Adduxit, cuius numen adorat ouans.*

*Ingenuas coluit felici fidere musas,*

*Pœoniaq; tulit pluribus artis opem.*

*In terris famam, nomenq; reliquit honestum,*

*Spiritus it calo, membra recepit humus.*


*Excessit septem decies ac amplius annos;*

*Mens tamen in sano corpore sana fuit.*

*Sed quid opus multis? laus vni hac sufficit vna,*

*Ingenio magnos vicit, & arte viros.*

Obijt anno M. D. LXXIV. IV. Octob.



## RATISBONA.

IN CVRIA SEQVENS INSCRIPTIO

AVREIS LITERIS IN TABVLA

MARMOREA.

**Q**uisquis Senator Curiam officij causa ingrederis, ante ostium priuatos affectus omnes abijcito: iram, vim, odium, amicitiam, adulationem. Reipub. personam & curam subijcito. Nam vt alijs æquus aut iniquus fueris: ita quoq; Dei iudicium expectabis & sustinebis.



## LIPSICA.

IN LIPSICAM IVL. CAES.

SCALIGER.

**L**IPSI A, se ostentans sublimibus aurea tectis;  
Lumina dum saturat, mens perit icta fame.

*Veſta quibus ratibus longinque marmora terræ?  
 Vnde frequens flauipura nitela Tagi?  
 Huc Cyprum, huc Temefum, huc Arabas, huc Serica  
 Sedibus euulſa huc Indica regnaſuis. (dices  
 Cùm gemma bibitur, vincuntur neſtare gemma:  
 Sed lingue varius vincit vtrunq<sub>2</sub> nitor.  
 Nec Germana tamen vitiatur LIPſIA luxu:  
 Aſt hunc Germanum Lipſia magna facit.*

---

## I N C V R I A.

*Perditus eſt cupidè qui turpia ſcœnora captat,  
 Fraude ſuam parto ditet vt ære domum.  
 De malè quaſitus ni tertius excidat heres,  
 Nec quartus certè nullus adire poteſt.  
 Sed magis ille ſapit, Domino qui fidere nouit,  
 Inq<sub>3</sub> ſua degit conditione pius.  
 Hunc vltro ſequitur cunctarum copia rerum,  
 Et velut in ſomno quod cupit omne, capit.*

---

TITZMANNI DVCIS MISNENSIS  
 IUXTA ALTARE D. THOMAE  
 trucidati.

*TITZMANNVS ego ſum: me olim genuere pa-  
 Albertus Princeps, Margaretaq<sub>3</sub> pia. (rentes  
 Imperium titulumq<sub>3</sub> dedit Thuringia nobis:  
 Marchia Luſatia, Miſena & ipſa potens.  
 Quaq<sub>3</sub> patet vetus in planis Libano tria campis,  
 Et qua mundano ſtumine Ptifna lauat.  
 Frater erat Fridericus idem Mauortius heros:  
 Propatria mecum pralia dira ſubit.  
 Nam ſuperare datum eſt nobis victricibus armis  
 Bohemia populos, Saxoniæq<sub>2</sub> duces:*



*Marchio de Brenburgk VValdemar nomine dictus,  
Agmine deuictus vincula nostra tulit.*

*Ascanius Princeps cecidit quoq; cuspide nostra:  
Sed vitam supplex hic miser emeruit.*

*Romulidum reges, Albertus, Adolphus, & alter,  
Non poterant nostras frangere Marte manus.*

*Viribus, ô pietas, nostris sed terga dederunt:  
Caesareis opibus tunc ego diues eram.*

*Innumeri & nostro casi sunt ense Sueui,  
Audentes patrios sollicitare Deos.*

*Omnia sic vici, durum sed vincere fatum  
Non potui, Lachesis quod dedit atra mihi.*

*Obijcit illa mea crudelis pectora ferro,  
Dum steteram cautus in medio Ecclesie.*

*Sic victor victus cecidi, virtute triumphos,  
Et laudes meritas non rapit vlla dies.*

Obijt 8. Cal. Ianuar. anno 1280. Dantes Florenti-  
nus fecit.

## ALIVD.

Siste viator gradum, pij maneste rogitant. Mo-  
numentum quod cernis HVGOLDO PFLVG est  
conditum. ast ipse longè aliud, quod nullis vn-  
quam consenscit seculis, sibi liberalitate ac vir-  
tute insigni viuens posuit. Vixit annos XLVI. Mor-  
tuus xxv. Septemb. anno † Hæc te scire volui. Aue  
amice. Vale.

D. O. M.

SIMON PISTORIUS LL. D. Obijt III. Non.  
Decemb. an. Christi M. D. LXII. ætat. LXXIII. pa-  
ter liberorum XXI II.

VITA NOSTRA FIDEI VITA EST,  
NON CONTEMPLATIONIS.

*Clauditur hoc tumulo SIMON PISTORIVS, is quæ  
A patre præclaro nomen auoq; tulit.*

*Saxonice vixit qui Cancellarius aule,  
Vltra quinq; gerens lustra regentis onus.*

*Ingenio præstans, studio indefessus, honore  
Summus, consilij vtilis, ore potens.*

*Quod mortale fuit tellus tenet: indita fama  
Nominis haud vllò stat violenda die.*

Patri clariss. filij moestiss. P. C. P. C.

IN AEDIBVS HORTORVM D. MARCI  
PFEIFFERI.

*Cùm meus in medio Dominus me poneret horto;  
Nocturnis terror furibus, inquit, eris.*

*Iam dices, quis te metuet casa muta? sed audi,  
Iniustum terret qualibet vmbra virum.*

IBIDEM.

*Heus tu, quisquis in hæc furtim viridaria reptas,  
Ne continge tua non tua poma manu.*

*Sed tangis, video: faxit Deus ergo quod opto,  
Cum malis nostris & mala nostra feras.*

IN AEDIBVS D. AVERBACHI  
INTERIORIBVS.

*Quæ neq; pauperibus, neq; mole potentibus auri,  
Nec pueris noui parcere, nec senibus:*

*Mors vocor, imposu nūnquid malè dixero nomen?*

*Quòd fugere à morsu res nequit orta meo.*


HOMO BVLLA.

## IBIDEM.

Aedificandi omnis ratio à necessitate primùm  
orta est, eam pòst aluit commoditas, & honestauit  
v̄sus; vltimum fuit, vt voluptati quoque non nihil  
indulgeretur.

## EXTRA.

*Mors certa est, incerta dies, hora agnita nulli,  
Extremam quare quamlibet esse puta.*



## MOGVNTINA.


AD D. FRANCISCI ANTE SVM-  
MAM ARAM.

**Q**ui sacra Christigenis p̄debat fœnore multo,  
Talis IOANNES stabat eratq; FERVS.  
*Artificis dextrapingi mens Enthea nescit:  
Illa sed inscriptis conspicienda venit.*  
Obijt anno Christi M. D. L XII.

## IN S. MARTINI.

*Bis Praesul factus Comes ET SENBVRG DIET-  
HERVS,*

*Moguntinam arcem struxerat atq; scholam:  
Hoc voluit tumulo corpus condi miserandum,  
Ciuiibus aethereis dans animamq; Deo.*  
Obijt anno M. CCCC. LXXXIII. VII. Maij.



## SPIRENSIA.

## IN SVMMO TEMPO.

*Filius hïc, Pater hïc, Auus hïc, Proauus iacet isthic,  
Hïc Proauu coniunx, hïc Henrici senioris.*

CONRADVS II. Imp. Obijt an. 1039. II. Non.  
Iulij.

GISELA Imperatrix obijt xv. Kal. Martij.

HENRICVS III. NIGER, Obijt an. 1056. III.  
Non. Octob.

HENRICVS IV. SENIOR, Obijt VII. Aug. An-  
no 1106.

BERTHA Imperatrix obijt vi. Kal. Ianuar.

HENRICVS V. IUNIOR obijt v. Kalen. Maij, an-  
no 1125.

## IBIDEM.

*Famosi Reges, clari Comitesq̄, Ducesq̄,*

*Et Reginarum nobilis vsq̄ phalanx:*

*Hoc in magnifico dum stabunt secula templo,*

*Vestrarum laudum fama perennis erit.*

*Quippe domo nostra cui munera magna dedisti,*

*Haud frustra placuit corpora vestra regi.*

*Sperastis precibus animas quandoq̄, leuari,*

*Hic facilem ad superos spes erat esse viam.*

*Viuite felices aeterna laude sepultri.*

*Quorum animas cœlum, corpora terra tenet.*


## IBIDEM.

Reuerend. ac illustri Principi ac Domino D.  
GEORGIO Episcopo Spiren. ac Comiti Palatino  
Rheni, Duci que Bauariæ, admiranda clementia,  
prudencia & pietate vndiq̄; conspicuo: ac demùm  
flagrante Anglico sudore, immatura morte defun-  
cto, eius in Episcopatu successor PHILIPPVS à  
FLERSHEIM, hoc monumentum cōstituit. Obijt  
anno salut. M. D. XXIX. die XXVII. Sept. qui eter-  
na luce fruatur.



IN MONASTERIO VALLIS VTRINAE.  
FRIDERICI SPIRENSIVM PRAE-  
sulis.

Epitaphium ridiculosum, & satis felix pro illo xuo,  
Continet hac fossa, FRIDERICI Praesulis ossa,  
Quondam Spirensis, Deus illum pascere mensis  
Cali digneris: epulis quoq; iungere veris.  
Anno milleno tricentenog; secundo,  
Atq; Kalen. quinto Februi datur is pius antro.



## MISNICA.

**C**onditur hoc saxo, cui mortem Dresda, se-  
pulcrum

Misna dat, † HENRICVS † Friderici II, Ele-  
principe stirpe satus. Etorum filius.

Tollitur in calum, teneris extinctus ab annis,

Tristitia hic matris prima dolentis erat.

Mortali quicquid de semine nascitur, illud

Mortali pariter conditione perit.

Obijt anno ætatis XII. xi. Kal. August, M. CCCC.

XXXIII.

## ALIVD.

Dignus † Alexandri qui nomine posset haberi, † al-  
ter filius Friderici II. Electoris.

Heurapitur manibus mors violenta tuis.

Talis erat facie, forma, virtute, vigore,

Maiorem ingenio ferret vt ore decus.

Sæpè cadit crescens læsis radicibus arbor,

D d s

Virtus

*Virtus saepe suum concidit ante diem.*

Obijt anno Domini M. CCCC. XLVI.

FRIDERICI, FRIDERICI II. ELECTORIS F. OBIIT M. CCCC. LI.

x. Kal. Ianu.

MATER AD TVMVLVM LOQVITVR.

*Vulnera terna tuli, genitrix mœstissima: natis*

*Qua tribus ereptis, iam viduata, gemo.*

*Quis titulos patrios feret, aut virtutis honores?*

*Quis sera atatis dulce leuamen erit?*

*Has tibi sparge rosas, hos flores pono sepulcro*

*Nate tuo, super a late recepte domo.*

*Cetera Christe tibi, tacita commendo querela,*

*Sum mater super sedibus, orta meis.*

ALBERTI SAXONIAE DVCIS.

*ALBERTI sita sunt hic clari Principis ossa,*

*Qui fuit inuictus robore, pace, fide.*

*AEquabat calum, quo sospite Misna, supremo*

*Et tetigit superos vertice lata Deos.*

*Hoc viuente, fuit scelerum repressa facultas,*

*Hoc pro iustitia Principe pugna stetit.*

*Virtuti nunquam meritos subtraxit honores,*

*Fulsit in excelsa pax probitasq, loco.*

ALIVD.

*Nondum genus mortis mea refertur,*

*Neg, adhuc sciunt populi, quid interemit.*

*Hic ferreum somnum capio sepultus,*

*ALBERTVS ille Frysij timendus,*

*Propago Martis, præliorum Enyo.  
Multi putant hostilia obsidentem  
Mœnia, trucidatum esse flammicrepæ,  
Funde globo: multi negant ita esse.  
Sat hoc tamen constat, carere vita*

*ALBERTVM, ab ortu Saxonum Ducem auito,  
Ne Frysij iam nunc quidem timendum.*

## EUGE VIATOR.

*DVRVM, SI NESCIIS, FRANGIT PATIENTIA.*

## ANNA

Gentis BËTSCHITZ nobilis foemina, immensis malorum acta casibus, armis munita patientiæ victrix sæpe, nunquam succubuit, hîc magnum exemplû statuit, vnus funestus dies, tres charissimos, Theodoricum Commerstad coniugem, duosque filios (infandum) grauidæ abstulit, ipsa que sola mærens, secundis relicta nuptijs, quæ quidem quamuis contigissent, non perinde bonæ; tamen suo more euicit patientia, Ergo malorum fortita terminum, huc nomen suum il libata cõtulit, pudica, benigna, patiens, matronarum decus omnium. In Christo requiescit suauiter, Mortua est die xxv. mensis Iunij, ætatis suæ LXXXI.

*Liberi pijsimæ matri mœrentes F. C.*

## FRIDERICI DVCIS GREGORII F.

*Moribus innocuus, præclaro stemmate Princeps,*

*Qui niuea placidus simplicitate fuit:*

*Illâ luce diem vidit, quâ milite multo,*

*In Phrysiis genitor de patria iuit agros.*

*Vno qui vixit tantummodo mense maritus,*

*Postq̃, cui septem læstra, reliquit humum.*

*Ante patrem moritur, qui nulla prole relicta,  
 Post etiam vitam finijt inde suam.  
 Scilicet ex omni nil cuiquam parte beatum.  
 Fata manent iuuenes, credite, fata senes.*

Obijt I V. Kal. Mart. Anno M. D. XXXIX.

---

LAVRENTII HOFMANNI MUSICI.

In choro templi Afrani.

*Hic iaceo HOFMANNVS, cantandi clarus ab arte,  
 Misniacæ quondam portio magna scholæ.  
 Francia nascentem, morientem Misnia vidit,  
 Dantem operam studijs Leucoris ipsa bonis.  
 Deserui terras, cum nondum lustra peractæ  
 AEtatis cæpi sex numerare mea.  
 Si vitam quæris, placuit mihi semper honestas,  
 Et studui mores composuisse meos.  
 Sedulus impositum munus sine crimine gessi,  
 Primaq; cura mihi de pietate fuit.  
 Hac, quod debetur morti, sub mole quiescit,  
 Pars melior cæli regna beata tenet.*

---

IBIDEM.

*Nobilitas, & opes & clari fama laboris,  
 Et studijs mores excoluisse bonis,  
 Magna viro laus est: sed nil præclarior illa,  
 Quàm patriam & verum quàm coluisse Deum.  
 Laude hac, Schleinicia de gente GEORGIVS ortus  
 In vita fuerit, morteq; clarus erit.  
 Hunc tumulum nati caro posuere parenti,  
 Et dulci coniunx efficiosa viro.*

Obijt anno M. D. LV. X. Kal. Febr. ætat. XLIII.



## IBIDEM.

*Serhusium domus est, clari virtute parentes,  
 Nomen IOANNES, gens mihi Schleincia.  
 Mors est visa quies, aliam scio speroq<sub>3</sub> vitam,  
 Hic cinis ipse, nouus quando futurus homo est.  
 Hoc posuit pietas fratrum officiosa sepulchrum:  
 Mens & amor nobis quatuor, vnus erat.  
 Obijt anno M. D. XL. IV. Kal. Febr. ætat. XLVI.*

PARATVM EST COR MEVM DOMINO,  
 PARATVM EST COR MEVM.

## DEO OMNIPOTENTI SACR.

*HVGO decus gentis Maxenæ in flore iuuentæ  
 Concidit, vt rigua flos speciosus humo.  
 Fatalem in morbis varijs cum cerneret horam,  
 Ad Christum toto pectore versus, ait:  
 Est tua delictis maior clementia nostris,  
 Victor, Christe, tuo sanguine mortis ero.  
 In te credo vnum, corpus tibi pono caducum,  
 Inq<sub>3</sub> tuam patiens omnia trado manum.  
 HVGO Dei viuens templum fuit atq<sub>3</sub> quiescens,  
 Nunc colit in celis aurea templa Dei.  
 Elizabetha parens, dilectaq<sub>3</sub> nomina fratrum,  
 Hoc mæsti titulum constituere loco.*

EXTRA VRBEM ANTE D. VVOLF-  
GANGI.

## IESV CHRISTO SACRVM.

IOANNI RIVIO Atthendor. viro opt. & mag.  
 mor. seueriff. præclarè de præsentibus posterisque  
 merito; ornato à principib. culto ab eruditis: cum  
 Anna

Anna con. & Paulo fil. morbo populari extincto,  
hacterra condito. Georg. Fabritius Chem. Præce-  
ptori suo incomparabili. Obijt Kalend. Ianuarij  
M. D. LIII.

*Dominus adiutor in oportunitatibus.*




## C E L L A E.

### M E M O R I A E

CATHARINAE TILENIAE Cellensis, Melchioris Danquardi Secretarij Megapolitani vxoris pudiciff. septimùm prægnavtis, sed inter Héricopol. & Brunlugam ebrij aurigæ incuria cum viro & duobus filiolis bis vehiculo excussæ, & ita consternatæ & lætæ, vt paulò pòst huc delata, abortum fecerit: & vndecimo pòst die, ipsa quoq; piè obdormerit: & hoc ipso in templo, quod ante an. XVI. sponsa adierat, in spem latissimæ resurrectionis, sepulta sit. Anno CIO. IO. XXCI V. Decemb. XII.

Maritus coniugi dulciff. & opt. de se meritæ pietatis ergò cum luctu & lachrymis P.



## BRUNSVICENSIA.

### IN TEMPLO CATHEDRALI.

*Hic iacet HENRICVS quondā Dux, conditor huius  
Ecclesie, dignus nobilitate pius:*

*Moribus ornata sibi coniux est sociata,  
Pauperibus larga, simplicitate pia.*

*Inclyta MECHTILDIS Anglorum filia Regis,  
Nutriat angelicis hos Deus ipse cibus.*


*Adiacet aptatus Rex horum sanguine natus*

OTTO

OTTO coronatus, vermibus esca datus.

Huius erat post sponsa Philippi stirps genorosa,  
Filia formosa, nunc cinis, antè rosa.

Qui legis hac metra, memor esto orans pro poëta:  
Quid caro, quid vita, quid res? nisi mors, cinis,  
vmbra.



## LVNEBURGI.

EPITAPHIVM HERMANNI TVLLI-  
CHII, PRIMI SCHOLAE LVNE-  
burg. Rectoris.

**H**ermannus iacet hic TVLICHVS ille,  
Orator bonus, & Poëta felix,  
Huius sceptrâ scholâ tenebat vrbis  
Magna laude diu, sed ante tempus,  
Tantum fata virum abstulere mundo,  
Cum mœrore graui omnium bonorum.

Obijt anno 1540. Iulij XXVIII. ætat. LIV.

GEORGII STENII CITHAROEDI.  
STENIVS hic recubat testudine ludere doctus,  
Cui peperit nullum Teutona terra parem.  
Cum moriebatur, Musæ Charitesq; gemebant,  
Tristis & abiecta flebat Apollo lyra.  
Ast cœlum risit. quoniam vt mortalibus antè,  
Sic insigne melos nunc canit ille Deo.

IBIDEM.

HENRICO HVSANO Isenacensi Turingo, ab  
ineunte ætate in Germania, Italia & Gallia bonis  
litteris & linguis exculto, & mox supra ætatem  
egre-

egregio oratori, politico & I. Cto. Saxoniz & multorum principum consiliario & legato, Cancellario Megapolitano, & post aulicarum iactationum tædium Luneb. quoque Reip. syndico, dexteritate & vsu rerum conspicuo: & in consilijs, transactionibus & pacificationibus mirificè expetito, pieque hîc defuncto in spem optatiss. resurrectionis vxor & liberi cum lachrym. P P.

CIRCA IDÈM MONVMENTVM.

COELVM POLITEVMA PIORVM EST.


*Christo vno duce carpe viam, sic itur ad astra.  
Aurea puluereis præstant aterna caducis.*

Nulli sine Marte triumphi.

VITA CRESCENDO DECRESCIT.

MORS LILIA SENTIBVS AEQVAT.

*Nil fragili à fracto; quod tu esse solebas,  
Ipse fui, fies tu quoq; sum quod ego.*



LVBECENSIA.

IN LVBECAM IVL. CAES.

SCALIGER.

**S**I referam; mihi quis credet? sub limina mundi  
Ultima legis iura vigere Dei.  
Ingenium, candorem animi, cultumq; fidemq;  
Fortiaque inuicta pectora pura manu,  
Dum mirata stupet terras Astraea relinquens,  
Atq; putat cæli regna, resedit ibi.

IN SVMMO TEMPLO.

A. . M. C. LXX. ædificata fuit præsens Ecclesia,  
per



per Dominum Henricum Ducem Bauariæ & Saxoniæ, & per Henricum III. Episcopum Lubecensem, & fundatorem Monasterij sancti Ioannis in Lubeck consecrata in honorem sanctorum Ioannis Baptistæ & Nicolai confessoris IESV Christi.

## IBIDEM.

Anno 1465. prima die Februarij ex hac vita migravit DETHLEVIVS RANZOW, Dn. in Neuersdorp, huius Ecclesiæ Canonicus, qui hoc loco, cum patre Henrico milite, anno 1464. die 6. mēsis Martij mortuo, sepultus est. Inscriptionem monumenti vetustate corruptam, H. R. Regius in Holsatia Legatus refecit, Anno Domini 1575. ætat. 50.

*Ordinis est sacri DETHLEVVS adeptus honorem,*

*Qui sua de Canonum nomina iure tenet.*

*Quâ colitur pulchra templum cathedrale Lubeca,*

*Quaq; frequens largis ara ministrat opes.*

*Hic sua tranquilla traduxerat otia vita,*

*Consilio prestans ingenijq; bonis.*

*Saua trucidis genitor tractauerat arma Gradini,*

*HENRICVS celebri nomine vectus Eques.*

*Cum patre iam dormit sociâ DETHLEVVS in vrnâ,*

*Qua sacra baptismi labra replentur aqua.*

HENRICVS RANZOVIVS, Nobilis Holsatus, D. Ioan. F. Regis Daniæ, tam vtriusque Ducatus Slesuicensis & Holsatiæ, quàm Dithmarsorum Gubernator & loci tenes, THEODORICO RANZOVIO, summæ spei, optimæque & generosæ indolis, vixdum pubescēti filio suo dulcissimo, præpropera immaturaque morte sibi erepto, nec non Nicolao Ranzouio, eiusque vxori Luciæ, à quibus

hic Theodoricus educatus est, in memoriam & certam futuræ resurrectionis spem statuit. Obdormiuit Lubecæ, Anno 1572. die XXVII. Iun. ætatis suæ II.

## IN CATHEDRALI.

Humi in lapide.

D. HENRICI BROEMSI I.

*Stemmata præclaro doctore proconsule natum,*

*Doctorem Iuris atrasepulchra tenent.*

*Fersidia vulgipatrÿs dum sedibus exul*

*Imperij Consul Cesaris & fit, Eques.*

*Sic mundi curis tandem, fessusq; senecta*


*Iungitur inuictus mortis agone Deo.*

Obijt anno 1542.

## IBIDEM IN SVBLIMI.

D. O. M. S.

Strenuo ac nobilitatis splendore viro spectabili, Domino HENRICO BROEMSEN, Equiti Aurato, ac I. V. Doctore eximio, inuictissimiq; ac potentiss. Caroli V. Imperatoris quondam Confiliario fidelissimo, amplissimæq; ciuitatis huius patricio, agnati, gratæ memoriæ causa insignia hæc poni curauerunt. Obijt humanæ salutis anno 1543. die conuersionis Pauli, cùm vixisset annos 67. dies decem & septem.



## HAMBVRGENSIA.

IN COEMITERIO SVMMI

TEMPLO.

**A** Nno Domini M. D. XVII. in vigilia conceptionis

ptionis virginis matris gloriosæ, spectabilis & egregius vir, Dominus ALBERTVS CRANTZ, sacræ Theologiæ ac Decretorum eximius Doctor, Ecclesiæ Hamburgensis Canonicus, lector facundissimus, doctissimusque, & olim Decanus: morum ac virtutum specimen & exemplar, patriæ decus, feliciter concessit in fata. cuius anima cum beatis molliter quiescat.

AENIGMA INCISVM LAPIDI SEPULCHRALI IN TEMPLO CATHEDRALI.


O, MORS, CVR, DEVS, NEGAT, VITAM;  
SVPER  
BE, TE, BIS, NOS, BIS, NAM.

Canon.

*Ordine da primam media, mediamq̄ sequenti,  
Debita sic nosces fata, superbe, tibi.*

*Quid mortalis homo iactas te? quidue superbis?  
Cras fors an fies pulvis & vmbra leuis.*

*Quid tibi opes profunt? quid tūc tibi magna potestas?  
Quidue honor? aut prestās quid tibi forma? nihil.*



BREMENSIA.

IN TEMPLO PRIMARIO.

BARTHOLDI RANTZOVII, qui obiit anno  
M. CCCC. LXXXIX.

**F**Vnde viro lacrymas Brema, atq̄ hūc plāge via-  
Extinctum, virtus quē super astra leuat. (tor  
Bartholdi Ranzou præclaro stemmate nati  
Hoc tumulo cineres ossaq̄ clausa iacent.

*Dum vixit, sacro venerandus in ordine vixit,  
 Buxthuda extremum clausit in vrbe diem.  
 Cui vita, atq; animo studuit seruire pudico,  
 Defunctum regnis, insere Christe, tuis.*

## IN CVRIA.

*Tempore cùm longo domus hæc collapsa fuisset,  
 Orbâq; iam cuncto pane nitore foret:  
 Sumptib<sup>9</sup> hâc proprijs voluit reparare GERARDVS  
 Qui de RANZOO stemmate nomen habet  
 Effet vt hospitij sedes sibi grata, suisq;  
 Qui cupiunt vrbis commoditate frui.*



PALATINA,  
 SEV  
 HEIDELBERGENSIA.

IN HEIDELBERGAM IVL. CAES.  
 SCALIGER.

**N**obilis Imperio Franconia dextra potenti  
 Belligero nulli Marte secunda viget:  
 Cùm victis ab se pepulit vectigal Alanis,  
 Libera Germano nomine Franca fuit.  
 Nec contenta suis angustis finibus (illi  
 Quæ par virtuti terra futura foret?)  
 Egreditur: superât. Germani ô pectus honoris!  
 Victoris victos nomina ferre sat est.  
 Non aliundè venis: Francusue est Hectoris vllus.  
 Quid petis à victo stemmata? tota tua es.

DVCVM



DVCVM PALATINORVM AD RHE-  
NVM MONVMENTVM.

ROBERTVS Bauariæ Dux, Comes Rheni Pala-  
tinus, Romanorum Rex, iustus, pacis & religionis  
amator, dignus Deo visus, qui pro Iustitia patere-  
tur. huius sacræ ædis & collegij institutor, hic cū ca-  
stissima cōiuge Elisabetha, Norici Mōtis Burggra-  
uia quiescit. vita functus an. Chr. 1410. Cal. Iun. xv.

## IBIDEM.

*Cetera qui circum lustras monumenta viator,  
Hæc quoq; non longa est, perlege pauca, mora.  
Si Ducis audita est forsant tibi fama PHILIPPI,  
Clara Palatina quem tulit aula domus.  
Qui modò Pannonicam defendit ab hoste Viennam,  
Et soluit trepidos obsidione viros:  
Tunc cū Threicij vastarent omnia Turcæ,  
Et tremere subito Noricæ regna metu.  
Mox etiam impleuit magnum virtutibus orbem,  
Vtilis hinc armis, vtilis inde toga.  
Illius hæc tegitur corpus venerabile terra,  
Hic animam, hic vitam reddidit ille Deo.  
Quod, te, si pietas, si te mouet inclyta virtus,  
Iunctaq; cum summa nobilitate fides,  
Huic opta vt cineres placida cum pace quiescant,  
Condita nec tellus durior ossa premat.  
Nam pius ad cæli sublatus spiritus arces,  
Cum Christo viuunt tempus in omne suo.*

Decessit IV. Non. Iul. Anno Dom. M. D. XLVIII.  
Ætatis suæ XLIII. cuius P. F. memoriæ Dux  
Ottoheiricus Comes Palatinus frater amari-  
ssimus, M. H. F. C. An. Domini M. D. L.

## IBIDEM.

Illustrissimo Principi ac Domino D. VVOLFGANGO Comiti Palatino Rheni, Duci Bavarix, &c. Philippi Electoris filio, inter eos qui ad iustam ætatem peruenerunt natu minimo, Principi bonitate ingenij, honesta frugalitate, auitisq; moribus seruandis præstanti, & sorte sua mediocri per omnem vitam contento, Illustriss. Princeps Frid. Tertius Elector hoc monumentum consanguineo charissimo fieri curauit.

Natus est anno M. IVC. XCIV. vlt. Octobr. exemptus rebus humanis 2. April. Anno M. D. LVIII.

## IBIDEM.

Illustrissimorum Principum, Equitum auratorum RODOLPHI ac LVDOVICI Comitum Palatinorum, Bavarix Ducum, ac S. Rom. Imperij Archidapiferorum & Electorũ lamentabilia deposita, altare quod cernis recondita tenet, lubrica fors rarum fauorem breuitate gloriæ ac vitæ compensauit: & hunc tamen extantis fortunis rudem, etsi sanctum, tumulum cõcessit. Quorum prior tota patria illachrymante acerbo funere raptus est anno Domini millesimo ducétesimo nonagesimo quarto, die 2. Febr. Alter anno mill. trecentesimo, decimo nono, die vndecima Augusti.

## ALIUD.

FRIDERICVS Bavarix Dux, Comes Rheni Palatinus, S. R. I. Elector, salus patriæ, prædonum fulmen, tres illustres hostes vicit, principatum auxit, & piè è viuis excessit. Anno Christi 1476. prid.

Id. De-

Id. Decemb. Fuit eius vitę focia virtus; gloria mortis comes.

## ALIVD.

Egregiam virtutem animi dextraq<sub>3</sub> valentis  
 Dum mecum tacitus cogito Beuteriche;  
 Hic Petrus, exclamo, forte Milesius ille  
 Pectore, Mopsopius vel Thrasybulus erat.  
 Ni Thrasybulus eras, Thrasybuli cur mihi viuax  
 Applaudit celebri spiritus è tumulo?

G V I L I E L M V S X Y L A N D E R  
 vxorem alloquitur.

Quo saxum struis hoc nobis fidissima coniunx?  
 Quo mea defuncti versibus ossa notas?  
 AEterna ipse mihi viuus monumenta parauit,  
 Praeueniens fati fila secunda mei.  
 Sed tua te, video, pietas non ficta, fidesq<sub>3</sub>  
 Exstruere hoc nobis certa coëgit opus.  
 En quod progreditur? superat mala tempora fati,  
 Scilicet & verus funera nescit amor.  
 Obijt X. Februar. anno M. D. LXXVI. Anno ætat.  
 XLVI.

## AD D. FRANCISCI.

DEPONENTI ANATHEMA, RELINQUENTĒ  
 BENEDICTIONE.

Sepultus in habitu D. Francisci Anno 1485.

Inuida clauserunt hoc marmore fata RODOL-  
 AGRICOLAM, Frisij spemq<sub>3</sub> decusq<sub>3</sub> soli. (PHVM  
 Scilicet hoc vno meruit Germania laudis,  
 Quidquid habet Latium, Gracia quidquid habet.

HERMOLAVS BARBARVS PATRIAR-  
CHA VENETVS IN MEMORIAM RO-  
dolphi Agricola summi viri.

IN SUPERIORI MONVMENTI PARTE  
hæc leguntur:

RODOLPHI AGRICOLAE FRISII ME-  
MORIAE POS. VIGLIVS ZVICHEMVS.

IBIDEM.

DVRVM EST EXTRA PATRIAM MORI.

*Hic ego RANZOA prognatus stirpe IOANNES,  
Mortuus humana conditione cubo.*

*Cimbrica me genuit, sed non post fata recepit,  
Sicq̄ peregrina sum tumulatus humo.*

*Hanc me pertraxit studiorum feruor ad urbem,  
Principibusq̄ comes, nobilibusq̄ fui.*

*His licuit cunctis ad patria rura reuerti,  
Vnum me reducem noluit esse Deus.*

*Sed bene mens etenim caelesti sede recepta  
Visitat aeterna docta Lycea schola.*

*Corpus humus tegit exanimum, dum suscitet illud,  
Extremi Christus tempore iudicij.*

Obijt an. M. D. LXXXII. Octob. xvii.



AQVISGRANI.

IN TEMPLO B. MARIAE.

**S**VB hoc conditorio situm est corpus Caroli,  
Magni & Orthodoxi Imperatoris, qui regnũ  
Fran-



Francorum notabiliter amplificavit, & per annos  
XLVI. feliciter rexit. Obijt anno ætat. LXXII.  
v. Kal. Febr. anno DCCC. XIV.

CIACCONIVS IN VITIS PONTI-  
*ficum tale ponit.*

MAGNI CAROLI Regis Christianiff. Roma-  
norumq; Imperatoris corpus, hoc sepulchro con-  
ditum iacet.



COLONIENSIA.

IN COLONIAM AGRIPPINAM IVL.  
CAES. SCALIGER.

**M**axima cognati regina Colonia Rheni,  
Hoc te etiam titulo Musa superba canit.  
Romani statuunt: habitat Germania: terra est  
Belgica: ter felix. Nil tibi diua deest.

IN AEDE CATHEDRALI.

DEO OMNIPOTENTI,

Maioribus suis, propatruis, patruis, fratrique dul-  
ciff. amoris & pietatis ergo hic in fide resurrectionis  
quiescentibus, REINHARDVS ex Baronibus  
à VWestenburgh, & Comitibus in Leinigen, huius  
collegij clarissimi Decanus, monumentum hoc le-  
ctor posuit, in quo & se fatali lege solutum com-  
poni viuus constituit. Mortuus est anno M. D. XLI.  
xvi. Iulij, ætat. suæ XLVIII.

## IBIDEM.

ARNOLDI VVESALIENSIS CANONICI.

*Quisquis es, in requiem si vis intrare beatam,**Atq; ita cum Christo perpete pace frui:**Verba Dei auscultes, eademq; sequaris oportet,**Ergo dum datur hic viuere, discite mori.**Transitus ad vitam mors est, si credis in illum,**Qui mortem nostri captus amore tulit.**Obijt anno Christi M. D. XXXIV.*

## IBIDEM.

PROPE SACELLVM TRIVM REGVM.

*Viator huc quisquis putaturus venis;**Subsiste paulum quaeso, paucis te volo.**Saxo sub hoc quod iuxta substratum vides,**Illustrium cineres Virorum vrna occulit,**Quos SEIN A, stirps virtutibus claros tulit,**Honoribusq; auctos supremo in culmine,**Sacrae adis huius GODEFRIDVS hic prior,**Alterq; IOANNES suae gentis decus:**Ambo, sed exteris perinde ac patriae**Bonisq; certatim omnibus carissimi:**Quos saeuens superba fatorum manus**Durum subire compulit mortis iugum.**Ergo pios Manes pijs votis iuuans**Hospes legens haec, quisquis es, dehinc VALE.*

## IBIDEM.

DEO TRINO ET VNI.

Reuerendo Principi, Illustrissimo Heroi ac D,  
D. Friderico, Saxoniae Duci, Metropolitanae ac  
S. Gereonis Colonienf. Argent. & Bremenf. Eccle-  
fiarum

fiarum respectiuè Choriepiscopo, Canonico, The-  
saurario, & Præposito, Ecclesiæ, ditionisq̃e Colo-  
niensis Truxesiano bello afflictæ, acerrimo, cum  
vitæ fortunarumq̃e discrimine defensori, oppi-  
dorum ac arcium recuperatori strenuo, firma in  
Christum fide, primo iuuentæ decursu, religiose  
mortuo, Mauritius Saxonix, Angarię, & VVestpha-  
liæ Dux, in perpetuam amicitie fraternæ nunquam  
violatæ, Monumentum fratri ære suo męstissimus  
pos. Mortuus Agrippinæ Coloniae M. D. LXXXVI.  
die XI. Mens. Decemb. Vixit annos XXXII. Mens.  
III. dies VII.

*Colonia, in Choro Ecclesie Metropolitanae.*

---

D. O. M.

Ad memoriam Reuer. & Magnifici viri D. IO-  
ANNIS VVALSCHARTZ Tungren. SS. Theol.  
Doctoris, ac Metropol. Eccles. Colon. & D. Cęci-  
liæ Presbyteri Canon. trium portionum, pro 3.  
studiosis perpetuo alendis, & missæ quotidianæ  
hoc in loco fundatoris, hic ad æneum à se erectum  
& dotatum Candelabrum sepulti, Executores ex  
ære relicto męrentes, & salutem animæ precantes  
PP. Anno Domin. CIO. IO. LXXXVII. Obijt an.  
M. D. XCVI. Orate pro eo.

---

IBIDEM.

DEO OPT. MAX. TRINO ET VNI

Ob memoriam sacratissimæ Incarnationis Chri-  
sti Saluatoris, & honorem SSS. Regum Ecclesiæ &  
urbis Colonien. Patronorú Reuer. in Christo Pa-  
tri ac D. D. Ioanni Nopelio Lippiensi, S. Theolo-  
giæ Doctori, Episcopo Cyrenensi, Reuerend. ac Se-  
renissimi Principis & Dñi D. Ernesti Archiepis-  
copi

copi Colonien. Principis Electoris in Pontificali-  
bus Vicario & Suffraganeo, huius ædis Metropoli-  
tanæ Canonic. Presbyt. & Parochialis ad S. Co-  
lumbam Pastori vigilantissimo, Anno post Christū  
Natum M. DC. v. VIII. Id. Ianuarij, qui dies illi na-  
talis & fatalis fuit, Cū LVII. ætatis expleuisset  
annum, pientissime defuncto, ad introitum huius  
Sacelli, inxtra suum Patruum eiusdem nominis, ge-  
neris, ordinis, ac dignitatis, sepulto, amici Execu-  
tores, Amoris, & obseruantix, in illum suæ testan-  
dæ causa mœsti posuerunt. Quo tu Christiane Le-  
ctor pro ipsius anima precari memor esses.

*Ibidem iuxta tombam Trium Regum.*

---

IN COLLEGIATA S. SEVERINI  
COLONIENS.

*Ne intres in iudicium cum seruo tuo Domine.*

Epitaphium Reuerendi Clarissimi & Memora-  
bili pietate Doctrinaque spectabilis viri, Domini  
GEORGII TISCHII VVirtzeburgici I. V. Do-  
ctoris huius insignis Collegij Decani & Canonici,  
adhæc Sigilliferi Primarij, & Reuerendissimi Il-  
lustrissimiq̃ue Principis D. D. Ioannis Gebhardi  
Archiepiscopi Colonien. Consiliarij. Obijt anno  
Domini 1568. die Sabbathi, 22. Mensis Maij. Anno  
verò ætatis suæ 57. ex ærumnoso Mundanæ pere-  
grinationis Euripo in portum cęlestis patriæ reuo-  
cati, cuius Corpus vtpotè terrenum huic terrę red-  
ditum est.

I. CORINTH. 15.

Sicut in Adam omnes moriuntur, Ita & in Chri-  
sto omnes viuificabuntur.



*Te venerande gemit Respublica tota GEORGI  
TISCHI quæ VVirtzpurgh vrbs opulenta tulit.  
Consilijs est aucta tuis Ecclesia sape,  
Consilijs res est publica clara tuis.  
Sed quid plangamus? Corpus iam pace potitur  
In paradisiaca spiritus arce micat.*

---

IBIDEM.

EXECVTORES HOC EPITAPHIVM  
POSVERE

Reuerendo, & eximio Domino CONRADO  
VVIPPERMAN VVideburggensi, S. Theologiæ  
Licentiato, huius Ecclesiæ Canonico & Decano  
vigilantissimo, qui post multos magnanime sem-  
per exantlatos labores, & post Iubileum honori-  
ficè celebratum, pie obiit in Domino anno 1605.  
die 3. Ianuarij.

---

IBIDEM.

*siste sigILLifer hIC sItVs est LVDgerVs He-  
resbaCh;*

*Vir saCer Vt VIXIt fVnDe preCes & abi.*

IAC. B. D. auun. POS.

Ludgero Heresbachio Agripp. I. C. Ecclesiæ hu-  
ius seniori Canonico, Iubilario & Scholastico, Ar-  
chiep. Curix Colonien. Sigillif. maiori tam de  
hac, quam Vniuersa Colon. Ecclesia optimè meri-  
to, cum post strenuam pro disciplina, Moribus Iu-  
risdictione, ipsaque seruanda libertate Ecclesiasti-  
ca, tribus ex ordine Archiepis. Principibus Elect.  
Annis ferè 40. constantissimè Nauatam operam  
finem & vitæ & laboribus imposuisset, benefacto-  
ri hæredes PP. Obijt anno Domini M. DCV.  
XIV. Calend. Nouemb. ætatis LXXIII.

---

 IN COLLEGIATA ECCLESIA  
 S. CUNIBERTI.

MEMORIAE IOANNIS FITZERI.

Hospes sta paullum, quod deico pellege, quoinis  
 Ossua sont isteic maistissima consita, raptom  
 Veita eius moltum docta fleuere camana.  
 Heic tuam erodijt Praeses Montane iuuentam,  
 Et Sacra Thoulogia nactus diademata clerom,  
 Atq; gregem, Cuniberte, tuum rexit, docuitq;  
 Sceitus erat; nunquam leuis, aut malu' doctu', fidelis;  
 Commodu', Ioustitia custos, ambitor honesti.  
 Ingenium, quoi nulla malum sententia suasit.  
 Sarcophago hoc illum Collega deposierunt.  
 Mens diuom endo domu perpes laitatur in auom:  
 Thomanae exequias memores iuere camana  
 Carminis has olli, hoc volui, ne nescius esses.

Pos: Io. Chel. K:

---

 AD GRADVS B. MARIAE:

D. PETRO CLAPIS, alias BREITSTAIN,  
 Iurium Doctori & Professori ordinario famige-  
 ratissimo, insigni natalium stemmate ex ciuitate  
 Nouarię Italiae oriundo, huiusq; sacelli S. Trinitatis  
 erectori, bonae partis pecuniae ijs qui Cantico pas-  
 sionis Domini, quod TENEBRAE vocitant, feria  
 vi. interfunt dandae, atq; stipis singulis diebus Do-  
 minicis in hac Ecclesia pauperibus quibusdaero-  
 gandae, Fundatori praecipuo, grata posteritas hoc  
 statuit monumentum, qui obdormiuit in Christo  
 Domino anno a Natiuitate eiusdem M. D. LI. D. XV.  
 M. Septemb. in hac cripta sepultus, cum vxore sua

BELA

BELA à BONENBERG, quorum animæ in perpetua pace quiescant. AMEN.

AD LECTOREM.

*Siste gradum, hac quo scripta legas, attende viator,  
Exemplo simili mors comitata, beat.*

IBIDEM.

Ioanni ab Hersfeldt VVerdensi, vita quondam ac moribus probatis, fide integra Domini Ioannis Gebhardi Comitis Mansfeldensis Subdecani, in æde primaria vicem gerenti, Ludiger ab Hersfeldt frater, memorię causa ex Testamēto, eheu dolens, fieri curauit. Mortuus est morbo epidimiali, iuuenis adhuc, iam tum maioribus destinatus, quarto circiter & trigesimo ætatis suę anno, tempore, quo Carolus V. Imperator, Hefdino in Atrebatibus recuperato dirutoque, Dorlacum extremo conatu nequicquam tentabat, Gallo impediante.

VINCE AETERNVM COELITVS.

AD DEI OMNIPOTENTIS

Honorem, & M. Reuerend. D. Hermanni Fabricij Stralensis, S. Theol. D. & Professoris, Ecclesiarum B. M. V. in Gradibus & Capitolio Canonici Presbyteri, Summo Academiae Colonien. Magistratu, multis pro religione Catholica laboribus, vita denique Anno M. D. LXXXIV. ꝑ XIII. Iunij defuncti & hinc sepulti, sui que memoriam Reuerend. D. Godefridus Fabricius Stralensis, eiusdem Ecclesie B. M. V. in Gradibus Canonicus & Scholasticus, S. Theol. Baccalarius, eius germanus frater hoc Monumentum pos. Anno M. DC. VII. XX. Decembr.

ALIVD.

ALIVD.

*Vt Titana rubri subijt pars altera Cancri,  
Hermannus Christi prece vocantis obit.*

AD B. BRIGITTAE IN CHORO.

D. O. M.

Viator quisquis es, siste gradum, quod scriptum est lege, hoc is cuius causa scriptum, fieri rogat.

ANDREAE GAILIO Agrippinati, Philippi F. Iurisconsulto toto orbe celeberrimo, antiquæ virtutis & sapientiæ Viro, qui exquisitorum in Iure Ciuili operum auctor, supremi Sacri Romani Imperij tribunalis in Camera Spirensi Adfessor annos XI. Maximiliani secundi VIII. Rudolphi secunpi Imp. VII. aulicus Consiliarius & Referendarius. Multis laboribus & difficillimis legationibus, Romæ politæ conseruandæ causâ morbisque defatigatus, Anno salut. M. D. LXXXVII. die XI. Decemb. ætat. LXI. vitam exercitam & laboriosam, placita tandem & quieta in Christum pace mutauit. Anna Klawens I. & Christiana Kanengiessera II. vxor. & hères charissimo ac B. M. coniugi gementes ac mœrentes pos. M. D. XC.

IN DIVI PAULI PAROCHIALI  
ECCLESIA.

D. O. M. A.

GERVVINVS CALENIVS Lippiensis LL. Licetiatus: sibi ac charissimæ vxori suæ SOPHIAE BIRCKMANNÆ, hoc monumentum posuit: qui hic commune sepulchrum elegerunt, vt quos coniugalis charitas in vita arctissimo vinculo coniunxerat, in morte nō disiungeretur. In spe lætæ resurrectionis



tionis hic nouissimum diem expectaturi. Interim piorum preces pro se sedulo exoptantes.

Vxor SOPHIA postquam cum Marito 30. annis Matrimonio vnanimiter vixisset; primum naturæ cedens, Anno 1589. die 2. Februarij, Animam Deo reddidit à quo accepit. Cuius corpus saxum substratum tegit, anima Deo fruitur.

Anno 1600. die 14. Sept. GERWINVS CALENIVS Maritus Coniugem sequens, in Domino obdormiuit, & hic iuxta Vxorem vt viuens iusserat, sepultus est.

VALETE SUPERSTITES; MORTALITATIS  
ET IVDICII DEI SEMPER MEMORES.

DVM DATVR HIC VIVERE DISCE MORI.

I B I D E M.

D. M.

AC ARNOLDO MYLIO,  
CIVI, TYPOGRAPHO, SENATORI  
COLONIENSI:

OPTIMO, CELEBERRIMO, INTEGERRIMO,  
ET BARBARAE BIRCKMANNAE,  
MATRONAE HONESTISSIMAE,  
CONIUGIBVS INTIMIS, PARENTIBVS  
BENE MERITIS:

HVIC XXIV. APRIL. ANN. CHR. CIO. IIO:  
XCVI. ILLI XVII. NOVEMB. ANN.  
CIO. IOCIV.

PIE DEFVNCTIS:

ARN. MARG. HERM.  
MYLII, BIRCKMANNI, LIBERI  
MERITO LVG. PP.

PATREM ANNO NECDVM FINITO, SEQV-  
TVS EST,

ARNOLDVS FILIVS,

QVEM HVC DEPOSITVM, LVGENT  
SVPERSTITES.

OIII VII. SEPTEMBR. ANN. CIO. IXC.V.

IN COLLEGIATA S. ANDREAE.

EPITAPHIVM VENERAND. ET DO-  
CTISS. VIRI CORNELII SCHVLTINGII  
Steinvv: SS. Theol. Licent. huius Ec-  
clesiæ Canonici.

*Hac tibi CORNELIVM SCHVLTINGH  
praesentat imago*

*Viuum, qua viuus conspiciendus erat.*

*Robore vastus erat, canus, vultuq; decorus,*

*Dotibus ingenij summus & oris erat.*

*Laurenti primum docuit, post rexit alumnos,*

*Hinc grauitas, illinc dulcor & oris erat.*

*Illud Apostolica, fecit hoc ædis alumnum*

*Andrea merito præmia digna viro.*

*Hac vbi pertæsus scriptis inclaruit vrbi*

*Quin orbi, ingenij dans monumenta sui.*

*Ossa sub hoc saxo latitant defossa sepulchro*

*Spiritus in calo carcere missus agit.*

*Vt LVX aXe poli fortIs CasVra Georgi*

*CœLItVs à Chara Morte VoCatVs abest.*

Obijt ann. M. D C. I V. xx. April.

APVD

APVD SS. MACHABAEOS.  
 AD SOLIVS DEI GLORIAM,  
 ET AEDIS HVIVS PATRONORVM  
*honorem, memoriam verò clariss. pro-*  
*ximor. maiorum suorum.*

Optimis ciuibus IOANNI BROELMANO  
 apud hanc Coloniam Claud. Aug. Agrippinen. An-  
 no post Chri. N. CIO. CCCC. XXCIIX. I. & an-  
 no XCI. II. Coss. Gertrudi Kolginæ coniugi-  
 bus proavis: Petro Broelmano Patric. Ord. Eli-  
 sabethæ Bratfischix, coniugibus Auis? Petro  
 Broelmano patric. Ord. Elisabethæ Songinæ con-  
 iugibus, parentibus cariss. cum his sibi & coniu-  
 gi incomparabili Claræ Bachouix Echthæ, libe-  
 ris dulciss. posterisque sortis humanæ memor;  
 Anno post Christi Nat. CIC. IOC. VI. Stephanus  
 Broelmanus Agrippinensis I. C. in Academia pa-  
 triæ per amplius quàm xx. annos Professor intra  
 numerum Ordinarius, & Canonum demum pri-  
 marius Augusta Vicaria Comitrua dignitate ade-  
 pta ponebat hunc apud suos cineribus quietis. LL.  
 dum ad eos æternum victuræ redeant animulæ;  
 precibus eas, quales optabis, tui non oblitus, adiu-  
 ua, quisquis postea legis.

## AD PRAEDICATORES.

D. O. M. S.

MARIAE ECHERIAE BARTVICENSI Bel-  
 gæ, piæ, fideli, Ioannis Baruicius matri B. M. P. OS:  
 Vixit annos plus minus LX.

*Nascendo vt morimur, sic mortè renascimur; ergò*  
*Ad vitam, mater, mors tibi pandit iter.*

*Octo hyemes patria mecum ciuilia propter*  
*Bella aberas, patria nunc sruere atherca.*

IBIDEM.

GERARDI MATTHISII CANO-  
NICI, ET REGENTIS GYMNASII  
Montani.

*Quod satis est, vixi : iam quina decennia natum  
Mors rapit. heu! nullus sum, nisi, Christe, iuues.*

Obijt anno M. D. LXXIV.

*Hoc distichon fato vicinus spiritu & voce alacri cecinit.*

D. O. M.

*Margaris Eltena nec non antistita Vredæ*

*Hic Manderscheidia conditur orta domo*

*Vicerat ingenio sexum, virtutibus ævum,*

*Rem meritis, morum dexteritate genus.*

*Ad voces inopum non ostia surda fuere,*

*Haud ægros vacuâ finit abire manu.*

*Tresq; decemq; dies ierat Sol piscibus, horam*

*Sol tenuit, Martem nox, quoq; Mensis habent.*

*LVstris blissenIs, tribVs annIs, MensIbVs octo;*

*OCCIDit eXtInCtIs pLAVDIt In aXe poLI.*

Obijt Coloniae,

absoluto nono Climaeterico,

&amp; mensibus vitæ octo, die Martis

quarta Martij ante sequentem me-

diam noctem; hora decima.

DEVS ANIMA AETERNÆ SIT SALVS.

AD MINORITAS.

EPITAPHIVM F. IOANNIS DVNSII

Scoti.

*Scotia me genuit. Anglia me suscepit,*

*Gallia me docuit. Colonia me tenet.*



IN MEDIO CHORO HVMI,  
SARCOPHAGO IN AEREA LAMINA  
incisum.

*Ante oculos saxum Doctorem comprimit ingens,  
Cuius ad interitum sacra Minerua gemit.  
Siste gradum lector, fuluo dabis oscula saxo,  
Corpus IOANNIS hac tenet vrna SCOTI.  
Anno milleno ter CCC. cumq; adderet octo  
Postremum clausit Letho agit ante diem.*

## IBIDEM.

*Ad septentrionem retro tertium Altare.*

## QUANDO TANDEM?

DEO OPT. MAX. SACR.

GEORGIO CASSANDRO BELGAE Theo-  
logo, in perscrutandis sacris Biblijs & expenden-  
dis Sanctorum Patrum monumentis atque  
sententijs diligentiss.

qui hoc nomine tum pietate, animiq; moderatio-  
ne clarus, ab inuictiss. Imperatorib. Ferdinando I.  
& Maxim. II. de conciliandis articulis in reli-  
gione controuersis consultus, & in  
aulam adscitus fuit.

Iter autem eò propter podagram, cuius post dolo-  
ribus occubuit, suscipere prohibitus, librum de ea  
conciliatione per vtilem pacis amantibus Eccle-  
sij, ex eorundem Cæsarum auctoritate iussu  
mandatoque confecit.

Viro itaque vario doctrinæ genere  
præstanti,

CORNELIVS GVALTERVS GANDAVEN-  
Ff 3 SIS, stu-

SIS studiior. eius atque peregrinationum socius  
 indiuiduusque comes populari suo  
 posuit.

Vixit ann. LII. M. v. D. x. H. V.

Obijt III. Non. Februar. ∞. D. LXVI.

*Te viuente, mihi gratissima docte GEORGI  
 Vita fuit; liceat te moriente mori.*

MORS META LABORIS.

---

IBIDEM.

DEO IMMORTALI SACR.

IOANNI BAPTISTAE TASSIO, ex nobili apud  
 Bergamas Tassiorum familia, Foesseni (in clyta  
 comitatus Turolensis ciuitate) nato, qui dum, post  
 multa apud Belgas militaria munia, pro inuictiss.  
 Hispaniarum Rege Philippo præclare gesta, Præ-  
 fectus Germanicæ legionis, ad Bonnæ obsidionem  
 expeditionem agit, ex insidijs plumbeæ glan-  
 dis ictu infeliciter cecidit.

Monumentum hoc

INNOCENTIUS Pater filio mœstus pos.

Vixit ann. plus minus XXXVI.

Obijt XII. Kal. Maias,

Anno M. D. LXXXVIII.

---

ANTE ALTARE SVMMVM IN  
 SARCOPHAGO.

*Miles ex am Regis, PREINORVM stemmate claro  
 Ortus, militia nunc si uor atherca.*

*Sic nec nobilitas generis, nec firma iuuentus,  
 Nec vires, nec opes rumpere fata valent.*

Obijt anno M. D. LXXXIIX. in profesto SS. Si-  
 monis & Iudæ.

## AD CARMELITAS.

Matronam piam præstantis viri CONONIS à  
VLATTEN Iuliaci Ducatus Confiliarij & Pincer-  
næ perpetui coniugem Viduam mors superùm  
ministra mortalibus eripuit, immortalibus red-  
didit. Animam tulit Deus, carnem & ossa VLAT-  
TENI FF. hic condidère, & hoc monumentum  
pro erga charam matrem affectu posuère: pro-  
inde optime viator, eam cum Christo perpetuè  
viuere, & æterna requie frui, ne dubita, Heres  
quippè regni Dei erât, indigna vt diutius insanis  
hic belli tumultibus exularet, & auita dulcia lin-  
queret arua, Anno Domini M. D. XLIII. Ka-  
lend. Maij.

EPITAPHIVM CLARISSIMI VIRI,  
IOANNIS CAESARII IULIACEN-  
sis Medicinæ Doctõris, qui obiit  
Anno 1551.

Per Magistrum Ioannem Fabricium Bolandum.

*A puero colui Musas studiosus honestas,  
Cura quibus vitæ qualibet huius abit.  
Non mihi diuitias contraxi turbidus amplas,  
Contentus modico parcior vsque foco.  
Ad senium veni celebs, mea tempora cani,  
Ornarunt crines, barbaq; cana fuit.  
Sed breue momentum videor vixisse, quid in se  
Portio temporis hæc quantula quaeso capis?  
Esse Dei verbum Christo doctore colendum  
Duxi, quod superat cætera cuncta petens.  
Hoc manet æternum florens duntaxat, ab illo.*





ALIVD.

PER IANVM QVAESTOREM VVIN-  
DECANVM.

*Viator heus quamuis citus pertranseas,  
Hoc te tamen saxum rogat, digneris vt  
Relegere, quod scriptum est. In isto condita  
Iacent sepulchro, CLIVIAE magni DVCIS  
Ossa GVILIELMI; dic aueto HEROICVM  
Corpus, ANIMAE dic, in polis congaudeas  
CHRISTO redemptori tuo, tunc perface  
Iter: hoc volebam nescius ne esses: Vale.*

TEVTOBVRGI,  
SIVE  
DVYSBURGI IN CLIVIA.

D, O. M. S.

GERARDO MERCATORI Flandro, Rupel-  
mundano, Iuliacensium Prouincia oriundo,  
Domestico CAROLI V.

Rom. Imp.

Et GVILIELMI P. ac IOANNIS GVILIELMI  
F. Iuliacensium, Cliuensium, &c. Ducum  
Cosmographo.

Mathematicorum sui temporis facilè Principi:  
qui globis artificiosis radio dimensis, cælum ac  
tërram interiùs & exteriùs, qua licuit, de-  
monstrauit. à varia doctrina  
laudato.

Virtute, quod caput est, & integritate vitæ, & om-  
ni morum comitate claro, hæredes Patri B. Merëti  
dolentes, & eruditorum studiosa cohors amico P.

Ff 5


Editus

Editus in lucem fuit III. Nonas Martij,

H. VI. A. M. ∞. D. XII.

Excessit è viuis IV. Non. Decembr.

H. XI. A. M. ∞. D. XCIV.



BELGICA,  
ANTVERPIENSIA.

IN ANTVERPIAM IVL. CAES.  
SCALIGER.

**O**ppida quot spectant oculo me torua sinistro;  
Tot nos invidia pallida tela petunt:  
Lugdunum omnigenum est: operosa Lutetia: Roma  
Ingens: res Venetum vasta: Tolosa potens.  
Omnimoda merces, artes priscaeq<sub>3</sub> nouaeq<sub>3</sub>,  
Quorum insunt alijs singula, cuncta mihi.

IN EANDEM.

MAXAEMILIANVS VRINTIVS S.P.Q.  
Gand. à secretis.

Regia Mercurij, fortis domus, area Martis  
Merce vicens, opibus turgida, ciue potens.  
Legibus aqua, superba foro, admiranda penate,  
Turres stupenda sacrâ, mole timenda sua.  
Meta hosti, vindex LIRAE, caso inclyta Gallo,  
Apta salo, caelo grata, benigna solo.  
Orbis miraculum, fama stupor, vnica Phoenix,  
Vix prasente oculo, vix capienda fide.  
Nescio quam dicam, minor est vox omnis, at ipsa  
Se validè ANTVERPAM dicere sola potest.

## INSCRIPTIO PORTAE CAESAREAE,

CAROLVS V. CAES.

Hanc portam primus mortalium introgressus,  
CAESAREAM nuncupauit, Die XXV. Nouembr.  
Anno M. CCCC. XLV.

IBIDEM.

ALBERTO ET ISABELLA

Per maiorum vestigia ANTYERPIAM ingredien-  
tibus, & eorum exemplo piè ac prudenter rectu-  
ris: S. P. Q. A.

IN PROPVGNACVLIS

Diux̄ MARIAE Hung. Reg. Diui Carol. V. Cæ-  
saris forori, patriæ ex fratris auctoritate tutrici  
S. P. Q. A. hanc molé ex eius nomine Marianã nun-  
cupantes, pijs votis D. D. Quòd sollicito illius  
hortatu tantæ hæc vastitatis mœnia grauiss. Reip.  
impéris vel quadrimestri spacio, ad mille passuum  
longitudinem in superiorem vsque limbum exci-  
tata sint, vniuersumque vr̄bis ambitum hac parte  
complerent, mense Augusto, M. D. LII.

Constant. Halmalus, eques auratus huic moli  
primum iecit lapidem, die XVII. Iulij  
M. CCCC. LII.

IVSSV CAROLI V. CAES.

IOANNES à CROMBACH, eques aur. huius  
vr̄bis Senator, huic moli indito nomine, D. Iacobi,  
primum iecit lapidem anno M. D. LII. d. III. Iunij.

IN CATHEDRALI B. MARIAE.

D. O. M. S.

LÆVINVS TORRENTIVS patria Gandauen-  
sis

sis, litteris & legationibus domi forisque spectatus. Ex Archidiacono & Leodiensis Principis Vicario generali II. Antuerpiensium Episcopus, III. Mechlin. Archiepiscopus designatus. Collegij Societ. IESV apud Louanienses fundator. Ad rerum status Belgij Concilium ascitus, dum præcipitantem Rempub. fractus viribus animo infracto, consilij sustento, Bruxellæ decessi VI. Kal. Maias, CIO. IO. XCV. Vixi ann. LXX. M. I. D. XVIII.

---

D. O. M. S.

CHRISTOPHORO PLANTINO TYRONENSI, Cui & Incolæ Antuerpiano,  
architypographo regio,

Pietate, prudentia, acrimonia ingenii, magna  
CONSTANTIA AC LABORE maximo;  
cuius industriâ atq; operâ,  
infinita opera, vetera, noua,  
magno & huius & futuri seculi bono in  
lucem prodierunt:

IOANNA RIVIERA coniux, & liberi, hæredesq;  
illa opt. viro, hi parenti,  
mœsti POSS.

Tu qui transis, & hæc legis, bonis manibus,  
bene precare.

Vixit ann. LXXV. Desijt hîc viuere  
Kalend. Quintilibus.

Anno Christi CIO. IO. XXCIX.

---

ÆNEÆ A MARIVORTA.

Iconoclastæ fregerunt.

*Quis sim, quis olim, quis deniq;  
Viuens fuerim, requiris hospes optime:  
Sum pulvis, olim nobilis.*

*Dum.*



*Dum fata vitam haud inuident superstitem  
Belli, togæ, domi, foris.*

*Heroas inter splendidos haud infimus,  
Et miles & dux agminis.*

*At fortè nomen & genus quaesueris  
Et patriam de nōmine;*

*Respondeo quod Cypridos quondam fuerit  
Gnato, Creusæ coniugi;*

*Idem parentes inididere infantulo,  
Vocatus AENEAS fui.*

*Gens Mariuoorta originem mihi dedit.  
Antiquitate splendida.*

*Brugis in aureas me mater primùm tulit,  
Herois inclyta & pia.*

*Quid sim, quid olim (vel potius nuper) fui,  
Scis hospes. at tu quis sis,*

*Tenebris sitis nequeo quidem cognoscere;  
Sed tute te ipsum noueris.*

*Abijt ad superos XIX. Maij, anno M. D. LXXVI.*

---

IN S. CIRCVCNCISIONIS SACELLO.

RESVRRECTIO CHRISTI; VITA MOR-  
TVORVM.

---

D. O. M.

FRANCISCO I. F. I. N. SCOTTO Belgæ, ciuili  
& mercatori Antuerp. D. de Bouterfen, inter huius  
R. P. pauperum, patronos quondam adoptato, de q̄  
patria B. M. & ANNAE BOSCHAERT eius con-  
iugi, parentibus chariss. liberi mœsti PP. Obijt  
ille ætatis suæ anno LXXII. Christi CIO. IO.  
LXXXVII. IX. Kalend. Maij. Hæc verò ætat: LIX:

Christi

Christi M. D. LXXII. X. Kalend. Februar.  
R. I. S. T.

MORS TRANSITVS AD VITAM.

---

IBIDEM.

Louanij doctus, Dordraci natus, IOBV S,  
Hoc est NAV CLEROS conditus in tumulo.  
Quem virtus, pietas, & docta gratia linguæ  
Huius Plebanum fecerat esse domus.  
Illum, heu! Parca ferox, nostro nimis inuida Clero  
Vix passa est vitæ lustra videre decem:  
Sed febre confectum dedit hoc sub marmore corpus,  
Hac cineres atros ossaq; texit humo.  
Disce hospes, nulli crudeli parcere fata,  
Atq; silenti vmbra vota benigna face.

Anno M. D. XCI. X. Februar.

---

IN LAMINA ANTE SACELLVM  
D. Virginum.

BARTHOLOMAEO TVCHER

Ex Norica illa gente, quæ ab Henrici IV. Aug. temporibus, continua maiorum serie Reip. suæ præest:  
Anno M. D. XLII. Die XXVI. Octobr. defuncto.

---

HERBERTAE DENS.

Eius vxori, Anno M. D. LVII. Die XXIX. Martij, posteris omnibus, & coniugibus eorum, in spe resurrectionis heic quiescentibus.

---

IBIDEM.

HENRICVS RANZOVIVS Regis Daniæ in  
Duca-

Ducatibus Administrator, Francisco ab Hallen,  
 Domino in Drakenburg & Rintclem, ex equestri  
 Brunsvicensium ordine nato, socero suo, hac in vr-  
 be piè defuncto, anno nimirum 1553. die 27. Sep-  
 temb. marmoreum hoc monumentum constituit  
 & iam secundum belli tumultibus destructum,  
 innouavit.

## P O S T E R I T A T I

S.

L V D O V I C O G V I C C I A R D I N O

Patricio Florentino,

Iacobi F.

Francisci Guicciardini

Historiographi celeberrimi ac laudatiss. N.

de Belgio &amp; præcipuè Belgij vrbe

bellissima bellicosissimaque

ANTVERPIA

præclare meritò,

FRANCISCVS SVVERTIVS F.

H. M. P.

donec Coss. nationis Florentinæ

dignum se, dignum viri virtute

erigant Cenotaphium.

Obijt xi. Kal. April. anno cto. 15. LXXXIX.

Aetatis suæ LXVI.

OPTIMUM VITAE BONVM MORS.

D. O. M. S.

Inscriptio Lipsiana, Tumulum ex marmore.

*Mortalis audipauca verba mortuae.**Ego MARIA sum DECKERIA, nata Antuerpiæ,**Sed me Religio misit hinc Coloniam,**Illic*

Illic maritum MICHAELEM BOOTIVM  
 Deus dedisti, in patriam rediimus,  
 Annos quaternos & decem vna viximus.  
 Sex liberos dedi, datos mors abstulit,  
 Et me quoq; ipsam in partione sustulit.  
 Placui marito, ad finibusq; & ciuibus,  
 Industriâ domi, & foris modestiâ.  
 Deo placere cura nunc vna est: iuua  
 Mortalis ô votis tuis me mortuam.

POSVIT LECTISSIMAE FAEMINAE  
 ET DILECTISSIMAE, HEV, VXORI  
 MICHAEL BOOT; HVIC VRBI QVONDAM  
 AB ELEEMOSYNIS.

Vixit illa annos xxxiii. Obijt anno c. 10. 10. cr.  
 Non: Nouemb.

---

ANTE SACELLVM SS. SACRAMENTI:

IESVM CHRISTVM

Verum Deum & hominem in SS. altaris esse Sacra-  
 mento.

Omnis ratio est in virtute Dei: omnis scientia in  
 Fide.

Quod possit esse, à Dei potentia est: quod sit ab eius  
 voluntate.

Quod scimus esse; habemus ab Ecclesia, quæ non  
 errat, & à S. Scriptura quæ non fallit.

Quod non capimus, ab intellectus est infirmitate:

Quod non credimus; à patre mendacij; qui non  
 stetit in veritate.

Authore

R. P. D. CORNELIO MVSSO Episcopo Biton.

IN SA-



Inscriptio Lipsiana, marmoreus tumulus.  
IN SACELLO SS. SACRAMENTI.

D. O. M.

SEPVLCHRVM HIC VIDES  
MAG. VIRI IOANNIS VAN HOVE  
QVI INTER PRIMARIOS CIVES,  
PIETATE ET ALIA VIRTUTE EMINVIT;  
AB EELEEMOSYNIS HVIC VRBI FVIT,  
ID MVNVS OPTIME OBIVIT.  
VXORES HABVIT MARIAM VAN DE  
CRUYCE  
MORIBVS ET INGENIO ELECTAM,  
ET EX EA QVINQVE LIBEROS.  
OBIITQ. III. NON. SEPT. AN. ∞. 10. LXXIII.  
ITERVMQ. MARIAM VAN SANTFORT,  
SED SINE PROLE,  
SINGVLARIS EXEMPLI FAEMINAM,  
QVAE ET LIBEROS MARITI SVI HAEREDES  
INSTITVIT,  
OBIIT POSTRID. NON. DECEMB. ∞. 100 III.  
AT ILLE VT IN VITA SIC IN MORTE  
TRANQVILLVS,  
OBIIT XV. KALEND. IVL. ∞. 100 I.  
FILII ET HAEREDES MAESTI. P.P.

*Vide ista Lector, cogita, & quod est caput  
Morti parare, & bene precare mortuis.*

AD TEMPLI INGRESSVM.

CORNEL. SCRIB. GRAPHEVS, praeclearae  
huius vrbis a secretis, sibi suisque, & Hadrianae  
Philippiae dulciss. vxori viuens pos. Ipsa quidem  
vixit annos LXXI. decessit autem XVII. Aug. M. D.

LVI. VNO & XL. ann. marita, matrona & prudentissima, & pietatis cultrix eximia: Ille verò caram secutus coniugem migravit XIX. Decemb. M. D. LVIII. cùm vixisset annos LXXVI.

---

IN MAGNO COEMETERIO.

*Aeuiternitati Sacr.*

CORNELIO KILIANO Dufflæ  
constantis laboris

&

perennis industriæ laude,  
ornato & amato viro.

L. annis Plâtinianæ typographiæ correctorē gessit  
quàm fideliter, peritè, doctè,  
ipfos rogare libros, elegantia, nitore, famâ,  
æternæ artis primos.

Nec semp alienos tractauit, cū & suos reliquerit,  
Latina oratione disertus, versificatu felix,  
Patriam quoq; eloquentiam excoluit,  
cultumque eius & proprietatem reuocauit.

Obijt ætate operibusq; grauis.

Anno CIO. IO C. VII. ipso Paschatis festo.

---

IN DIVI IACOBI.

ALVARO NONIO LVD. F.

Nato an. lx. Denato v. Id. Dec. ann. CIO. IO C. XI.

Philosopho & Archiatro,

doctrina & virtute claro,

Principibus claro,

prolixa in omnes comitate:

cui in vita nil carius, quàm alijs eam dare,

nihil in morte iucundius,

quàm ad meliorem transire.

Vxor marito, liberi parentibus

M. M. PP.

## IN D. ANDREAE.

IACOBI IONGELINGI ANTVERPIENSIS  
Duc. Brabant. monet. Præfect.  
tumulus.

*Qui statuis animam, mirabilis, indidit ipsis,  
Phidiae & arte potens, Praxitelisue fuit;  
Hesperijs qui notus erat, qui notus Eois,  
Regibus & gratus, Principibusq; viris:  
Atq; Ducali ideo Præfectus ritè Moneta,  
Qui laude egregia munus obiuit idem;  
Ergo mori IVVENIS potuit, vel debuit ille?  
Qui æquavit veteres Dadala in arte viros?  
Perpetuaq; fuit dignus florere Iuventa?  
Vivere & Artificis ære perenne magis? (bra.  
Ah! iacet ille tamen IVVENIS modò pulvis, & vm-  
VIVE BENE. Omnia sunt vana, caduca, nihil.  
Vixit ann. LXXV. M. VI. D. X.  
Obijt vltima Maij, anno M. DC. VI.  
MICHAEL VAN DER HAGEN amico  
opt. P.*

## IN D. GEORGII.

PIAE MEMORIAE DICATVM.

*Viator heus resiste: rem tuam loquar,  
Aut id, quod esse non neges in rem tuam.  
De morte sermo est, mortuisq; : cogita  
Et hoc tibi fore. Serio si cogitas,  
In rem tuam, quod esse dixeram, tenes,  
Et melior hinc abiueris, quàm veneras.*

FRANCISCVS SWEERTIVS GERTRVDI VAN  
OS VXORI OPT. CARISS. POS. DEIN ET

SIBI NECNON VXORI SECVNDAE ISA-  
 BELLAE DE SORBRVECQ. VT QVISQ.  
 AD METAM VENERIT. SED È FILIIS  
 POSTERISQ. SVIS.

*Nam longus ordo est. Hos & illos subsequi  
 Lex summa iussit. Fata quis homo vicerit?  
 Quae non timere si voles, semper time.*

MISERATOR DEVS MISERERE.

Obijt GERTRVDIS A. ∞. 10. XCIV. XII. Kal.  
 Nouembr.

Obijt FRANCISCVS.

Obijt ISABELLA.

IN SARCOPHAGO.

FRANCISCVS SVVEERTIVS,

&

GERTRVDIS van Os  
 humanæ fragilitatis memores,  
 spe indubia resurrectionis suæ  
 sibi suisque H. M. F. C.

IN AREA COLLEGII SOC. IESV.

*Inscriptio fontis, cum Termino.*

H O S P E S,

heic sta.

Venisti ad Terminum.

Cur porrò ego stem, disces  
 nam doceo.

vt aquas pede,

ita terram

mente calco.

Prorsum quoi qua possum,

Rigo siccos:

Quod



Quod haurio,  
id  
abundè refundo.  
Credes, si vel ferrum motes.

HOSPES  
abei,  
mei memor,  
demum  
ad me reuersurus.

IN OFFICINA PLANTINIANA.  
Præsentibus Principibus nostris ALBERTO,  
& ISABELLA.

Læti fausti que, vt in hanc urbem  
Belgicæ vestræ principem,  
SERENISSIMI POTENTISSIMIQ.  
PRINCIPES,  
in alias pariter omnes introite,  
Iustitiæ Pacis que legibus  
diu feliciter imperantes  
subiectas fouete;  
lapsas erigite;  
erectas conseruate.

Ad liberos nepotes que exemplis vestris  
Iustitiam cum pace edoctos  
Imperium serò transmittite.

Hæc sua, & totius Belgicæ vota  
PLANTINIANA OFFICINA  
vestris, vt æter. mem. Regis Catholici  
M. L. Q. imperijs addicta,  
deuotionis ergo, vobis præsentibus  
SERENISSIMI DVCES,  
gratulabunda concepit impressit que.

XVII. Kalend. Ianuar. anni M. D. C.

Auctore Balthasare Moreto.

## IN CATHEDRALI B. MARIAE.

D. O. M.

BEATRICI RAMPARTIAE NIC. F.  
Fœminæ lectissimæ,Rara in Deum pietate,  
Coniugem liberosque amore,  
In quinctæ filix partu raptæ,  
& ad vitam meliorem traductæ.

PAVLVS MECHELMANVS I. C.

Regi à consilijs, Iudexq; militaris  
Laudabili in coniugem memoria,  
mœstus cum lacrymis

Ipsi sibi suisque pon. cur.

Vixit illa ann. XXXIII. in coniugio IX.

Obijt anno orbis redempti CIO. IO C. III.

A. D. XIII. Kalend. Iunias.

At ipse PAVLVS.

*Vt sit BEATRICI beatè te rogo  
Rogare lector, & marito & liberis.*

## IN D. MICHAELIS.

ABRAHAMI ORTELII

Quem vrbs vibium Antuerpia edidit,  
Rex regum Philippus Geographum habuit,  
monumentum hic vides.Breuis terra eum capit,  
Qui ipse orbem terrarum cepit,  
stilo & tabulis illustravit,  
sed mente contempsit;Qua cœlum & alia suspexit,  
Constans aduersum spes, aut metus.  
Amicitix cultor, candore, fidè, officijs:  
Quietis cultor, sine lite, vxore, prole

Vitam

Vitam habuit, quale alius votum,  
 Ut nunc quoque æterna ei quies sit  
 Votis faue Lector.

Obijt IV. Kal. Iul. Anno .M. I. D. XCIIIX.

Vixit ann. LXXI. Mens. II. D. II XX.

*Colij ex sorore Nepotes B. M. Pos.*

AD FRANCISCANOS.

IN FENESTRA VITREA.

Honori D. FRANCISCI,

Amori ordinis,

Pietati item loci huius,


I. LIPSIUS fragili monum.

sed fido affectu P. C.

A. .M. I. D. CVI.

IN AREA ARCIS ANTVERPIENSIS,  
 SVB DVCIS ALBANI STATVA.

FERDINANDO ALVAREZ à TOLEDO, Al-  
 bæ Duci, Philippi II. Hisp. apud Belgas præfect.  
 quòd extincta seditione, rebellibus pulsis, religio-  
 ne procurata, iustitia culta, prouinciæ pacem fir-  
 marit, regis optimi minist. fideliss. positum.



BRVXELLENSIA.

IN BRVXELLAM MAXAEMILIANVS  
 VRINTIVS S. P. Q. Gand. à secret.

**N**on potui BRVXELLA caput regni esse Bra-  
 Sed potui BelgI Principis esse domus. (bãti,  
 Regia Concilio, cultu aurea, prodiga sumptu,  
 Fontibus vda. situ lata, beata solo.

*Collibus assurgens & amœnoflorida luco,  
 Aulæ splendor, scenapotentis heræ.  
 Grata Deis pietate, polo contermina tectis,  
 Aula ubi regalis qualibet vna domus,  
 Quæq; puella Venus, Mars ciuis, Iuppiter ipse  
 † Dux meus, & † Iuno Regia † Albertus &  
 nupta Ducis. † Isabella.*

---

## IN D. GVDVLAE.

Iconoclastæ delerunt.

*Quisquis ades. summi tangit quem cura Tonantis,  
 Dum properas cœptum siste viator, iter.  
 Hæc tibi viua caro, æterni sapientia patris  
 Christus adest, viuus panis & vna salus.  
 † Inuida Iudæum quam dum lamare laborat  
 Impietas, meritis ignibus ecce ruit.  
 Quare age diuinos huic funde, viator, honores,  
 Funde Deo dignas supplice mente preces.  
 † Tempore Venceslai Brab. Ducis.*

---

## IN SUMMO CHORO.

*Inscriptio subterranea supra cistam plumbeam egregie  
 ornatam.*

ERNESTVS D. G. Archidux Austriae, Dux Bur-  
 gund. Stirie, Carintiae, Carniolæ, VVirtembergie,  
 Comes Habsburgi & Tirolis, Maximiliani I I. Im-  
 per. F. Belgicarum prouinciarum Gubernator, mo-  
 ritur Bruxellis anno M. D. XCv. Die xx. Febru.  
 ætatis suæ anno XLI. M. VIII. D. V.

TVMVLVS VVILHELMI ASSONLE-  
 uillij C. V. Christophori, in sacro Consistorio  
 Senatoris apud Belgas Fil.

*Inscrip*



*Inscriptio honoraria Ludouici Dorleans.*

Ergo iaces VVILLELME fili, & te mors obruit inclementius? Non obluctor. Sint fatis sua imperia, nostra erunt obsequia. Moreris, nam mortalis eras; & moreris probus, hoc nobis solatium. Si te iuuenem rapit, est fati cæcitas; si intra triduum, rapacitas; si nouellum patrem, inhumanitas; si anniculum maritum, crudelitas; Vixti tibi fatis, nimium seculo, ah! impuro & turbido, mihi parum, filiolæ tuæ pauxillum, vxori tātillum, quæ liquescit in lacrimas. Cape pro inferijs meos canos, imò meos annos & hunc tumulum. Tu præisti, sequimur nos & volentes. Sic lex iubet. Sed dum moramur, SALVE æternum fili, & æternum VALE.

Vixit anno à Christo nato  
C I O. I O. X C V I I. V. Eid. Iun.  
ætatis verò suæ  
X X X I I. M e n s. I I X. d i e X I I.

A D F R A N C I S C A N O S.

D. O. M.

L V D O V I C O B R O O M A N N O  
Iacobi & Corneliæ Verheylevveghen F.  
à natiuitate cæco,  
Artium liberalium Doctõri,  
Iurisprud. Candidato, Musicesq; Principi;  
G E E R T R V D I S K E Y S E R S,  
Iodoci ex Maria Cleerhaghen F.  
marito B.M. sibi que pos.  
Vixit annos L X I X.  
Obijt V I I I. I a n u. M. D. X C V I I.

INSCRIPTIO COLUMNÆ  
POSTEA DEMOLITÆ.

Regnante PHILIPPO II. Cathol. Hispp. Rege, in his suis inferioris Germaniæ regionibus, gubernante verò eius nomine FERDINANDO ALVAREZ de TOLEDO, Aluæ Duce &c. Florentij Pallant, Comitit Culenburgi, quondam domû solo æquari fancitum est, ob execrãdam memoriam repetitæ in ea coniurationis aduersus religionem Ecclesiæ Cath. Romanæ, Regiam Maiestatem & ipsas regiones, anno salutis MD. DC. LXVIII. Quint. Kal. Iunij.

IN AEDIBVS PATERNIS R. D. AVBERTI  
MIRAEI CANONICI ET SCHOLASTICI Antuerpiens.

*Ad effigiem D. GASPARIS SCVRERII.*

D. O. M.

Quis sim, si nescis, Lector, breuiter dicam.

GASPAR SCVRERIUS est nomen mihi.

Patria sum Mechliniensis,

Professione Religiosus Grimbergensis:

Nec mireris me, qui candido Præmonstratensium

Ordini nomen dederim,

nigro Laicoque habitu palliatum;

ea temporum calamitas ac necessitas fuit,

anno Christi MD. DC. LXXXI.

Caluinianis res sacras & ciuiles in Belgio  
turbantibus.

ut si saluus apud Catholicos vrbs huius

Bruxellensis ciues esse vellem,

hoc isto vulgari habitu,

Clero insidiantes fallerem.

Sed

Sed nec fructu suo piam hanc caruisse fallaciam,  
vel ipsa Deo Regique fida

LE MIRAEORVM familia testis est,

quam annos ipsos amplius tres,

in ista nocte temporum,

sacris mysterijs foui;

& diuini verbi pabulo alui.

Tu quisquis hæc leges,

disces in tumultu Panico

vtilem, atque imprimis necessariam

esse prudentiam.

SCVRERIVS filens sapit.

IN AEDIBVS CVIVSDAM  
PRIVATI.

*Curia dat curas, ergo si viuere curas*

*Et bene securè, non curia sit tibi cura.*

IBIDEM.

*AVLAE eadem est omnino fides quæ mobilis auræ  
Blanditur, sed post mordet ceu Scorpius AVLAE.*

*Consilijs raro melioribus vtitur AVLAE.*

*Disimulet, regnare diu qui postulat in AVLAE.*

*Exulat integritas, probitas & candor ab AVLAE.*

*Ferre mora, atq; iram franare, docemur in AVLAE.*

*Grande sophos, ridere bonos censetur in AVLAE.*

*Horrent vera loqui cupiunt qui crescere in AVLAE.*

*Inuidiam qui ferre nequit, discedat ab AVLAE.*

*Kyrie qui senuere canant eleison in AVLAE.*

*Languent virtutes, scelus omne at regnat in AVLAE.*

*Muneribus mentes hominum capiuntur in AVLAE.*


*Nugas AVLAE leues, & fumos vendit inanes.*

Ocia quisquis honesta cupit, discedat ab AVLA.  
 Porta Erebi in terris AVLA, & tua Tātale pœna est.  
 Quæstus adulari & mentiri est primus in AVLA.  
 Rara avis in toto est verè pius AVLICVS orbe.  
 Sinceris & simplicibus v& semper in AVLA.  
 Turpe senex & inops quando incolit Aulicus  
 AVLAM.

Vitæ difficilis methodus bene dicitur AVLA.  
 Xanthe retro ibis, erit quando constantia in AVLA.  
 Ydra AVLA est caput multorū horrenda venenis.  
 Zenones fatui sunt atq; Thrasones in AVLA.

ergo

Exeat AVLA, qui vult esse pius.



## LOVANIENSIA.

IN LOVANIVM MAXAEMILIANVS  
 VRINTIVS S. P. Q. Gand. à secretis.

**I**UPPITER hoc vrbis spatium, fundamina  
 PALLAS, (rum.

MARS Burgum, mediū struxit APOLLO fo-  
 Arua CERES circum, DRYAS herbida prata,  
 LYAEVS

Vitiferos colles, DILIA fudit aquas.

Aëra SOL purum, varias CYLLENIVS artes,  
 Ingenij cultum turba nouena dedit. (CEPS,

Templa Deo PIETAS, Gymnasia publica PRIN-  
 Splendida doctrinae præmia fecit HONOS.

Eloquium PITHO, Sophiam Dea GLAVCA,  
 THEMISTIS (opem.

Iura, docet medicam PHOEBIGENA auctor

Omni-



*Omnibus vt numeris veteres exequet Athenas  
Vrbs GRVDIA, & Belgas non sinat esse rudes.*

---

## IN D. PETRI.

MEMORIAE SACRVM.

IOANNES VVAMESIYS H. S. E.

Quem breuiter lector nosce.

Natus Leodici Eburonum An. ∞. 10. XXIV.

Ad studia inde Iuris transijt,

In ijs quoq; famam adeptus, etiam Græcis,  
Natura & Industria Duce.

At in Iure ad culmen ipsum conscendit.

Doctor renunciatus An. ∞. 10. LIII.

Publicè Professor in hac schola A. ∞. 10. LVI.

Deniq; primarius antecessor A. ∞. 10. LXX.

Hoc munus cum laude An. xx. obiit.

Primoribus gratus, vulgò venerabilis, omni-  
bus carus.

Breuiter doctrina, prudentia, auctoritate,

Inter æui sui primos.

Obiit diutina inualetudine A. ∞. 10. XC.

XI. Kalend. Sext.

Iste vir fuit, Lector, sed fuit,

Tu quoq; quod es, non eris.

Alius alias, sed omnes huc imus.

Cogita & huic bene apprecare  
ita posteritibi.

Magne Deus ipse &amp; nobis miserere.

Heredd. P P.

## IN SARCOPHAGO.

Viuus mori qui cogitat,

Sperat perennem gloriam.

D. O. M.

D. PETRO NANNIO Alcmariano, Presbyt. & Canónico Atrebatensi, viro Doctiff. humaniores litteras in celeberrimo Collegio Busleidiano XVIII. an. professo, SIGISMVNDVS FRID. FVG-GARVS Baro in Kirchberg & Viana B. M. & amico paterno, memoriae & virtutis ergo iussu Parent. opt. pos. Vixit ann. LXII. Obijt anno M. D. LXII. die XXI. Iulij.

IBIDEM.

Heu flos iuuenum quomodo abijsti  
præcipiti fato?

Antuerpia genuerat stirpe nobili,  
indole eximiâ:

Louanium rapuit, studiorum incurfu,  
Sed cælo reddidit, cælo dignum.

IOANNI TVCHERO Fil.  
moestus parens posuit.

Obijt IX. Octobr. An. ∞. 10 CV.  
Annos natus XIX.

O vita, longa, vilibus, bonis brevis!

IN D. IACOBI.

Nobili variaq; eruditione vtriusque linguæ monumentis, claro viro GVILIELMO CANTERO Ultraiectino, qui XXXIII. ann. natus minus LVI. dieb. Obijt xv. Kal. Iunij, anno M. D. LXXV. Fratri suo chariff. Theodorus Canterus Pos.

AD MARTINIANOS.

F. MARTINVS LIPSIVS Bruxellensis, vir egregiè doctus, & qui perpetuè studijs, quib' & immortalus est, incubuit, In castigandjs veteribus auctori- bus vsq; ad supremum spiritum insudans: Testatur  
id ope-

id opera Augustini, Hilarij & aliorum multorum,  
ex ipsius recognitione edita. Testis est & ipse Ma-  
crobius cum Symacho ab illo castigatus. Fuit præ-  
terea vir iste D. ERASMI ROTERODAMI ami-  
citia & scriptis epistolis satis clarus. Præfuit mo-  
nasterio Crucilensico cum multo ipsius cœnobij  
fructu. Moritur anno CIO. IO. LV. Martij. XXIV.  
die, ibi honestè sepultus.

---

A D. CARTHUSIANOS.

D. MARGARITAE VXORIS CAROLI  
Ducis Burgund.

*MARGARIS Anglorum sum stemmate nata superbo,  
Regis soror recitanda, Regis filia.*

*CAROLVS est coniux Burgundio Marte peremptus:  
Dein ter nouem viduata dego Consules.*

*Interea qua cura rogas? fuit vnica cura  
Viros fouere sacros, sacrasq; fœminas.*

*Quid docti? doctis templorum confero curas  
Quibuslibet, legem modò norint sacram.*

*Quid sibi Magnates? sibi quid Simonis alumni?  
Malè audiunt, petentes quod dari est nefas.*

*Hac mihi fas de me, narrabunt cetera veri  
Similem expetentes & sacri & docti viri.*

---

R. P. A. C. D. GVILIELMI à BRVXELLA,  
ABBATIS S. AMANDI ET S. TRVDONIS.

Obijt ann. M. D. XXXII. XI V. Nouemb.

*In tria diuisus nunc sum, qui mole sub vna  
Quamuis Natura duplicis, vnus eram.*

*Reddita mens calo, cor & hic, & viscera marcent,  
TRVDO fouet molli cetera membra sinu.*

*Cum Iudex aderit magnus, dispersa coibunt,  
Et siam rursus de tribus vnus homo,*

## IBIDEM.

MARTINVS vbi terras reliquit DORPIVS,  
 Suum orba patrem flet parens Hollandia,  
 Theologus ordo luget extinctum decus;  
 Tristes Camœne candidis cum Gratijs  
 Tantum patronum lacrymis desiderant:  
 Louaniensis omnis opplorans schola  
 Sydus suum requirit, ô Mors, inquiring,  
 Crudelis, atrox, saua, iniqua & inuida,  
 Itan' ante tempus floridam arborem secans  
 Tot dotibus, tot spebus orbas omnium  
 Suspensa vota? Premite luctus impios;  
 Non perijt ille, viuit, ac dotes suas  
 Nunc tutò habet, subductus auro pessimo.  
 Sors nostra flenda est, gratulandum est DORPIO.  
 Hac terra seruat, mentis hospitium pia  
 Corpusculum, quod ad canora buccina  
 Vocem, refundens optimâ reddet fide.

Obijt anno M. D. XXV. Prid. Kal. Iunias.

## AD MINORITAS.

## IN SACELLO B. MARIAE.

Quis hic sepultus, quæris? ipse edisseram.  
 Nuper locutus & stilo & lingua fui,  
 Nunc altero licebit, ego sum LIPSIVS:  
 Cui littera dant nomen, & tuus fauor.  
 Sed nomen. ipse abiit. abibit hoc quoque:  
 Et nihil hic orbis, quod perennet, possidet.  
 Vis altiore voce me tecum loqui?  
 HVMANA CVNCTA fumus, vmbra, vanitas,  
 Et scæ-



*Et scana imago, & verbo vt absolua, NIHIL.*

Externum hoc te alloquor:

Aeternum vt gaudeam, tu apprecare.

IUSTVS LIPSIVS vixit annos LVIII. M. v.

Obijt anno Christiano CIO. IO C. VI. x. Calend.  
April.

LAPIDIS SEPVLCRALIS INSCRIPTIO  
IUSTI LIPSI.

QVOD CLAVDI POTVIT,  
HIC IACET.

S. P. Q. ANTVERPIEN.

INCLYTI VIR

FAMAE ORBI NOTAE,

VIRTVTI, CAELO RECEPTAE

H. M. P.

AD PRAEDICATORES.

*Quis lapis hic? GEMMAE. GEMMAM lapis  
antegit? inquis*

*At condi in GEMMA debuerat potius.*

*Non ita; nam quaeuis minor illo GEMMA fuisset,  
Et posito à GEMMA; GEMMA fit iste lapis.*

IN AEDIBVS LIPSIANIS, VIDERE  
licet III. canes depictos additis his  
inscriptionibus.

SAPHYRVS CAPELLVS, GENTE BA-  
TAVVS, CORPORE ALBET, CAPITE AV-  
RIBVSQ. PURPURAT, DISCRIMINE TA-  
MEN ALBO à SUMMO EO, INTER AVRES,  
CVNEATIM AD OS DESCENDENTE. SENE-  
CIO NVNC EST, ET TREDECENNIS; CVM

Hh

IN FLO.

IN FLORE PVLCHERRIMVS ET LEPIDIS-  
SIMVS CATVLORVM.

*Gemma dedit nomen. sum verè gemma catellum  
Quot quot terra habuit Belgica, habebit, habet.  
Tale decus vultus, talis venus. adde lepores  
Ingenij, humanum qui sapiant Genium.  
Et sanè est aliquid mî hominis. vis argumentum?  
Vina bibo, & vino nata me habet podagra.*

MOPSVLVS CATVLVS, DOMO ANT-  
VERPIA, DONVM A CL. V. ARNOLDO  
BORCOVTIO, AMICO VETERI, ET I<sup>to</sup>. IS  
CORPORE ALBET, CAPITE, AVRIBVS, AT-  
QUE ALTERO OCULO SVFFLAVIS. RO-  
STRVM È RVBRO ALBICAT, BREVE ET  
OBTVSVM, ET NARE PRORSVS REPAN-  
DA. CRASSVLVS, ARGVTVS, MORDAX EST,  
AETATE BIMVS.

*MOPSVLVS aſt ego ſum, domini conuiuia: quid  
En etiam lectum participo domini. (vltra?  
Eſtne aliud? Domini Dominus, ſi dicere fas eſt:  
Vsq; adeò formæ huic iungitur improbitas.  
ſed formæ, quæ rara cluet. ſi examine iuſto  
Pendor, quod nec ames eſt mihi, plus quod ames.*

MOPSVS CANIS, GENTE SCOTVS. COLO-  
RE CRASSO SPADICEO; SED CIRCA ORAS  
AVRIVM, ET IN IPſO ORE, DILVTIVS  
FLAVO. SVPER OCVLVM VTRVMQVE OR-  
BICVLI AEQVALES DVO, ITIDEM FLA-  
VI. IDEM COLOR IN PEDIBVS INTERIO-  
RIBVS, INTRA FEMORA, SVB CAVDA,  
ET IN ANO. AT PECTVS LATVM ET HO-  
NEſTVM, PANTHERINA PRORSVS SPE-  
CIE,

CIE, ALBUM ET MACVLIS SPADICEIS  
SPARSVM. TALES IPSI IMI PEDES. AN-  
NUM AGIT TERTIVM, AD INVIDIAM  
PVLCHER.

MOPSVS ego, formã qui vinco secla canina;

*Quod nolim, in magno corpore nil habeo.*

Quodq; velim, dominum, dominam, ancillamq; vo-

*Conciliat probitas, simplicitasq; mihi? (lentes*

*Ille canis redeat, meruit qui calica templa;*

*Si certet, terra hunc, me sibi calum habeat.*

IN COLLEGII DALENSIS vulgò  
ANTVERPIENSIS SACELLO.

D. O. M.

&

P. M.

R. Viri PETRI VAN DALE, Arnoldi F.

I. C. Decani Alostensis, Canonici Antwerp.

Toparchæ in Ballaer, Ghestele, Putte, Beersele,

Qui in laura re & supra priuatum modum,

modestè, prouidè, piè ea vsus,

Collegium hoc instituit, vectigalibus iustruxit,

alendæ in B. P. iuuentuti.

Natus Antwerpæ ann. CIO. IO. IV. ibidem

obiit anno CIO. IO. LXXXII.

Hic monumentum habet, ossibus eius

voluntate translatis,

vt anima eius in beatas sedes, tu apprecare

pie lector.

IN COLLEGII PONTIFICII  
*Sacello.*

Hic iacet sepultus egregius Vir D. ac M. N.

Hh 2

MICHAEL

MICHAEL deBAY Athenfis, Ecclefiæ Collegia-  
tæ D. Petri Louanij Decanus, vniuerfitatis Cancel-  
larius, & conseruator, Generalis per Belgium In-  
quifitor, Regius S. Theologiæ Professor, & Colle-  
gij Pontificij Præfes. Deceffit xvi. Septemb. M. D.  
LXXXIX. Decanatus anno XIV. Professionis XL.  
Præfidentia xxxix. ætatis annum agens LXXVII.

EPITAPHIVM IOANNIS A MOGVN-  
TIA PRIMI MONACHI APVD MAR-  
tinianos Louanij.

*Ecce Moguntina vixi certiffima Gentis  
Progenies, tellus quem peregrina tegit.  
Sed natalitios diuino munere fines  
Deserui, & quicquid patria dulcis habet.  
Clasficus Aurelio tandem sub Principe miles,  
Signifer hac diuaprimus in arce fui:  
Scriptaq; fupremo liqui pro munere charis  
Fratribus, ætatis ceu monumenta mea.  
Annosum hinc miserata senem natura dolori  
Præclufit fato prædominante, viam.  
Si prius ingenuos potuiffi inflectere fensus,  
Da paradifiacam mi Paraclete domum.*

AD INGRESSVM ARCHIDVCVM  
ALBERTI & ISABELLAE,

Anno MD. XCIX. ipfo D. CATHARINAE.

Octauiani Augufti in vrbem aduentu  
Corona Iridis fpecie circa solem apparuit;  
Nouæ potentia,  
Nouæ pacis aufpicium.

Hanc vobis, ô Principes noftri,  
S. P. Q. Louanienfis

In ipfo



In ipso ingressu dedicat,  
 Nouæ potentiaë,  
 Nouæ pacis auspicium.  
 Sol vobis ab Hesperia fulsit,  
 Circa eum & ab eo corona  
 Prouincijs variegata, Iridis specie refulsit.  
 O fausta, firmaque ista sint!  
 Et tu ille vtrumq; orbem,  
 Vos isti nostram Belgicam  
 Salutari luce perfundite,  
 Vitam & vigorem reddite  
 Heu bellis ciuilibus amissum.  
 Deus & Superi vota nostra audite,  
 Vos Principes obsequia admittite,  
 Quæ fideliter & æternum defert  
 S. P. Q. vester Louaniensis.

---

**AD LAEVAM DOMVS SENATORIAE,**

**BRABANTIA** prima Prouinciarum,  
 In triplici suo ordine  
 Antistitum, nobilium, ciuium,  
 Sereniss. potentiss. Principes,  
**ALBERTVM & ISABELLAM** Duces suos  
 læta fronte suscipit,  
 deuota mente suspicit,  
 & fidem obsequiumque,  
 more & candore maiorum  
 æternùm vouet.

---

**IN GELRO-GALLORVM GRASSA-**  
**TIONEM IN LOVANIENSES, PER MAR-**  
**tinum Rossemium. Auct. LEVINO TOR-**  
**RENTINO ibidem studio.**

*Hinc, hinc Galle procul, procul aut böbarda repellet:*

*Heus fugito, sedes hic Iouis ales habet.  
 Perfidus ille nihil Gelrus, nil Cymber iniquus  
 Profuerit: cristas erigere ergo caue.  
 Quos duce Borbonio sensisti lenius vngues,  
 Ni fugis, hos acres experiere magis.  
 Semiputata tibi Latio calcaria quondam:  
 Ergo fuge, aut totus diripiêre miser.*

SYLVAEDVCENSIA.

MAXAEMILIANVS VRINTIVS  
 S. P. Q. Gand. à secret.

**D**elitium Trinia, Belgi Dodona, Batauum  
 Terror, & Auriaca Scylla probrumq; fuga.  
 Arx Fidei, cos virtutis, constantia asylum,  
 Regnum Aquila, Harpyis inuiatota domus.  
 Laurorum nemus & palmarum illustre viretum;  
 Sylua Iouis fuerit, sit nisi Sylua Ducis.

IN S. IOANNIS EVANGELISTAE.

*Memoriae Sacr.*

DIVO PHILIPPO II. inuictiss. Hispp. Regi  
 Catholico, D. CAROLI V. Imp. Aug. Filio vnico,  
 Brabantiae Duci inclyto, Patriae huius Protectori  
 clementiss. S. P. Q. Sylu. moerore perfusi, pietatis  
 & obseruantiae gratia VIII. Nouemb. ann. CIO.  
 IO. XCVIII. poni curarunt.

*Qualucet Eous, Regia fama volat.*

AEVITERNITATI SACR.

Prouocatus ab hoste Gallicae turmae Duce D. de

BREAV.

BREAUTE genere claro; ætate feroci, GERARDVS ABRAHAM Syluæducësis inducenda equitum, item turma D. ANTONI SCHETS de Grobendonck vices gerens, cum XX. duobus commilitonibus contra totidem Gallos, veteri Horatorum exemplo, virtute & successu admirabili, cæsis hostibus XVII. in conspectu patriæ ac pro eius gloria fortiter dimicans, cum fratre ANTONIO ac duobus alijs militibus suis cecidit, qui à turmę suæ Duce solenni funere huc delati, ob mortem, qua non potuit contingere gloriosior, resurrectionem gloriosam hic expectant.

Anno CIO. IO C. Non. Februar.

*Viuite magnanimi iuuenes fortissima nostræ  
Robora militia, patria vobisq, parastis  
Æternum virtute decus, victricia gentes  
Arma stupent alia, certamine viribus æquo  
Marte pari, numero palmam sed dispare Gallus,  
Hostis in hoste probat: volucres victoria pennas  
Exuit, Aduaticis sedes vt figat in oris,  
Belgica terrarum dum gloria circuit orbem.*

IN COENOBIO FRATRVM D. HIERONYMI normam imitantium.

*Calo potitus post labores plurimos  
GEORGIVS MACROPEDIVS,  
Scholasticus moderator optimus gregis,  
Toto orbe nobilis senex.  
Corpus reliquit hoc podagricum loco,  
Longo labore exercitum.  
Humanitas, studium, iuuandi maximum,  
Benignitas amabilis,*

*Candor animi, Pietas & Eruditio,*

*Hunc reddidère calitem.*

Obijt anno M. D. LVIII. mense Iulio.

CORNELIVS VALERIVS pos.

AD FRANCISCANOS.

*Posteritati.*

FRANCISCVM de AGVILAR ALVARADO vi-  
rum nobilem hoc monumentum habet,

Quem

Torum Castellæ opidum edidit v. Non. Octob.

∞. 15. XXIII.

Imper. Cæsari Carolo V.

strenuum militem,

Philippo II. Regi Catholico

Centurionem, Tribunum, Gubernatorem

Duynkerckanum,

Virtute, Prouidentia, Constantia constantem:

Animi & corporis fortitudine supra fidem

pro Fide insignem:

Sed & Philippo III. ac BelgI Principp.

à Consilijs militaribus,

cui denique

Quod prudentem & fortem decuit

contigit in actu mori,

Nempe in castris pro ista vrbe II. Kal. IXbris.

∞. D C. III.

*Qui diu vixit & malè, non diu vixit, sed fuit.*


*Qui parum vixit & benè, non diu fuit, sed vixit.*

*At qui diu benè vixit, fuit, an non vita dignus altera?*

*Etud cogita, Lector, & hoc iacenti voue, sic posteri-  
tas tibi.*



ELVIRA de VALENCIA Brugenſis, marito,  
(heu quondam ſuo) Amoris & mœroris mo-  
numentum P. C.



TRAIECTENSIA.

AD FRANCISCANOS.

D. O. M.

IOANNI GOROPIO BECANO, diuinar. at-  
que humanarum rerum bonarumque artium peri-  
tiſſ. KATHARINA DECORDIS vxor, & filio-  
læ duæ coniugi ac parenti dulciſſ. cum lacrumis  
POSS.

Procurantibus LAEVINO TORRENTIO &  
GASPARE SVRCHIO, quibus ille res  
ſuas moriens commendauit.

Vixit ann. LIII. Obijt IV. Kalend. Iulij, anno  
M. D. LXXII.

IN TEMPLO CRVCIFERORVM.

HENRICVS DIONYSIVS *hic tumulatus,*  
*Nominis excellens religioſus erat: (IESV*  
*Diuini verbi doctor clariffimus, idem*

*Qui vigil hac Geuſias arcuit vrbe faces.*

*Qui legis hac, da vota Deo & depoſce quietem*

*Defuncto, & mortis ſedulus eſto memor.*

Obijt anno MD. IX. LXXI. Die VIII. Nouemb.

DE S. SERVATIO S. P. Q. TRAIECTINO  
*ded. cuius tutelarſ iſte eſt Diuus.*

Anag. { SERVATIVS  
{ HY BEWAERT T'RICHT .i. Ius, vel Tra-  
(iectum.

Hb s Viuere,

*Viuerē nos medijs, si quis miratur in armis,  
 Cumq̄ pericla premant, esse pericla procul:  
 Caussa est; cum nostrā seruat SERVATIVS urbem,  
 SERVA-TIVS; seruat nomen & ipse suum.  
 Urbem ni seruet; perdet Seruatio nomen,  
 Si rursus in Batauas vrbs cadat ista manus.  
 Sic cū nostrā salus SERVATI nomine constet,  
 Quamdiu nomen erit illius, vrbs erit.*

Bernardus Bouhufius de Soc. IESV. facieb.

IN SACELLO REGVM FRANCIÆ,  
 ad D. Seruatij.

MEMORIAE,

&

CAROLO RICHARDOTO

Magni illius Richardoti

Principp. P. Q. Voto

eum potestate, fide, fama max.

sanctioris concilij Præsidis

filio,

magnæ spei adulescenti,

paternarum virtutum hæredi,

qui

ob raram indolem,

ad mercatum bonarum artium

Traiectum missus,

speratæ virtutis documenta

cottidie exhibebat,

sed

ô infortunium!

lex fati intempestiva & ineuitabilis

inter adulescentiæ primordia

continuis calculi dolorib,

grauē

grauiter afflictum,

&

iam tertio sed frustra incisum,

ter quintum ætatis annum

necdum ingressum

absumpsit anno CIO. IO C. Nouemb. III.

AD DIVI FRANCISCI.

*Quis tegitur tumulo? ROLANDVS DELPHIVS*

*Deliciumq<sub>3</sub> hominum, deliciumq<sub>3</sub> Dei. (ille,*

*Illius sed enim mentem finxisse videtur,*

*Candida ter puris simplicitas manibus;*

*Innocuos mores Probitas, Industria corpus,*

*Ora lepor; cineri tot bona Parca dedit.*

*Simplicitas, probitas, industria, flete leporq<sub>3</sub>:*

*Nam iacet hic vestro DELPHIVS exitio.*

MEMORIAE SACR.

F. ROLANDO DELPHIO, ORD. F. MI-

norum, modestia & patientia ad mira-

culum prædito:


Monasticarum obseruationum laudi nato,

harundem æterno damno denato,

confratres religiosi

hunc titulum & tumulum mœsti Poss.

*Hospes prece me viuus iuua, mortuus iuua bere.*



MECHLINIENSIA.

MAXAEMILIANVS VRINTIVS

S. P. Q. Gand. à secretis.

**M** Aiestate fori, sacroq<sub>3</sub> verenda Senatu,  
 Arx legū, & Domina met a suprema Toga,

Arx

*Arx eadem Martisq<sub>3</sub> domus, Vulcania fornax,  
 Tam rigido ferro quàm reuerenda foro,  
 Clara viris, spatiosa v<sub>3</sub>s, argentea lymphis,  
 Cælo hilari, positu commoda pulchra lare,  
 Tota increta solo & pariter discreta Brabanto,  
 Vrbs Domina & Domino pro Regione suo.  
 Gemmula munditiæ, RVMOLDI mole decora,  
 Aucl' apio Clero, Pontifice aucl'a sacro.  
 Omnibus illustris, lux & nitor vndiq<sub>3</sub>, amœnus,  
 Quam nisi MECHLINIAM, Melliniam esse putes.*

---

IN AEDE PRIMARIA.

D. O. M.

IOANNES HAVCHINO Archiepiscopo Mechliniensi II. viro incomparabili, qui non subnixus iam absoletis maiorum suorum imaginibus, sed propria virtute per omnes sacræ militiæ gradus, ad Archiepiscopatus apicem fauente numine euectus, ita se vbique gessit, vt candore, comitate, prudentia, pietate, vitus exactû omnibus exemplum, mortuus ingens sui desiderium reliquerit.

Vixit ann. LXII. in Archiepiscopatu VI.

Obijt anno restauratæ salut. M. D. XXCIX.

ipsis Non. Ianuarij.

NEMO SACRVM TVRBET CINEREM.

*Qui sua sacra Deo, qui Principibus sua iura,*

*Qui voluit populo commoda salua sua:*

*Cui sua priuatim ratio sic constitit, omnem*

*Vt fortunam æquo pectore pertulerit:*

*Qui resipiscentes ad apertis obuius vlnis*

*Excepit; cunctis mitis vbiq<sub>3</sub> Pater:*

Et ta-



*Et tamen in dignas generosus surxerit iras,  
Sic quoties fieri nempe necesse foret.*

*Qui prudens, sapiens, pius & candore niuali,  
Nullo virtutum non genere eminuit:*

*PræsVL Ioannes IaCet haC HaVChInV's In Vrna;  
Cætera sClre qVeVnt ipsI etIaM antIpoDes.*

D. O. M.

Nobili ac strenuo Viro

CATERINO VVYTS, leg. Burgund. in regia  
militia Centurioni,

Qui apud Ardriam in præsidio, dum animosè  
in hostem laceffentem equo erumpit,  
Solutus à pluribus circumuentus, aduersus re-  
sistensque cæditur,

Glande plumbea caput traiectus,

Sed sic quoque, nec ensen nisi mortuus, &  
extortum demisit.

Cecidit ætatis suæ ann. XXIX. Christi ∞. 10. XCVII.  
Non. Martij.

Pijssimo filio parentes heu moesti & superstites  
PP. Cenotaphium circa cineres Maiorum.

A D D. M A R I A E.

Clariss. D. NICOLAO EVERARDO Middel-  
burgensi, summi Consilij Præsidi, marito cariss. pa-  
trique pientiss. vxor liberique cum lacrymis poss.  
Vixit ann. LXX. Obijt anno à salute restituta MD.  
10. XXXII. v. Id. Aug.

G A N-



# GANDENSIA.

IN GANDAVVM MAXAEMILIANVS  
VRINTIVS S.P.Q. Gand. à secret.

**C**AELi delitium, Flandri decus orbis, ocellus  
Belgica, & enixo Casare virgoparens.  
Consilio illustris, bello horrida, florida pace,  
Pulchra situ, felix aëre, diues aquis.

GANDAVVM breuiter, nil vltra quere, nec vrbē,  
Verum orbem in tanta mole videre puta.

IDEM BREVIUS.

Iuppiter hanc molem, purum dedit aëra Phoebus,  
Florida prata Dryas, carula Nais aquas.

IN D. IOANNIS BAPTISTAE.  
Vnicus es Phœnix? cineres hac tumba duorum  
Phœnicum vera Religionis habet.

D. O. M.

Reuerend. in Christo PP. S. Theol. D. D. COR-  
NELIO IANSENIO; & VVILHELMO DAMA-  
SI LINDANO, primo & secundo huius vrbis Epi-  
scopis, ob multos in scrutandis & interpretandis  
sacris scripturis exantlatos labores, & merita in  
Dei Ecclesiam & Rempubl. Christianam positum.  
Obijt hic II. Nouembr. CIO. IO. LXXXVIII. Ille  
verò XI. April. ann. M. D. LXXVI.

*Quomodo in vita sua dilexerunt se, ita & in  
morte non sunt separati.*

ALIVD

ALIVD R. D. LINDANI SED HONO-  
RARIVM, PER MAX. VRIN-  
tium.

*Dordracū patria est, Grudia patria altera Athene,  
Illa animi altrices, corporis illa mei.  
Conspicuum sancta coluit Rurmundatiara;  
Et Ganda in cineres officiosa meos.  
Non meliore loco nasci potuīue renasci,  
Non meliore coli, non meliore mori.*

IBIDEM.

Admodum Reuerendo viro D. VIGLIO AYTA de ZVICHEM Frisio, I. C. clariff. Cathed. huius Ecclesiæ I. Præposito mitrato, Aurei velleris Cancellario, supremi Belgicę status, & sanctioris Concilij sub potentiff. Principp. CAROLO V. Imp. & PHILIPPO II. Hispp. Rege Præsidi summo, vigilantiff. integ. qui cū hanc Ecclesiam pijs fundationibus, plurimis munimentis decorasset, Academiam Louaniensem, structo sui nominis collegio, non minus liberaliter, quàm magnificè dotasset, natale solum noui hospitalis beneficio perpetuò sibi demeruisset, tandem post longas vigilias, post indefessos labores, plenus dierum, plenus honorum, Regi fidus, patriæ charus, vtilis omnibus, iniurius nemini, magno sui relicto desiderio, quieuit in Domino anno M. D. LXXVII. VIII. Maij, ætatis suæ lxx.

Iste vir fuit Lector, sed fuit.

Mirare, imitare, vigila,  
memor prudentissimi illius sciti  
VITA MORTALIVM VIGILIA.

ANO.

ANONYMI.

*VIGLIVS hic recubat, decorat quem Gamma Pe-  
Quo dempto, inuenies vilius esse nihil. (lasgen:*

IN D. PETRI ABBATIA.

EPITAPHIVM ISABELLAE CAROLI V.  
Cæs. Sororis. Obijt anno M. D. XXV.  
Ianuar. XIX.

*Dania me coluit, pulsam Germania vidit:  
Primum ortum dederat terra Brabanta prius.  
Nulla harum potuit morientem cernere, sed quæ  
Ganda habuit mentem, nunc quoq; corpus habet.  
Tempora si queris quæ me rapuere sub umbras,  
Accipe, & in memori scripta reconde sinu:  
Pectore sub medio Phœbum cernebat Aquarius,  
Marsq; horam tenuit, sed Venus ipsa diem.*

EPITAPHIVM IVDITH VXORIS  
BALDVINI COMITIS  
Flandriæ.

*Regis Francorum Caroli sum filia Calui,  
Nobilis illa IVDITH & speciosa nimis.  
Vxorem sibi quam me sumpsit Ferreus olim  
BALDVINVS, duce quo Flandria pacem habuit.  
Gloria qui veterum mihi quondam magna meorum  
Extitit. heu! Carolum mors rapuit iuuenem.  
Alter succedens patri, regnavit & ipse  
Tempore sat longo, mors rapit hunc at eum.  
Omnia deficiunt mortalia gaudia mundi,  
Et sub Sole nihil permanet hic stabile.  
Princeps prima sui Flandrensis inclyta quondam,*

Nunc



*Nunc sed in angusto contrahor hoc tumulto.  
Iam mihi nil profunt vir, proles, patria diues,  
Est mea sed fœdis vermibus esca caro.*

## AD PRAEDICATORES.

PETRVS BACHERIVS, DOMINICANVS Do-  
ctor Theologus, Poeta, & Ecclesiastes exi-  
mius, hoc sibi Epitaphium in extre-  
mis decantauit.

**S**I canitur niueis sub mortem nœnia cygnis,  
Dum premit innocuum longa senecta caput;  
Cur mihi non liceat triplices mea fata sorores  
Dum truncant proprias concinere exequias?  
Intempestiuus albescunt tempora canis  
Vtraq<sub>3</sub>, quin frontem ruga senilis ar at.  
Caligant oculi, sunt hac preludia mortis:  
Torpent officio pesq<sub>3</sub> manusq<sub>3</sub> suo.  
Ganda vale, fratresq<sub>3</sub> valet, valet propinqui:  
Liber ab exilio regna paterna sequor.  
Consequar hac meritis Christi, rogo: subleuat agram  
SPES mentem, trepidis anchora firma viris.  
Sæpe per infestos scopulos, & naufraga saxa,  
Nostra est insanis cymba rotata Nothis:  
Non tamen à vero me deuius abstulit error;  
Dogmate tentata est non temerata fides,  
Sæpe (fatebor enim) peccati Nectare captus  
Neglexi aeterni iussa verenda Dei.  
Da veniam fasso, pauidaq<sub>3</sub> illabere menti:  
Vulnera vulneribus dilae, Christe, tuis.  
Discute mortales nebulas Dominator Olympi,  
Migrantemq<sub>3</sub> animam qua potes arte iuua.

*Lux perit, intereo, mors vrget, corporis huius*

*Exuuias viridi suscipe terra sinu.*

*Sic placuit Cyro viridanti in gramine condi*

*Rex tantus tumuli saxa operosa fugit,*

*Hic locus arridet, maiorum hic ossa quiescunt,*

† *Bunderij cineres, † Gruterijq<sub>3</sub> patris.*

*Iungo † Rigermannum, † Syluanum, V Vincusumq<sub>3</sub>*

*AEtate, & meritis, eloquioq<sub>3</sub> pares.*

*Non ego † Coyanum, non te † Rufelaerde silebo;*

*Olim nam impense fauit vterq<sub>3</sub> mihi.*

*Obijt Gandau in patria prid. Id. Febru. M. D CI.*

*ætatis suæ LXXIV.*

† *Fuere oēs magni viri, & celeberrimi diuini verbi pracones.*

MAXAEMILIANVS VRINTIVS

S. P. Q. Gand. à secretis.

*Effundent alij laudum praconio longis*

*Versibus ad tumulum, culte Poëta, tuum*

*Effundent meritò, quumq<sub>3</sub> omnia, nil tamen vllus*

*Fuderit ex merito satq<sub>3</sub> superq<sub>3</sub> tuo.*

*Verùm ego sic paucis: MVSARVM HIC AVREA*

*SIREN,*

*ET PHOEBEIVS olor, BACQVERE cane, iaces*

ANTE D. FRANCISCI.

*Qui FRANCISCE, tui subeunt pia limina templi,*

*Fac subeant precibus calica templatuis.*

MAGNAE VIRGINI, MA-

GNAE MATRI, DEIPA-

ra Maria.

MAXAE-

MAXAEMILIANI VRIENTI VOTVM  
decastichon. Cùm eius sacro Sodalitio apud  
RR. PP. Soc. IESV Gandavi  
nomen daret.

Hac ego luce, Poli qua, tu Dea, templa subisti  
Me voueo æterna relligione tuum.  
Tu vatis, Regina, tui famulantia vota  
Prona cape, atq; humili si tibi mente lito;  
PARTHENIO da posse Choro dare nomen, & Ara  
Casta tua obsequij ponereserta mei.  
Serta tui dulcem spirantia Numinis auram,  
Mutua mi venia spiret vt aura tua.  
En, ego ceu vitis, tua sum, Dea, plantula, vitam  
Et viti & planta tu dare sola potes.  
Quod potes, ah! dare Diua velis, tibi surgat vt ingens  
Arbor, & effusis vinea lata comis!  
Qui tener, ecce, tuo modo Surculus iucipit horto,  
Victurus genij non nisi tore tui.  
Ille adsit, sensimq; grauem densatus in imbrem  
Intima sic animi perpluat arua mei;  
Indubia inde mea subolescat vt herba salutis;  
Nec minus inde tui Numinis exstet honor.  
Sic mihi reptanti tua per vestigia, detur  
Latum iter ad Nati templa serena tui.

Ipso assumptæ Virginis festo ad eiusdem  
aram supplex cecinit  
Maxæmilianus Vrientius.

Anno salut. Christ. CIO. IO C. VI:

INSCRIPTIO DAMPORTAE IN AD-  
VENTVM ARCHIDVCVM ALBER-  
TI & ISABELLAE.

Magni Principes; magnam subituri urbem,  
saluete.

Piis conatibus, paruis apparatibus benigni  
fauete.

Si quid decus probate, si minus excusate,  
Temporis angustia, cæli inclementia, clementer  
condonate.

Obsequium atq; animi fauentiam mage,  
Quam magnificentiam in re tenui nostra spectate.

Ita vos regat, ita vos tegat,

Qui nos, qui ceteros Belgas vobis regendos,  
vobis tegendos commisit propitius Deus.

IN ECCLESIA MONASTERII TRVN-  
CINENSIS, ORD. PRAEMONST. vulgò  
Drongen, propè Gandauum.

*Quem spectas Pario marmore gnauiter  
Expressum celebri vase quiescere  
TVVAINVM Comitem, nuper Alostia  
Ac sacrum haut aliter Numen amauerat,  
Gandau generis stemmate prodiens.*

*Hic cætus niuei iecit originem,*

*Elargitus opes, tum patrimonia.*

*Ergo persfruitur Mens supero Ioue.*

*En corpus tumulo nobile saxeo.*

*Quæso plange scelus quisquis obambulas,*

*Nam quo decubuit, te vocat exitus.*

Obijt anno M. C. XLIV.

LOCRAE,



LOCRAE, YPRAM INTER ET BAL-  
LIOLVM, LOCO MONTANO,  
*in marmore.*

D. O. M.

HADRIANVS SCRIECQVIVS BRVGENSIS  
V. PRAETORIVS  
SVSANNAE GODCALCAE ANTVERPIENSI  
CONIVGI DESIDERATISS.

ANNA FILIA INLACRYMANTE CARAE  
MATRI

MONVM, HOC RES HVMANAS MOESTE  
GEMENS P.

S V S A N N A .

*Ad Scaldim genita Borealis Vistula lusum*

*Dum prabet, rapuit ripa Borussa Patrem.*

*Rem Mare dum miruit, melioribus equior auris*

*Erexit thalamum m̄ Ria, Lisa domum.*

*Lisa sed exequias Matris cum vidit, in istis*

*Quasiui anne foret montibus alta quies.*

*Sed didici quod sint VNDAE OĪA. & OĪA  
vt VNDE;*

*Confedit caelo mens mea, corpus humo.*

OBIIT KAL. FEBR. A. D. ∞. D C. IV.

A. Etat. XXXV.

R. I. P.

VNDAE OMNIA.

VNDE OMNIA?


---

INCERTAE POSITIONIS.

GRAMMATICI TVMVLVS.

*Grammaticen scivi, multos docuiq̄, per annos:*

*Declinare tamen non potui tumulam.*



# BRUGENSIA.

IN BRUGAM IANVS LERNVTIVS.

**A**rdua culminibus tectorū adit athera Brugis:  
 Et famā clari nominis omne solum.  
 Qua Sol cumq; iubar spargit roseo ore per orbem,  
 Inclutus in populos illius iuit honor.  
 Et quamuis motu ciuili presso tot annis  
 Mutarit priscum scena per arma decus;  
 Mole tamen pulchrâ constans caput erigit altum,  
 Et meritò Morinum dicitur esse caput.  
 Flumen ei debet prima incrementa Tabuda;  
 Urbis & Aluaticæ maxima origo fuit.  
 Imò quod externis sit Flandria cognita in oris  
 Hinc est; auspiciū luminis inde trahit.

IN EANDEM.

MAXAEMILIANVS VRINTIVS.

s. P. Q. Gand, à secretis.

Flandorum Elysiū, Morinum regina, superbis  
 AEdibus, attonis penè stupenda Deis. (da,  
 Merce frequēs, animosa, potens, magnæ emula Gan-  
 Et par, ni paribus destituatur aquis:  
 Verū illi quam sicca negat natura, Aganippe  
 LERNVTI, hanc pleno fonte rependit opem.  
 Felix ciue suo, felix vrbs principe vate,  
 Si, quod habet pretium norit, & illud amet.

IN D. DONATIANI.

Reuer. Domino, D. PETRO CVRTIO Brugensi,  
 primo

primo huius ciuitatis instituto Episcopo, perpetuo Flandriæ Cancellario, quondam apud Louanienses S. Theologiæ Professori ordinario, hoc monumentum extremæ voluntatis desiderio positum est. Sedit in Episcopatu ann. v. M. v i i i. D. i x. Vixit ann. L x x v i. Obijt xvi. Kal. Nouemb. C i o. I o. L x v i i.

---

## IBIDEM.

Adsta parumper hospes, & pios iube  
manes hauere.

Hic situs est N. V. IOAN. à PAMELE, Eques  
Auratus,

Dñs de Cæstre, &c. F. Adolphi, Francisci N.  
frater germanus

Reuer. Iac. Archidiaconi Audomarenfis,  
&

N. V. Guil. Equitis Aurati, Dn. de Gotthem, &c.  
quorum monumentum non sepulcrum est  
lapis quem vides.

Cessit ex humanis Iac. nominatæ vrbis Episc.  
designatus xv. Kal. Octob. ann. sal. M. D. lxxxvii.  
ætatis suæ LI.

Guilielmus sanctioris Concil. per Belgiam Præses  
obijt septuagenario maior XII. Kal. Feb. M. D. xcii.

Ille, cuius hoc loco cineres conduntur, Prætura  
Brugen. bene gesta, post sena viræ decennia  
fato functus ab It ad plures,

v. Kalend. Ianu. anno M. D. xcviii.

Legisti n? hospes quæ posui?  
non te moror vltra, abi.

Compositos votis prosequens non lacrumis.  
Viuentes Deo flere nefas.

Michael Inghelmontius Brugen. Canon. de  
R. P. de se  
opt. mer. fratribus gratitudinis ergo F. C.

---

## IBIDEM.

Epitaphium Iōis Eyckij Pictoris famosissimi.  
Hic iacet eximiâ clarus virtute IOANNES,  
In quo pictura gratia rara fuit.  
Spirantes formas & humum florentibus herbis  
Pinxit, & ad viuum quodlibet egit opus:  
Quippè illi Phidias & cedere debet Apelles,  
Arte illi inferior hac Polycletus erat.  
Crudeles igitur, crudeles dicite Parcas,  
Qua talem nobis eripuere virum.  
At cùm sit lacrymis incommutabile fatum,  
Viuat vt in celi parte, precare Deum.

---

## IBIDEM.

Siste gradum, heus viator. & quid mundus est,  
Audi. Theatrum, in quo peragitur fabula,  
Persona vbi nunc vita, nunc est altera.  
Abi. IOANNES VISCHER hoc dixi. VALE.

---

## IBIDEM.

Adsta viator, & respice paululum,  
Hic ille clarus est reconditus COMES,  
Qui quatuor decemq; bis Notarius  
Annis fuit Donatianicus, sui  
Vatumq; temporis nec infimum decus.  
Eius precare manibus bene. hoc enim  
Quod alteri facis, tibi fiet. VALE.



EIVSDEM TESTAMENTVM.

*Calo animam, do corpous humo, do cetera mundo,  
 Ut capiat partem quilibet inde suam.*

AD CARMELITAS ANTE SVM-  
 MVM ALTARE.

DEO OPT. MAX.

H. S. E. CASPAR ZAPENA, gente Hispanus,  
 stirpe nobilis, manu & consilio bonus, mili-  
 tia multiplex eum vidit per varios suos  
 gradus promotum ad Tribunatum,  
 & mox à Rege Philippo III. Præfectú Alexandriæ  
 apud Insulæ destinatum:

quod munus nisi animo non cepit, morte interce-  
 ptus tristi ad Oceanum pugna,

vbi solus pæne auctor non pugnandi,

sententijs & publico fato victus,

robore & animo inuictus,

fortiter pugnans vulneribus confectus;

captus denique Ostendæ,

obiit piè, & Christianè

Non. Sextilibus, anno CIO. IO. C.

cùm vixisset ann. XLIV.

Hic in omni munere

Suis amori, hostibus terrori fuit,

Liberalis, magnanimus, prudens.

*Togate lector benè precare mortuo.*

*Sagate lector & imitare mortuum.*

IN CONVENTV FRATRVM MI-  
 NORVM.

DEO OPT. MAX.

R. P. F. CORNELIO ADRIANI F. Dordra-  
 ceno, huius aliquando Coenobij ante prouinciæ  
 vastitatem toto Belgio amplissimi splendidissimi-

que Guardiano vigilantissimo, ac S. Theologiae interpreti facundissimo: viro incomparabilis tum eruditionis, tum eloquentiae, triumque linguarum quae sacrae & sunt & dicuntur, callentissimo. Qui annis continuis xxx. populum Brugensem incredibili cum gratia, fructu atque utilitate, diuini verbi suauissimo pavit alimento, fementem verè spargens Euangelicam: tantaque contentione zizania è malignorum spirituum fibris euellens, vt verus Brugensium Apostolus, splendor, decus & ornamentum Christianae reip. Catholicæ, Orthodoxæ, Romanæ fidei propugnator acerrimus; nec secus, quàm alter Athanasius validissimus hereticorum malleus dici poterit, quiq; inter varias huius exulceratissimi seculi calamitates, inter innumeras hæreticorum calumnias, inter obstrigillantiũ sycophantarum caninos insultus, libellorumque famosa ludibria, tam inuictam semper animi moderationem tenuit, vt nullis vnquam vel hostium fidei oppugnationibus, vel rerum aduersarum procellis potuerit conuelli: qui denique in hoc D. Francisci instituto annis ferè xl. summa cum probitate vitæ, eruditionis gloria, religionis zelo flagrantissimo, optimè de hac ciuitate tam in Theologica professione publica, quàm in perpetuis indefessisque ad populum concionibus ad mortem usque optimè promeritus fuit. Hoc amoris & obseruantiae testimoniũ ac monumentum Patri opt. eiusdem ordinis fratres poss. anno à partu virginis gloriosæ CIO. IO. LXXXI. Prid. Iul. Id. laborumque suorum tandem aliquando amplam mercedem, verissimus fidelissimusque Christi confessor percepit: pijs omnibus ingens sui desiderium relinquens, eiusque mortui expressam effigiem F. Franciscus Euerardus huius loci Guardianus, qui viuentem vnicè semper colebat,

lebat, syncerę dilectionis ergo in hoc tēplo pro re-  
rū præsentiu facultate restaurata, appendi curauit.

---

IN XENODOCHIO S. IOANNIS,  
*ad cornu summi altaris.*

EPITAPHIUM F. CORNELII DORDRACE-  
ni Minoritę, concionatoris celeberrimi.

*Ecquis in obscuro latitans (dic parua tabella)*

*Tumulo hic repostus conditur?*

*Quis fugiens aded est & fama & lucis & aura*

*Vmbris vt hic velit obrui?*

*Tūne Pater celebri condigno ex marmore cryptę*

*Hic DORDRACENE recubas?*

*Quem tam facunda decorauit gratia lingua*

*Monita salutis cum dares,*

*Vt tua fama volet totum vulgata per orbem,*

*Stridente quamuis Zoilo.*

*Sed quia Seraphici placuit pia semita Patris,*

*Placuit sepulcrum ignobile:*

*Nam tituli & pario excise de marmore tumba,*

*Ætate longa intercedunt.*

*Virtus sola viget viuitq, æterna, nec auo,*

*Labente longo extinguitur:*

*Hac iam te equauit superis caloq, beauit,*

*Sertis decorum fulgidis.*

*Quid iuuat ignoto hunc igitur requiescere busto,*

*Qui mente calo vixerit?*

*Obijt anno CIO. IO. LXXXI. mens. Iul. die XIV.*

---

D. O. M.

IOAN. LVDOVICO VIVI Valentino, omni-  
bus virtutū ornāmētis, omniq; disciplinarū gene-  
re, vt ampliss. ipsius literarū monumentis testatū  
est,

est, clariss. & MARGARETAE VALDAVRAE, rara pudicitiae omnibusque animi dotibus marito simillimae, sexusque foeminei ornamento, vtrisque vt animo & corpore semper coniunctiss. ita hic simul terrae traditis, Nicolaus & Maria Valdaura sorori & eius marito B. M. moestiss. POSS. Vixit IOANNES ann. XLVIII. M. II. mortuus Brugis Prid. Non. Maij, anno M. D. XL. MARGARETA vixit ann. XLVII. M. III. D. IX. Obijt Prid. Id. Octob. anno M. D. LII.

---

IN D. MARIAE.

LVDOVICAE VENETAE, forma, venustate, pudicitia, rei familiaris administratione, ac supra muliebrem sexum, prudentia insigni; quae ex Italia vix dum pubes aduecta, nostrates omnes in sui admiratione his raris animi & corporis dotibus pertraxit: virum, cum quo vnanimi concordia XXII. ann. vixit, nouem liberorum numero auxit, dum XXXIV. annum ageret, immatura morte extinctae, GVILIELMVS MOSCRON vxori incomparabili, cuius merita nullus amor aequare possit mestiss. posuit. Obijt XVII. Iunij anno à partu Virginis M. D. XXIII.

---

IN D. VVALBVRGIS.

DEO IMMORTALI ET MEM. PP.

Nob. Viri Guilielmi de Boodt,

Quem per honores plurimos

Ad culmen dignitatis supremæ

Gradatim virtus extulit,

Nam COS. IIL. creatus,

Exemplo omnibus non præfuit modò,

sed profuit:

Donec



Donec ingentibus curis æger,

AbIt è vita simul, & Magistratu,

Ann. ætat. LII. XI. Kal. Nouemb. CIO. IO. CI.

AE catherina VVynckelman F. Reineri  
sibi posterisque lugens posuit.

Haue, salue, vale æternùm mi marite;

ego te,


Quo natura permiserit modo,

lubens sequar.

INCERTAE POSITIONIS.

*Hospes eram mundo per mundum semper eundo,*

*Sic suprema dies fit mihi summa quies.*



GREVELINGAE.

IN ECCLESIA S. VVILIBRORDI,

IN CHORO.

D. O. M. S.

H. S. E. VALENTINVS DE PARDIEV

V. N. & fama inclytus.

Toparcha de la Motte, Eeckelsbeke, atque alibi.

S. Iacobi Eques, Commendator in Stepa, Philippo

II. Cathol. Reg. à Consilijs militiæ, Regijque ex-

ercitus armamentario, & machinis Præf. Duode-

cim Centuriar. ex Gallo-Belgis Chiliarcha, huius

oppidi arcisque per annos xxv. Gubernator. Obijt

anno Christi ∞. IO. XC V. Idib. Iul. vixit ann. lxx.

M. III. D. XIII. Bono bonus benè precare.

AD LECTOREM SPECTATOREMVE.

*Paulisper hospes siste, me, quis sim, Vide.*

Hen

*Heu fata! quis sim, quis fui, vide ac abi.*

MI NOMEN OMEN PER DEVM VA-  
LENS DEDIT,

*Magni Philippi Regis, & domi & foris*

*Affertum ego iui Iuramento, vel manu:*

*Sub Austrio Ioanne; sub Farnesio;*

*Sub Austrio Ernesto grauia feci & tuli:*

*Bis quinquies traiectus, hinc dextrum ad SLVSAM*

*Emisi ab ictu brachium amitto globi.*

*HV IV M oppidum loco, arce munitissimum;*

*Bis quing, cinctus millium armata manu;*

*(Supremus Imperator hisce copys)*

*Sub Ius redegi Principis priscum sui.*

*DOVRENIAM arcem hinc vidimus; sed vidimus;*

*LVMENQ. leuū HIC, LVMEN heu! heu! quid lo-*

*Quin lumen omne glande liqui plumbea (quor?)*


*Transfossus. hæc est vita, hic exitus mihi.*

*Mihi apprecare lector, & si vis abi*

*In Cattuacos, vise monumentum hic mei*

*Gymnasion ingens, are conspicuum meo.*

*Ergo adprecare, Lector, & si vis, abi.*



## DVACENA.

*Sta viator, & immaturo funeri illacryma:*

AVGVSTINVS LE MIRE,

Guilielmi F. Domo Bruxella H. S. E.

Quem optimis primum artibus moribusq;

Duacena imbuit Academia;

Philosophicis Louanium studijs,

Doctorisq; titulo & honore.

Medicæ dein artis prima laurea  
Mer. ornauit.

Inde ad Theologorum castra,  
Deo vocante, se contulit,  
Animorum futurus iam Medicus.

Canonica mox dignitas Valentianis  
obtrigit,

Ampliora spondente indole atque industriâ,  
At currentem immaturam mors rapit.

VII. Kal. Octob. MD. CII.

Natum ann. XXII. M. IX. D. XXII. X.

AVBERTVS MIRÆVS Canon. Antuerpiens.  
fratri cariss. studiorum socio  
cum lacrymis POS.

Æternum placida compostus pace quiescat.

IN TEMPLO COLLEGII MAR-  
CHIANENSIS.

DEO OPT. MAX.

Et pijs manibus D. FRANCISCI COMITIS  
LALANI, Philippi C. L. hæredis filijque, Schor-  
natorum Dynastæ, Baronis VVarinij & Albinia-  
næ in Catuacis cliëtelæ Patroni, Collegij Marchia-  
nensis, dum vixit, studiosi, mnemosyni loco po-  
suit MARGARETA ARENBERGIA mater.

*Téne mori formose, morine heroas & illos,*

*Quos Lalanigenum fert super astrâ decus?*

*Ante vicem meritis ieras, virtutibus annos,*

*Ante diem virtus, mors fuit ante diem.*

*Quem Phæbū Charites, Rex Nestora, patria patrem  
Sperauere sibi, tres, puer vnus obit.*


III. Id. Febr. ann. Domini M. D. XC. ætat. XII.

## IN TEMPLO SOC. IESV.

BOETII corpus quiescit hic EPONIS,  
 Animam respice, ó IESV, benigniter.

EPITAPHIVM P. IOANNIS FOSSAE  
 iucundissimi Poetae, quod sibi scripsit,  
 sed non positum.

*Hac sunt in fossa FOSSAE mirabilis ossa,  
 Qui sibi condendo versus cere comminuit brum.*



## INSVLENSIA.

## IN D. PETRI.

**R**everend. in Christo Patri Domino D. IOANNI SIX, Philosophiæ ac Theologiæ quódam Louanij magna cum laude Profefori, deinde in Parochiali Ecclesia D. Stephani huius oppidi aliquot annis Pastori vigilantiff. Inde ob virtutem & merita ad Canonicatum Audomarensem assumpto; postea Reuer. D. GERARDI ab HAMERICOVRT primi Episcopi Audomaropolitani Vicario generali, ac tandem in Episcopatu successor: dum hæc ad Synodum Prouincialem fidei ac Religionis ergo proficisceretur, febris correpto, ac in hoc opido, vbi vitæ acceperat initium, IV. Id. Octob. anno M. D. LXXXVI. ætatis verò suæ LIII. vitæ functo & è regione chori tumulato IACOBVS VVILLART ex sorore Nepos, & huius Ecclesiæ Canonicus, Auunculo opt. de se merito mœstus POS. & quem viuens vnice coluit, eum moriens voluit in tumulo habere socium.




## IBIDEM.

*Sub terra tumulo MICHAEL cognomine dictus*  
*Rex cubat, & vermes putre cadauer alit:*  
*In quo ceu sydus rutilabat regia virtus,*  
*Regia mens, mores regy, & ingenium.*  
*Nunc sua quid mirum moestus si tundat Apollo*  
*Pectora? si Musæ, si Charites doleant?*  
*Lugeat Amphion? moueat nullum Orphea plectrum?*  
*Nec dolor admittat frena modumq; Liui?*  
*Delicia periere sua, sua gaudia, amores.*  
*Heu! qui semper erat viuere dignus, obit.*  
*Ah! nimium duros obitus, heu! gloria clero*  
*Quanta gemiscenti, quantus honorq; perit?*  
*Lustra nouem vix Mysta sui compleuerat eui,*  
*Frigidus effossa dum tumulatur humo.*  
*Nascimur, & summâ cuncti properamus ad horam,*  
*Dura potest nemo frangere iura necis.*  
*Surgat vt athereas de funere, Lector, in auras,*  
*Sæpè tua feriant sydera celsa preces.*

EPITAPHIVM D. HELLINI DE LE  
 CROIX HVIVS ECCLESIAE

Canonici.

Vita hominis labor & dolor. Melior est mors  
 quàm vita amara, & requies æterna quàm languor  
 perseverans. Ecclesiast. 30. Obijt ii. Septemb. anno  
 M. D. LIV.



TORNACENSIA.

D. O. M. SACR.

Kk

Et me-

Et memoria D. PETRI CORETI S. Theolog.  
Licentiati, Ecclesiastæ & Canonici.

PETRVS CORETVS. PORTVS ERECTVS.

Ille Dei interpret, Christi Mariæq, sacerdos,  
Hic sua fessa PETRVS membra CORETVS habet.  
Qui siue è cathedra, calorum arcana recludit,  
Seu calami hereticos detegit arte dolos.  
Certa Pharus, dubio PORTVS Q. ERECTVS in astus,  
Gens pia naufragium ne pateretur, erat.

Obijt M. D CII.

ANIMAE PAX EX QUIES.

D. GVILBERTI D'OIGNIES EPISCOPI  
Tornacensis.

Quis iacet hic? ego GVILBERTVS cognomine D'OI-  
Quæ tibi conditio? Prasul in vrbe fui: (GNIES.  
Quod pietatis opus? Christo nunc Iudice clarum est:  
Ecquis opes? templum, pauper & hospes habent:  
Quid fuit in voto? sanctæ perfectio vitæ; (habe.  
Euge, & QVAE SVRSVM SVNT, bone pastor  
Post genus & titulos, curas, operumq, labores,  
Quis modò te finis candide Prasul habet?  
Contra CI fatVM, TornaCI IVra sepVLChRI  
ConseqVor, & bona spes ossa sopora tenet.

IN AMBITV CHORI  
D. VIRGINIS.

Boen lector, audi, pauca commonitum volo.  
LIEBARDVS olim (sapè nomen hoc tuas  
Percussit aures) iuris & recti sciens,  
Neq, minus ille Iuris & recti exequens;

Sacri

*Sacri Senatus ille Cancellarius.*

*Quicquid vel artis quicquid ingenij aut opum*

*Possedit, hoc in civium effudit sinum,*

*Collegijq; multus autor Neruij.*

*Socijs I E S V Patribus pubem dedit*

*Seu pia docendam capita, seu mores p̄obos,*

*Seu cultioris literaturæ sacra.*

*Bene adprecare Lector, & si vis, abi.*

IN NAVI ECCLESIAE MONASTE-  
RII S. AMANDI.

IOANNI SECUNDO Hagiensi, Poetæ celeberrimo & nulli secundo, cuius tumulum, hæreticorū furore anno CIO. IO. LXVI. violatum, Carolus de Par Abbas, ob tanti viri memoriam † restaurari C. o-  
bijt anno CIO. IO. xxxvi. Kalen. Octob. à secretis Georgij Egmundani Traiecten. Episcopi, huius loci Proabbatis.

† Hortantibus D. D. Dionysio Villerio, & Hieronymo Win-  
ghio Carolus de Par Abbas restituit.

APVD MINORES IN AMBITV  
Lapidi incisum.

*Quod mater genuit, rursus quoq; filia gignit,*  
*Pergrauida ex ipsa Neruius obstupuit.*

IBIDEM.


*Cy gist le pere, cy gist la mere,*

*Cy gist la soeur, cy gist le frere,*

*Cy gist la femme & le mary,*

*Et n'ya que deux corps icy.*

De pari coniugum postea ad Religionem tran-  
seuntium, & in ea Præfectorum. Alter fuit Mino-  
rita, altera Clarissa.



## A T R E B A T I.

D. O. M.

D. FRANCISCO RICHARDOTO, Burgundo, Atrebarum Episcopo, viro in omni disciplinarum genere versatissimo, ac cōcionatori Eloquentiff. qui ob singularem doctrinam, & præclaras animi dotes, omnibus Ordinibus vnicè carus; postquam hanc Ecclesiam periculosis temporibus ingenij dexteritate, & assiduis concionibus annis XIIII. feliciter rexisset, maximo sui relicto desiderio, annum ætatis agens sexagesimum septimum è viuis excessit. IOANNES RICHARDOTVS, inuictiff. Philippo Regi à rerum status secretisque consilijs ac libellis, & Arthesiæ Præses Auunculo opt. Nepos moestissimus POS. Obijt VII. Kal. Augusti, anno CIO. IO LXXIV. .




## H A L L I S.

*Hanc, DIVA, PENNAM, interpretem mentis meæ,  
Per alta spatia quæ volauit ætheris,  
Per ima quæ volauit & terra, & maris:  
Scientiæ, Prudentiæ, Sapientiæ  
Operata semper. ausa quæ CONSTANTIAM  
Describere, & vulgare; quæ CIVILIA,  
Quæ MILITARIA, atq; POLIORCETICA;  
Quæ, ROMA, MAGNITVDINEM adstruxit tuam;  
Variâq; luce scripta prisca sæculi  
Affecit, & perfudit: hanc PENNAM tibi*

*Nunc;*



*Nunc, DIVA, meritò consecraui LIPSIVS.  
 Nam numine istac incohata sunt tuo,  
 Et numine istac absoluta sunt tuo.  
 Porrò ò benignitatis aura perpetim  
 Hac spiret! & fama fugacis in vicem,  
 Quam PENNA peperit, tu perenne gaudium  
 Vitamq<sub>3</sub>, DIVA, LIPSIO pares tuo.*



## LEODIENSIA.

D. O. M. S.

GERARDO à GROISBECK S. R. E. Presb. Cardinali, Episcopo, & Principi Leodiensi, Administratori Stabulensi, viro incredibili prudētia, pietate ac facundia prædito, qui Prouinciam suã temporibus difficillimis annis xvi. summa Innocentia, atque animi fortitudine, pace & bello non modò conseruauit, verum etiam auxit, atque ipsis hostibus admirabilis virtute inuidiam superauit. Curatores bonorum ad leniendum parentis patriæ desiderium, monumentum hoc opt. merenti moestissimi posuerunt.

*Quem tegat hic tumulus, quondã si LEGIA quæres,  
 Te, sis vsq<sub>3</sub> licet maxima, maior er at.*

Vixit ann. LxIv. Obijt an. sal. hum. M. D. Lxxxiv.  
 Kalend. Ianuar.

ALIVD.

CAROLVS LANGIVS I. C. vir vt scripta eius testantur, doctiss. cui Læuinus Torrentius, & Ioannes Douerinus Collegæ monumentum poss. Obijt anno M. D. Lxxiii. iiii. Kal. Aug.

Kk 3

IANI

## IANI LERNVTII PARODIA.

*Manibus CAROLI LANGI in Eburonibus  
sepulti Sacr.*

## FLANDRIA LOQVITVR.

*Tot bellis infracta, mihiq̄, egre ipsa superstes,  
Ipsa tuas venio FLANDRIA ad inferias,  
Vt LANGI, affatu te extremo, & munere amoris  
Compositum externo prosequeretur tumulo.  
Quandoquidem historia, linguarum, iuris auiti,  
Et rerum natura intima notitia,  
Virtutesq̄ simul tecum interière simulq̄  
Interière mihi gaudia raptam meam.  
Nunc ergo extincta quæ munera sola supersunt,  
Debita rite tuis munera funeribus.  
Accipe materno veroq̄ madentia fletu:  
Atq̄ in perpetuum LANGI hanc atq̄ vale.*

## IN D. IACOBI.

DANIELI MAVCH, & ROSAE STOCKERIN  
coniugg. qui postquam hæretic. factionibus aris  
focisque paternis pulsati, in hac Eburonum vici exi-  
lij voluntarij sedem collocassent, IV. mensium in-  
ter vtriusq; obitum spatio interiecto, in æternam  
patriam migrarunt. Daniel filius vniigena parenti-  
bus opt. dulcissimisque mœrens P.

Vixit Daniel ann. LXIII. Rosa LVII. in matri-  
monio vnà fuere ann. XXXVII. Obijt hæc  
prid. Id. Iul. ille XVI. Kal. Decemb. ann.  
Christi M. D. XL.

IN GVILIELMITARVM  
COENOBIO.

Hic iacet vir nobilis D. IOANNES de MANDEVILE, Al. D. ad Barbam miles, Dominus de Campdi, natus de Anglia, Medicinæ Professor, deuotissimus Orator, & bonorum largissimus pauperibus erogator, qui toto quasi orbe lustrato, Leodij diem vitæ suæ clausit extremum. Ann. Domini M. CCC. LXXI. M. Nouemb. die XVII.

## ALIVD.

*Hoc iacet in tumulo, cui totus patria viuo*

*Orbis erat, totum quem per agrasse ferunt.*

*Anglus Equesq; fuit, nunc ille Britannus Vlysses*

*Dicatur, Graio clarus Vlysse magis.*

*Moribus, ingenio, candore & sanguine clatus,*

*Et vera cultor Relligionis erat.*

*Nomen si quæras, est MANDEVIL, Indus, Arabsq;*

*Sat notum dicet finibus esse suis.*

## IN D. MARTINI.

TRISMEGISTO ORBIS SERVATORI.

*Dardanidæ, Ausonij, Gandenses, Musica, Phœbus,*

*Multiscij sternerunt tristia fata PAPI:*

*Qui cum plus nimio malefidis credidit vndis*

*Corpus, abit Mosæ sub vada caca miser.*

ANDREAS PAPIVS Gandensis, huius ædis Canonicus, vtriusque linguæ peritiss. Musicus & Poeta optimus, magni illius LAEVINI TORRENTINI II. Antwerp. Episc. Nep. & Alumnus, dū Syrios pertæsus ardores ad Lontigerorū turrin,

aquæ silenti se committit, meando, remeando tandem fatiscens, occidit Id. Iulij anno M. D. LXXXI. triduo post hic sepultus. Viuat & ætherea luce fruatur.

Hoc PAPIO pos. Ianus Collega Guilielmus.

---

IN S. DIONYSII.

Ad Dei omnipotentis honorem & M. DOMINICI LAMPSONII, probitate, varia scientia & functione publica clari, in hac Ecclesia sepulti, suique memoriâ D. NICOLAUS LAMPSONIVS eiusdem Ecclesiæ Decanus, eius frater pos. Anno M. D. C III.

*SIC erat, hoc Latè notVs LampsonIVs anno  
Ipsâ defVnctVs qV a sanctVs a LeXIVs horâ.*

---

LEGES CONVIVALES IN AEDIBUS CUIUSDAM CANONICI.

*Lex HORIZANA iubet tibi, vir, seu sederis hospes,  
Siue herus ad mensam. parce aperire caput.*

*Lex HORIZANA tibi, mulier, seu sederis hospes,  
Siue herus, præscribit, tollere parce femur.*

*Causa triplex. non sunt in mensa immota mouenda;  
Mensa vacet fastu, pilea labe, decet.*

*Exlegi sua pœna, meri potare culullum,  
Aut, si pœna frequens ipsa iuuabit, aqua.*

*Lex iubet, in mensa, BURnellia, qui datur, orbem,  
Seu quadram, serua vir, mulierue, tibi.*

*Causa duplex: vt inepta, aut ficta modestia cesset;  
Et gladiatorum ceu grege mensa vacet.*

*Quippe obtrudendis certatim obledere quadris  
Conuiuæ digitos, mutuaq; ora solent.*



Lex MAMERANA iubet, conuiuia vocatus adito  
Maturè, & comitem ducere parce canem.

Haud etenim, tibi si gratus comes ille caninus,  
Sic domino, aut domini gratus & ipse cani.

Quin & herus mensa, tibi si canis, inde relega,  
Ne cui det, visum non semel, ille malum.

Ne pugna conuiuia nimis civilis, at illa,  
Assignabit herus quam tibi, sede sede.

Quod iubet hospes agas, si non vis tollere plagas,  
Lex vetus, & nota est, hanc Mamerana nouat.

Lex AVGVSTINI, presentum, aut rodere dictis  
Absentum vitam, digna ferente, vetat.

Lex, GAVDANE, tua est, se si quis inebriet, illi  
Postera lux puro pellat vt amne sitim.

Dixerit & si quid, seu fecerit ebrius idem,  
Quo laesus fuerit, siue homo, siue Deus:

Non modò vt amne sitim sibi pellat, at eroget vltro  
Esuriem pauper pellat, & vnde sitim.

Ante cibum, potumq<sub>3</sub>, DEI benedicere dona,

Sumptaq<sub>3</sub>, post, grates dicere, dona Deo,

Simplice nos victu contentos, simplice cultu,

Et dare pauperibus si quid vtriq<sub>3</sub>, super,


Legiferum capitis Lex precipit aurea CHRISTI,

Et mundo, mundi delicijsq<sub>3</sub>, mori,

Gaudanus pater vsq<sub>3</sub>, monens plantatq<sub>3</sub>, rigatq<sub>3</sub>,

O, incrementum tu dare, CHRISTE, velis.

Dominici Lampsonij.



# LVXEMBURGENSIA.


IN S. SPIRITVS MONA-  
STERIO.

*Viator, etsi properas, vt firmes gradum  
Pij precantur Manes. Hic primum iacet  
DOROTHEA stirpe nobili MANSFELDICA,  
Ernesto patre nata, Luxemburgici  
Moderator & Praefectus qui fuit soli,  
Deniq; post & Belgici Prorex soli.  
Matrona casta, prudens, liberorum amans,  
Verens mariti. Quidquid in bona potest  
Consorte dici, dictum de ista puta.  
Maritus hinc FRANCISCVS è VERDVIGIIS  
Iberica stirpe. is prima ab adolescentia  
Regi minister in pace & bello fuit:  
Dum Mars perurit Belgicam ciuilibus  
Flammis, moderator ipse Frisiae datus,  
Transsylvanicaq; pugnas inclytas  
Pugnans atque vicit. Plura dicere  
Annales libri poterunt, quos Lector roga,  
Idemq; positus hic, veniam & pacem roga.  
Coniugi & sibi FRANCISCVS VERDVIGIVS  
Pos.*

INSCRIPTIO FONTIS AD AEDES  
COMITIS MANSFELDIAE PETRI  
*Ernesti extra urbem.*

Quisquis huc accedis, si te æstus sitisve vrget,  
hic æstum quietis vitato, sitim pronus extingui-  
to, 2-


to, aquam manu haurito, os lauato, at pede ne  
turbato, nudo corpore ne polluito, quiescenti-  
bus enim carissimæ vxoris manibus tranquillam  
vndam sacrauit. Mariæ de nomine Mariæ fontem  
nuncupauit: æterni sui amoris testes latentes vasta  
sub rupe lymphas erui, viuo lapide cingi, æternas-  
que fluere iussit P. E. C. M.



NAMVRCI.

D. O. M. S.

Sereniss. Principi IOANNI AVSTRIACO,  
D. Caroli V. Imp. Fil. post Mauros in Betica rebel-  
lantes subiugatos, Turcarumq; max. classem apud  
Patras eo duce funditus fugatam deletamque, cum  
in Belgio Proregem ageret, ni castris Bougranis,  
continua febre in ipso iuuentutis flore sublato,  
auunculo amantiss. ALEXANDER FARNESIYS  
Parmæ Placentiæque Princeps in Imperio succes-  
sor, ex mādato D. PHILIPPI Hispp. ac Indiarum  
Regis potentiss. hanc altaris tabulam Coenographij  
loco P. C. CIO. IO. LXXVIII.



ARNEMII IN  
GELDRIA.

IODOCI SASBOVTI.

**S**iste gradum: quod es, ipse fui, fortassis eris cras  
Quod sum cadauer putridum.

Olim IODOCVS erā SASBOVT: me misit in auras  
Delft. clara pars Batavia.


Ter denis patriæ causas decidimus annis,  
Pars consuli haud ingloria.

Deinde

Deinde & pacatis Præses ius Casare Gueldris  
Dixi, iubente Carolo.

Quid tituli? quid opes? quid nunc prudentia prodest  
Mors summa miscet infimis.

Sola manet virtus homini post funera, solam  
Dum viuis hanc ama: vale.




## VENLONII.

PUTEANÆ GENTIS GENIVS  
LOQVITVR.

Spectate posteri: sic eritis,  
& hæc naturæ pacta,  
Mori, transformari, consumi,  
Cogitate: vitæ mora brevis est,  
Dum viuitis, discite mori.  
Nunc votis fauete maiorum manibus,  
& auete.

*Inscriptio Eryci Puteani.*



## VLTRAIECTINA.

IN SVMMO TEMPLO.

D. O. M.

Amice vnde abieram, rediens monumētum hoc  
mihi mortuo parauit. Sum enim imò fui IOAN-  
NES à DROLSHAGEN ex Monasterio inclyta  
Vestphaliæ Metropoli ortus oriendusque, huius  
Cathedralis Ecclesiæ Traiectēsis Canonicus. Nunc  
qui fuerim tenes, ego verò te hospes noscere ne-  
queo, tu te ipsū nosce, & vt breui moriturus, viue.

Vini



Vixi ann. LXIII. M. VIII. D. III. Morior anno à  
Christo nato M. D. XXXVII.

---

INSCRIPTIO COLUMNAE.

*Accipe posteritas qua post tua secula narres,  
Taurinis cutibus fundo solidata columna est.*

---

RELIQVVM SCORELII  
CANONICI.

*Finis mors, sic sunt hominis vana omnia, prater  
Quam cui diuino pectus amore calet.*

*Vixit tempore Hadriani VI. Pont. Max. cuius effigies aliquos  
pinxit accuratissimè.*

---

IN D. PETRI.

Nobili doctoquè viro D. CAROLO SMYTERO  
Gandensi, curiæ Hollandiæ Senatori Regio,  
pos. Ioannes Lentius.

*Hic posuit Flander SMITERS CAROLVS vr-  
Consul apud Batauos, Regis, Ibere, tui. (nam  
CVM BataVos beLLIs VeXat CIVILIs erInnis,  
FIXOs heV proprIIs VVLnera VVLNerIbVs;  
Martius hunc rapuit, caloq, Astra alocauit,  
Hic celebri tantum nomine fama viget.  
Obijt IX. Kalend. Aprilis.*

---

EPITAPHIVM S. RADBODI EPL-  
SCOPI VLTRAIECTINI; AB IPSO  
conscriptum.

*Esuries te Christe Deus sitis atq, videndi,  
Iam modò carnales me vetat esse dapes:  
Da mihi te vesci, te potum haurire salutis;*

*Vnicus*

*Vnicus ignota tu cibus esto via:  
 Et quem longa fames errantem ambesit in orbe,  
 Nunc satia vultu, Patris imago, tuo.  
 O Deus Omnipotens, cuius pietati redemptus  
 Subsistit mundus, qua generatus homo,  
 Respice me miserum peccati mole grauatum,  
 Et nimium pressum pondere, Christe, leua,  
 Ereptumq; gregis dira de sorte, sinistri,  
 Iudicij inter oues tempore siste tuas.*

---

 IN TEMPLO IEROSOLIMITANO.

D. O. M.

&amp;

AETER. MEMOR.

*I A N A E B V C H E L L I A E puellæ dulciss.  
 cuius formę venustas, morum suauitas*

&amp;


*Indolis, præter sexum, præter ætatem,  
 miraculum,*

*Inuidiam Parcarum excitarunt.*

*Vixit ann. XIII. M. III. integros  
 forori cariss. & amantiss.*

*ARNOLDVS BVCHELLIVS Batauus  
 frater mœstiss.*

N. S. L. P.



## AMSTELODAMI.

---

 IN AMSTELODAMVM HADRIANVS IVNIVS.

*A ureus, vt perhibet, quondã ab Ioue perpluit imber.  
 Magnificis turgentem opibus Rhodon: horrea Roma*

S i c a

*S*icaniam esse Ceres victuro munere cessit.  
*T*orsit & huc oculos facilis Deus ipse benignos,  
*E*t me maclam opibus iussit florere q̄<sub>3</sub> rebus  
*L*atis: at circundor aquis pigraq̄<sub>3</sub> palude  
*O*bsita: roboreoq̄<sub>3</sub> solo stant culmina nixa  
*D*epactis altè trabibus, surgentia calo:  
*A*lternansq̄<sub>3</sub> statis vicibus maris æstus aperti  
*M*œnia subcingit, qua parte exotica puppes  
*V*eliferæ inuectant onera, exportantq̄<sub>3</sub> frequenti  
*M*ercatu, Hesperias qua se demittit in vndas.  
*B*arbaraq̄<sub>3</sub> Eous pandit qua littora Titan  
*E*xpedio, quos nostra tamen non arca verrit,  
*L*egifera cumulos Cereris, genitalia dona.  
*G*argara prouentu tanto non farris abundant.  
*I*nferior fuerit, vel Momo iudice, mecum  
*C*ontendat locuplete penu si Trinacris ora,  
*Æ*qualeisq̄<sub>3</sub> ferax non Africa stipat aceruos.  
*M*orreum & agnoscit me non malè Belgica felix,  
*O*mnigenas vt opes, sic vitæ alimenta ministro.  
*R*ectè vt quis saturæ similem me dixerit aluo,  
*R*obore defectos succum quæ didit in artus.  
*E*ximie hinc aded Caesar me ferre coronam  
*V*irtutis decus, ac munus spectabile iussit.  
*M*ateriam at linquo scribendi V atibus amplam.

---


GVILIELMI CINNESII S. THEOLOG.  
 LICENTIATI, ECCLESIAEQ. D. MA-  
 riæ Pastoris.

*O*ssa sub hoc recubant GVILIELMI marmore clausa  
 CINNESII, cuius iusta Thalia canit.  
*P*atricio natus qui sanguine, vixit honestè,  
 Dum vixit generis lausq̄<sub>2</sub> decusq̄<sub>3</sub> sui.

*A teneris coluit Musas, & dogmata morum  
 Imbuit, affixus nocte dieq; libris.  
 Louanij Sophia studuit, triplicemq; coronam  
 Cum totidem titulis ex Helicone tulit.  
 Postea Parisijs, quantum satis esse putabat,  
 Pectoris ad cultum degere cura fuit.  
 Sapè volutauit, subito quàm munera Pluti  
 Et quicquid fragili splendet in orbe perit:  
 Ceu maris vndosi soleant quod mergere fluctus;  
 Et nos in stygium præcipitare lacum.  
 Hinc animæ voluit potius curare salutem;  
 Istis posthabitis & coluisse Deum:  
 Ipsius & verbum sacratus ritè sacerdos,  
 Christigenum fida voce docere gregem,  
 Id quod complures non infeliciter annos,  
 Hæc Diuæ MARIÆ fecit in ade sacra.  
 Charus erat Clero cum ciuibus atq; Senatu,  
 Illi mens eadem, dissidijq; nihil.  
 Neue quis extincti sentiret damna, reliquit.  
 Plurima post mortem distribuenda pijs.  
 Ecce sed egregios vigilantipectore fructus  
 Quando suis profert, & bene cuncta gerit:  
 E medio properè veniens Mors sustulit illum,  
 Quem Pili decuit viuere secla senis.  
 Vsq; adeo humana nulla est constantia vita,  
 Tam citò, quod speres posse manere ruit:  
 Dumq; homo persuadet sibi dulcem ducere vitam  
 Et superesse diu posse, repente cadit.  
 Nunc satis est, Christus, qui mortis spicula figit;  
 Faxit CINESII spiritus astra colat.*

Obijt M. D. LXXI. Id. April.





## HARLEMI.


IN AEDE PRIMARIA.

D. O. M.

MARIAE GVILIELMAE CAESARINAE, pu-  
dicitiae modestiaeque vnico exemplo coniugi a-  
mantiff. ADRIANVS IVNIVS Medicus in po-  
sterorum memoriam moestiff. P. C.

*Vltima in Augusti, rapta es spes vnica nobis*

*Coniux: ab propere mors truculenta, necis!*

LVGDVNI BATA-  
VORVM.

LIPSIANI HORTI LEX IN IPSO  
ADITV, SVB PERSONA BIFRON-  
tis Iani. B. F.

Quisquis es, STA, LEGE, PARE.

IANVS ad hos limen sic EDICO.

1. Horto & hero fruendi tibi ius esto:  
Sed illo ad aspectum, isto ad sermonem.  
Nisi oculis, quidquid heic fatum aut natum, ne  
LIBATO.

Tiro esto, manum apud te habeto.

Si effers ad tactum aut ad raptum:

Verbo dicam, te efferto.

2. Sed nec hero vsquequaq; fruitor.

Ante sextam vespertinam ne adito:

Post septimam ne maneto.

Horae aliae ad alias illi curas.

Heic cogitat, heic pangit:

STILVS heic est, abi musca:

Quid si & cæna? abi musca.

3. — Sermones etiam ne exleges.

Iocari licet:

Narrare licet:

Rogare licet:

Sed nihil ferium.

Gratiarum hic locus est.

4. Si quid amoenius tamen in studijs,

Inter ambulandum

Differe, doce, disce.

Et Musarum hic locus est.

5. Tu qui seriosus,

Tu qui rixosus,

Exeste.

Clusius ego sum vobis.

6. Canis, præter vnam, emaneto.

Hecuba, præter vnam, emaneto.

Habes? hoc etiam.

Quoquò te agis, te video.

D. O. M.

REMBERTO DODONÆO Mechlin.

D. Maximiliani II. & Rodolphi II. Impp.

Medico & Consiliario,

Cuius in re Astronomica, Herbar. Medi.  
eruditio scriptis inclaruit.


Qui iam senex in Academia Lugdunensi  
apud Batauos publicus

Medicinæ professor, feliciter obiit

An. CIO. IO. XXCV. ad VI. Id. Martias.

Ætatis suæ LXVIII.

Rembertus Dodonæus Fil. M. P.



ROTTERODAMI.

ANTE AEDES D. ERASMI ROTER.

*AEdibus his ortus mundum decoravit ERASMV S  
Artibus ingenuis, Relligione, fide.*


HADRIANVS IVNIVS IN  
BATAVIA SVA.

Lumen & decus immortale vrbi addidit DESI-  
DERIVS ERASMV S hanc patriam & genitalem  
fedem gratâ recordatione, vbiq̃ue in scriptis agno-  
fcens: qui inter præcipua seculi nostri ornamen-  
ta meritò habitus, quasi lignum quoddam ex arce  
Palladia litteratis ad imitandum extulit: cuius na-  
tales lares sacræ ædi propinquos, quoties ab exte-  
ris studiosè reuerenterq̃ue adiri ciuitas (quæ pari  
religione illos colere debet, qua Romuli casam  
Quirites) contemplatur, toties caput altius effer-  
re iusta gloria potest.

NON PROCVL AB HAGA COMI-  
TVM IN COENOBIO LAV-  
*dunensi.*

MARGARETA Hermanni Comitis Hennêber-  
giæ vxor, quarti Florétij Comitis Hollandiæ & Ze-  
landiæ filia, Guilhelmi Regis Romanorû, ac postea  
Cæsaris seu Gubernatoris Imperij, atque Alitheie  
Comitis Hannoniæ soror, cuius patruus Episcopus  
Traiectensis, auunculi autem filius Dux Brabantiæ,  
& Comes Thuringiæ. Hæc aut Illustrissima Comi-  
tissa annos quadraginta duos circiter nata, ipso die  
Parasceues nonam circiter horâ, anno millesimo,

ducentesimo, septuagesimo sexto, trecentos sexaginta quinque enixa est pueros, qui prius à Guidone suffraganeo Traiectensi omnes in duobus ex crepeluibus baptisati sunt; quorum masculi quotquot erant Ioannes, puellæ autem omnes Elisabethæ vocatæ sunt, qui simul omnes cum matre vno eodemq; die fatis concesserunt, atque in hoc Laufdunensi templo sepulti iacent. Quod quidem accidit ob pauperulam quandam fœminam, quæ ex vno partu gemellos in vlnis gestabat pueros, quam rem ipsa Comitissa admirata, dicebat, Id per vnum virum fieri non posse, ipsamque contumeliosè reiecit. Vnde hæc pauperula animo perturbata, ac percussa, mox tantum prolium numerum ac multitudinem ex vno partu ipsi imprecabatur, quot vel totius anni dies numerarētur; quod quidē præter naturę cursum ob stupenda quadam ratione ita factum est; sicuti hîc in perpetuam huius rei memoriam ex vetustis, tam manu scriptis, quàm typis excusis chronicis breuiter positum & enarratum est. Deus ille ter maximus hac de re suspiciendus, honorandus, ac laudibus extollendus in sempiterna secula, Amen.



## GRONINGÆ IN FRISIA.

D. O. M. SACR.

**L**AMBERTO CANTERO Frisio Gruningensi, Iurisc. clariss. Philosopho & Oratori præstanti, Caroli Quinti Senatori, raro virtutis omnis exemplo, singulari patriæ ornamento, parenti merito longè cariss.

Pieta-



Pietatis & memoriae ergo Guilielmus F. M.P.C.P.  
 Ann. XL. mens. III. ☉. An. ob O.R. CIO. IO. LIII.  
 VII. Kal. Sextil.



## MIDDELBVRGI.

D. O. M. S.

**H**ADRIANO IVNIO Hornano, Philo-  
 sophero, Medico & Poetae celeberr. Bataviae Hi-  
 storico fideliss. cuius in omni disciplinarum  
 genere exquisita eruditio, singularis industria, infi-  
 nitae lectionis praestantia, multiplex linguarum sci-  
 entia, pari coniuncta Comitatus, doctorum omni-  
 um admirationem laudemque meruit: post varia  
 incomparabilis ingenij monumenta, quibus aeter-  
 nam sibi memoriam comparavit, sub hoc marmo-  
 re condito, Patri opt. de se merito PETRVS IV-  
 NIVS moestiss. pietatis ergo P.C. Vixit ann. LXIII.  
 Obijt XVI. sibi cognominis mensis. Anno salutis  
 Christianae CIO. IO. LXXV.

ALIVD.


*IVNIVS hic situs est: vltra ne quere Viator,  
 Oculisq; sat debere te tuis puta,  
 Tam magni spectare viri queis contigit vnam.  
 Oculi o beati, o verè ingens spectaculum.*

D. IOANNI VALEOLAETO S. PE-  
 TRI DECANO DIGNISS.

*Hic dormit illud vnicum Zelandiae  
 Decus IOANNES, singularis virginum  
 Moderator, atq; precipuus verbi Dei*

*Præco, suapte, quod docet, vita probans,  
 Peculiare pauperum præsidium,  
 Quos esse nouit deditos studijs sacris.  
 Laboriosus, litteris immoriens,  
 Bibliog<sup>3</sup> thecam naactus instructissimam,  
 Semper studebat, non sibi, verum alijs,  
 Quos tum domi, tum publicè gratis docet.  
 Multis diebus continenter maximo,  
 Stomachi dolore, febribusq<sup>3</sup>, exæstans,  
 Dei benignitate fretus maxima  
 Latus supremum finiit vitæ diem:  
 Vbi puluis in terram omnium matrem, vnde erat,  
 Rediit, migravit spiritus in domum suæ  
 Aeternitatis, ad Deum, qui condidit.*

ALARDVS AMSTELRODAMVS amico pos.




## DANICA.

INSCRIPTIO SALINI IN AVRATL,  
 QVOD D. HENRICVS RANZOVIVS  
*Christiano IV. Regi ex Baptismo vnà cum  
 alijs à se suscepto honorarij loco  
 dedit.*

**D**EVUS trinus & vnus largiatur huic regio na-  
 to, ab aui sui Christiani felicitatem & for-  
 tunam: pro aui Friderici I. mansuetudinem  
 & benevolentiam: aui Christiani III. pietatem  
 & clementiam: Friderici II. patris sui magnani-  
 mitatem & prudentiam: ac horum regum omnium  
 maiorum suorum contra hostes suos gloriosas vi-  
 ctorias. Hæ enim virtutes ex tot Regibus & pater-  
 no sar-

no sanguine in illum defluxere: talesq; decent tot  
Regum prolem.



## H A F N I A E.

DN. IACOBO BORDINGO Antvverpiano,  
viro in omni Philologia & Philosophia bene & e-  
leganter versato: & propterea Sadoleti quoq; alio-  
rumque exterorum doctiff. monumentis publicè  
celebrato, primùm patriæ, dein Ducc. Megapp. &  
sereniff. Daniæ Regg. Christiani III. & Friderici  
II. Archiatro: Academiarum Rostochianæ &  
Hafniensis ornamento: ob veræ pietatis, eruditio-  
nis, sapientiæ, & omnium virtutum laudem, me-  
moriâ perennem iam pridem adepto: grati hoc  
animi memoraculum, patri opt. sibi que & omni-  
bus bonis desideratiff. in beatæ reparationis spem,  
Iacobus Bordingus F. I. V. Doctor, Professor &  
Cancellarius Megapol. P. C.

Piè obiit Hafniæ, an. Christi CIO. IO. LX. Se-  
ptemb. v. hora IV. vesp. an. ætat. i.



## ROSCHILDENSIA.

IN CATHEDRALI.

*Tergeminus fuit HARALDVS, dum sceptriger omni  
Temporis excursu pace beatus erat.*

*Cæsaris innumerum donec furit agmen, & inde  
Climata Iutonica dilaniata iacent.*

*Consilium nimium felix: Rex gurgite sacro  
Mersus, in it superis foedus: & arma iacent.*

*Funditus hasce Ione summo nunc condidit ades,*

Quasq<sub>3</sub> per id memores dixerit esse sui.  
 Sueno etiam abluitur, præter placitum, sua proles  
 Præcipiti rabie qui strepit armipotens.  
 Imperij siquidem generosi fata parentis  
 Cæca libido parat, spicula missa necant.  
 Post natale Dei dum scripsimus octuaginta  
 Nongentos, meruit scandere celsa poli.

---

## IBIDEM.

Regum SVENO decus, magno quo Dania Rege  
 Floruit, & sceptris imperiosa fuit,  
 Non virtute minor Sueno, quàm nomine Magnus  
 Nam dici poterit Magnus utroq<sub>3</sub> modo.  
 Hunc soror illustris Regis præclara Canuti  
 Estridis genuit prole beata parens.  
 Anglos Marte premens, Norvvegia regna subegit,  
 Fit tria septrâ tenens vnica Dana manus.  
 Res miranda nimis, quem non tria regna valebant  
 Imperio capere, iam petra parua capit.  
 Sed quia stare diu nequit heu terrena potestas;  
 Terrarum reges querite regna Dei.

---

## IBIDEM.

VVilhelmus olim Episcopus Roschildensis  
 Præstantibus Dei relucebat donis,  
 Pietate, religione, per celebri vita  
 Et sancta, & omni genere virtutum illustri;  
 Ad eò, vt incertum erat, is ne officio tali  
 Dignior erat, an illo officium. Tam spectatum  
 Episcopatus præstitit sui exemplum.



Hic fretus innocentia, atque item iusto  
 Iniusti homicidij dolore per motus,  
 Quod à rege factum erat, libidine magis quàm  
 Ratione, Regem ipsum quamuis magnum, & tali  
 Regno potentem, comitatuq; stipatum  
 Magno, repulsum baculo, prohibuit templo,  
 Rebusq; sacris, donec pœnitens facti,  
 In gratiam cum Ecclesia ac Deo offenso  
 Redisset. his factis, tempore non ita multo  
 Post, mortui iam regis sui deferebatur  
 Funus. quod vt rescitum est appropinquare  
 Vrbi; duo sepulchra confici iussit,  
 Duobus etiam feretris adornatis ibat (est;  
 VVILHELMVS obuiam. Postquam ad funus ventum  
 Oratione facta, vt illi (quem in terris  
 Deo patri iam lucrifecerat sanam  
 Per admonitionem) commori posset.  
 Mox membra collapsus, animam sanctam celo  
 Reddidit. Ac inde vterq; suo lecto impostus  
 Hanc sacram ad sedem pariter (mirabile dictu)  
 Magno omnium stupore deportati sunt.  
 VVILHELMO honorificè sepulto, ac de more  
 Episcopalibus insignibus vnà cum illo  
 Terra reconditis, nouo Deus funus  
 Miraculo hominum memoria consecrauit.  
 Hac ipsa namq; vt obruta tumulo terræ,  
 Vltro sepultum reddidit. translatum ergo  
 Huc funus est, ac magna cum religione  
 Hoc in loco commendatum sepultura.

---

SAXONIS GRAMMATICI  
DANORVM HISTORICI.

*Qui viuens alios eternum viuere fecit,  
SAXO GRAMMATICVS mortuus hic recubat.  
Mortuus extincto sed tantum corpore, mente  
Qua valuit, magno viuit & ingenio.*



S O R A N A .

---

IN TEMPLIO COENOBII  
SORANI.

**H**OC ABSALONEM tumulo post fata reclusit  
Ultimus humana conditionis honos.  
Hic primas sua prima tenens, docet, vltima cunctis  
Ingruere, & nullum posse manere diu.  
Corpore nactus humum, lustrat spiramine calum,  
In duo diuisus gaudet habere duo.  
Par patris patriaq; parens, hoc puluere pausat.  
Certa salus populi, plebis opima quies,  
Virtutis specimen, iusti pater, auctor honesti,  
Militia robur, religionis apex.  
Hostibus excidium, tutamen ciuibus, equi  
Arbiter, armorum gloria, pacis amor.  
Non fuit in toto quisquam praestantior orbe.  
Nulla magis clarum fudit origo virum.  
Omnis in hunc virtus confluit munere pleno,  
Nec quenquam vitio praestitit esse locum.  
Quicquid Achillis erat, quicquid Platonis, in eius  
Splenduit ingenio, moribus atq; sono.

Fortior

Fortior extiterit, num doctior, ambigit omnis,  
 Pectora cui sacri nota fuere viri.  
 Ad sacra gentiles armis transire coëgit,  
 Hic mihi, ne dubites, Rugia testis adest.  
 Excubijs cuius patria pax constitit, huius  
 Dania iam fatis pressa reuixit ope.  
 Hinc eadem tanto viduam se sole queratur,  
 Et lucem luci iure precetur ei.  
 Lux Benedicte tua en prasens huic lumen ademit,  
 Donatura nouum perpetuumq<sub>3</sub> sibi.

## IBIDEM.

VV ALDEMARVS Regum non infima gloria  
 Danum, (ba,  
 Quem tenet extinctum constructa ex marmore tun-  
 Eiectus regno, magna virtute regressum  
 Obtinuit, pulso forti de finibus hoste  
 Holsato, patriis arces terramq<sub>3</sub> redemit  
 Expositam precio: senserunt principis arma  
 Inuicti, gentes ponto terraq<sub>3</sub> direpta,  
 VVandalicq<sub>3</sub> vrbes opibus fastuq<sub>3</sub> superba  
 O nimium! Tandem vita pertasus obiuit  
 Gurra. Translatum recubat post funera corpus  
 Hoc tumulo Soræ. sed mens petit ardua cali.  
 Fan. a solo remanet studijs celebranda nepotum.

## IBIDEM.

Dania Noruago genuit me Margaris illa,  
 Que fuit Haquino tradita connubio.  
 Et ius Noruagum, sed Danum gratia Regem  
 Signat, vbi satis, cum patre, cedit auus.  
 Sed mihi regna negat mors immatura, deinceps

Norua<sup>g</sup>ia vt Danopareat imperio,  
 Et matris, tanta regnantis laude, triumphus  
 In Suetos, toto notior orbe foret.  
 Inter auum & proauum nunc Soræ corpore condor  
 Olaus, cæli lumine mente tegor.  
 Atqui me, ob similes vultus se finxit eundem  
 Nutricis ludens arte, doloq; mea,  
 Falsurbodensi cineres commiscet arena,  
 Supplicium in ficto corpore vt ignis agit.



## H O R N S L E T I I N I V T I A.

DN. GEORGIUS ROSENKRANTZ, &c.  
 de seipso loquitur.

**C**Vrarum satur, & rerū quas mundus adorat,  
 Hoc vixus mihi delegi struxiq; sacellum,  
 In quo tranquilla post fata quiete potirer:  
 Voce sua Christus dum me reuocaret, & omni  
 Grimine mundatum cœlesti in sede locaret.

Ergo valete arces, & opima iugera terra:  
 Aula vale: valeant regum quos nomine honores,  
 Et patriæ gessi. cui sis satis utilis esse  
 Haud potui: studui certè, mundana valete  
 Omnia sed Christus mihi custos vnicus adsit;  
 Hic mihi solus amor, spes, lucrū, honor, omnia solus.

At tu qui terra post me dominaberis isti,  
 Parce mihi, nec sis defuncto iniurius, ipse  
 Qui vixus ne vel minimo grauis esse cupiui.  
 Sesto sed ad metam hanc ipsam te tendere, eoq;



*Disce mori, dum vita placet. properè omnibus instat  
Mors hodierna mihi, tibi crastina fortè futura.*

MEMORIAE D. OTHONIS G. F. RO-  
SENCRANCII.

Othoni Rosencrancio, Georgij Equ. splendidiff. & inter proceres regni Daniæ eximij, filio: iuueni pio, bene morato, docto, ab omni luxuria & fastu alieno: &, quod rarum huic ætati est, mortis perpetuè memori. qui præcipuis vtriusque Germaniæ vrbibus & Academijs perlustratis, in patriam vix reuersus, sub ipsum iuuentutis florem suorum ex oculis, non memoria, sublatus est. Anno Christi CIO. IO. IIXCII, die VII. Martij. Aætatis suæ XXI.

*Cultor OTHO à teneris sincerus numinis annis,  
Musarum decus, & patris pia cura Georgi,  
Hoc sua deposuit ROSECRANCIVS ossa sacello,  
Cùm tria compleisset vix dum septennia primis  
Dania litterulis hunc imbuit, addidit artes  
Et linguas Varnus: Scaldis, Nicer, Isula, Rhenus  
Iudicium & mores ita formauere, senile  
Vt quiddam viridi iam conspiceretur in æuo.  
Optatos hinc sperabat sibi patria fructus,  
Sperabant Rex & proceres, clariq; parentes.  
Verùm aliter Domino placuit, qui noluit isti  
Tot spinas instare Rosa, & mox leniter vngue  
Somnifero auulsam cœlestibus intulit hortis,  
Pars vbi siderea nulli euellenda corona est.*

Obdormiuit anno CIO. IO. IIXCII. mensis

Martij, die VII. hora VIII. anno ætat. XXI.

Georg. Rosencrantz, & Dorothea Langia pa-  
rentes

rentes mœstiff. filio desideratissimo, in spem  
lætiff. resurrectionis, cum lacrymis PP.

ALIUD BREVIUS:

*Dania dat patriam, Roscrantia nomen OTHONI  
Nobile gens: puerum pietas formauit: in vrbes  
Teutoniæ eximias Charites duxere: reuersum  
Mors rapuit: requiem exuujs hîc terra; beata  
Lumina dat menti Christus; noua gaudia cœli.  
Illius exemplo vel in ipso flore iuuentæ  
Disce mori. humana summa hæc sapientia vitæ est.*

INSCRIPTIONES ARCIS VRANI-  
BURGICAE à TYCHONE BRAHEO,  
anno M. D. LXXVI. primum  
inchoatæ.

FRIDERICO II. in Dania regnante, Car-  
lus Danzæus Aquitanus R. G. I. D. L. domui huic  
Philosophiæ, in primisque astrorum cõtemplatio-  
ni Regis decreto à nobili viro Tychone Brahe,  
Ottonis F. extructæ, votiuum hunc lapidem, me-  
moriæ & felicitis auspicij ergò, ann. M. D. LXXVI.  
VI. Augusti Pos.

Quod etiam hi versus testantur.

*Tempore quo regnum, qui nomine regis, secundus,  
Danorum, imperio Rex Fridericus habet,  
Carolus, ad Danos Galli legatio Regis,  
Danzæus, quem orbi terra Aquitana tulit,  
Huic domui, Vrania & Sophia quæ Tycho Brahorum  
Clara stirpe satus, Rege iubente, struit.  
Hunc lapidem, auspicio felici, vtq; omne per æuum  
Augusti id memoret lux modò sexta, locat.*

D. O. M.

D. O. M.

Astronomiam, scientiarum omnium antiquissimam & præstantissimam, diu quidem multumq; cultam, nondum tamen solidè constitutam, aut à mendis vindicatam animaduertens, ei instaurandæ perficiendæque varia eademque exacta adinuenit construxitque organa, ad omnimodas cœlestium corporum obseruationes sufficientia, labore, diligentia, impendio incredibili, quæ partim proxima eandem ob causam exædificata arce Vraniburgo: partim hisce cryptis, ad constantiorem & opportuniorem vsus disposuit: tibi que ô inclyta, omni æuo successura posteritas, hunc thesaurum rarissimum & preciosissimum commendans, dicans, consecrans, vt in æterni Dei, admirandæ cœlestis machinæ opificis gloriam, artisq; diuinæ propagationem, ac patriæ honorem perpetuò conserues, nec vetustate, aliòve incommodo collabascere, aut aliorsum transferri, vel quocunque modo violari finas. Si nihil aliud, authoris saltem vniuersi vindicem reuerens oculum.

Qui ea cuncta in hac Insula inchoauit & absoluit, hoc monumento posito, te rogat & obtestatur.

TYCHO BRAHE O. F.

*Haue, qui hac legis, facisq;, & vale.*

IN HYPOCAVSTI HOROLOGIO MAIORI.

*Tempora circuitu calum fugientia voluit,  
Nec modò prætoriens hora redire potest.*

*Temporibus torus fugitiuis clauditur orbis,*

*Præterit*

Præterit & toto quicquid in orbe viget.  
 Ergo quid expediet mundi fugitiua figura,  
 Cur his conformes, quæ peritura, sumus?  
 Est aliud quod nos cælum expectatq̄, vocatq̄:  
 Idq̄, euo, aspectu, limitibusq̄, caret.  
 Ioua vbi sol ipse est, similatq̄, Ecclesia lunam,  
 Angelico stellis conueniente choro.  
 Huc huc tendamus, manet illic patria vera.  
 Nec mundi immundi nos remoretur amor.

TYCHO BRAHE O. F.

IBIDEM.

Hoc vallum, & molendinum papyraceum, cum  
 omnibus adiunctis artificijs, & superius dispositis  
 piscinis, hic vbi nihil tale antea extitit, instinctu,  
 ordinatione & sumptibus proprijs, patriæ, sibi, &  
 posteris.

Tycho Brahe O. F. de Knudstrup. F. F.

Incepit anno 1590. compleuit 1590.

IN TEMPLIO HELSINBVR-  
GENSI.

Exunias abiens tulit huc KIRSTIN Atenellas,  
 Quæ Braheæ olim nata Tychonis erat.  
 Illa quidem modicum mundi fuit incola tempus,  
 Interea modicis non tamen aucta bonis.  
 Ingenio sexum superauit, moribus annos,  
 Eloquij grata dexteritate pares.  
 Ergo hanc, quæ dederat subito natura, recepit,  
 Consuetus maior ne quid adulta foret.  
 Viuit at illa tamen: natura obstacula vicit;  
 Pro modico æternum tempore tempus habet.

Æthe-



*Aethereisq; potita bonis, mortalia temnit,  
Per Christum gratis consociata polo.*

Obijt peste anno 1576. Septembr. die XXIIV. Vixit  
hic in terris saltem annos duos, menses II. dies  
II. horas II.



## V V E S B V I I I N S C A N I A.


*CLAVDIVS hic parua requietus clauditur arca,  
Cui viuo in toto non foret orbe quies.*

*Hunc natura semel terris monstrauit, at illic  
Concessit saltem sex superesse dies.*

*Vt tener & leuior mortali labe solutus  
Ad superos nullo pondere tardus eat.*

*Tempora pro modicis vbi nunc aeterna diebus  
Obtinet, & gratis pace potitus ouat.*

Claudio dilecto filio vnicam septimanam in ter-  
ris non complenti pater lugens F. & P. An-  
no 1576.



## C I M B R I C A.

IN ARCE ILLVSTRIS. D. HEN-  
RICI RANZOVII VICARII  
Regij,

B R E D E M B E R G A E.

INSCRIPTIO PORTAE.

**S** I nihil adificas, qui spectas nostra, viator,  
Aut mea ne carpas, aut melior a struas.

*Si meliora tenes; id Diuos poscito mecum,  
Ne, quod vterq<sub>3</sub> tenet, fascinet inuidia.*

---

IN COENACULO COM-  
muni.

*Qui nouus hîc nostris succedis sedibus hospes,  
Esto bonus, mensam consulitoq<sub>3</sub> boni.  
Craterem de more lubens philothesion hauri,  
At litem moueas ebrietate, caue.  
Pocula amicitiam faciunt, & pocula soluunt.  
Si bibis, vt valeant mensq<sub>3</sub> pedesq<sub>3</sub>, sapis.*

---

IBIDEM.

*Cùm placido vita mutasset tempora fato  
Heu IANVS hic RANZOVIVS  
Luxerunt nati, coniux, Holsatica tellus,  
Vno ore plangentes patrem.  
Mars tumulo imposuit laurum, zonamq<sub>3</sub>, tre-  
Et hostibus demptas opes. (phaumq<sub>3</sub>)  
Pax etiam, aut concors huic, aut contraria Marti,  
Laudauit ipsa animum viri.  
Fama hinc dispergens latè ore, manuq<sub>3</sub>, secuta est,  
Virtutis excellens decus.  
Qualiter hunc igitur vixisse putabimus euum,  
Per lustra bis septem & tria?  
Tot namq<sub>3</sub> hic vixit, quem Mars, Pax, Fama per-  
Laudent, requirant, efferant. (ennis)  
Et pia cum natis coniux viuata marito,  
Et patria, lugeant patrem.*

## AD FORES HENDECASYLLABI

sequentes conspiciuntur.

Hunc quicumq, subis locum, resiste  
 Paullum, si placet, atq, paucula audi.  
 Votium domini vides sacellum,  
 In quo res per ago sacras, & ore  
 Nostra percipitur salutis autor,  
 Fundunturq, preces, piaq, voces  
 Et dicuntur & audiuntur. Ergo  
 Arcem si venis huc videre saltem;  
 Illius studium, bonamq, mentem,  
 Qui poni voluit sibi, probato;  
 Aut, si res ita fert tua, emulare,  
 Et semper pietatis esto cultor.  
 Sin huc ingrederis, sacris vt ipse  
 Inter sis simul, ad fores, prophanas  
 Omnes exue cogitationes,  
 Et mentem indue sancta cogitantem,  
 Presentemq, puta Deum videre,  
 Ad quem verba facis, precesq, fundis;  
 Illi corde pio, piaq, lingua,  
 Pro donis age gratias benignis,  
 Collauda, venerare, concine, atq,  
 Dictis suppliciter precare votis.  
 Huic soli est operi locus dicatus.  
 Illud te monitum prius volebam.

LIBROS BIBLIOTHECAE SVAE AM-  
 pliff. ad imitationem Flamini sic alloquitur

D. HENR. RANZOVIUS.

Saluete aureoli mei libelli,

Mea delitia, mei lepores,

Quàm vos sapè oculis iuuat videre,  
 Et tritos manibus tenere nostris.  
 Tot vos eximij, tot eruditi,  
 Prisci lumina seculi & recentis,  
 Consecère viri, suasq; vobis  
 Ausi credere lucubrationes,  
 Et sperare decus perenne scriptis.  
 Neq; hac irrita spes fefellit illos,  
 Vestro presidio per vniuersum  
 AEuo perpetuo leguntur orbem,  
 Doctorumq; volant per ora clari.  
 Vos estis requies honesta mentis,  
 Iucunda ingenijs bonis voluptas,  
 Rebus perfugium minus secundis,  
 In latis decus, & nitor refulgens.  
 Vos atate puer virente, magno  
 Sum complexus amore. nunc vir autem  
 Multò prosequor impotentiore.  
 Et, quam fata diu sinent amare,  
 Vobis immoriar mei libelli:  
 Ac cum rege lubens fatebor illo  
 Alphorso egregio, esse cariores  
 Vestras diuitias mihi, benigna  
 Quàm fors quas mihi contulit caducæ.  
 Saleute aureoli mei libelli.  
 Soluete, ex quibus hac mihi voluptas  
 AEuum percipitur per omne grata.  
 Quàm vos intueor libenter, & quàm  
 Lubens colloquor! Ecquid est mandum est  
 Curis esse beatius solutis?



IN PORTICV BREDEBERGENSI  
ad imagines heroum.

Scipio cùm Romæ statuas spectaret auorum,  
Hæc ad virtutem sunt mihi calcar, ait:  
Hos quoq<sub>3</sub>, quis spectet referentes inclyta facta,  
Seq<sub>3</sub>, aliquo tangi laudis amore neget?  
Sint licet abstractis procul in regionibus orti,  
Omnes æternum promeruere decus.

IOSVA DVX POPVLI ISRAELI-  
tici H. R.

Aspice Nunnides ego sum, qui maximus armis  
Pro populo gessi bella cruenta meo.  
Promissamq<sub>3</sub> diu, cæsis cultoribus ense,  
Distribui iacta sorte, dedi q<sub>3</sub>, plagam.  
Triginta numero reges, quis credat? & vnum,  
Hæc mea diuina dextera fudit ope.  
Et mihi Iordanis, tacitis immobilis vndis,  
Et mihi tardatis, Sol stetit altus, equis.  
Esse typum Christi factis & nomine quisquis  
Me putat, errorem quo tueatur, habet.

ALITER H. R.

IOSVA ter denos Reges vnumq<sub>3</sub>, peremi,  
Occupo promissi dum fera regna soli.  
Sol quoq<sub>3</sub>, bissemis lucens immobilis horis  
In medio cæli, me cupiente, stetit.

DAVID REX ISRAELITI-  
cus H. R.

Rarus eram, pecudumq<sub>3</sub>, gregè per rura sequebar,  
Extulit ad regni de grege sceptrum Deus.

Et leo prædator, violentus & vnguibus vrsus  
 Occisi manibus procubuere meis.  
 Ore Philistæus terram indignante momordit,  
 Immanem letho quem mea funda dedit.  
 Laberis in crimen, quisquis malè prouidus, ingens,  
 Ne venia culpam crede carere tuam.  
 Me quoq; mens in grande scelus cæca impulit, at non  
 Gratia lugenti sacra negata fuit.

---

ALITER. H. R.

Sum DAVID quondam caula, nunc arbiter aula:  
 Proq; pedo vili regia scepra gero.  
 Gathiten funda sterno stridente Goliam,  
 Bis quino fermè qui pede longus erat.

---

IVDAS MACHABÆVS DVX

Iudaicus. H. R.

Vt leo conspectum ruit iracundus in hostem,  
 Et ferus illata vulnera strage facit:  
 Sic ego commotis in prælia viribus ibam,  
 Propatriæ capiens legibus arma mea.  
 Excidiumq; vrbi sacra, gentiq; minantes.  
 Sæpè trucidavi, Marte fauente, viros.  
 Pulchrius est visum, paucos opponere multis,  
 Vertere quàm turpi terga pudenda fuga.  
 Sic me conieci medios moriturus in hostes,  
 Et mihi mors voto digna reperta meo est.

---

ALITER. H. R.

En ego sum IVDAS, Machabæa gloria stirpis,  
 Qui nullus vnquam terga pudenda dedi.  
 Pro grege, proq; sacris pulchrâ per vulnera mortem  
 Oppetij, inde virum cuncta per ora volo.

HECTOR

## H E C T O R D V X T R O I A N V S

H. R.

*Argolicis terror ducibus, dum fata sinebant,  
 Proq̄<sub>3</sub> meis murus ciuibus, Hector eram.  
 In decimo primùm quod concidit Ilion anno,  
 Nemo negat factum viribus esse meis.  
 Phylacides per me, Antilochusq̄<sub>3</sub> Menœtiadesq̄<sub>3</sub>  
 Prætereamulti procubuère duces.  
 Quid querar? vnus peruenit crimen ad omnes,  
 Et caput oppressit publica pœna meum.  
 Fraude locum captans, vita spoliavit Achilles,  
 Et rapidis circum mœnia traxit equis.*

A L I T E R. H. R.

*Murus ego patriæ pereuntis aheneus Hector,  
 Dimico pro Troia per duo lustra mea.  
 Vulnifica multos transfigo cuspide Graios,  
 Fortis at à forti victus Achille cado.*

A L E X A N D E R R E X M A C E -  
do. H. R.

*At quis ALEXANDRVM? quis fata perennia nescit,  
 Orbe quibus toto notus ad astra feror?  
 Nomine sicut eram magnus, sic maximus armis,  
 Terga fugæ nunquam, victus ab hoste, dedi.  
 Imperium extendi, quâ decolor Indus oberrat,  
 Et quâ Riphæas verberat aura niues.  
 Perside, se, victa, totus mihi subdidit orbis,  
 Sed mihi tunc orbis non satis vnus erat.  
 Mors satis vna fuit, luxu fastuq̄<sub>3</sub> tumentens.  
 Quæ me sub terras abstulit ante diem.*

ALITER. H. R.

Dicor ALEXANDER factis & nomine magnus,  
 Cui iuueni totus subditus orbis erat.  
 Par mihi nemo foret, modicè si vina bibissem.  
 Interitum luxu disce cauere meo.

CAIVS IVLIVS CAESAR MONAR-  
 cha Romanus. H. R.

Non ego sum duris tantum spectatus in armis,  
 Et mea doctrina nomine fama viget.  
 Sequana quis bello fuerim, Rhenuſq<sub>3</sub> fatentur,  
 Et mihi cum toto subditus orbe Tybris.  
 Quis fuerim scriptis, monumenta relicta loquuntur.  
 Quæq<sub>3</sub> manu geſſi bella, legenda dedi.  
 Nec satis hoc. etiam calum scrutabar & astra,  
 Hinc meus aeternum permanet annus opus.  
 Immemores tellus homines producit vbiq<sub>3</sub>,  
 Hoc queror, hac fati causa necuſq<sub>3</sub> meæ.

ALITER. H. R.

Quinquagena inij collatis praelia signis,  
 Autor Romani IVLIVS imperij.  
 Quæis vitam dederam, seu a me morte trucidant,  
 Pro meritis reddunt sic mala facta meis.

HARMINIVS DVX CHERV-  
 ſcorum. H. R.

Nec ducibus virtute minor, nec fortibus armis,  
 Græcia quos iactat, magnaq<sub>3</sub> Roma, fui.  
 Quod nimis impensum est illis, mihi defuit vnum,  
 Nullaq<sub>3</sub> de factis edita scripta meis.  
 Vnicus inuentus Tacitus, qui nostra tacere

Noluit,



*Noluit, hunc de me consule, certus eris.  
 Hic tibi narrabit, per me Germania victrix  
 Ut sit depulso libera facta iugo,  
 Et duce cum Varo, stratus legionibus, illa  
 In quanto fuerit Martia Roma metu.*

ALITER. H. R.

*HARMINIVS Latias deleui ego Saxo cateruas,  
 Vix vbi prima mihi barba reseeta fuit.  
 Me metuens Casar, Vare, ô Vare, ocyus inquit,  
 Redde aquilas, Romæ robor a, redde aquilas.*

A R T V R V S R E X B R I T A N -  
 niæ. H. R.

*Qui vocor ARTVRVS, me Gallia nominat ARTVM,  
 Paruit imperio terra Britanna meo.  
 Non me sceptr a tulit quisquam prestantior illic,  
 Egregius belli laude togæq, fui.  
 Nomina quæ monstrat procerum virtute potentum,  
 Hac est inuentum mensa rotunda meum.  
 Saxonas & Dacos domui, Romanaq, fudi  
 Agmina, quæ regno damna dedere meo.  
 Optima prima cadunt, sic firmus & integer annis  
 Occido. me regni sceptr a cadente ruunt.*

ALITER. H. R.

*Barbariem obiectat cum Graijs Roma superbis,  
 Barbariem prae se num mea facta ferunt?  
 Sum pius ARTVRVS, nulli pietate secundum  
 Dixeri, in bello sum leo, pace pater.*

CAROLVS MAGNVS PRIMVS IM-  
perator Germanicus. H. R.

*Quis me iure neget Magni cognomen adeptum?*

*Quin titulus factis est minor ipse meis.*

*Floruit optata sub me duce Gallia pace,*

*Pannonijs fusus concidit Hurnus agris.*

*Itala sublatis tellus pacata tyrannis*

*Pulsus & est oris hostis, Ibere, tuis.*

*Imperij per me sedes Germania facta,*

*Saxonis est Christi terra professa fidem.*

*Me quoq, neglectis ducere reddita gloria Musis,*

*Ipse repurgata nec rudis artis eram.*

ALITER. H. R.

*Te quater octonos debellat CAROLVS annos,*

*Vt celebres viuum mascule Saxo Deum.*

*Hic scopus, hac regum belli sit norma mouendi,*

*Proq, gerant aris praelia, proq, focis.*

CANVTVS MAGNVS REX DANIAE,

Sueciae, Norwegiae, & Angliae & Nor-

manniae. H. R.

*Desine mirari, quos garrula laudibus effers*

*Gracia, quos iactat Roma superba duces.*

*Danica me nulli veterum virtute secundum*

*Edidit hyberno terra propinqua freto.*

*Facta mihi Magni, pepererunt inclyta nomen,*

*Quinq, sub imperio regna fuere meo.*

*Me sibi delegit focerum, qui tertius orbis*

*Arbiter, HEINRICVS nomine, sceptrum tulit.*

*Iustitia praeclarus eram, Regesq, potentes*

*Subiectos docui legibus esse suis.*

ALITER. H. R.

*Iustitiæ bellivæ prius mireris honorem,  
 Addubites, certè par in utroq<sub>3</sub> fui.  
 Ipse mihi, lata legis reus, irrogo mulctam,  
 Imperijs subdo quinaq<sub>3</sub> regna meis.*

GODEFRIDVS BILIONAEVS. H. R.

*Omnibus Europæ lectis heroibus oris  
 Nobile suscepi, Iasonis instar, iter.  
 At mihi non Colchis, non diues velleris aurei,  
 Terra fuit votis sancta petita meis.  
 Hanc validis armis, Solymamq<sub>3</sub> recepimus urbem,  
 Quæ fuerat diro capta sub hoste diu.  
 Mœnibus insilui primus sublimibus vrbis.  
 Hinc data, cum regno, fulua corona mihi est.  
 Vrbe sed hanc auro Solyma gestare negavi,  
 Qua tulit occisus spinea ferta Deus.*

ALITER. H. R.

*Quod vexit fulgens è Colchide vellus Iason,  
 Aeternum Græco carmine nomen habet:  
 Qui pepuli è Solymis procul agmina Turcica regnis,  
 An non G O D F R I D V S laude vehendus ero?*

C A R O L V S V. R O M A N O R V M

Imperator. H. R.

*Non ego quòd virtute minor, sed in ordine vitæ  
 Quod sequor, extremum spector habere locum.  
 Nam neq<sub>3</sub> suscepit me sceptrâ potentior vllus,  
 Hoste nec ex victo plurâ trophæa tulit.  
 Africa, quæ semper sitiens, Europaq<sub>3</sub> vidit,*

Auri-

*Auriferogꝫ recens terra reperta solo.  
Sic mihi perpetuo fortuna secunda tenore  
Adfuit, & cœptis fauit amica meis.  
Assiduis donec curis confectus, & auo  
Inualidus, fratri sceptrum relinquo meo.*

---

ALITER. H. R.

*CAROLVS vnanimi mundū cum fratre gubernans  
Romanum cogo vincula ferre patrem.  
Franciscus capitur Ticinum Gallus ad amnem,  
A me deuictus dat quoqꝫ Turca fugam.*

---

CHRISTIANVS EIVS NOMINIS III.  
Daniz atque Norwegiz Rex.

H. R.

*Si mihi, quod faciunt alij, memorare liberet,  
Quæ fuerit bello gloria parta mihi:  
Oppressos regni motus, armisqꝫ referrem  
Cum duce te fractam, clara Lubeca, meis.  
At mea laus maior, non tantum Marte feroci,  
Sed præstans etiam quod pietate fui.  
Vix princeps ego, quo vixi me iustior auo,  
Aut pius, aut clemens, aut magis æquus erat.  
Sic placida seruans populos in pace regebam.  
Fama volat mundo spiritus astra tenet.*

---

ALITER. H. R.

*Pacis amans, pietate vigens, fera bella perosus,  
Et vita talis, nomine qualis eram.  
Ergo Deus pugnans pro me, malè perdidit hostes:  
Felix quem ducit, curat, amatqꝫ Deus.*



FRIDERICVS II. DANIAE, NOR-  
wegiæ, &c. H. R.

Quid iuuat & prodest populis imponere leges,  
Clarâq; per latas sceptrâ tenere plagas?  
Si fluit ignauum tempus teriturq; quiete;  
Vita voluptatis quid pigra ferre potest?  
Hoc studium, hac cura est, factis efferre sub astra,  
Et supra proauos tollere auo q; caput.  
Ditmarsî domiti bello, & cùm Suecus in annum  
Iam sextum arma malo ferret amara suo,  
Fractus multiplici subit horrida vincula clade:  
Præmia iusta, licet serâ, tyrannus habet.

ALITER. H. R.

Ad eundem Apostrophe.

Macte animo, & virtute noua & victricibus armis,  
Dilecte ô anima plus FRIDERICE mea:  
Munere diuino & supplex Ditmarsia venit;  
Sic Sueci pacem te petiere tuam.

IOANNES PISCATOR.

Quod me pictoris magnis heroibus illis  
Doctâ manus iunxit, non ratione caret.  
Hi velut in terris quarunt distantibus hostes;  
In fluuijs hostes sic ego quero meos.  
Et capio insidijs, & aperto Marte trucido,  
Inuigilans studio nocte dieq; meo.  
Si quis erit nostras penitus cognoscere laudes  
Qui cupit, has vnum distichon illud habet:  
Squamigeros vndis reti velut extrahopisces;  
Pocula sic pleno gutture sicco bibens.

## ALITER.

*Tres cubitos vix dat statura, tricongius haustus  
 Est meus: hac sola dux ego rexq; via.  
 Magna illi magni fecere; ego magna pusillus:  
 Illi pugnantes saepe, ego saepe bibens.*

IN IMAGINES DVCVM VIRTUTE  
 bellica illustrium.

*Quos hic stare vides sua fortia facta loquentes,  
 Indomito clari Marte fuere duces.  
 Vna tulit nostris atas vicinior annis,  
 Clarior hac armis vix prius vlla fuit.  
 Non satis est ipsos virtute extollere reges,  
 Et fortes illic expedit esse duces.*

## CONSALVVS FERDINANDVS

Corduba, cognomento Magnus, Ferdinan-  
 di Hispaniarum regis Dux.

H. R.

*Quod gero praclarum cognomen ob inclyta facta,  
 Hoc mihi concordia est militis ore datum.  
 Bella meo victor confeci ingentia Regi,  
 Terra sub imperio cuius Ibera fuit.  
 Effrenes domui Mauros, armisq; subegi,  
 Quae rigat Hesperios flumine Bætis agros.  
 Adieciq; nouum regnum, quae moenia culta  
 Parthenopes salsum verberat alta fretum.  
 Quae non inuidiae virtus patet? vltima fecit,  
 Hæc me priuato sub lare fata pati.*

ALITER. H. R.

*Magnus ego verò Consalvus nomine dicor,*

*Hoc pater, ast illud strenua dextra dedit.  
Exegi Gaditana feros trans equora Mauros,  
Afferui regi Bœtica regna meo.*

---

MAXIMILIANVS COMES BVRENSIS,  
Caroli v. Imperator Dux. H. R.

*Vir grauis, armorumq̄, fui spectatus in vsu,  
Nec virtute minus, consilioq̄, potens.  
Vt fuit eiectis erepta Bolonia Gallis,  
Anglia quam tenuit dux ego regis eram.  
Hinc tu belligerans semper victricia signa  
Auspicijs duxi, Carole Quinte, tuis.  
Cumq̄, ingens gereres bellum per Teutonis oram,  
Inferiorq̄, tuo viribus hoste fores:  
Agmina traducens Rhenum, tibi Belgica iunxi,  
Nec fuit absq̄, opera palma parata mea.*

---

ALITER H. R.

*Expugnata fuit captis Bolonia Gallis,  
Cum ferrem auxilium flauæ Britanæ tibi.  
Hessus, & inuicto septemuir pectore Saxo,  
Me duce dant palmam Carole diuæ tibi.*

---

GEORGIVS FRONSPERGIVS

Sueuus eiusdem Caroli V. Dux.

H. R.

*Corporis vt præstans super abam viribus hostes;  
Sic animi pollens robore ductor eram.  
Militiam didici teneris per ductus ab annis,  
Armaq̄, sub magno Casare prima tuli:  
Quo sene defuncto, sectanti castra nepotis,  
Vix quisquam belli par mihi laude fuit.*

*Prelia iusta manu promptus ter quinq<sub>3</sub> subiui,  
 Bis decies pugnas sustinuiq<sub>3</sub> leues.  
 In patria morbo morior serpente per artus,  
 Dum petitur signis Martia Roma meis.*

---

## ALITER. H. R.

*Promptus eram, nulli veterum virtute secundus,  
 Seu res consilio, seu per agenda manu.  
 Stans ego equum potui frenis inhibere volentem:  
 In valido tantum corpore robur erat.*

---

ODETTVS LAVTRECCVS FVXIVS  
 copiarum Gallicarum in Italia Imperator.

*Non habuit virtute parem mihi Gallia quēquam,  
 Quo data sunt vitæ tempore fata mea.  
 Horror eram Latio famâ notissimâ calo  
 Oppida sunt armis multa subacta meis.  
 Hinc nomen, quod rex meruit Demetrius olim,  
 Mira expugnatis vrbibus arte, tuli.  
 Qui bellis inuictus eram, me seu a subegit  
 Acriter insurgens per mea castra lues.  
 Et cineres fortuna meos afflixit iniqua,  
 Dum tumuli expertes bis duo lustra iacent.*

---

## ALITER.

*Sunt quia capta meo quàm plurima mœnia ductu;  
 Expugnatorem me vocitare solent.  
 Claruit hac olim Macedo Demetrius arte,  
 Participem laudis nunc habet ille sua.*

---

MARTINVS ROSHEMIVS GELDREN-  
 sis, primò Galliarum regis, deinde Caroli V.

dux. H. R.



Quis fuerim, longo non est opus edere versu,  
 Quod subit, hoc vno carmine scire potes.  
 Fulmen eram belli, ferro grassabar, & igni,  
 Oppida militibus diripienda dabam.  
 Id satis est, testes Belgæ, Moriniq; remoti,  
 In mare quæ Scalde, Dilia, Mosa fluunt.  
 Illa viris opibusq; potens Antuerpia testis,  
 Quæ mihi victricis penè subacta manu est.  
 At sibi me sicut tunc Gallia sensit amicum;  
 Sic eadem clades me tulit hoste graues.

ANTONIVS LEVA, DVX CARO-  
 li v. Imperat. H. R.

Non leue momentum est magno didicisse magistro  
 Militiæ leges & graue Martis opus.  
 At mihi cum nemo belli præceperit artes,  
 Plurima natura dona fuere mea.  
 Nec me vlla indecorem ventura redarguet atas,  
 Maxima sunt ductu bella peracta meo,  
 Meq; ideo Insubrum præfecit Carolus ora,  
 Propugnata manu fortiter illa mihi est.  
 Quòd nisi fregisset vires dolor artibus herens,  
 Essem magnorum gloria magna ducum.

ANDREAS AVRIAS, CAES. CLASSIS  
 Præfectus. H. R.

En ego, quem spectas, Latia fama inclyta terra,  
 Et Ligurum quondam lausq; decusq; fui.  
 Quis pelago gessit me bella peritior alto?  
 Quis patriæ adduxit commoda plura sua?  
 Vt mare purgavi prædonibus, & mihi classem

*Ducenti semper terga dedere Scythæ:  
Sic patriam asserui, pulsus sine cade tyrannis,  
Et stabilem iussi legibus esse suis.  
Hinc statuam patriæ mihi patria grata locauit,  
Hæc mihi virtutis posthuma testis erit.*

---

SEBASTIANVS SCHERTELINVS,  
urbis Augustæ Vindelicorum belli  
Dux. H. R.

*Vindelicis insignis agris belloq<sub>3</sub> togaq<sub>3</sub>,  
At melior valido dux ego Marte fui.  
Cùm celebres iunctis sociarent vrbibus arma  
Pro defendenda relligione duces:  
Agmina præfectus duxi, vicinâq<sub>3</sub> celso  
Alpibus arx cliuo, me duce, capta fuit.  
Victor ob id mutare solum me Caesar adegit,  
Præmia decernens in caput ampla meum.  
Obtinuit generosa locum clementia tandem,  
Et pius ignouit, restituitq<sub>3</sub> meis.*

---

IOHANNES RANZOVIUS, TRIVM  
Danix Regum, Friderici I. Christiani III. &  
Friderici II. summus Consiliarius, & bel-  
lorum dux, huiusque arcis fun-  
dator.

*Non sine re magnis heroibus inferor illis,  
Quos volui tantos hoc ego stare loco.  
Nam nec eram virtute minor, nec fortibus ausis,  
Siue toga spectes edita, siue sago.  
Regibus assedi tribus, imposuiq<sub>3</sub> coronam,  
Exuuias victo bis quater hoste tuli.  
Efferat submitit, Duce me, Dithmarsia collum.*

*Libera*

*Libera bis ductu Dania facta meo est.  
Sic satur inuictæ fama virtutis, & armis,  
Succubui fati, nunc habet aula poli.*

---

DANIEL RANZOVIVS, DVX EX-  
ercitus regis Danorum Friderici II. in  
Suecos. H. R.

*Me quoq; viuentem complexus amore propinquus  
Illustres inter iussit habere locum.  
Nec res quas recitem desunt mihi fortiter actæ,  
Sed prohibet victus cuncta referre pudor.  
Hoc ditam saltem, ter aperto Marte Suecum  
Expertum nostras non sine clade manus.  
Tres belli amisisse duces, quos cepimus armis,  
Quid moror? ipse opera fert quoq; vincla mea:  
Sex licet inconstans Mauors nutauerit annos,  
Vtring; insignes perdideritq; viros.*

---

HEINRICVS RANZOVIVS AD HER-  
luffum Trollium, Præfectum classis  
Danicæ.

*Et mihi tu proceres inter spectabere Trolli,  
Hic quibus ex merito iustus habetur honor.  
Est tibi cum multis decus hoc commune, quod armæ  
Chara pro patria Rege iubente capis.  
Est tibi cum multis decus hoc commune, quod inter  
Tela, mari victor, saucius inde cadis:  
Hic tibi sed propria consurgit laudis origo,  
Vllo quæ non est interitura die;  
Diuite quod censu longos possessa per annos  
Prædia vis Musis esse sacrata pijs.*

IOANNES COMES ARNSBERGEN-  
fis, in Frisia cæsus.

*Si quibus inconstans peperit fortuna dolorem,  
His ego me socium dicere iure queo.  
Et mihi natales, genus, & connubia magnum  
Nobilitas factis quæ fuit aucta, dabant.  
Cum gereret bellum Germanide Carolus ora,  
Burenæ consors strenuus arma tuli.  
Ut noua turbauit fortes discordia Belgas,  
Regis ab Hispani partibus ipse steti.  
In Phrisia vitam mihi mors ita flebilis aufert,  
Sic rapiunt claros tristia fata viros.*

IBIDEM.

*Non moror, in bello cecidi quod victus ab hoste.  
Pugnando fortes claudere fata decet.  
Hoc queror, obscuro perij quod milite casus,  
Nec laudem de me strenuus hostis habet.*

ANTONIUS PERENOTVS ATRE-  
batensis, & Lotharingicus, Car-  
dinales.

*Desine mirari hic armatis esse togatos  
Immixtos, ducibus cardineosq; patres.  
Bella manu haud gerimus, mens est armata sub om-  
Fortune casum consilijs validis. (nem  
Consilijs nostris motus componimus orbis,  
Impia cum reges bella mouere student.  
Non decet, ut patria patres certamina nectant,  
Magnosq; irritent ad fera bella viros.*

A P O S



APOSTROPHE H. R. AD IOHAN-  
nem Fresium, Cancellarium Regis Dano-  
rum Friderici II.

*Nec tu carminibus nostris indictus abibis  
FRESI, canicie sparse dicente caput.  
Nam tua Ranzouio certè de sanguine creta  
Est auia, vt versu te quoq<sub>3</sub> iure canam.  
Addo tamen maius, duplici vt te iure nepotès  
Ranzouidum hos inter me posuisse legant.  
Nam tua te virtus ad summos vexit honores,  
Insuper & studij præmia larga dedit.  
Id quod erat geminis facundus Nestor Atridis,  
Daniæ sensit Regibus esse suis.  
Externum bellum bellè non cesserit vlli,  
Si non sit Nestor, consiliumq<sub>3</sub> domi.  
Longa igitur tibi nent fatales stamina Parca,  
Implentes vitæ lustra bis octo tuæ.*

M A V R I T I V S S E P T E M V I R  
Saxonix.

*Arma, animus, virtusq<sub>3</sub> meis maturior annis,  
Carole nota tibi, Turca fuère tibi.  
Namq<sub>3</sub> in Pannonicis quod gestum est fortiter agris,  
Omne manu nostra consilioq<sub>3</sub> stetit.  
Tu quoq<sub>3</sub> Landrisij ad muros es Galle repressus,  
Exutusq<sub>3</sub> armis, non sine clade, tuis.  
Ergo mihi in septem procères Germanidos ora  
Ascito Cæsar bella gerenda dedit.  
Huic etiam clausis bellum feci Alpibus, arte  
Hessus ab Albano cum duce captus erat.*

## ALITER.

*Plurima nunc pacata forent, nisi stamina vita  
 Rupisset medio tempore Parca mihi.  
 Namq̄, meo decreta animo sententia stabat,  
 Marte mori, aut pacem Marte parare meis.*

HENRICVS IVNIOR DVX BRVN-  
 fuicensis.

*Nulla humanarum quàm sit constantia rerum,  
 Collige ab exemplo, qui legis ista, meo.  
 Hilsheimense solum, primo sub flore iuuenta,  
 Per valida adieci finibus arma meis.  
 Gaudentem spolijs Hessum cum Saxone partis,  
 Armata patrio vipepulêre solo.  
 Ut niger hos vicit Iouis ales ad Albidos vndam,  
 Felix amissos occupo rursus agros.  
 Perpetuum at nihil est, & ab omni parte beatum,  
 Fortuna alternans datq̄, adimitq̄, datum.  
 Nam geminos natos vna Mars impius hora  
 Abstulit, hos letho machina dira dedit.  
 Haud quenquam dubie fas est considerare sorti.  
 Vita aloës multum, mellis habet minimum.*

CHRISTIERNVS II. REX  
 Danorum.

*Non mihi si centum lingue sint oraq̄, centum,  
 Dicere facta satis pro ratione queam.  
 Innocuos mactare viros, & humata sepulchris  
 Eruere, & flammis ossa verenda dare.  
 Non tondere pecus, totam at deglubere plebem,*

*Vxore exclusa, te Siebrechta, frui.  
Delitia illa fuere mea, stabilesq; fuissent;  
Ni priuauisset me Deus ipse throno.*

---

## ALITER.

*Discite iustitiam moniti & non temnere Christum,  
Quicumq; in vultus figitis ora meos.  
Carcere in vndecimam ferme trieterida captus,  
Seuitia magnus Rex luo supplicium.*

---

ERICVS XIV. EIVS NOMINIS SVECO-  
rum Rex, in vincula coniectus.

*Quid memorem mea facta miser? reticere luberet,  
Cade & coniugio notus vbiq; meo.  
Sexaginta meis manibus sine iure peremi,  
Pars mihi magna horum sanguine iuncta fuit.  
Quoquo ergo aspicio, diri mens conscia facti  
Occurrit, miseris excruciatq; modis.  
Nunc mihi praeceptor Dionysius ilia crudo  
Traiectus ferro, tristis Erynnis adest.  
Nunc proceres Orco missi, atque innoxia bello;  
Ante meos oculos perdit a turba volat.*

---

S V B D. HENRICI RANZOVII  
imagine.

*Si quis erit, quem fortè iuuat sic querere, quare  
Hi tabulis praebeant ora videnda viri?  
Is sibi virtutis proponi exempla probata,  
Quam vitijs spretis discat amare, sciat.  
Quamq; sit instabilis vita fortuna caduca,  
Quam varios seruent lubrica fata modos,*

Quàm subito magna spes euanescere casu,  
 Et soleant labi grandia cœpta virum.  
 Quisquis es incerta diuersa pericula vite,  
 Et dubia sortis spernere fata, caue.  
 Nam caro ceu fœnum est, & gloria nostra velut flos;  
 Manè viget primò, vespere lapsa iacet.

---

IOANNISCVS MORIO H. RANZO-  
 uij de seipso.

Quis prohibet, si me viuentem semper amauit  
 Hunc domino hoc iunctum me quoq; stare loco?  
 Stat quoq; piscator. stomachum si piscibus ille;  
 Iucundus animum paui ego sæpè iocis.  
 Morio non vulgaris eram, iuuenesq; senesq;  
 Luxerunt raptum funere, luxit herus.  
 Illi mordaces poteram depellere curas,  
 Ridentemq; iocis exhilarare meis.  
 Aut illos imitare, iuuat si perdere vitam;  
 Aut me, si cordi est viuere dulce tibi.

---

ALIUD.

Quid mirare duces miser, ardescisq; tuendo?  
 Nescis quale tegat splendida vita malum.  
 Lerna periclorum, & certi sentina laboris,  
 Prudentum vita est: stultus at hisce caret.  
 Ergo agè stultitiam simula, sic nulla subibis  
 Munia, donantur pectora stulti a rude.  
 Vt fugeret longi malesana negotia belli  
 Sisyphides, littus fertur arasse maris.  
 Aut flue delicijs, & duc inglorius auum,  
 Aut mercare graui grande labore decus.

Ingra-



*Ingreditor quodcunq̄, velis iter, vnus vtriq̄,  
 Finis, mors fatuum cum sapiente rapit.  
 Viuere non tibi vis, alieno vt tempore viuas,  
 Quid, num pōst vt edas, ante famem moreris?  
 „ Ab nimio fallax emitur me iudice nomen.  
 „ Viue tibi, nimium nec sape, tutus eris.  
 „ Viue tibi, nec te crucia, neq̄, crastina cura.  
 Hoc ego prudentes admoneo fatuus.*

---

**SVB EFFIGIE CAROLI V. IMPONEN-**  
 tis fratri Ferdinando coronam circumstan-  
 tibus Germaniæ Septemuiris.

*Si tibi plus vltra placuit contendere Caesar;  
 Ad fossas Metis non benè castra locas.  
 Hic positus limes fatalis Carole sortis,  
 Qua tibi tot bellis obsequiosa fuit,  
 Admonet, ad metam te peruenisse, nec vltra  
 Victricis cursum posse tenere manu.  
 Ergo siste gradum, capiat Ferdinandus habenas  
 Imperij, reliquum iure Philippus habet.*

---

**HEINRICVS RANZOVIVS.**

*Hic pater exhalans animam, concessit ad vmbas,  
 Hinc mihi semper erit lugubris ille locus.  
 Ingrediens cari mortem lugebo parentis,  
 Dum reliquus nostro corpore sanguis erit.  
 Cumq̄, quid humanum eueniet, si fata probabunt,  
 Tu locus agroti, tu morientis eris.  
 In te confugient (quoniam secretus es) omnes,  
 Accipiet morbus quotquot in arce meos.*

## SVB PYRA DIDONIS. H. R.

*Amor venenum dulce, quem non illicis?  
 Primò suavior quidem melle Attico,  
 Sub sine vincis fellis amaritudinem.  
 Quam non voluptatem videbat Elissa, cum  
 Maneret AENEAS? vbi is littore ratem  
 Soluit; quid illa miserius? quin pectoris  
 Crates sui disrumpit ense Troico.  
 En musta qui bibit, ebibat facem quoq<sub>3</sub>.*

 REX A SVBDITIS SVIS CIR-  
 CVNDATVS.

*Stat REX in medio nudus, quem cingit vtrinq<sub>3</sub>  
 Ciuis, sacrificus, nobilis, agricola.  
 Hoc monet vt regi sint publica commoda cura,  
 Et colat inprimis numina sancta Dei.  
 Namq<sub>3</sub> vbi rex nimium luxuq<sub>3</sub> addictus & armis  
 Nec populi memor est, nec pietatis amans;  
 Euertit miseros talis petulantia ciues;  
 Euerfis princeps ciuibus ipse perit.*

## IN HORTIS VERTVMNVS.

*Pomiferum quicumq<sub>3</sub> venis nouus hospes in hortum,  
 Ne mea miratus quaesit imago, roga.  
 Est mihi Vertumno nomen, quia vertor in omnes  
 Quas animus formas gestit habere meus.  
 Nunc habitu messor, nunc sum robustus arator,  
 Nunc manibus iures gramina secta meis.  
 Nunc frondes poterunt credi, vitisve putata,  
 Mollia nunc ramis poma reuulsa suis.*

Quæ lubet, hanc sumo faciem, res nulla repugnat,  
 Qualibet in vultus apta figura meos.  
 Hinc est, primitias anni quod grata vetustas  
 Inq<sub>3</sub> meas aras lactea dona dabat.  
 Seu patulis surgens ramis produceret arbor,  
 Seu varijs cingens floribus herba caput.  
 Nunc aded, toto quacung<sub>3</sub> leguntur in horto,  
 In manibus spectas munera prima meis:  
 Poma, nuces, vuas, pyra, pruna, cydonia, mora,  
 Quæq<sub>3</sub> nimis longum cuncta referre foret.  
 Si lubet è multis aliquid, quodcumq<sub>3</sub> lubebit,  
 Accipe, larga manus nil tibi nostra negat.  
 Hoc saltem oro vnum, pleno si ventre recedes,  
 Dicas, Vertumni munere vado satur.

---

NYMPHA VENATRIX HORTI ET  
 piscinæ custos.

Huius NYMPH A loci, parui custodia stagni,  
 Dormio, dum stando fessa reclino caput.  
 Parce meū, quisquis venis huc, abrumpere somnum,  
 Seu tibi stare lubet, siue sedere, tace.  
 Me meus Henricus dominus cognomine Ranzo,  
 Excubias horto iussit habere suo.  
 Si strepitum facis, & somnum mihi rumpis, in horto  
 Furem clamabo protinus esse meo.  
 Ut reor, indignum nemo scelus esse putabit,  
 Quod volui pulcræ virginis esse comes.  
 At mihi ne iunctam thalamo quis credito: non est.  
 Non aded sordet libera vita mihi.  
 Stulta meum rapit officium, seq<sub>3</sub> ingerit vltro,  
 Atque meo custos vult vigil esse loco.

*Stultus ego contrà seruo vigilantior illam,  
 Et pariter mentem pasco oculosq<sub>3</sub> meos.  
 Victa iacet somno, tu sis quicumq<sub>3</sub>, caueto  
 Rumpere, soli hoc est fas licitumq<sub>3</sub>, mihi.  
 Si non obsequeris, fustem falcemq<sub>3</sub>, recuruam  
 Non frustra sumptos experière mihi.*

---

## A P I A R I I.

*Quàm spectas apibus domus dicata est,  
 Ex magna ratione : nam propinqua  
 Quondam examen apum resedit arce,  
 Huc latos procul aduolans per agros,  
 Cum vix vndiq<sub>3</sub> iam parata staret:  
 Quod faustum ratus omen esse, paruam  
 Hanc illis dominus domum locauit,  
 Et ne deiciant iubet nepotes,  
 Neu quisquam moueat loco, precatur.*

---

SEMINARIVM ARBORVM HAC INSCRI-  
 ptione cippo incisa constat.

Anno Domini 1580. H. R. has, quas vides, quer-  
 cus ordine plantauit, abietes conseuit, betulas in  
 vallo distribuit, cæterasq<sub>3</sub>ue arbores in hoc semi-  
 narium aliundè translatas, & fatas coluit, fossaq<sub>3</sub>ue  
 muniuit, ac initium sacionis ascribi iussit, eam ob  
 causam, vt harum arborum ætatem explorare pos-  
 sit posteritas, quam in omnia orbis secula æternæ  
 diuinitati commendat.

---

## A L I V D.

*Has ego conseui quercus, betulasq<sub>3</sub>, patentì  
 In campo, propria disposuig<sub>3</sub>, manu.*

*Et rogo*



*Et rogo ne temerè violet ladátve securi,  
 Póſt mea qui tandem fata ſuperſtes erit.  
 Scilicet ex illis, quot quercus duret in annos,  
 Poſteritas facilè diſcere ſera poteſt.*

---

AD HOROLOGIVM AV-  
 tomaton.

*Hoc opus æquales ſpacijs diſtantibus horas,  
 Lapſaq<sub>3</sub> ſub terras, ortaq<sub>3</sub> ſigna docet.  
 Quæ mediam cæli labentia ſydera & imam  
 Obtineant verſo cardine ſigna domum.  
 Lunaq<sub>3</sub> quo Phæbo iungatur tempore monſtrat,  
 Oppoſitum teneat Lunaq<sub>3</sub> quando locum,  
 Felices animæ, quibus hæc ſapientia curæ eſt,  
 Lucidaq<sub>3</sub> immotis legibus aſtra colunt.  
 Illas poſteritas meriti memor inferet aſtris,  
 Aſtorum monſtrat fabrica mira Deum.*

---

IN ARMAMENTARIO.

*Diuidere arma patris cùm vellent bellica nati,  
 Corpore quæ proprio geſſerat ipſe ſuo.  
 Mars clypeum abiecit, dixitq<sub>3</sub>, ô parcite nati,  
 Parcite, in his aliquid Mars quoq<sub>3</sub> iuris habet.  
 Quæ toties genitor defendit ab hoſtibus arma,  
 Turpe, ea ſi natis diripiantur, erit.  
 Integra, dante Deo, poſt triſtia fata manebunt,  
 Vt ſacra, dum vixit, tutaq<sub>3</sub> ſemper erant.  
 Ergo dedit Paulo fraterni pignus amoris  
 Henricus partem, Marte monente, ſuam:  
 Exoptatq<sub>3</sub> armis cum laude vtatur iſdem,  
 His uſus genitor qualiter antè fuit.*

## PONTIS.

HENRICVS RANZOVIVS, Ioannis filius,  
Regis Daniæ in Ducatibus suis locum tenens,  
dominus in Bredenbergh, Ranzouisholm, &c. An-  
no ætatis LX. & Christina ab Hallen, Francisci  
ab Hallen vnica filia, eius vxor, anno ætatis LI.  
Anno Domini M. D. LXXXV. hunc pontem con-  
strui curarunt.

## PONS SPECTATORI.

HENRICVS celebri Ranzoo sanguine natus,  
Me pontem curuo fornice struxit eques.  
Possit vt hâc pedibus siccis transire viator.  
Quelibet & currus res grauis axe vehi.  
Ligneus ante fui, saxum iam versus in album,  
Res hominum varias testor habere vices.  
Traiectus fratrum, qui subterlabitur amnis,  
Dicitur, hinc formæ pendet origo nouæ.  
Namq; meo domino natos, par nobile fratrum,  
Cum iuuenes essent, abstulit atra dies.  
Hic Theodorus erat vocitatus, at ille IOANNES  
Indolis eximia, charus vterq; patri.  
Me dominus voluit niueam quoq; sumere formam,  
Annis fraterni qui tegor itè vadum.

## INSCRIPTIO MONUMENTI

Caj Ranzouij.

SUBSISTE VIATOR,

&

HENRICO RANZOVIO TRIVM  
Daniæ Regum in Ducatibus Vicario, viro  
optimo, patri, inuestigatissimo, pro  
pietate tua condoletto.

Hic

Hic conditur

CAIVS

Ex nobilissima & antiquissima Ranzouiorum  
gente apud Cimbro orientis:

Spes patris & patriæ, matris solamen,  
columen familiæ:

Qui reuerendiss. Bremensis Archiepiscopi, Hol-  
latiæ Ducis Iohannis Adolphi Consiliarius,

& arcis Gottorpiæ Præfectus,

in ipso ætatis flore,

in medio vitæ cursu,

Cum, hebdomatico quarto completo, vixisset

annos octo & viginti, menses octo,

diesque vndecim,

Pro thalamo, quem cogitabat, tumulum adit.

A. C. CIO. IO. XCI. XX. Aprilis.

HENRICI RANZOVII PER-  
*petuum de bibliotheca sua*

DECRETVM.

Quæ infrâ scripta sunt, hunc in modum san-  
cita sunt, inuiolateq; obseruantor.

Ranzouij, nec quisquam alius, hanc possidento,

Hæredes eam non diuidunto,

Nemini libros, codices, volumina, picturas,

Ex ea auferendi, extrahendi,

Aliõve asportandi,

Nisi licentia possessoris;

Facultas esto.

Si quis secus fecerit;

Libros, partemve aliquam abstulerit,

Extraxerit, clepserit, rapserit,

Concerpserit, corruperit,

Dolo malo:

Illico

Illicò maledictus,  
Perpetuò execrabilis,  
Semper detestabilis  
Esto, maneto.

IN SACELLO PROPE SEGEBERGAM  
AB H. RANZOVIO  
exstructo.

*In parte Orientali intima.*

HOC SACELLVM, NE EIVS VIOLETVR  
religio, ingrediens hasce obseruato  
LEGES.

Deum Opt. Max. trinum & vnum ante aram flexis genibus adorato. Manibus immūdis nihil contractato. Omnibus lustratis, quæ saxis incisa sunt perlegito. His peractis, Friderico II. Regi Daniæ. de placido obitu & vitæ immortalitate gratulator. Et filio eius Christiano IV. cæterisq; Principibus Holsatiæ gubernationē piā pacatāque exoptato. Secundū illos, Senatorib<sup>9</sup> & proceribus regnorum Daniæ, & ducatuū Holsatiæ, &c. nec nō Henrico Ranzouio, eius liberis, posteris, familiæque vniuersæ successus salutare atq; prosperos precator. Hosque omnes Deo Opt. Max. commendato. Mortalem denique te esse memento, & vitæ spacium, quod omnibus natura circumscripsit exiguū, sanctissimè honestissimeque conficito, vt moriens viuas in omnem aternitatem.

AB AVSTRALI PARTE, INTIMA HENRICI RANZOVII QVERIMONIA SE  
*offert, & eiusdem consolatio.*

Subsiste hæc intuens, & mihi HENRICO RANZOVIO



ZOVIO Regum Daniæ, Christiani III. & Friderici II. quondam, & nunc Christiani IV. in Ducatibus Holsatiæ Vicario, LXIII. annū ætatis agentī, pro pietate tua condoletō. Vnius enim anni spatio orbatus sum Friderico Duce Holsatiæ, &c. Domino meo, filia Catharina in Dania, filio Friderico natu tertio in Gallia, nepte Catharina, ex Oligarda filia, in Germania, nec non duobus fratris mei Pauli filijs, Daniele in Gallia, & Iohanne in Polonia, tandem etiam Friderico II. Rege Daniæ, &c. Domino meo clementissimo, non tantū Rege, sed patre patriæ, cuius Europa vix iam habet pietate, virtute, magnanimitate, fortitudine in rebus gerendis, & consiliorum felicitate similem. Qui omnes longè distitis locis mortui, resurrectionem vitamque cœlestem coniunctim expectant. Iam egomet dissolutionem mei corporis, ut seruus dominos, pater liberos, auus neptem, patruus fratris filios, & grandæuus iuuenes, præpostero planè naturæ ordine præcedentes, ad vitæ æternæ societatem quamprimum sequar, auidè pieque desiderans exopto.

NULLA CALAMITAS SOLA.

Interim huius expers lector, viue, vale, prosperiori fortuna vtere: quod tibi ex animo precor.

---

HENRICVS RANZOVIVS CONSOLATUR SEMETIPSUM.

*Ipsē ego sic casus terræ, tristesq; ruinas  
 Consolor, damnis contraria lucra rependens.  
 Terra est hospitij domus, est mihi patria calum.  
 Aduena sum terris, heres ac ciuis Olympo:  
 Hic paruus dolor est, illic immensa voluptas.*

*Fide igitur mea mēs, & fer, quodcunq̄, ferendū est:  
Mox tibi finis erit requiesq̄, petita laborum.*

---

IN PARTE OCCIDENTALI  
INTIMA.

Diuo FRIDERICO II. Chr. F. Frid. N. Christian. Pronep. Regi Daniæ, Noruegiæ, Gothiæ, VVandalicę Duci Slesuici, Holsatię, VVagrię, Stormariæ, Dithmarsicę : Comiti Oldenburgi & Delmenhorstæ, &c. Europæ lumini, Reipub. Christianæ columini : Post immortalia belli pacisque opera domi forisq̄; insigni cum laude confecta: summi Regis imperio, è regni mortalis statione ad cœleste regnum immortale euocato, anno publicæ sal. CIO. IO. XIIC. prid. Non. April. ætatis LIII. m. IIX. d. IV. magno patriæ cum incommodo, bonorum omnium incredibili cum luctu, principis optimo maximo P. M. M. P.

---

ALIVD.

Deo Trino & Vni, Opt. Max. gentis humanæ creatori, sospitatori & sequestro sacrum : & æternæ memorię gloriosissimi, fortissimi & religiosissimi Principis, D. Friderici II. Daniæ, Noruegiæ, Gothorum, Vandalorumq̄ue regis, patris patriæ, diuorum principum, Christiani III. Friderici I. N. Christiani I. Pronep. qui sui æui monarchas religione in Deum, sinceritate erga confœderatos, virtute & industria aduersus cunctos antecelluit: Christianam remp. constantissimè asseruit: cuius in bello magnanimitas enituit: in pace fides culta, clementia in omnes ordines singularis extitit, candor penè proprius fuit. Ei Reip. bono genito, eiusdē graui iacturæ denato, postquā LIV. ann.

ann. felicissimè exegisset. xxix. regnasset, vtriusq; sexus sobolè, tres mares, quatuor filias ex illustriss. & clemētiss. Principe, D. Sophia ex Mechelburgen- sium Ducū stirpe oriunda, coniuge suauiss. sustulisset, ac in his Christianū iv. filium paternarū virtutum hæredè, regnorum successorem reliquisset superstitè: terram deniq; cęlo iv. April. anno vltimi seculi cto. to. xiiic. Anderschouix in Selandia Cimbrica cōmutasset; Rōschildix iuxta Mausolæū augustiss. herois Christiani 3. patris sito; Daniel Rogersius, serenissimę heroinę D. Elisabethę, Anglię, Franciæ & Hiberniæ Reginę in Daniam, secūdum legatus, hoc mortale immortalis obseruantię monumentū, Musarū & Gratiarū cęlo sculptum, mœstissimus posuit, supremumquē P. V. vouit, & vt Henricus Ranzouius id hoc loco suis inscriptionibus adderet, petijt.

Partes interiores ab inscriptionibus etiamnum vacuę sunt: quocirca ibidem hæc leguntur:

*Mærentem locus hic, procul hinc discedite lati.*

Ergò

*Marmoris hoc vacuum lacrymis impleto viator,*

*Si pietas animum commouet vlla tuum.*

ORIENTALIS PLAGA HASCE IN-  
*scriptiones extrinsecus obtinet.*

DEO TRINO ET VNI SACRVM.

Friderico I. Christiani III. Regis filio, Friderici I. Regis nepoti, Christiani I. Regis pronepoti, Danorum, Noruegiorū, Gothorū & Vandalorū Regi, Slesuicensium, Holsatorum, Stormariorū & Dithmarforū Duci ac Principi, pio, felici, inclýto, Domino suo clementissimo, A. C. cto. to. Lxxxix. Iv. Aprilis, ætat. anno L iv. defuncto, Hēricus Ranzouius

Zouius Regiæ suæ maiestatis in Ducatibus Holsatiæ Vicarius, mœrens dolensque, debitæ gratitudinis ergò, in memoriam perpetuam honoris & virtutis maiestatis eiusdem hoc Sacellum FF.

---

FRIDERICVM II. REGEM DANIAE  
ALLOQVITVR HENRICVS

Ranzouius.

*Qui caput Europa, qui Martis & artis ad Arcton,  
Qui iuris columnen, qui pietatis eras;  
Hunc tibi, Rex, tumulū, Friderice, Henricus honoris  
Ranzouius soboli constituiq; mea.  
Vno namq; senex anno sex funera plango,  
In quibus, heu, summus sunt tua fata dolor.  
Id testor. Ga diue meum ne despice pignus:  
Sic tuus ex merito te tueatur honos.*

---

HENRICVS RANZOVIVS AD SERENISSIMVM REGEM DANIAE FRIDERICVM II.

*Dum tibi vita fuit, felici sorte fruebar,  
Est nunc per mortem fors mea versa tuam.  
Conficior curis lachrymarum in valle relictus,  
Te sine plena graui vita dolore mihi est.  
Accipe supremos, Rex, quos largimur, honores,  
Præstiterat nostro te superesse rogo.  
Ovtinam viuo potuisssem præmia iusta  
Reddere: pro meritis accipe nunc tumulum.*

---

IN AVSTRALI PARTE EXTRINSECVS  
videre licet sequentem inscriptionem: & Solarium vnum in plano descriptum cum  
versibus.

DEO



DEO OPT. MAXIMO POSTERITA-  
tiq̄ue Sacrum.

D.D.D.D. FRIDERICO I. CHRISTIANO III.  
FRIDERICO II. & CHRISTIANO IV. pro-  
uo, auo, patri ac filio, quatuor ex ordine Danorum  
Regibus, victoriosis ac potentissimis, de se & suis  
optimè meritis, HENRICVS RANZOVIVS tri-  
um posteriorum in Ducatibus Holsatiæ, &c. Vi-  
carius, subiectissimæ obseruantiaæ ergò, Anno Do-  
mini CIO. IO. LXXXIIX. ætatis suæ LXIII. fieri  
curauit.

---

I N S O L A R I V M.

*Hic tibi cum numero spectantur nodus & umbra,*

*Que tria quid doceant, commemorare libet.*

*Umbra notat dextrè, quota cursetet hora diei,*

*Hincq̄, monet vitam sic properare tuam.*

*Ast in quo signo magni lux publica mundi*

*Versetur, mira nodulus arte docet.*

*Si vis scire, dies quot quilibet occupet horas;*

*Id numerus media sede locatus habet.*

---

PARS OCCIDENTALIS RETINET

*donationem huius Sacello addictam,*

*hoc modo:*

Ego Henricus Ranz. do, lego, dariq̄ue volo quot-  
annis tertia feria Pentecostes, peractis sacris, &  
proximis sequentibus tribus diebus, per Presbyte-  
ros & Diaconos huius oppidi (quos coniunctim  
eius rei dispensatores, certo laboris præmio con-  
stituto, ordinaui) ante hoc sacellum, ad refectio-  
nem centum pauperum præfecturæ Segebergensis,  
elemosynas anniuersarias, ex redditibus cuiusdam

pecuniariæ obligationis ipsorum fidei traditæ, residuamq; horum reddituum partem ad reparationem huius sacelli, quotiescumq; necessaria fuerit, conuerti: ea tamen lege ac conditione, vt illi redditus à Diaconis ad nullos alios vsus conferantur, nec alio loco eleemosynæ distribuantur. Quod si factum fuerit, hæredibus, posteris, familiæque meæ Ranzouianæ concessi potestatem, huic sacello addictam donationem reuocandi, redditusq; ad alios pios vsus transferendi. Et licet hanc formam dispositionis acta sigillata plenius contineant; tamen eius tenorem, ad fidem harum rerum posteris faciendam, huic tabulæ quoque incidi placuit.

---

SEPTENTRIONALIS PLAGA

*hæc habet:*

I E H O V A E D E O S A C R V M.

DEVS OPT. MAX. Quam indidisti mentem, animum, vitam, quemq; dabis extremum spiritum, voti reus, iure tibi reddo, dedo, addico ego Henricus Ranzouius: qui

Friderico II. Rege Danorum,  
Friderico Duce Holsatiæ, dominis meis,  
Friderico Ranzouio filio meo,  
vnius anni spacio  
præopera morte sublatis,  
concepti acerbissimi doloris  
monumentum hoc votiuum,  
obnoxia piaque affectione,  
contra votum posui.

Anno Domini M. D. LXXXIIIX. agens annum  
ætatis LXIII.

I N

## IN SACELLVM.

*Hoc Henricus ego tibi, Rex Friderice, sacellum  
 Ranzouius sumptu condo sacroq<sup>3</sup>, meo.  
 Ut faciam non me mouet ostentatio, suadet  
 Vnicus ille bono principe dignus honos.  
 Talis enim rex noster eras, ea gloria qualem  
 Postulat. haud alius nempe parente bono.  
 Ergo tui placidè cultoris suscipe pignus:  
 Sic tua sit virtus nescia nocte premi.  
 Quisquis adus autem fanum, prece numen adora,  
 Idq<sup>3</sup>, pio similes pectore posce Duces.*

## AD VIATOREM.

*Si pia maiorum violas monumenta viator,  
 Vltrices furias experiere breui.  
 Opus absolutum diebus CCXX.*

OBELISCVS RANZOVIA-  
 NVS SEGEBERGENSIS  
 altus pedes 52 $\frac{1}{2}$ .

## AD ORTVM.

*Sanctæ & indiuiduæ Trinitatis honori: nec non  
 in Friderici II. Regis Daniæ, ac proge-  
 nitorum, posterorumque suorum  
 memoriam*

HUNC OBELISCVM STATVI CVRA-  
 uit Henricus Ranzouius.

Ab orbis principio 5552.

A Christo nato 1590.

A Etatis anno 65.

## P Y R A M I S

Hæc  
Lector  
te tria  
chare docet.

Principid quòd  
sumptibus immensis  
stet constructa tam bene  
ornateque Vicarij. Dein-

de quòd hæc eadem secundi  
sit Friderici consecrata manibus,  
Danica qui gessit sceptrapotentem manu.

Deniq<sub>3</sub> sublato in cælum, quod culmine signet,  
Calceæ<sub>3</sub>, quâ facta est, purâ, sine crimine puram  
Quilibet vt viuat vitam, mortalia linquat,  
Et crebrò solum suspiret, anhelet Olympum.  
Hæc vbi cognosti, ex animo bona multa precare  
Ranzouio domino, & quòd te via ducit euntem  
Perge statim, & felix longissima tempora viue.

H. R. 1590. V. R.

Sincero trinum quem corde fatemur & vnum,  
In laudem sunt hæc cœpta peracta Dei.  
Vtq<sub>3</sub> Fridericum dignè post fata celebrent,  
Sub quo florebat Dania rege potens.  
Et sint natorum natis, abauis at auisq<sub>3</sub>,  
Sanzouijq<sub>3</sub> diu mentio grata senis.



IN TINTINABVLA E CORONA  
Obelisci dependentia.

*Hoc diadema sonum vt ventis spirantibus edit;  
Sic tua laus nusquam rex Friderice silet.*

ITEM.

*Hoc opus exstruxi Henricus Ranzouius, omne  
Numinis in laudem, conditor alme, tui,  
Et simul in Danaum Friderici Regis honorem,  
Totiusq<sub>3</sub> mei seminis, atq<sub>3</sub> domus.*

AD OCCASVM.

*Pro meritis, Friderice, tuis, Rex optime regum,  
Hac monumenta tibi dedico, sacro, struo.  
O vtinam maiora mihi prestare liceret,  
Hoc totus stares aureus ipse loco.*

AD MERIDIEM.


*Quem Regi & vobis Obeliscum dedico, nati,  
Ad virtutis iter nobile, calcar erit.  
Certumq<sub>3</sub> indicium, quarendas aethere sedes,  
Et nihil in terris certius esse nece.*

AD SEPTENTRIONEM.

*His visis, lectis, placidè discede viator,  
Cunctaq<sub>3</sub> structori fausta precare meo.  
Perpetuò infelix & detestabilis esto,  
Qui sacrum in minimis hoc violabit opus.*

## IN EVNDEM OBELISCVM.

Infistit terra, caput inter nubila condit,  
 Aëreas penetrans en Obeliscus aquas.  
 Quo se Ranzouius, Cimbrorum gloria gentis,  
 E terra ad superos hac quasi voce vocat.  
 O mea mens sursum, quem tendis, dirige cursum.  
 Mens oblita soli, suspice regna poli.  
 Optima pars mundi calum est, pars pessima tellus.  
 Tellurem ô liceat linquere, & astra sequi.  
 Quisquis es, hac imitare senis pia vota beati,  
 Hic tibi nec visus frustra Obeliscus erit.  
 Nathan Chytræus.



## ITZEH OAE.

**C**Vm mihi canescēs tumbā tumulumq<sub>3</sub> parassem,  
 Quo, tu nate, meos contegeres cineres:  
 Sunt vbi compositi post acta tempor a vita,  
 Cum patre germanus, cum genitore soror.  
 Tu quoq<sub>3</sub>, dicebam, simul hic ô nate quiesces,  
 Cùm tibi supremum finiet hora diem.  
 Obstetit hei fati vis, ac immobilis ordo,  
 Te procul à patria surripuitq<sub>3</sub> tua.  
 Sic prius exequias tibi sum prestare coactus,  
 Qui me debueras ad mea busta sequi.  
 Hac tibi sint igitur luctus monumenta paterni,  
 Hac patrimonij sint tibi, nate, loco.  
 Et quoniam transacta mea pars optima vitæ;  
 Spero mihi summum non procul esse diem.

*Spiritibus nostris quo coniungemur, & vnà  
Viuemus faciem iugiter ante Dei.*

---

## I B I D E M.

FRIDERICO RANZOVIO, Henrici filio, Archidiacono & Canonico Slesuicensi, teneris annis in aula Electoris Augusti educato, Latinæ linguæ non ignaro; qui, cum quinque expeditionibus interfuisset, primùm Coloniensi apud Ioannem Casimirum Palatinum, anno 83. Secundò Liuoniensi versus Oesel & Arnsburgum, cum regio Danico Admiralio, anno 84. Tertiò cum Ernesto de Mandelschlo in Gallia, anno 85. Quartò verò in Belgio, anno 86. vbi vnus turmæ equitum ductor fuit: Ac tandem in Gallia anno 87. Regis Galliar, Henrici III. partes secutus, non procul à Chaumperaulx à sicarijs globo aliquoties ex insidijs traiectus perijsset: Henricus parens, qui Catharina filia, & Catharina, ex filia Oligarda, nepte, & tandem filio natu tertio Friderico in Gallia; nec non duobus fratris sui Pauli filijs, Ioanne in Polonia, & Daniele etiam in Gallia, spatio vnus anni orbatus est, senex iuueni, mutato naturæ ordine, summo animi dolore affectus, inspiratum, minimeque opinatum hoc monumentum sacrauit.

---

*Non laudes aquare, sed exsuperare parentum,  
Vincereq, haud vinci, mens mihi firma stetit.*

*Dijs aliter visum, qui mortem Marte propinant,  
Laudem per fraudem, viuere perq, necem.*

*Nil moror, igniuomi peceo quòd fulmine teli.*

*Hoc queror, hoc doleo, clam quòd ab hoste necor.*

*Sic est. Sape malum peregrè comitatur euntes,  
Atq; ibi mors præsto est, longè vbi abesse putas.*

INSCRIPTIO SACELLI ITZEHOE-  
NIS IN SARCOPHAGO,

*Quem HENRICVS RANZOVIUS, morta-  
litate memor, ex solido lapide excavari, & in præ-  
nominati conditorij medio, ad se in eo sepe-  
liendum, poni curavit.*

In hoc sarcophago conditus est HENRICVS  
RANZOVIUS, Iohannis equitis aurati filius, Hen-  
rici nepos, Bredonis pronepos, Caij abnepos, Re-  
gis Daniæ Christiani III. Friderici II, & Chri-  
stiani IV. olim vices in Ducatibus Slesuicensi,  
Holsatiæ & Dithmarsia gerens, Præfectus arcis Se-  
gebergenfis, Dominus in Bredenberg, Ranzovv,  
Ranzouisholm, Nutschovv, Melbeck, &c. qui vi-  
xit annos.... mortuus anno ...

I O B XIX.

*Et ego scio redemptorem meum viuere: & is no-  
uissimo die me è puluere excitabit.*

HENRICVS RANZOVIUS VICARIUS  
REGIVS: AD INITATIONEM PON-  
tani de suo sarcophago.

*Viuus lapideum hunc mihi paraui lectulum,*

*In quo iacerem mortuus.*

*Noli obsecro me mortuum laceffere,*

*Qui viuus obfui nemini.*

HENRICVS ille namq; sum RANZOVIUS  
Regis Dani vicarius.

*Quem*



*Quem plurimum plures amarunt Principes,  
Suiq; passim subditi.*

*Quem docti honestarunt viri, cumq; improbis  
Laude cumulauerunt probi.*

*Nunc, hospes, ecquis sim, aut mage fuerim, tenes:  
Veruntamen qui tu fies,*

*Non cognitum est mihi. igitur vt teipsum bene  
Noscas rogo. His longum vale.*

## NOSOCOMII GRONOVIENSIS

PROPE LVBECAM.

Deo Opt. Max. honestæque hominum societati  
conseruandæ, nec non ærumnosæ pauperum ino-  
piæ, & senectuti subleuandæ pium præstituri offi-  
cium, hoc oppidulum atque Nosocomium suis im-  
pensis extrui curarunt Henricus Ranzonius, &  
Christiana ab Halle, coniuges, domini & hæredes  
in Bedenberg, Drakenburg, &c.

## I N P A G O V V E S T E N -

S E H E.

Nobili viro DANIELI RANZOVIO, Equiti  
Holsato, domino castrorû Nienhoues, Troiebur-  
gi & VVoldenborn, belli inter serenis. Danorum  
regem Fridericum I I. & Suecos, per septennium  
gesti, summo Duci & primario administratori:  
multarum pugnarum acerrimarum, cum Suecis  
manu prorsus impari commissarum, victori; in il-  
lorum regione viarum abstrusarum, & ante hac  
incognitarum inuestigatori ac inuentori: earun-  
demque vrbium, pagorum & agrorum euerfori ac  
depopulatore: de Rege ac Regno Daniæ optime  
meri-

merito, gentili, cognato & amico suo carissimo, qui in obsidione arcis VVarburgæ tormēto ictus, moriendo vincens, vitam viriliter profudit: HENRICVS RANZOVIVS D. Ioannis filius, hoc non tam priuati, quàm totius Danię ac Holsatię luctus perpetuum monūmentum mœrens non sine lacrymis erexit. Exstinctus est anno 1569. die 11. Nouēb. Anno ætatis suæ quadragesimo.

---

INSCRIPTIO FONTIS IN  
PAGO MVNSTERDORP.

Hunc fontem, olim D. Sixto sacrum, & potu cōtra febrim salubrem, vetustate collapsum H. R. anno Domini 1587. restaurauit.

*Non procul à celebris Bredebergæ mœnibus arcis*

*Fons est, qui Sixto dicitur esse sacer:*

*Corpora lethali qui feb̄re leuare putatur*

*Horrida, quæ quarta luce redire solet.*

*Scilicet hæc virtus patuit per somnia Galli,*

*Ex quo quis medicas hauserat eger aquas.*

*Hunc pius Henricus Ranzo reparauit, & illi*

*Restituit fonti, quod fuit antè, decus.*


---

CATHARINAE RANZOVIAE filię, Friderici Alefeldij vxori, post vnus diei morbum subito mortis casu abreptæ, cūm vixisset annos 23. menses 5. dies 13. horas 4. HENRICVS RANZOVIVS Vicarius Rēgius, ac CATHARINA ab Halle parentes, præpostero naturæ ordine, in senio superstites relictī, insperatum hoc memoriæ sacrum statuerunt.

*Hæc ego Friderici coniux Alefeldij in vrna*

*Dormio Ranzouia lux Catharina domus.*

Nil nil praclari generis mihi profuit ortus,  
 Nil tenera etatis tempora prima mea.  
 Omnia mors aufert, diadema ligonibus aequans,  
 Omnia Parcarum tollit avara manus.  
 Disce hinc, quicumq; es, nostram qui praeteris urnam,  
 Quid sis, quid fueris, quidve futurus eris.  
 Nil aliud mortalis homo est, quam labilis aura,  
 Puluis, imago, vitrum, flos, cinis, umbra, sonus.  
 Nil aliud fragile hoc corpus, quam putre cadaver,  
 Et dira illuuias congeriesve luti.  
 Nil aliud vita hac, quam semita plena malorum,  
 Cumq; dolore labor, cumq; labore dolor.  
 At mors aeterna est requies, via certa salutis,  
 Et torrens vita principiumq; noua.  
 Felix qui Domino, cum possit viuere, viuit,  
 Et Domino moritur, cum venit hora mori.




## A PENRODAE.

INSCRIPTIO MONUMENTI IDAE  
RANZOVIAE.

*Ipsa loquitur.*

**O**ptimum quidem est, Sileno teste, non nasci,  
 aut natum citò mori. Ast ego illud impro-  
 bo, hoc probo. Illud, inquam; Si enim non  
 nata, nec homo, nec imago Dei opificis fuisset.  
 Hoc; Si enim non tam citò mortua, multis expo-  
 sita fuisset morbis & periculis. Cum itaque per  
 mortem ad vitam, de peregrinatione ad patriam,  
 ab æstu ad refrigerium, ex agone ad brauium, dul-  
 ci somno sopita peruenerim, gratulor mihi, quòd  
 & ego IDA idea & imago Dei mei nascendo facta,  
 quòd-

quodque citò moriendo ego Ida ita innumeris sim  
prærepta malis : Nunc autem trimula hîc Apenro-  
dæ sub monumento à patre Caio Mauritij filio, &  
matre Elisabetha Henrici trium Daniæ Regum Vi-  
carij filia, vtrisque Ranzouijs erecto, resurrectio-  
nem carnis exspectans recubo, mortua xxiv. Fe-  
bruarij, sepulta xxii. Martij, Anno Domini M. D.  
xci.



## A N G L I C A .

IN LONDINVM IVL. CAES.  
SCALIGER.

**V**Rbs animis, numeroq, potens, & robore gen-  
Vel cunctos præ se despicit vna deos. (tis,  
Torua peregrinis, sed non & inhospita, merces  
Vicinis patrias aggerit, atque petit.  
Contemnis, cui das, tanquam ipso munere maior,  
Odisti vnde petis, ne videre minor.  
Dicat, quid bello valeas, Aquitania. quid non:  
Et Nortman, & cum Saxone Roma vetus.

IN ECCLESIA B. PETRI VVEST-  
MONASTERII.

Labilitas, breuitas mundana prosperitatis,  
Calica premia, gloria, gaudia danda beatis,  
SEBERTVM certum iure dedere satis.  
Hic Rex Christicola verax fuit hac regione,  
Qui nunc calicola gaudet mercede corona.  
Rex humilis, docilis, sciens, & pius, inclytus iste

Solli-



*Sollicitè, nitidè, tacitè, placidè (bone Christe)*

*Vult seruire tibi, perficiendo sibi.*

*Ornat mores, spernit flores, lucis auaræ*

*Gliscens multum Christi cultum latificare,*

*Ecclesiam nimiam nimio studio fabricauit*

*Hæc illæsa manus, quæ fundamenta locauit;*

*Hinc septingentis annis terra cumulatus*

*Christi clementis instinctibus inde leuatus.*

*Isto sub lapide nunc iacet ipse, vide.*

*Atq; domum Christo quia mundo fecit in isto,*

*Nunc pro mercede celi requiescit in æde.*

*Respice mortalis, promissio fit tibi talis.*

*Accipies, si des; nil capies, nisi des.*

*Es Christo qualis, & erit Christus tibi talis,*

*Dapsilis esto sibi, largus eritq; tibi.*

*Effectus, non affectus, si reddere possis,*

*Debet censerî; nil est, si reddere possis,*

*Tunc bonus affectus pro factò debet haberi:*

*Sicut de lignis per aquam depellitur ignis,*

*Sic mala commissa fiunt donando remissa.*

*Reddet ad vsuram, quod quis dat nomine Christi,*

*Nam vitam puram pro paruo dat Deus isti.*

*Obijt anno Domini D c. xvi. vltima Iulij. Versus  
quales ætas illa parturiebat.*

ALIVD S. EDVARDI.

*Omnibus insignis virtutum laudibus heros*

*Sanctus EDVARDVS, confessor, rex venerandus,*

*Quinto die Iani moriens super æthera scandit.*

SURSVM CORDA.

*Moritur anno Domini 1065.*

## IBIDEM.

*Tertius HENRICVS iacet hic pietatis amicus,  
Ecclesiam stravit istam, quàm post renouavit,  
Reddet ei munus, qui regnat trinus, & vnus.*

DVLCE BELLVM INEXPERTIS.  
*Viure defijt anno Christi M. CC. LXXIII.*

## IBIDEM.

*EDVARDVS primus Scotorum malleus hic est.  
Dum vixit Rex, & valuit sua magna potestas,  
Fraus latuit, pax magna fuit, regnavit honestas.*

PACTVM SERVA.  
*Obijt anno Christiano M. CCC. VIII.*

## IBIDEM.

*Hic decus Anglorum, flos regum prateritorum,  
Forma futurorum, rex clemens, pax populorum,  
Tertius EDVARDVS regni complens Iubilaeum  
Inuictus Pardus, pollens bellis Machabaeus,  
Prosper dum vixit, regnum pietate reuixit,  
Armipotens rexit, iam Cælo Cælice Rex sit.*

*Tertius EDVARDVS fama super aethera notus.*

PVGNA PRO PATRIA.  
*Moritur anno Domini M. CCC. LXXVII.*

## IBIDEM.

*Septimus hic situs est HENRICVS gloria regum,  
Cunctorum, illius qui tempestate fuerunt,  
Ingeniu, atq, opibus, gestarum nomine rerum,  
Accessere quibus natura dona benigna,*

*Frontis honos, facies angusta, heroica forma,  
Iunctaq; ei suavis coniux, perpulcra, pudica,  
Et foecunda fuit, felices prole parentes,  
Henricum quibus octauum terra Anglia debes.*

MEMORIAE SACRVM,

MARGARETAE DOWGLASIAE, Matthæi  
Stuarti Leuenosiæ Comitissæ uxori, Henrici VII.  
Angliæ Regis ex filia nepti; potentissimis regibus  
cognitione coniunctissimæ, Iacobi VI. Scotorum  
Regis auia, Matronæ sanctissimæ, moribus & inui-  
cta animi patientia incomparabili P.

*Margaretapotens virtute, potentior ortu,  
Regibus ac proavis nobilitata suis.  
Inde Calcedonijs, Australibus, inde Britannis  
Edita Principibus, Principibusq; parens.  
Quæ mortis fuerant, soluit latissima morti;  
Atq; Deum petijt, nam fuit antè Dei.*

G V I L I E L M I P V N T E R I  
M V S I C I.

*Æthereos inter ciues, animasq; beatas  
PVNTERVS suminum iam canit ante Deum.  
Gratus erat terris viuendo, legendo, canendo;  
Cælo nunc viuit, nunc legit atq; canit.  
Sic tribus ille locis superest: sunt namq; repostæ;  
Clausuris ossa, choro laus, animusq; polo.*

CATHARINAE REGINAE HENRI  
CI IIX. VXORIS.

*Illæ ego, quæ Regi poteram placuisse marito,  
Et forma, & castis moribus, & genere:*

*Postquam in thalamis exclusit adulter a pactis,  
Emorior, solo funere grata viro.*

EPITAPHIUM THOMAE MORI,  
QVOD PAVLÒ POST ABDICATVM  
*manus Cancellarij ipse sibi composuit,  
& sepulcro suo affixit.*

THOMAS MORVS, vrbe Londinensi, familia non celebri, sed honesta natus, in literis utcumq; versatus, quum & causas aliquot iuuenis egisset in foro, & in vrbe sua pro Shyreno ius dixisset, ab inuictiss. Rege Henrico VIII. (cui vni Regum omnium gloria prius inaudita contigit, ut fidei defensor, qualem & gladio se & calamo verè præstitit, meritò vocaretur) adscitus in aulam est, delectusque in Concilium, & creatus Eques, Proquæstor primùm, post Cancellarius Lancastræ, tandem Angliæ miro Principis fauore factus est. Sed interim in publico Regni Senatu lectus est orator populi, præterea Legatus Regis nonnunquam fuit, alias alibi; postremò verò Cameraci, Comes & collega iunctus Principi legationis Cuthberto Tonstallo, tum Londinensi, mox Dunelmensi Episcopo; quo viro vix habet orbis hodie quicquam eruditius, prudentius, melius. Ibi inter summos Christiani orbis Monarchas rursus resecta fœdera, redditamque mundo diu desideratam pacem, & lætissimus vidit, & Legatus interfuit.

*Quam superi pacem firmont, faxintq; per enem.*

In hoc officiorum vel honorum cursu quum ita versaretur, ut neq; princeps optimus operam eius improbaret, neque nobilibus esset inuisus, neque iniucundus populo; furibus autem, homicidis, hæreticis.



reticifque moleſtus: Pater eius tandem Ioannes Morus Eques, & in eum Iudicium ordinem à principe cooptatus, qui Regius confeſſus vocatur, homo ciuiliſ, innocens, mitis, miſericors, æquus & integer, annis quidem grauis, ſed corpore pluſquã pro ætate viuido, poſtquam eò productam ſibi vidit vitam, vt filium videret Angliæ Cancellarium, ſatis in terra iam ſe moratum ratus, lubens migravit in cælum. At filius defuncto patre, cui, quamdiu ſupererat, comparatus, & iuuenis vocari conſueuerat, & ipſe quoque ſibi videbatur, amiſſam iam patrem requirens, & editos ex ſe liberos IV. ac nepotes XI. reſpiciens, apud animum ſuum cepit perſeneſcere. Auxit hunc affectum animi, ſubſequuta ſtatim velut adpetētis ſenij ſignum, peſtoris valetudo deterior. Itaque mortalium harum rerum ſatur, quàm rem à puero ſemper optauerat, vt vltimos aliquot vitæ ſuæ annos obtineret liberos, quibus huius vitæ negotijs paulatim ſe ſubducens, futuram poſſet immortalitatem meditari, eam rem tandem (ſi coeptis annuat Deus) indulgentiſſimi principis incomparabili beneficio reſignatiſ honoribus impetrauit, atque hoc ſepulcrum ſibi, quod mortis eum nunquam ceſſantis adreperere quotidie commune faceret, translatis huc prioris vxoris oſſibus, extruédum curauit. Quod ne ſuperſtes fruſtra ſibi fecerit, néue ingruentem trepidus horreat, ſed deſiderio Chriſti lubens oppetat, mortemque vt ſibi non omninò mortem, ſed ianuam vitæ felicioris inueniat, precibus eum, Lector optimè, ſpirantem, precor, defunctumque proſequere.

THOMAS MORVS IAM SECVRI FE-  
RIENDVS AD FILIAS ET  
populum.

*Ne lugete meo confusa funere, nata:*

*Ipsè ego mutari non me a fata velim.*

*Truncum terra teget, si Rex non abnuet vrnan;*

*Et me a iam terris nomina nota volant.*

*Libera mens superos repetet, neq, seruiet vnquam:*

*In partem hanc quod agat, nulla securis habet.*

*Tu quoq, spectator, tranquillum si cupis eum*

*Exigere, & letho fortior esse tuo.*

*Qui tibi membra cadant, nullo in discrimine pone,*

*Quum sint natura lege caduca sue.*

NICOLAO GRVDIO Auctore.

THOMAE MORI ANGL.

CANCELL.

*Quis iacet hic truncus? cuius caput ense recisum est?*

*Quæ natat in tetro sanguine Canicies?*

*Hic est ille THOMAS MORVS. sic fata rependunt.*

*Tristia multa bonis, & bona multa malis.*

*Quæ circumstant Diua lugubre cadauer?*

*Diua tenax veri, sancta, fides, Nemesis.*

*Quarum prima fuit causa, & fuit altera mortis,*

*Vlrix iniusta tertia cadis erit.*

Anno Domini M. D. XXXV. VI. Non. Iulij.

PIIS MANIBVS D. IOANNIS FL-  
SHERII, PONTIFICIS  
Roffensis.

*Interpres cali in terris, dum vita manebat,*

*Roffensis populi præsēs, amorq, tui.*

Impre-

*Improbate postquam damnantem facta necavit,  
 Ac tua Rex posuit Colla resecta foro:  
 Ille malis male securis fruitur hymenæis:  
 Tu summo adsistis victima nota Deo.  
 Te quæ nouum inde getem cingit plaudente corona.  
 Gens superùm, & tanta gaudet amicitia.  
 Fortunate senex, odiumq; irasq; profanas,  
 Qui mutas celo? fluxaq; perpetuis.  
 Quam densa attonitas obcæcant nubila mentè!  
 Quantū heu nostra nigra tempora noctis habent!  
 Illa tamen veniet lux, prolabantibus annis,  
 (Sic erit, ô, tota sentio mente Deum.)  
 Angla tuam cùm gens melior venerabitur vmbra,  
 Collecta auratis ossa tegens loculis.  
 Interea hac capite, ô Manes solatia sancti,  
 Indigna & lacrymans funera sæpè fleam.  
 Capite mulctatus obijt Londini, anno salu-  
 tis humanæ M. D. XXXV.*

---

 I N D. P A V L I.

THOMAS LINACRVS, Regis Henrici VIII.  
 Medicus, vir & Græcè & Latinè, atque in re medi-  
 ca longè eruditissimus, multos ætate sua languen-  
 tes, & qui iam animam desponderant, vitæ resti-  
 tuit: multa Galeni opera in latinam linguam, mi-  
 ra & singulari facundia, vertit. Egregium opus de  
 emendata structura latini sermonis, amicorum  
 rogatu, paulò ante mortem edidit. Medicinæ  
 studiosis Oxoniæ publicas lectiones duas, Can-  
 tabrigiæ vnam, in perpetuum stabiliuit. In hac  
 vrbe collegium medicorum fieri sua industria  
 curauit, cuius & Præsides primus electus est.

Fraudes dolosque mirè perosus, fidus amicis, omnibus Ordinibus iuxtà carus: aliquot annis, antequam obiret, Sacerdos factus, plenus annis ex hac vita migravit, multum desideratus, anno 1524. 20. Octob. cuius animæ sit Deus propitius.

Aliquantò altius tumba cum Phoenice, & inscriptione: VIVIT POST FVNERA VIRTVS.

Thomę Linacro, clarissimo medico Ioan. Caius posuit. M. D. LVII. m. Aug.

IBIDEM.

IOANNIS COLETI S. THEOL. DOCT.  
DECANI HVIVS ECCLESIAE, ET  
Scholæ Paulinæ fundatoris.

*Inclyta IOANNES Londinæ gloria gentis,*

*Is, tibi qui quondam, Paule, Decanus erat.*

*Qui toties magno resonabat pectore Christum,*

*Doctus & interpres fidus Euangelij:*

*Qui mores hominum multum sermone disertio*

*Formarat, vitæ sed probitate magis.*

*Quiq; scholam struxit celebrem cognomine IESV,*

*Hac dormit tectus membra COLETVS humo,*

*Floruit sub Henrico VII. & VIII. Regibus.*

IBIDEM.

DEO TRINO ET VNI OPT.

MAX. SACR. AC

Æuiternæ memoriæ nobilissimi honoratissimi  
omniq; virtutum & eruditionis genere præstan-  
tissimi viri Domini ADOELPHI à MEETKERKE  
Brugensis equestris ordinis, summi Flandriæ Con-  
cilij præsidis dignissimi & iustissimi, in creandis

per



per Flandriam vrbiū ciuitatumq; magistratibus legati perpetui. Qui difficillimis Belgarum temporibus illustrem locum consiliarij status, in supremo trium ordinum Belgicarum Prouinciarum senatu, multis principibus iunctus collega, plus quā decennium sustinuit, Legationes quoq; eorundem ordinum nomine apud varios Germaniæ superioris & inferioris Principes, Regem Galliæ, eiusque fratrem Principem Apenconium, tum etiam apud serenissimam hanc Angliæ &c. Reginam principi Hauræo factus collega, summis de rebus, maxima fide, summaque cum laude, obiit. Eximia cognitionis, cum Iurisprudentiæ, tum historiæ fama celeberrimus. Nec minus à bonarum artium, humanarumque disciplinarum & linguarum, præsertim Latiniæ & Græcæ (quarum posterioris fuit restaurator) eruditione commendatissimus. Quodque primum omnium est, pietatis in Deū & homines, & Iustitiæ cultor studiosissimus, cuius causa omnibus supradictis honoribus relictis, exilium, etiam si ipsi in sua senectute durum, libens suscepit. Is natus annos LXIII. mens. VI. Prid. Non. Octobris, Anno post natū Messiam Saluatorem nostrum CIO. IO. XCI. ex hac peritura ad perennem vitam emigravit, cum ex duabus nobilissimis selectissimisque vxoribus, tam virtute quàm genere clarissimis, Dn. Iacoba Ceruina, & Dn. Margareta à Lichteruelde, plurimos suscepisset vtriusque sexus liberos. Ex quibus moriens sex, ex qualibet vxore videlicet tres, reliquit superstites.

Ex priore, Balduinum; qui cæso nuper in expugnatione Dauentriæ fratre suo primogenito Dn. Nicolao militum Duce fortissimo, militibus dicti fratris sui à serenissima Angliæ Regina est præfe-

ctus. Adolphum patri cognominem, à fratre in ordine militari secundum; & filiam Annam, vxorem clarissimi viri Domini Pauli Knibbij Iurisc. & Sereniff. Daniæ Regis Confiliarij.

Ex posteriore filium anniculum Eduardum, & duas filias Elizabetham & Salomen, tres liberalissimæ indolis & formæ infantes.

Cui placidè in Christo humanæ gentis sospitatore obdormienti, hoc meritis ipsius debitum mortale monumētum, immortalis amoris & reuerentiæ, Petrus ab Heila, dictus Varheila Brugenf. Iurisc. popularis, ciuis, & amicus eius mœstif. pos.

In symbolum nobilissimi, honoratissimi, omnique virtutum & scientiarum genere cumulatissimi viri Dn. ADOLPHI à MEETKERKE Brugenfis, equestris ordinis, summi Flandriæ præsidis dignissimi & æquissimi.

Sunt autem duæ dextræ inter se iunctæ, quarum vna armata est, altera inermis, quibus tertia è nube superueniens duas priores complectitur, additis his verbis ad nomen Adolphi alludentibus:

ΦΙΛΟΙΣ ΕΧΘΡΟΙΣΤ' ΑΔΕΛΦΟΣ.

ET AMICO FRATER ET HOSTI.

*Quid manus armata est? hostis. Quidnam altera? amicus.* (que capit.

*Tertia? MEETKERKVS, qui manum vtram-*

*Quid Græcæ voces? ET AMICO FRATER ET HOSTI.*

*Vocum harum interpretis vita Mekerke tua est.*

*Petrus ab Heila, dictus Verheila, Brugenfis, Iuriconsultus.*

IN CHORO TEMPLI D.  
DIONYSII.


*Anima super aethera viuunt.*

IACOBO COLIO G. F. BELGAE  
Regis HENRICI VIII. munere Angl. indigenæ,  
mercatori probo:

Qui obiit ann. Christi CIO. IO. XCI. suo  
LXXIIX. & ELIZAB. ORTELIAE Q. Ob.  
An. Christi CIO. IO. XCIV.

Connubio nuper, nunc tumulo iunctis  
IACOBVS COLIVS parentib. pientiff.  
H. M. F. C.

CHRISTO DVCE ET OSSA RESVRGENT.  
COLII & ORTELIAE (*iunxit quos tædaiugalis*)  
*Astra simul animas, iungit hoc ossa solum.*



CANTABRIGIAE.

IN TEMPO CATHEDRALI.

**N**ICOLAVS VVOTONVS Roberti VVo-  
toni Equitis aurati ex Anna Belknappa fi-  
lius, vtriusque Iuris Doctor, Ecclesiæ huius  
primus, itemq; metropolitanæ Ecclesiæ D. Petri  
Eboracensis Decanus: Henrico VIII. Eduardo VI.  
Mariæ & Elisabethæ Angliæ Regib. à secretis con-  
silijs, ad Carolum V. Cæsarem bis, ad Philippum  
Hispaniæ regem semel, ad Franciscum primû Fran-  
corum Regem, ad HENRICVM secundum eius  
filium ter, ad Mariam Hungariæ Reginam Belga-  
rum præsidem semel, ad Guilhelmum Cliuensium  
Ducem bis, legatione functus. Renouatæ pacis in-  
ter Anglos, Francos & Scotos, inter Guinas &  
Arderam,

Arderam anno 1546. similiter & ad Castrum Cameracense, anno 1559. Denique Edimburgi Scotiæ anno 1560. Oratorum munus. Hic tandem ferè septuagenarius requiescit. Hæc ille ante mortem & ante morbum, quasi fatalem diem præsentiens, & cygneam cantionem Propheticè canens sua manu in museo scripta reliquit. Qui apud tales Principes diuina prouidentia gubernante, laudabiliter & in tot ac tantis causis, quarum magnitudo grauissima, vtilitas publica fuit, feliciter bonam vitæ suæ partem consumpsit, eum viuum sapientem, & experientissimū ipsa inuidia iudicare debet. Quam semper ab omni contentione honorum fuerit alienus, illud declarat, quòd ad hanc Ecclesiasticam dignitatem non ambitione vlla sua inflāatus, nec amicorum opera vsus aspirauit, sed eam vtramq; Henricus VIII. hominis merito & virtute prouocatus, vtrò detulit. Cumque idem rex illustrissimus morbū lethale ingrauescere persentiret, & Eduardi Principis sanè excellentissimi, adhuc tamē pueri & Reip. administrandæ imparis, imbecillā ætatem senili prudentia secretioris consilij sui regendam existimaret; illis ex sedecim, quos supremæ voluntatis suæ testes & vindices testamento instituit, huic Nicolaum absentem tum in Francia legatum vnum esse, voluit. Eduardo regi iam medio regni curriculo propè confecto, vnus ex primarijs secretarijs fuit; quem locum diutius tenere potuisset, nisi & suis & assiduis amicorum precibus abdicanti veniam impetrasset. Corpus illi erat gracile quidem & paruum, sed erectum, habitudo sana, vultus liberalis, victus exquisitus, quem semel tantum in die capere consueuerat. valetudo adcò firma, vt raro morbū aliquem senserit. animus verò



totus libris ac literis dicatus, artium, Medicinæ, Iurisprudentiæ, & Theologiæ studio intentus, linguarum Romanæ, Italicæ, Gallicæ, & Germanicæ inferioris cognitione pulchrè exornatus. Ita vir iste genere clarus, legatione clarior, domi ac foris clarissimus, honore florens, labore fractus, ætate confectus, postquam Decanus huic Ecclesiæ annos 25. dies 293. præfuisse; Londini Ianuarij 26. anno nostræ salutis 1560. piè & suauiter in Domino obdormiuit, Thoma VVottono nepote hærede relicto, qui ei hoc monumentum non honoris ergò, quo abūdauit uiuus, & florescet mortuus; sed amoris causa, quem memoria colet, vt debet, sempiterna, consecrauit.

---



---

## O X O N I A E.


---

**S**TRUXIT HVGO PRITIVS tibi clarapalatia  
IESV,

*Vt Doctor legum pectora docta daret.*

Quos versus cum vir quidam non illepidi ingenij transiens perlegisset, atque PRITII illius exactam ætatem, simul & operis vixdum inchoati magnitudinis animo expendisset, tale distichon illi disticho opposuit.

*Nondum struxit HVGO, vix fundamenta locauit:  
Det Deus, vt possis dicere: struxit HVGO.*



## G A L L I C A.

---

PARISIENSIA.

IN LV T E T I A M I V L. C A E S.

SCALIGER.

**F**rancigena princeps populosa Lutetia gentis,  
 Exerit immensum clara sub astra caput.  
 Hic civis numerum, ars precium, sapientia finem  
 Exuperant, superant thura, precesq; DEOS.  
 Audit, obstupuitq; hospes: factusq; viator  
 Vidit: & haud oculis credidit ipse suis.

## AD CARTHUSIANOS.

Primus in hac Christi director oëilis eremo  
 Fundatorq; fui, qui tegor hoc lapide.  
 BRVNO mihi nomen, genitrix Germania, meq;  
 Ad Calabros traxit grata quies nemoris:  
 Doctor eram, praco Christi, vir notus in orbe,  
 Insuper illud erat gratia, non meritum.  
 Carnis vincla dies Octobris sexta resolvit,  
 Ossa tegit lapis hic spiritus astra petit.

IN MONASTERIO S. GERMA-  
NI PRATENS.

In cella sedes; sanctam dedit illa quietem,  
 Teq; poli rectum, crede, docebit iter.  
 Nec Benedictina violabis dogmata norma,  
 Si tua te clausum Cellula semper habet.

## IN S. VICTORIS.

Discite mortales sortis memoranda supremæ  
 Fata, quibus mors est indita, vita brevis.  
 Nobile Pontificū decus hac REGINALDVS in vrna  
 Occubat exilij contumulatus humo.  
 Parisia quondam præsul celeberrimus vrbis,  
 Fatali ad superos sorte vocatus obit.

*Quisquis ades, sic te fragilem memorare viator.  
Mors est certa, brevis gloria, vita nihil.  
Obijt anno suprâ M. CC. LVIII.*

---

IBIDEM.

*Seu confecta fuit senio, seu floruit ætas,  
Hunc tenuit quouis tempore cura triplex:  
Reddere vota Deo, scriptura incumbere sacra,  
Imbuere hanc sacra religione domum.*

---

IBIDEM.

MATTHIAE TOZATI.

*Occidua tandem prostratus mole senectæ  
Hic recubans taceo, qui ore trilinguis eram.  
Obijt anno M. D C. I.*

---

IBIDEM.

IN AEDE DE S. VICTORE.

*Hæres peccati, natura filius iræ,  
Exiliq; reus, nascitur omnis homo.  
Vnde superbit homo? cuius conceptio culpa;  
Nasci pœna; labor vitæ; necesse mori est.  
Vana salus hominis, vanus decor, omnia vana,  
Inter vana nihil vanius est homine:  
Dum magis alludit præsentis gloria vitæ;  
Præterit, imò fugit: non fugit; imò perit.  
Post hominẽ vermis, post vermem fit cinis, heu heu:  
Sic redit in cinerem gloria nostra simul.  
Hic ego qui iaceo miser & miserabilis Adam,  
Vnam pro summo munere posco precem.  
Peccaui fateor, veniam peto, parce fatenti,  
Parce pater: fratres parcite: parce Deus.*

---

 M. RICHARDI DE S. VICTORE.

Nil tibi Parca ferox nocuit, quæ stamina paruo  
 Tempore tracta graui rupit acerba manu.  
 Plurima namq; tui superant monumenta laboris,  
 Qui tibi perpetuum sint paritura decus:  
 Segniter vt lento sceleratas mors petit ades;  
 Sic propero nimis it sub pia tecta gradu.

---

## PETRI COMESTORIS.

PETRVS eram, quæ petra tegit: dictusq; Comestor.  
 Nunc comedor. viuus docui, nec cesso docere  
 Mortuus, vt dicat, qui me videt incineratum,  
 Quod sumus, iste fuit, erimus quandoq; quod hic est.

---

## IN S. MATVRINI.

 ROBERTI GVAGVINI HISTORICI  
 Belgæ.

Illustris Gallo nituit qui splendor in orbe,  
 Hic sua ROBERTVS mēbra GAGVINVS habet.  
 Si tanto non saua viro Libitina pepercit;  
 Quid speret docti cætera turba chori?

Anno 1501. 22. Maij.

---

## IOAN. DE SACROBOSCO.

De SACROBOSCO qui cōputista IOHANNES  
 Tempora discreuit, iacet hic à tempore raptus.  
 Tempore qui sequeris, memor esto quòd morieris.  
 Si miser es, plora: miserans pro me precor ora.

---

## C. VI. A. C. I.

BALDVINVS hic iacet: hoc tecum reputa, &  
 vale.



vale. Mortuis vobis, Iurisprudentiam grauis corripit sopor.

FRANC. Bald. Iurisc. Ob. anno ætat. LIII. XI.

Novemb. à partu virginis 1573. Papius Masfonus Balduini auditor P.

IN S. MARCELLI.

Hic iacet Magister PETRVS LOMBARDVS, Parisiensis Episcopus, qui composuit librum sententiarum, glossas Psalmorum & Epistolarum, cuius obitus dies est XIII. Kal. Augusti, mortuus est anno 1164.

IN TEMPLO AVE MARIA.

Hoc angusto loco tegitur augustissimum cor Sereniss. Regis Portugalliæ D. ANTONI, huius nominis I. qui paterno iure ac populi electione regno succedens, ab eo per vim pulsus est, & in sylvis aliquandiu latuit: Tandem, omnibus spretis, libertatem regni sui, & suorum, cunctis & bonis fruendis, & malis perferendis validissimè anteposuit. Sæcò post mortem corpore, omnia eius viscera tabida & infecta inuenta sunt, præter cor, quod, quia in manu Dei erat, ab eo incorruptum & illæsum seruatum fuit. Obijt plenus pietate, & in summa paupertate anno ætatis LXIV. Domini M. D. XCV. XXVI. Augusti.

IN FRANCISCANORVM.

*Præses eram: præses morior: post funera præses*

*Permaneo, recti fama perire nequit.*

*Antè loco pelli, vitæq; pericla subire,*

*Quàm sacra mutari patria sustinui.*

*Nil regem offendi, nil legem, nil quoque mentem,  
 Utque prius constans, integer emorior.  
 Viue meo exemplo quisquis succedis honori,  
 Mortuus & viuus tum bene & clarus eris.*

NICOLAI DE LYRA THEOL. D.  
 DEFUNCTVS. LOQVITVR.

*Ne me ignores properans dum plurima lustras,  
 Qui sum, ex his nosces quæ pede busta teris.  
 Lyra breuis vicus Normanna in gente celebris,  
 Prima mihi vita ianua forsquæ fuit.  
 Nulla diu mundi tenuit vesania natum,  
 Protinus euasi religione minor.  
 Vernolium admisit currentem ad sacra tyrõnem,  
 Et Christi docuit me domitare iugo.  
 Ut tamen ad mores legis documenta beata  
 Addita planaret simplicitatis iter,  
 Artibus ipse pijs & Christi dogmate fretus  
 Parisi excepi sacra magisterij.  
 Et mox quaque vetus, & quaque recentior afferz  
 Pagina, Christicolis splendidiora dedi.  
 Littera nempe nimis quæ quondam obscura iacebat,  
 Omnis per partes clara labore meo est.  
 Et quos saepe locos occidens littera tradit,  
 Hos typicè humanis actibus exhibui.  
 Extat in Hebræos firmissima condita turris  
 Nostrum opus, haud vllis comminuenda petris.  
 Insuper & nostri releguntur sæpè libelli,  
 Quos in sensa Petri quatuor arte tuli.  
 Est quoque Quodlibetis non irrita gloria nostris,  
 In qua tu iustus arbiter esse potes.*

*Non tulit hæc vltra vitam proferre merendo*

*Omnipotens dominus, quo sumus & morimur.*

*A cruce tu cuius numeres si mille trecentos,*

*Adiungens vnà quatuor & decadas,*

*Illo me rapuit mors omnibus æmula saclo,*

*Cùm micat Octobris terna vigena dies.*

*Iam quo tendis Nicholai illectus amore,*

*Quo doctore tibi lex reserata patet.*

IN CHORO INTERIORI.

GVILIELMO FROELICH, nobili ac strenuo equiti: prudenti Soluturenfi ciuitatis Senatori: legionum Hel. trib. ob eximias animi virtutes, resque præclare gestas ciuibus vniuersæque patriæ acceptiss. qui cùm XI. annos stipendijs regijs magnanimi alacritate militasset: ter signis collatis conflixisset: suos veteranos magno discrimine (nationi alioqui fortiss. insuetum) per æquor in Italiam traiecisset: tandem sexagenarius, cui quiescendum erat, vt eadem perpetua animi constantiâ erga Francorum Reges persisteret, præfectus XXI. signis postremò in Gall. redijt, vbi Lutetiæ fati concessit. Eius ciues & cognati, (quorum è numero patruelis ipsius Capitan. Guilielmus Tuggnierus, cogno. Frölich, primus fuit) gratiss. pientiss. animis funus mortemque profecuti: hoc monumentum posteritati, in memoriam heroicæ virtutis, moesti ac moerentes pos. anno M. D. LXII. die IV. mens. Decemb.

IBIDEM.

REGINALDO DANGERNERO equiti fortiss. cùm strenuam operam in omnibus bellis Caro-

rolo VIII. & Ludouico XII. regibus Gallis nauasset: & ad senium vsque sanctè & prudèter, cum summa apud omnes gratia, vixisset: ex labore ad quietem, ex breui æuo ad perpetuum, cum summo tamen omnium, præsertim nobilium, mœrore crepto: Vincentius F. memor patrem æqua cum reliquis mortalibus lege natum, vt omnib. horis mori posset, memoriam, non luctu, aut ægritudine, sed pietate vt coleret, paterni beneficij ergo posuit. Obijt M. D. XXX.

---

## IBIDEM.

M. ANTON. GALLERATO nobili viro, Cremona patria, equitum præfecto, Maurætæ ab incurforibus (dum Lugdunum Christianissimi Caroli noni Francorum regis iussu, belli commodo per expeditos equos peteret) ex insidijs trucidato, M. Ant. Martinégus de Columna, Villæ claræ Comes, sub cuius ductu tunc stipendia fecerat, amico militiq; dilecto mœrens posuit, ne maximæ inter eos benevolentia memoria aboleretur. Vixit annos XXVI. Obijt tertio nonas Aprilis, anno à partu Virginis M. D. LXVIII.

---

## IBIDEM.

ALBERTO PIO de Sabaudia Carpensium Principi, Francisci Regis fortunam secuto, quem prudentia clarissimū reddidit, doctrina fecit imortalem, & vera pietas cælo inseruit, Hæredes mœstiff. PP. Anno M. D. XXXV. Vixit ann. LV.

---

DOCTORIS ALEXANDRI  
ALENSIS.

*Gloria doctorum, decus, & flos Philosophorum,*

*Auctar*



*Auctor scriptorum vir ALEXANDER variorum,  
Norma modernorum, fons veri, lux aliorum,  
Inclytus Anglorum Archileuita; sed horum  
Spretor cunctorum, frater collega Minorum,  
Factus egenorum, fit primus Doctor eorum.*

Obijt anno M. CC. XLV. XII. Kal. Septemb.

---

R. P. GVILIELMI HICETI DOCT.

CELEBERR.

*Hic tegitur Pastor longè vigilantior Argo,  
Quem reuocat plebs heu! & minor ordo gemit.*

*Vox populo dulcis, doctrina, modestia, Iuris  
Diuini interpres, Theologia iacent.*

*Hoc ne terra foret caelesti clarior aula,*

*Est celeri ad superas nube receptus opes.*

Moritur anno M. D. XXII. D. VIII. Augusti.

---

F. SIMONIS FONTANI DOCT.

AC LECT. THEOLOGIAE.

*Fons ego caelesti manans de fonte profudi,*

*Quas potò è sacri gurgite fontis aquas.*

*Has sibi dum sitiens haurit fons, areo sed sic,*

*Vt redeam ad fontis prima alimenta mei.*

*Iam raptus, viuo Christi me proluo fonte,*

*Quo mihi, quæ fuerat, desinit esse sitis.*

Obijt xviii. Septemb. M. D. LVII.

---

APVD TEMPLARIOS.

Habet interior Gallia longè antiquissimam familiam de Villiers Lisleadam, multis magnisque rebus gestis clariss. regum amicitijs celeberr. unde suis totiq; reip. Christianæ prodijt tantis dignus natalib. Philippus, cuius modò viator monumen-

tum cernis, honoris virtutisque ergo positum. hunc eò sua per gradus euexerunt merita, vt concordibus omnium votis in vniuersum suum ordinem obtinens imperium, eius militiæ magister fuerit, quæ Deo Opt. Max. est & Ioanni Zachariæ sacra. cellam hanc viuens, ineffabili tetragrammati **יהוה** nomini, extra quod nulli salus, vir pius ac religiosus dicatam voluit.

PSALM. LX XIX.

SUPERVENIT MANSVETVDO, ET  
RAPIEMVR.

ALIVD.

FRATER PHILIPPVS KERLEAV Trecorensis, ex Saliocanorum promontorijs, in illa spectata Celticæ Galliæ peninsula claris ortus maioribus, ordinum ductore patre, patruo necdum Diablinthrensi episcopo, Britannorum quondam ducum magnis de rebus apud exteros principes oratore, ex primarijs hospitalis Hierosolymitani militibus vnus, nullis non laborum iactatus, quandiu vixit, æstibus, dum molestiarum tandem superatis vndique fluctibus, in portu victor frui quiete cœperat temporaria, vocatus est ad æternam. Sic homines casto labore, fortuna caduca, querula vita, terras incolimus.

PSALM. XVII. HABAC. III.

PONET PEDES MEOS VT  
CERVORVM.

Vixit integer æui annos septuaginta, militauit hospitali duo de quinquaginta octo, præfuit his ædibus vbi obdormiuit in Christo decimoquarto Iulij, anno redemptionis millesimo, quingentesimo, quadragesimo sexto.

ALIVD.

## ALIUD.

FRATER ROBERTVS DAVBE, vulgo Rupe-  
 martia cognominatus, in nobili ad Rhodanum  
 oppido Arelate insigni familia natus, per omnes  
 hospitalis militiæ gradus inter suos multa cum  
 laude euectus, ad magnam tandem sancti AEGIDIJ  
 præfecturam deuenit in prouincia Narbonensi.  
 demum per vniuersam Galliam promagister crea-  
 tus (honus à magno militum magistro secundus)  
 ad regem publico nomine legatus, rem sæpe ten-  
 tatam, peneque desperatam, sua prudentia perfe-  
 cit. ordini suo scilicet à priscis quondam regi-  
 bus irrogatorum priuilegiorum specialem modo  
 confirmationem, nouorumque concessionem ab  
 Henrico nunc rege consecutus. quum verò mul-  
 tis & grauibus exantlatis laboribus ad quietem  
 se temporariam pararet, vocatus est ad æternam.  
 Vixit ann. LXX. militauit ann. XL. præfuit ann.  
 IV. Obijt in legatione Lutetiæ in ædibus templi,  
 die sabbati v. Octobris, anno Christi M. D. XLIX.  
 Commilitones & amici fratres defuncto posue-  
 runt.

IN TEMPLO S. AVGVSTINI AD  
 SEQVANAM.

Sacellum ædificauit PHILIPPVS COMI-  
 NEVS Historicus, Belga, vbi ipsius & vxoris  
 imago expressa; item, Epitaphium D. IOANNAE  
 DE COMINIS F.

*Quingentis annis, bis septem & mille per actis  
 In lucem quartam post idus Martius ibat,  
 Octauamque parens Phœbus properabat ad horam,  
 Communia occubuit generosa à stirpe IOHANNA,*

*Penthebræ Comitis Britannii sponsa Renati,  
Atq; Argentoniæ Domino prognata Philippo,  
Chambeaę, Helena, mens hic in pace quiescat.*

*Moritur Comineus in arce sua quam Argentomum vocant, an-  
no 1509. XVI. Kal. Sept. Inde Lutetiam delatus apud Au-  
gustinianos. Consule Encomia Belgarum Auberti Miræi.*

DEO OPTIMO MAXIMO, & diuturnæ me-  
moræ IANI IACOBI MEMNII, multis præcla-  
ris muneribus honoribusque perfuncti, Iuriskon-  
sulti antecessoris Tolozæ, proprætoris Urbani Lu-  
tetix Parisiorum, libellorum supplicum in regia  
magistri, & regij in consilio sanctiore Consiliarij,  
liberi mœstissimi posuerunt. Natus est Rupeforti  
in Aquitania. Obijt Lutetix Parisiorum, anno à  
virginis partu CIO. IO. LXIX. VIII. Kal. Nouéb.  
Vixit annos LXXIX. mens. v. dies XIII.

*Æternum placida compostus pace quiescat.*

PETRI QUIQVERANI EPISCOPI  
SECENENSIS.

*Dum iuuenilis honos, prima lanugine malas  
Vestit, & in calido pectore feruet amor,  
Me rapuit, que cuncta rapit, mors inuida doctis:  
Hei mihi, cur vita tam brevis hora fuit?  
Cur brevis hora fuit? rerum sic voluitur ordo,  
Alternatq; suas tempus & hora vices.  
Si fera longeva tribuissent fata senecta  
Tempora, venturis poma dedisset ager.  
Flos perijt, periere simul cum cortice fructus,  
Aridaę, ante suos poma fuere dies.  
Nemo tamen lacrumis, nec tristia funera fletu*



*Fædet : cur? voluto docta perora virum.*

Obijt anno Domini M. D. L. xv. Kalend. Sept.  
annos natus XXIV.

---

## IBIDEM.

Ne taillez mains industrieuses  
Des pierres pour couvrir BELLEAV,  
Luy mesme at basty son tombeau,  
Dedans ses pierres pretieuses.

---

## REMIGII BELLAQVEI.

Poetæ Laureati, qui cum pietate & cum fide, unde quinquagenariam pulcherrimè omnibusq; gratissimis vixit ætatem, extinctos cineres, Diuæ Cæcilie pijs sodalibus sollicitandos, supremi voti obseruantissimi curatoris, pridie Non. Mart, CIO. IO. LXXVII. moestissimo funere hoc in tumulo deposuerunt.

---

## IN COLLEGIO SOCIET.

## IESV.

Religionis amplificandæ studio HENRICVS III. Christianiss. Rex Franciæ atque Poloniæ, in Augustiss. IESV nomen pietatis suæ monumentum hunc primum lapidem in eius templi fundamenta coniecit, Anno Domini CIO. IO. LXXXII. D. xx. April.

---

## IN D. MARIÆ.

Paulus AEmilius Veronensis, huius Ecclesiæ Canonicus, qui præter eximiam vitæ sanctitatē quanta quoque doctrina præstiterit, index atque testis est historia de rebus gestis Francorum, posteris ab eodem prodita. Obijt anno Domini millesimo

quingentesimo vigesimo nono, die quinta mensis Iulij.

---

Τῷ Χριστῷ ἀπαντων πατρὶ.

dicatum

Pijs dormientium animis.

Nobili viro IOANNI VOLANTIO, quondam Neustriæ quæstori diligentissimo, regiæque aulæ à secretis fidelissimo, coniugi suo charissimo, Izabella Bruna, in certam resurrectionis spem fieri curauit 1556.

QVI LOQVITVR DORMIT.

*Vitam transegi perfunctus honoribus amplis,*

*Displicui nulli, iam tibi munde vale,*

*Nunc cinis, at viuam, iudex cùm venerit æque*

*Omneis ante suum sistere iudicium.*

IOANNI VOLANTIO patri chariss. mœrens filius fecit.

Obijt 1550. 13. Calend. Septembr.

---

LVDOVICVS GAYANT, probus senator,  
*Quem nulla flexit vnquam cupiditas,*  
*Ditrum laborem qui respuit nunquam,*  
*Qui populo vixit magis quàm sibi,*  
*Sepultus isto iacet in sepulchro.*  
*Idem impiger lustra nouem vixit,*  
*Sed ter quinq; lustra natus decessit.*

Perpetuæ memoriæ Bernardus Fortia Senator defuncti gener posuit. Interijt die prima Octob. 1565.

## IN COEMETERIO.

## ΘΕΟΣ ΕΝ ΕΛΠΙΔΙ.

IO. COGNETH V. impr. summæ piet. ac relig. agendis in cur. pupill. vid. & paup. causis patroni clariss. & frequentiss. Radeg. item Ferrutiæ integerr. matris f. ac omnibus mulieris fortis dot. insignitæ ciner. Angel. & Guill. fratres, tam sanctis parentibus Deo grati & glorij, non admodum exquisito opere hunc tum. pos. Virum vxor obiens anteuertit XVI. Cal. Febr. anno à restit. sal. M. D. XLII. cuius obitu sol. matr. totus ille Christum spirans, Christo inspirante & vltro vocante, in sacerdotum ordinem cooptatus est, non vt sacerdotiorum reditu aueretur, quæ sæpius oblata recusauit; sed vt sacræ illius victimæ iugi & perpetua oblat. Dei spiritu & gratia auctior fieret. Is quoq; vt in otio nec otiosus, nec sibi vixit, excerpta multa ex vtr. Testam. Patrumq; comment. in vnũ vol. digessit: cogitans, vt dicere solebat, sacerdotum, qui instructam biblioth. non haberent, tantillo diuinarum sentent. fasce leuare inopiam. Quæ omnia ne gratiæ potius & assentat. quã veritati tributa, viator, putes, testem omn. illius temp. ordinum memoriam appellamus. Obijt Io. Cog. an. à partu Virg. M. D. XLVIII. ætat. LXXXII.

## CRAINTE EN ESPOIR.

IACOBI CAGELLI REGIS ADVOCATI dignissimi.

*Quid tam frequentes huc amici curritis?*

*A me quid expectatis hiantes amplius?*

*Non sat loquuntur, clamitantq; marmora?*

*Nam quātus erat CAGELLVS hoc tumulo iacens,  
Non possum, Apollo non potest, non deniq;  
CAGELLVS ipse, si resurgat, dicere.*

*Quanto ingenij splendore, quanta argutia,  
Sapientia, scientia, eloquentia.*

*Quàm magno animo, quàm libro, integro, probo:  
Quotquot fuerunt, temporibus omnes suis,  
Si non superauit, continuit certè pares.*

Hæc vix proferebat Antonius Lapiteus amicum illum lugens, qui decesserat ann. à seruatibus hominibus 1541. Aug. Cal. 13. Optate illi quietem perpetuam.

---

#### IN SVMMO TEMPLO.

*Quem cathedræ decorauit honor, quē sanguis auitus,  
Quem morum grauitas, hîc iacet ODO situs.*

*Præsulis huius erat, quod habent hæc tempora raro,  
Mens sincera: manus munda: pudica caro.*

*Lenibus hic lenis: toga nudis: victus egenis:  
Vita fuit iuuenis clara, probata senis.*

*Bis sexcenteno Christi quartoq; bis anno  
Tredecimo Iulij transijt ODO die.*

---

#### IBIDEM.

HVGONI MYETAEQ, natalium splendore, & Iurisprudencia clariss. viro suo, Radegundis Molinia, vxor pietiss. nouissimum hoc fidei pietatisq; monumentū posuit, vt is ob oculos positus, liberis suis primū memoriam sui refricet, deinde cōsanguineis, affinibus & amicis animam commendet: cæteros verò officij admoneat, quādo eos fors eadem manet, tales in se, vbi decesserint, viuos; quales, dum viuerent, in mortuos fuerint, expertu-



POS. Obijt v. Idus Decemb. M. D. XXXIV. hîc in  
familiari Myetææ gentis sepulchro conditus.

---

IN SS. COSMI ET DAMIANI.

Nobilissimo, pijsissimo, omniq̃ue disciplinarum  
genere cumulatifimo, D. CLAVDIO ESPEN-  
CAEO, Theologorum huius seculi facilè princi-  
pi, paterno quidem genere ex clarissima Espencço-  
rum, materno illustri Vrsinorum familia orto, di-  
uini verbi præconi celeberrimo, pauperum patri  
benignissimo. qui cùm per XLVI. annos conti-  
nuos in hac prima omnium Academia literis hu-  
manioribus, Philosophicis & diuinis operam cum  
omnium incredibili admiratione nauasset; à Rege  
Christianissimo Francisco I. Melodunum, ab Hen-  
rico II. Bononiam, à Francisco II. Aureliam, à  
Carolo IX. Possiacum, inter religionis primos  
huius augustissimi regni proceres, partim lega-  
tus, partim orator, de re Christiana sanctissimè do-  
ctissimeq̃ue disceptasset; permultos in sacrosan-  
ctam scripturam commentarios edidisset; tandem  
grauissimo calculi morbo diu multumq̃; vexatus,  
cum omnium principum senatorû, nobilium ple-  
beiorumq̃ue luctu ac desiderio obiit, anno ætatis  
LX. die v. Octob. M. D. LXXI.

Guido Gassarus Flamini<sup>9</sup> Prior sanctæ Fidis apud  
Columerios, eiusdem amanuensis, & per annos  
XVII. negotiorum gestor deuinctissimus, hanc ef-  
figiem cum suo elogio piæ domini charissimi &  
benignissimi memoriæ erigebat, & moerens pone-  
bat, Anno M. D. LXXII. die vltima Ianuar.

---

IN COELESTINORVM.

*Hoc tecum illustris Parisio LVDOICE sepulchro  
Iuncta Valentina coniugis ossa cubant.*

Emerito Insubris tibi iura ducalia sceptri,  
 Tradita legitima præmia dotis erant.  
 Subiacet & Carolo clausus cum fratre Philippus,  
 Inclyta iam vestri pignora bina thori.  
 Magnificus Carolo nascens Ludouicus ab alto  
 Hæc posuit larga busta suprema manu.  
 Sforciadem indigna pepulit de sede tyrannum,  
 Et sua qui Siculas sub iuga misit opes.  
 Ut tantos decorata duces Aurelia iactat:  
 Gallicæ sic illo sceptræ tenente tument.

---

Quis tumulum posuit? regum Rex maximus ille  
 Filius; & regum rex LVDOVICVS honor.  
 Quando? post Ligurem, Insubrem, Siculumq; trium-  
 Post captos reges, Sforciadasq; duces. (phum,  
 Quis iacet hic? magni heroës LVDOVICVS & vxor  
 Alma Valentina, regia progenies.  
 Aureli proceres, Carolus cum fratre Philippo.  
 Ille auus, illa auia est: hic pater, hic patruus.  
 Qui genus? à Francis. studium quod? regna tueri,  
 Bellaq; sanguinea sollicitare manu.  
 Quæ mulier? Ducis Insubris pulcherrima prole  
 Ius Mediolani sceptraq; dote dedit.  
 Vinere debuerant, propter facta inclyta, semper?  
 Debuerant: sed mors impia, cuncta rapit.  
 Hos ergo rapuit proceres? non, corpora tantum.  
 Semper erunt animæ, gloria semper erit..  
 Ludouicus Rex XII. quieti perpetuæ, & memo-  
 riæ perenni, illustrissimorum Principum Ludoui-  
 ci aui, Valentiniæ auia, Caroli patris, piissimorum  
 pientissimorumque parentum, ac Philippi patru.  
 Feliciter M. D. III.

IBIDEM IN SACELLO DVCVM AVRE-  
lianensium.

Adsta viator, non leue est precium mora.  
 Hic grande paruo cor duplex iacet loco,  
 Regis Ducisq<sub>3</sub>, Regis Henrici Ducis  
 Mommorancij Annae, per gradus qui singulos  
 Ad militaris ordinis fastigium  
 Peruenit, & res maximas sub maximis  
 Domi forusq<sub>3</sub>, Regibus gessit tribus,  
 Francisco & Henrico, vltimoq<sub>3</sub>, Carolo.  
 Sed præcipua quo singularis & fides  
 Inter Ducemq<sub>3</sub>, Regem ac Henricum foret  
 Testata; corda iussit amborum simul  
 Rex ipse poni pignus haud dubitabile,  
 Quid iuncta eorum vita perpetuò fuit,  
 Hic iuncta quorum mors habet vitalia.

DE EODEM GALLICE IBIDEM.

Cy dessous gist vn coeur plein de vaillance,  
 Vn coeur d'honneur, vn coeur qui tout scauoit,  
 Coeur de vertu, qui mille coeurs auoit.  
 Coeur de trois Roys, & de toute la France:  
 Cy gist ce coeur, qui fut nostre assurance.  
 Coeur qui le coeur de iustice scauoit,  
 Coeur qui le ciel honnora des' enfance.  
 Coeur non iamais ny trophaut ny remis,  
 Le coeur des siens, l'effroy des ennemis.  
 Coeur qui fut coeur du Roy Henry son maiste.  
 Roy qui vouluit qu'vn sepulcre commun  
 Les enfermast apres leus mort, pour estre,  
 Comme en viuant, deulx mesmes coeur en vn.

## IBIDEM.

Quem tot magnificis celebrem Bellona triumphis  
 Reddidit Heroëm Mauorte & Marte calente m:  
 Quem tot virtutum titulis, senioq<sub>3</sub> verendum,  
 Mente fideq<sub>3</sub> etiam dederat fors prouida seclis:  
 Quem tot bellorum casus, tot signa trophæis  
 Ampla, tot exstructis spolijs hostilibus arcus,  
 Tot currus, aquila, monumentaq<sub>3</sub> maxima rerum  
 Victorem referunt extremos solis ad ortus.  
 Quem ceu Scipiadem Reges timuere Ducesq<sub>3</sub>,  
 Dum patriæ multos peperit cum laude triumphos:  
 Quem ceu Pompeium demissis constat ab armis  
 Ciuilem petÿsse togam, potiora quietis  
 Armis donaratum, portum spirantibus vndis.  
 Non cedens fato appensis ad carbasa remis.  
 Annas magnanimus Dux Momorancius heros  
 Occubuit, dum persequitur Regisq<sub>3</sub> Deumq<sub>3</sub>  
 Hostes, Parisia constructoq<sub>3</sub> agmine tentant  
 Urbis pinnatos furibundi inuadere muros.  
 Sic pro Rege, fide, sic dum pro legibus arma  
 Ferre parat patrijs, libertatemq<sub>3</sub> tueri;  
 Consilio senioq<sub>3</sub> grauis Dux occidit, astris  
 Spiritus infertur, Pario sub marmore corpus  
 Conditur exculto sacratum nobile busto.  
 Pixide sceptrigeros queis deseruiuit in armis  
 Henricum natumq<sub>3</sub> Duces, splendentia regna,  
 Lilia Francorum generoso corde secutus,  
 Quorum corda sacris bustis auroq<sub>3</sub> sepulta  
 Exsuperans, tumulata suis amplectitur vlnis  
 Cælestina domus, turritam pignore Memphim.



*Ergo sit inuictus Gallus, sic transeat hospes,  
 Regibus aeterno cor iunctum fœdere Franci,  
 Longauiq; Ducis resoluta corpore mentem  
 Aethereos adijisse lares, nomenq; perenne  
 Oceanum Boreamq; suis mandasse triumphis.*

IN PACE REQVIES.

IN PEDE COLUMNAE.

*Cor iunctum amborum longum testantur amorem  
 Ante homines, iunctus spiritus ante Deum.*

HENRICI II. CORDI S.

*Pyramidos huius si quis mysteria gliscit  
 Nosse, sub ista suo cor pede Regis habet.  
 Virgineos habet triplici sub imagine vultus,  
 Ac Charites trinas signat imago triplex.  
 Prima fidem proprie signat, spem ritè secunda,  
 Tertia dilectam denotat esse Charin.  
 Quas rex Henricus miro possedit amore,  
 Has veluti sponsas notus habebat amans;  
 Firma Fides Regis, Spes certa, Charisq; perennis,  
 Nullis temporibus deseruisse virum.  
 Hinc fit vt admixtas cernamus iungere dextras,  
 Quod nusquam fuerit Rex pius absq; tribus.  
 Iure manus igitur coniunctas semper habentes  
 Absq; tribus scandit nullus ad astra, docens.  
 Carminis istius lectorem quemq; monebo,  
 Hoc Regina suum cor cupit esse loco,  
 Dum vita Lachesis praesentes finiet annos,  
 Et fuerit propria morte secuta virum;  
 Vt quorum fuerit cor vnum, atq; vna voluntas,*

*Dum simul amborum mutua vita foret,  
 Corporibusq<sup>3</sup> suis vnum viuendo cubile  
 Vt fuit, vt viuis spiritus vnus erat:  
 Sic quoq<sup>3</sup> mors properans minimè diuisit vtrumq<sup>3</sup>  
 Vt fuit, illorum sic erit vnus amor.  
 Istius ergò rei sit Pyramis optima testis,  
 Quæ simul amborum corda ligata tenet.*

## DISTICHON.

*Hic sua rex, regina simul statuere reponit  
 Corda, locus veri pignus amoris erit.*

## IN S. IACOBI.

D. IMMORT. OPT. MAX. ET CHRISTO  
 Iesu hominum saluatori  
 sacrum.

IOANNI FERNELIO Ambiauensi Henrici II. Galliarum Regis Consiliario, & primo medico nobilissimo atque optimo, reconditarum & penitus abditarum rerum scrutatori & explicatori subtilissimo, multorum salutarum medicamentorum inuentori, veræ germanæque medicinæ restitutori: summo ingenio, exquisitaque doctrina mathematico, omni in genere Philosophiæ claro, omnibusque ingenuis artibus instructo, temperatissimis sanctissimisque moribus prædito, socio suo pientissimo, Philibertus Bercotius supplicum libellorum in regia magister, magnique regis CONSILII præses, affinitate gener, pietate filius, merens posuit, anno à salute mortalibus restituta M. D. LVIII. Obijt XXVI. April. an. M. D. LVIII. Vixit an. LII.

STEPHANVS GOVARDI AB AMERON-  
GEN VLTRAIECTENSI, IOAN. F.  
mœstus posuit.

*Quisquis ad hoc venies nō grandi ætate sepulchrum,  
Disce; malo poteris doctior esse meo.*

*Formæ nemo suæ confidat, nemo iuuentæ.*

*Lanificas nequeunt ista mouere DEAS.*

*Nec iuuat immensis dedicisse laboribus artes;*

*Mors etiam doctis inicit atra manus.*

*Mî nihil illorum facilis natura negarat;*

*Et tamen obscuras cogor inire vias.*

*Securus miser exitij, ignarusq; futuri,*

*Viue memor leti: mors inopina venit.*

Obijt Lutetiæ, ann. ætatis XXIV. XIX.

Nouemb. ann. M. D. LX.

IN S. OPPORTVNI.

FRANCISCI CONNANI.

*Vxor mœsta sui dum cernit busta mariti,*

*Tunc ternos amplexa, gemens, in funere, natos,*

*Quid me linqvis, ait, miseroq; dolore sepult. in:*

*Deseris ô coniunx? Ab si nunc cara iugalis*

*Te tenet vlla thori; lacrymis gemituq; tuorum*

*Flecteris, hanc animã, quæso, rape, namq; perempto*

*Te superesse piget, nulla fruar antè quiete,*

*Quàm mihi fatales dissoluant stamina Parca.*

*Iamq; dolore amens tabesco, & tempora vite*

*Longa meæ nec erunt: primisq; extinguar in annis:*

*Mors mihi grata foret, positura morte labores.*

*Et nos vna duos tandem teget vrna: meusq;*

*Spiritus aeterno tecum potietur amore.*

## AD DOMINICANOS.

*Hic situs in parua IANVS PASSERTIVS vrna  
Ausonij Doctor Regius eloquij.*

*Discipuli memores, tumulo date ferta magistri,  
Ut vario florum munere vernet humus.*

*Hoc culta officio mea molliter ossa quiescent,  
Sint modo carminibus non onerata malis.*

VENI, ABII; SIC VOS VENISTIS,  
ABIBITIS OMNES.

## ALIUD.

*Miseri beatus portus hic est corporis,  
Commune tectum, turbida vite quies,  
Nemo vnde aberrat, cæca sit licet via,  
Egreditur vnde nullus, ingressus semel  
Necessitatis lege: sed potentior  
Hinc Christus inuictum viuus extulit pedem,  
Ad astra functis liberum pandens iter;  
Hac habito tandem clausus aterna domo,  
Vbi opes auari condita Ditis iacent.  
Qui sim viator, quaris? ipse nescio:  
Qui sis futurus, tu tamen per me scies:  
Ego, tuq; puluis, vmbra, & vmbra somnium.*

IOAN. IAC. MEMMIUS, FRR. F. IOAN.  
IAC. N. SVPL. LIBELL. IN REG. MAG.  
DISCIPVLVS PRAECEPTORI CHARIS.  
HOC MON. DE SVO FACIEND. CVRAVIT.  
OBIIT XVIII. Kal. Octob.  
DIE S. CRYCIS, GIS. 13. 611.



## IN S. SEVERINI.

REVERTATUR PVLVIS IN TERRAM  
SVAM, & SPIRITVS AD DEVM,  
QVI FECIT ILLVM.

Expecto donec veniat immutatio mea.

Dulciff. coniugi, matriq̄ue pientiff. MARIAE  
CVRTINAE POMPONIAE, in medio ætatis flo-  
re à mustopartu ad mœstum suis portum ereptæ.  
cuius cineres sex filijs sub hoc famil. tumulto, ma-  
ribus 4. feminis 2. obuoluuntur, chariff. marit. Pet.  
Crassinus Ablonius Sena. Paris. ac curta supellex  
tenelli duo liberi, maternæ relliquiæ mas & fœ-  
mina superstites tâtisper, dum hic in spe fata sum-  
missi opperiuntur. piet. & hon. ergo posuere. O-  
bijt 4. Cal. Septemb. anno 1550. ætatis 20.

Tu precare viator his quietem.

Bonum est in silentio præstolari salutare Dei.

## IBIDEM.

Nobilitate generis Comitum Orientalis Phri-  
siæ & animi corporisq̄; dotibus præclaro Dn. EN-  
NONI de EMBDA, ciuitatis Embdensis Præposi-  
sito ac electo Satrapæ, propter certam huius cor-  
poris resurrecturi spem, ac in amoris sinceri testi-  
monium, auia materq̄; pia vnico suo filio, qui hic  
ex studiorum cursu, patriæ ac amicis omnib. ma-  
gno cum luctu, anno ætatis suæ XXI I. morte præ-  
reptus est, hoc monumentum statuerunt. Anno  
Domini 1545. 18. Iulij.

IOAN. RAYSII PATRICII FRAN-  
COVRTENSIS AD MOENVM.

*Neu nimiū prope a præreptus morte IOANNES*

*RAYSIVS hoc tumulo conditur exanimis,  
 Germanus patriâ, Rheni prognatus ab oris,  
 Francforti patrio stemmate clarus erat.  
 Non laus ingenij, non virtus defuit illi,  
 Non constans vera religionis amor.  
 Et iam spes patriæ non parua, sed vltima stirpis,  
 Nî cita venisset mors, erat ille sua.  
 Ergo bonos tu quisquis amas, hunc plange viator:  
 Et velut ille opta te benè posse mori.*

I. R.

Obijt anno salutis M. D. L. die III. August.  
 ætatis verò suæ 20.

---

IN S. ANDREAE.

*Vxor cara sui condit dum mœsta sêpulcrum  
 Coniugis, & cineri persoluit iussa recenti,  
 Bis senos complexa gemens in funere natos:  
 Nostri, ait, ô coniunx, qui nunc dulcissima amoris  
 Pignora discessu linquis, si cura iugalis  
 Te tenet vlla tori, lacrymis luctuq, tuorum  
 Flecteris; hanc tecum, ô tecû rape. namq, perempto,  
 Te vitam moror inuisam, & nunc ipsa perenni  
 Exsternata malo placida iam mortè quiescam.*

---

D. O. M.

CHRISTOPHORO THVANO August. F. Iac.  
 N. Equiti, qui omnibus togæ muneribus, summa  
 cum eruditionis, integritatis, prudētix laude per-  
 functus, amplissimosq; honores sub Franc. I. Henr.  
 II. Kar. IX. Henr. III. Christianiss. Regibus con-  
 secutus, Senatus Paris. Præses, dein Princeps, sacri  
 Consistorij Consiliarius, mox Hen. tunc Aurel. ac  
 demum

demum Franc. Andeg. Cancellarius; tandem, cum de iudiciario ordine emendando, quæstura, regno fraudibus ac rapinis vindicâdo, & scholarum disciplina restituenda cogitaret, nulla inclinatæ ætatis incommoda antea expertus, ex improuisa febrî decessit, vxor liberique mœr. P P.

Vixit ann. LXXIV. D. v. Obijt anno salut.

CIO. IO. XXCII. Kal. Nouemb.

POSTERITATI.

ANNAE THVANAÆ feminæ clariss. atque lectiss. cor & viscera heïc iuxta tumulum CHRISTOPHORI THVANI patris, cuius illa viri viua cor fuit, PHIL. HV RALTVS Franciæ Cancellarius, hoc, quod postremo officio pijs opt. Soceri manibus parentans, condidit, reliquum corporis B. M. coniugis in monumentum maiorum suorum in arce Ceuernia nuper abs se instauratum, inferri cur. vt qua cum ann. P. M. XVIII. coniunctissimè vixit, ab ea nec morte diuellatur. Obijt XVI. Kal. August. an. sal. CIO. IO. XXCIV.

MENS SANA IN CORPORE SANO.

IBIDEM.

PETRVS SEGVIERIVS AN. DOM. M. D. LXXX. Octob. XXV. Hora secūda, à media nocte mortalitatem expleuit, magno mœrøre assidentis coniugis & circumiacentium liberorum. Longa illi ætas, annum sextum & septuagesimum excessit in altissima tranquillitate, pari veneratione honores multi, ciuis egregius, fortissimus aduocatus, iudex rectissimus; Vidit illū Senatus Præsidem, anti- quis illis (nihil est de modestissimo viro dicendum elatius) parem: fortuitorū magna copia, vxor opt. liberi pientissimi, opes speciosæ, firma valetudo,

secunda fama, & si quæ alia felicibus adstruit casus, non denegavit; Sed hæc circa illum, non in ipso fuere. Non est quod ex his, quibus sine molestia carere potuit, felicem illum iudices; felicem crede, felicem pronuncia, amplectere, admirare, cui magnus, sacer, æqualis animus, hærens origini suæ; qui per humanos casus recta semper incessit via: qui vitam cõsummauit ante mortem, & expectauit securus reliquam tēporis sui partem; qui vidit, credidit, sperauit satietatem lætitiarū, delectationes in dextera; qui videt nunc, qui fruitur, qui amplectitur totus in illis. vos ò propinquus sanguis, vxor, liberi, & si quos fidelis iunxit amicitia, parcite muliebrib. lamentis, vobiscū est, quicquid ex illo amastis, quicquid mirati estis, manet, mansurumq; est in animis hominū, in æternitate temporum, fama rerū: dolor ille vester, vestra illæ lacrumæ, inuidentiū sunt magis, quā amantiū, num quæ ad coronā magno cum anhelitu currentem vidistis, coronatum ingemiscitis? parcite, cessate, & animos vestros doloris opinione magis, quā dolore vlllo consternatos, spe eius gloriæ, ad quam feliciter raptus est, erigite: nec longa mora, nulla dilatio est. ecce dum colligitis vos, æuum componitis, aderit immortalitas.

SACR. DEF. MEMOR. VXOR ET LIBERI  
MOERENT. POSS.

Anima eius in bonis demoretur; caro eius requiescat in spe A.S.P.P.P. vnus ex liber. exarauit. Vixit ann. LXXVI. M. II. in matrimonio 48. ann.

M. III. Obijt VIII. Kalen. Nouembr.

Anno Domini M. D.

LXXX.



## IN S. CATHARINAE.

*Quid tibi opus statuâ? satis est, statuisse BIRAGE,  
Virtutis passim tot monumenta tuae.*

RENATO BIRAGO Patricio Mediolan. multis & summis dignitt. functo, tum Franciæ Cancellario, ac demum S. R. E. Card. FRANCISCAE F. vnica & CAES. BIRAG. Agnat. mœstiss. non memorix, sed desiderij perp. monum.

H. P. C.

Vixit an. LXXVII. M. IX. D. XXVI. Obijt  
VIII. Kalend. Decemb. M. D. LXXXIII.

## IBIDEM.

*Verus amor, qualis castos est inter amantes,  
Qui subiere duo connubiale iugum,  
Non vnquam moritur, prius hoc moriente, vel illa,  
Simplice sed tumulo cor stat vtrumque duplex.  
Namque ego quæ duxi FRANCISCA BIRAGA  
maritum*

VALLAEM IOANNEM fida, superstes, amâsse  
Eius in hoc loculo posui cor, donec eodem

*Cor quoque ponatur post mea fata meum.*

*Filia & amborum iacet hic sita MARGARIS, vt sit  
Amborum fidi fœderis ipsa fides.*

Obijt XII. Kalend. Octob. M. D. LXXVIII.

## IN D. PAVLI.

FRANCISCI MAVGERONI CL. ET  
*generosiss. adol.*

Ante tempus decidit flos: & præmatura mors  
spem patriæ, principis, & parentum fefellit.  
in expugnatione Iforiæ,

pro religione & patria dimicans:  
annos natus XVI. oculum perdidit.

Amico vitam dedit.

Monumentum hoc corpus, coelum animam,  
Posteritas facti memoriam seruat.

Obijt anno M. D. LXXVIIII. v. Kalend. Maij,  
ætät. XVIII.

*MAUGERONIS in hoc sūt ossa reposita sepulcro,  
Cui virtus annos contigit ante suos.*

*Octo namq; decem natus non pluribus, annos,  
Alter erat cocles, Hannibal alter erat.*

*Testis erit tanta iuuenili lssoria capta  
Virtuti, testis perditus hic oculus.*

PAULI DE CAVSSA COM.  
SAMBGRINI.

Nil virtus, nil genus, nil opes, nil vires profunt.  
His omnib. & fauore pollens, iacet, victus fraude,  
& multorum viribus incautum vis obruit,  
quem nec publicus inimicus domuit,  
nec priuatus terruit.

Abi viator, tace, & pro mortuo ora.

Obijt II. Kal. August. anno M. D. LXXVIII.  
Ætät. XXIV.

*Tu quoq; SAMEGRINE iaces hoc marmore te-  
Vni cui non vis vnica par fuerat? (Aus)*

*Obrueris numero victus, non viribus aquis,  
Cui totas acies ducere ludus erat.*

*Cum tua non posset virtus virtute domari,  
Virtutis subijt fraus inimica locum.*

IACOBI DE LEVI CL. FAMILIAE  
& summæ virtutis Adol.

Quid

Quid marmor, aras, & artes suspiciſſe  
dignus fuit hoc honore

QVAESLEVS, ingenio præſtans, moribus  
facilis, adſpectu

Gratus: cui artes erant, virtutē colere, Deo, Patriæ,  
& Principi ſeruire: non iniuriã, ſed mortē patien-  
ter Tulit. grati animi eſt hoc monumentum.

Obijt IV. Kal. Iunij an. M. D. LXXVIII.

AËtat. XXIV.

QVAESLEVS iacet hîc, Martiſ certiffima proles  
Martia, ſi Parca tempus ad arma darent.

Quantum vi inuictus, tam mente & moribus æquus.  
Felix, ſi felix non nimis ille foret.

Inuidiam peperit virtus maturior annis,

Cæſus at inuidiæ viuít in inuidiam.

### IN S. GERMANI.

ANNAE THVANAE, quæ ſanctitate morum,  
matronali decore, præclara pudicitia & felici foe-  
cunditate viro probata, in ipſo ætatis flore, quod  
mortale fuit, reliquit; vt quod immortale eſt, cõſe-  
queretur. PHILIPPVS HVRALTVS CHEVER-  
NIVS poſt iuſta funebria, & corpus maiorũ ſepul-  
cro ritè inlatum, in ſacro hoc ſeceſſu, quo illa fre-  
quẽs Dei cultrix adire ſolita fuit, hũc quoq; tumu-  
lum poſ. ſuis communibus liberis, maternę pieta-  
tis & religionis documentum ac monumentum.

AËternæ memoriæ vxoris incomparabilis.

Vixit ann. XXXV. M. VI. D. XVII.

Obijt anno M. D. LXXXIV. D. XVII. Iulij.

### IBIDEM.

INCERTAE POSITIONIS

SYLVII MEDICI.

STLVIVS hîc situs est, gratis qui nil dedit vnquam  
Mortuus, &, gratis quod legis ista, dolet.

---

LVCII FRVTERII BRVGENSIS.

Viator adsta, &, si vacat, lege paucula,  
Multa vt resciscas. Tumulus iste Gratijs,  
Nouem & sororibus sacratus, FRVTERIVM  
Tegit, illum amorem Gratiarum amabilem,  
Nouem & sororum. Brugis ipsum nobili  
Beauit ortu: Ganda facilem vim ingeni  
Dedit artibus maderè liberalibus.  
Louanium, & Lutetia vsque in vltima  
Antiquitatis intima penetrata  
Subire, & inde, quæ viri doctissimi  
Quisque adprobarent, arte summa expromere.  
Hus tam auspiciatis initijs fata impia,  
Fata impia, inquam, intulerunt. illa iuueni  
Quintum ante lustrum fila secuere aurea.  
Quid obstupescis? an nouum, aut mirum id tibi?  
Fuit Poeta. Sic suis lumina oculis  
Reliquit olim Valerius; sic memoriâ  
Nostrâ secundus taceo ceteros. abi.

---

M. M. IOANNIS STADII MATHE-  
MATICI EXCELLENTISS.

Dum nameris Calum metitur, & ignea cali  
Sidera, per quæ suas iam docet ire vias:  
Et quid ab antiquo deflexerit ordine, cursam  
Quâ cieat varians quisque Planeta, notat:  
Ecce tibi subito lucis malè cautus oborta  
Pulvere in hoc STADIVS percitus igne iacet.



*Imò animus Calos notâ regione secutus  
Iam sua meretur sidera; Lector, abi.*

PHILIPPVS AVENELLIVS mœrens amico  
suauiff.

Obijt xv. Kalend. Quint. de media nocte, Lutetiæ  
Parisiſorum, anno Domini c 10. 10. LXXIX. In  
ſuburbio Honoratiano, domi Mareschalli Ret-  
zij ſummo omnium bonorum doctorumque  
dolore, natus annos LII. M. II. duobus diebus  
minus.

D. M.

*Aſta Viator, ni piget, & hac pellege,  
Dum pauca legis heic multum odorum colliges:  
RON SARDVS etenim flos Poëtarum heic ſitu eſt.  
Quis ille fuerit, litteratus dat ſilex,  
Suopte ſculpsit ipſe quem calo, indicans  
Sua camœnas morte dare mortalium  
Niſi nominis perennitatem nemini.  
Aſt ille amœno matris in ſinu hospita,  
Nati oſſa propria conlocauerunt manu,  
Laurusque vati vix ſuo ſuperſtites  
Panxere ſimul, has vt tepens foueat cinis.  
Quid ſi ſe humari & iuſſerint, grati vt fiet  
Spes nulla reditus ſeculo ingratiſſimo?*

CL. BINETVS P. RONSARDO  
Poëtæ incomparabili,  
effuſis totius Galliæ lacrumis  
mœrens B. M. Pos.

PETRVS RONSARDVS iacet hic: ſi cætera neſcis,  
Neſcis quid Phœbus, Muſa, Minerua, Charis.

D. IM-

## D. IMMORTALI S.

IOACHIMO BELLAIO Andegauensi, veteri & illustri familia nato, viro singulari, bonitate atque modestia optima & spectatiss. fide prædito, ingenio, literis atque doctrina præstantiss. Poetæ & Latino & Gallico doctiss. omnium laude celebrato : qui cum in incommodam valetudinem nimio litterarum studio iam diu incidisset, ex eaque multos iam annos surdaster, & tandem surdus factus esset, cum omnibus ipse ita se obsurduisse, & sibi omnes ita obmutuisse videret, vt oculis ipsi sibi audiendum, & amicis & familiaribus manu loquendum esset : cumque vel hoc ipsum ob incommodum humana hæc omnia vt fragilia & caduca vehementer despiceret, Kalend. Ianuar. hilarè admodum cœnatus, iocosa quædam scribens carmina, dum amplius cranion cerebrum continere non posset, multa humoris in fauces stillante fluxione, modico temporis interuallo, magno omnium suorum mœrore suffocatur.

PETRVS PASCHALIVS & vetus & verus amicus amico incomparabili dolens POS. Non. Ianu. M. D. LX. à Christo nato. Vixit ann. XXXVII.

## D. O. M.

PETRI PITHOEI P. F. bene de sua, bene de postera ætate meriti, corpus maiorum sepulcro conditum, resurrectionem & immortalitatem hic expectat. R. I. P.

DEFO=

DEPOSITVM EST.

KATHARINA PALLVDELLA coniux aman-  
tiff. coniugi amantiff. & Lodoica ac Maria filix  
Kariff. Patri obseruandiff.

PITHOEVS hic iaceo, mecum & kariffima coniux,  
Sic compar vita, compare morte fruor.

Improbe quid rides? casti sacra nescis amoris:  
Nil non, vel cineres, hac comite esse iuuat.

EX ALTERA PARTE.

Sint inscripta licet titulo duo nomina, duplex  
Vtque oculis teneat corpora Sarcophagus:

Vnū est idem, ac totum tamen est. nam mutua præ-  
I:midiumq<sub>3</sub> alij, dimidiumq<sub>3</sub> sibi. (stant,

INSCRIPTIO FONTIS IN VICO

S. ANTONII, ANNO 1577.

Hanc deduxit aquā duplicem BIRAGVS in vsum,  
Seruiat vt domino, seruiat vt populo.

Publica sed quanto priuatis commoda, tanto  
Præstat amore domus publicus vrbis amor.

RENATVS BIRAGVS Franc. Cancell.  
publicæ commoditati.

AD GVILIELMITAS.

Hic iacet inuiti præreptus morte PAPINVS,  
Quem primo genitum luget vterq<sub>3</sub> parens.

Pictō fuit, magram sed dūm venisset in vrbem,  
Cuius vbi ductā coniuge factus erat:

Protinus exarsit ciuili Gallia bello,  
Atq<sub>3</sub> ipsa in Regis plebs furiosa caput.

Hic dum Burbonide sequitur pia principis arma,  
Ante vrbis muros & patris ora cadis.


Nato,

Nate, tibi inuideo, quod abis: ego duro superstes,  
 Debueram infelix qui tamen ire prior.  
 Tu me lugentem belli sub fasce relinquis,  
 Tequæ mihi, atque tuis subtrahis, & patria.  
 Heu! quàm dissimiles verso sumus ordine fati,  
 Vita mea est mihi mors; mors tua vita tibi.

---

IN COEMETERIO VVLGO DES  
 INNOCENS D. RVELLI I. C.

Quattuor hæc lacrymas certant æquare sepulcro,  
 Fama, & opes, virtus inclyta, vita breuis.  
 Sed pereunt gemina, Virtus, & Fama supersunt;  
 Vnde RVELLE tibi fit redituus honos.  
 Sed neutrifacile est lacrymis pensare dolorem,  
 Quo patria, & ciues, cuncta quæ iura dolent.



S. DIONYSIACA.

IMperio CAROLVS CALVVS, regnoq; potitus  
 Gallorum, iacet hac sub breuitate situs.  
 Plurima cum villis, cum clauo, cumquæ corona  
 Ecclesie viuis huic dedit ille bona.  
 Multis ablati nobis fuit hic reparator  
 Sequarij fluuij, Ruolljquæ dator.  
 Fut Roy de France en l'an 841. iusqu' à 849.

---

ALIVD.

Hic OCTAVE iaces Francorum CAROLE Regum,  
 Cui victa est forti Brittonis ora manu.  
 Parthenope illustrem tribuit captiua triumphum,  
 Claraquæ Bortronio pugna peracta solo.

Cepit



Cepit & Henricus, regno depulsus auito,  
 Bellata auspicijs sceptrum Britanna tuis.  
 O plures longinqua dies si fata dedissent,  
 Te nullus toto maior in orbe foret!

Vixit an. 28. Obijt an. 1498. mens. April. d. 7.  
 Opus Laganini Mutinensis.

IN DIVAM LODOICAM RE-  
 GIS MATREM.

Altera progenie felix Berecynthia mater  
 Hoc Mausoleo Diva LOYSSA iacet.  
 Franciscum Regem peperit, sceptroque, dicit,  
 Fortuna semper celsior ipsa sua.  
 Fortiter ille acie pugnans cum sorte maligna,  
 Seu fati invidia captus ab hoste foret:  
 Regnum hac tantisper sine turba & murmure rexit,  
 Armis, consilio. iustitia atque fide.  
 Dum postliminio regem, natosque, recepit,  
 Et patrio plaudens restituit solio.  
 Tandem inter Reges, sedando bella per orbem,  
 Percussit pacis foedera perpetua.  
 Ferrea mox domito cesserunt secula Marte,  
 Atque, etas Francis aurea sic redijt.  
 Cedite quondam Asia Regina heroides: vna haec  
 Terrarum imperio digna LOYSSA fuit.  
 At Francisce doles, quasi nil de matre supersit?  
 Desine. nam extingui gloria tanta nequit.  
 Officio in matrem si quis praeceit olim,  
 Primas (vel Momo iudice) solus habes.  
 Iamque pia umbra vale; inferias & iusta sepulcro  
 Soluimus: at mente vota precesque, damus.

*Mens quippe aetherea Christo conregnat in arce  
Felix, & superum vescitur ambrosia. 1531.*

---

CARLOTAE VALESIAE, FRANCISCI Francorum Regis natæ maximæ sepulchrum.

CARLOTA octavi metas properabat ad anni,  
Cum pro se lacrymas, liquit & hunc tumultum.  
Qua nihil hac ætas præstantius indole vidit,  
Aut quopenderet certius auxilio.  
Tantum quippe inerat specimen virtutis amorq;  
Ut fessa ingenti secula leuasset ope.  
Ecce Deo visum secus est: qui limine in ipso  
Irrita, cum libuit, vota q; spemq; facit.

---

IBIDEM.

Hoc oriens, illo virtus prouecta sepulchro  
Clauditur: hoc natæ, matris at illud habet  
Ossa. breui tantam iacturam fecimus. eheu  
Condidimus natam matris in exequijs!  
Illa decus, spes hæc orbis, duo sidera quæ nunc  
Ante Dei meritis sedibus ora micant.  
Nos nostro interea premimur, Francisce, dolore  
Atq; tuo, heu nullis rebus habenda fides!

---

MEMORIAE AETERNAE

Optimi & mitissimi Principis CAROLI NONI,  
Regis Christianissimi: bonarum artium ingeniorumque fautoris liberalissimi, &  
fidei ac Religionis Catholicæ propugnatoris acerrimi.

CARO-

CAROLVS expectat loculo Rex nouus in isto  
Supremi clangat dum tuba iudicij.

Quem quicumq; bonus nouit, benè luxit acerbè  
Extinctum, viuum deperijt tenerè.

Leni adeò fuit ingenio, leni bonitate,  
Aspectui leni, lenior alloquio.

Aspera enim cùm scirent circum omnia in illum,  
Confluxit lenis quidquid vbique fuit.

Nam puer ad sceptrum venit regale decennis,  
Annos quod tredecim dimidiumq; tulit:

Continuis in proditionibus atq; periclis  
Belli intestini, & iugibus insidijs,

Maiorum dum sacra pius fortisq; tuetur,  
Nec pessum cultus ire pius patitur.

Hereticos reprimens caeca ambitione rebelles,  
Numinis oblitos, Principis, & patriæ,

Donec præcipiti fato tum desijt esse,  
Heu quando potius debuit incipere!

At tu pro tanto veræ pietatis amore,  
Quasobone, & tanta pro bonitate, Deus,

Hunc facias numerum in cælis augere bonorum,  
Et sedem manes inter habere pios.

## ALIUD.

Bis septem totos bellum tibi iuge per annos,  
Quos Rex vixisti Carole, penè fuit,

In desertores patriæ, teloq; rebelles,  
Dum pro aris pugnas fortiter, hereticos.

Sacrilegis quorum è manibus regnum asseruisti,  
Ter varia raptum proditione tibi.

Verùm hoc dum retegis scelus radicibus imis,

Supplicijſq; reos afficis emeritos;  
 Ecce nefas, primamoriens in flore iuuenta,  
 Manè velut cum ſol deficit exoriens.  
 Proh dolor, heu ſpes fruſtratas, & vota piorum,  
 Ante diem curſu deficiſ in medio.  
 Iuſtitia & pietate tuam fulcire coronam,  
 Nempe hoc, & duplex illa corona fuit.  
 Quæ pro mortali ſemper durable cingit  
 In cœlis capiti nunc diadema tuo.

Vixit annos XXIII. menſ. XI. & dies III.


Regnavit annos XIII. menſes V. dies

XXIV. Obijt in arce Vicennatum 3.

Cal. Iunij, anno 1570.

IBIDEM SVB EFFIGIE REGIS  
 Dagoberti.

Fingitur hac ſpecie bonitatis odore refertus  
 Iſtius Eccleſie fundator Rex DAGOBERTVS,  
 Iuſtitia cultor, cunctis largus dator eris,  
 Affuit & ſcleris ferus ac promptiſſimus vltor.  
 Armipotens bellator erat, velutiq; procella  
 Hoſtes confregit, populoſq; per arma ſubegit.



A M B I A N I.


I N B. M A R I A E.

**F**Raternam dum mente animam ſequor aſtra  
 petentem,  
 Et cupio hac condi, qua tumulatur, humo:  
 Quod mea, quod noſtra non tantum gloria gentis  
 Occidit, aſt huius lausq; decusq; ſoli:

Audÿt



*Audyt orantem madidum de sede beata,  
 Reddidit ad questus talia verba meos.  
 Desine frater, vt hac capias miracula, vincetus  
 Sum liber, moriens viuo, recedo manens.  
 Ossa tegit lapis hic, liber sed in æthere viuit  
 Spiritus, inter vos per mea scripta moror.*



BELLOVACI.

IN D. PETRI.

D. DE FOSSE CANONICI.

**N**atus humo, defossus humi, caeleste sepulcrum  
*Quæro: requirentis iam miserere Deus.  
 Si leuiter colui te, aut segniter intus amaui,  
 Hoc vetus inflixit reptile vulnus homo.  
 Ante diem rapior, raptum non deseris, imò  
 Eripis, erepto tu mihi vera salus.*

IBIDEM.

*Viue memor lethi, dum res est lata; repente  
 Nam mors nocturni furis ad instar, adest.  
 Cuiq; mori certum, nihil est incertius hora,  
 Viuit eâ sapiens qua cupit arte mori:  
 Nec tibi promittas decus ð iuuenile senectam;  
 Sape suum candens flos cadit ante diem.*



BITVRIGIBVS.


IN D. PETRI.

IACOBO CUIACIO V. C.

**T**OLOZA illius, dum quondam Palladia fuit,  
 S; Alumne

Alumno subcinericio, hæredi que ex asse posthumo. Rom. Iuris à summis conditoribus Interpreti primo & vltimo; cui quicquid puræ natiuæ que lucis & scientiæ vndecun que accessit, ætas sua debet; postera etiam, si quæ legum cura manet, debitura est. P. PITHÆVS P. F. Doctori bene de se, bene de litteris omnibus merito M. P.

Vale CVIACI, nos te ordine, quem Deus & Natura iusserit, cuncti sequemur.



AGINNI NITIO-  
BRIGVM IN AQVI-  
TANIA.

*In Ecclesia fratrum Augustinianorum.*

IVLII CAESARIS SCALIGERI, QVOD  
FVIT.

Obijt anno CIO. IO. LVIII. XII. Kal. Nouemb,  
ætatis suæ LXXV.

**E**Xtulit Italia, eduxit Germania, IVLII  
Vltima SCALIGERI funera Gallus habet,  
Hinc Phœbi dotes, hinc duri robor a Martis  
Reddere non potuit nobiliore loco.

IVLIVS CAESAR ANIMAE SVAE  
PROFECTVRAE.

*Egredere, ô miseris multum defuncta ruinis,  
Egredere, & seruis seruilia regna relinque.  
Aude, hospes, tenebris horrendi imponere finem  
Exiliÿ, & patriæ speratas quarere sedes.  
Tristes exuuiæ, falsæq; incommoda lucis,*


*Isthis*

*Isthic nunc fera turba iace. nos libera cali  
Pignora sperato iam iam potiemur Olympo.  
Tu modò, nate Deo, rerum pia victima, IESV,  
Aspice nos, qui cuncta animas spes vnica: mortem  
Exue morte nouâ, atq; nouâ vita indue vitam.*

M. ANT. MVRETVS IN IVL. CAES.

SCALIGERV.M.

*Eminus aetherij collucens luminis aura,  
Quæ radios toto dissicis orbe tuos,  
Certaq; cognati retinens commercia cali,  
Tunc etiam cùm te deprimis astra vides:  
Hæc tibi pauca tui mirator maximus offert  
Carmina, at indoctâ non bene ducta manu.  
Si liceat, tibi templa simul positurus, & aras:  
Vsque adeo numen suspicit ille tuum.  
At tibi pro templo calum est humus ara: nec ipse  
Iam renuit, quin sit victima sacra tibi.*



## ANDEGAVENSIA.

IN MAVRICII.

IOAN. OLIVARI EPISCOPI ANDEGAVEN.

**I**ANVS Oliuarius iaceo hic sub marmore duro,  
Istius adis eram præsul & immeritus.  
Peccaui fateor (quis enim offendisse negabit?)  
Ast veniæ in Christo spes mihi firma fuit.  
Qui nostrum gratis absterfit morte reatum,  
Et nos non nostris iustificat meritis.  
Hanc spem vos fratres precibus votisq; inuate,  
Manibus vt nostris pax sit & alta quies.

*Ac mortis memores bene viuite, & vsq; valet,  
Sitq; eadem vobis post obitum requies.*

---

## IBIDEM.

*Mortuus ecce licet iaceam, viuo tamen, & te  
Hospes nil super hac morte timere velim.  
Ipse abij, haud obij, nec mors hac vera putanda est;  
Parte ego cum viuam nunc meliore mei.  
Mors oculos tantum premit, & sopor occupat artus,  
Pariùs ac meliùs mens animusq; vigent.  
Membra operit tellus, ea donec Christus ab alto  
Excitet: hac spes est, qua pia corda fouet.  
Hanc precor hospes habe: hac discas contemnere le-  
Et melius vitæ noxia quæq; feres. (thum,*

---

**ALIUD, QUOD IPSE EPISCOPVS**  
: de seipso paulò ante mortem  
scripsit.

*Inquiris hospes qui sim? non sum amplius.  
Quid agam? putresco, & vermium greges alo.  
Qui fuerim? ineptus IANVS OLIVARIVS,  
Peccator vnus omnium præmaximus.  
Vnde? vrbe natus nobili in Lutetia.  
Quo functus olim munere in republica?  
Primum Archiabbas Andium: post Pontifex.  
Quæ otia? sacratas paginas euoluere.  
Quid hac in vrna superat? ossa & cinis.  
At quò animus? hospes contine, scire hoc nefas,  
Arcana Diuùm non decet scrutarier,  
Neu quid negoti sit Ioui cum manibus;  
Satis superq; nosse erit fidelium*



*Post fata mentes non mori : at quiescere,  
 Donec resurgant in priore corpore,  
 Augustiore quàm antea, felicius  
 Victura in ævum cum beatis omnibus.  
 Iam nosti abundè qui fuerim. at altissimis  
 Quando in tenebris nequeo te agnoscere;  
 Saltem hospes vnum hoc tete vt agnoscas, rogo:  
 Optesq; veram mortuis pacem omnibus.*

---

## ALIVD EIVSDEM.

*Pedem viator siste, spectâ paululum.  
 Hæc alta moles, quam vides, non tollitur  
 Surgitve in auras mortui huius gratia.  
 Cuius cadaver iam solutum in pulverem,  
 Penitusq; adsum vermibus, non indiget  
 Tot arte sculptis lapidum acerius obrui,  
 Cui deesse tellus neutiquam poterat levis.  
 Sed nec sopore in tam profundo sensuum  
 Pictis Chimæris aut notis inanibus  
 Afficitur, vt vos vitam adhuc qui viuitis,  
 Et quantum ad umbras luce cassas attinet,  
 Tumuli levis iactura, & vrna qui caret,  
 Cælo Ioueq; melius tegitur, vt dictitant.  
 Hic totus ergo tragicus ornatus tibi,  
 Viator, positus est, & ob causam tuam,  
 Oculos videlicet huc vt obuertas tuos,  
 Et has Sophorum perlegas sententias.  
 Quæ subeat animo, temet esse obnoxium  
 Fato, atq; vitæ tædeat miserrima:  
 Quæ nec horulam quidem obtineat vnquam satis  
 Tutam ac quietam mortis ab insultibus.*

Quacunqꝫ spectas scilicet, eò maximè  
 Spectant, vt hæc memoria mortis te instruat,  
 Omnia caduca & fluxa, quæ ceu maxima  
 Stupidi, leues, & inscÿ tam maximè  
 Mirantur homines; more magnanimi Herculis,  
 Vt monstra torua perdomare, ac fortiter  
 Calcare, flocci, nauci, nihili pendere,  
 Vitamqꝫ puram heroicamqꝫ ducere,  
 Et quæ ad supremam illam & perennem gloriam  
 Iugiter anhelet; quam Deus sperantibus  
 In separauit, vt optimus sic maximus:  
 Collige viator, si hæc sapis, quid didiceris,  
 Oculisqꝫ quantum debeas hodie tuis.  
 I iam, precare manibus pacem, & vale.

HVIC PVLCHERRIMO SEPVLCHRO,

QVAE SEQVUNTVR SENTENTIAE  
 imaginibus heroum illorum subscri-  
 ptæ, adiunctæ leguntur:

MOYSES.

Puluis es, & in puluerem reuerteris.

PRIAMVS.

Fuimus Troës: fuit Ilium.

ARISTOTELES.

Vita malis plena est, post mortem vera vo-  
 luptas.

ORATOR.

Qui mortem metuit, Philosophus non est: qui-  
 pe aliam nescit vitam.

HORATIUS.

Debemur morti nos, nostraque.

OVIDIVS.

Morte carent animæ.

CICERO.

Nemo lugendam censet mortem, quam immortalitas sequitur.

PAVLVS.

Bonam vitam mors bona commer dat.

DIOGENES.

Omnium rerum vicissitudo,

AESCHINES,

Peius est morte, te mori, spe mortis.

CATO.

Spem retine : spes vna hominem nec morte relinquit.

IVDAS MACHAB,

Sancta &amp; salutaris est cogitatio, pro defunctis exorare.

SENECA.

Nemo tam diuos habuit fauentes, crastinum ut posset sibi polliceri.

SOLON,

Ante obitum nemo felix.

PLATO.

Tota vita sapientis, mortis est meditatio.

HIOB.

Homo quasi flos egreditur &amp; conteritur.

PERSIVS.

Viue memor lethi : fugit hora.

IUVENALIS.

Mors sola fatetur, quanta hominum sint corporis puscula.

VIRGILIVS.

Vbique luctus, vbiq; pavor, &amp; plurima mortis imago.

MUSAEVUS.

Mortuus in portu est; at nos iactamur in vndis.

EURIPIDES.

O quàm miserum est nescire mori!

TRISMEGISTVS.

Boni mortem, vt bonorum omnium maximum,  
optant.

DAVID.

Quis est homo &amp; non videbit mortem?

PTOLOMÆVS.

Nemo mortem hilaris excipit, nisi qui se ad eam  
diu composuerit.

ORPHEVS.

Conciliat Diuos Pietas, &amp; tartara vincit.

BOETIVS.

Mors hominum felix.

HOMERVS.

Mors optanda viris: requies ea certa laborum.

PINDARVS.

Quid est vllus? quid nullus? vmbrae somnium  
homo.

HESIODVS.

Corpus humum, coelos mens, spiritus appetit  
auras.

PAVLVS.

Mihi viuere Christus est: &amp; mori lucrum.

IDEM.

Cupio dissolui, &amp; esse cum Christo.

---

 IN OPPIDVLO COLLEVRE APVD  
BITVRIGES.
FRIDERICVS RANZOVIVS Holsatus, patre  
natus



natus nobilissimo & amplissimo viro, HENRICO  
RANZOVIO, serenissimi Daniæ Regis Confilia-  
rio, & in Holsatio Legato, Domino hæreditario in  
Bredenberg & Drakenburg, &c.

Patris nempè fortissimi genuinâ virtute filius,  
Familiæ columnen, patriæ lumen,

Equitum sub Comite Basson pierro Magister,  
Dum secunda Christianissimo Regi Galliarum  
stipendia meret, & fugatis hostibus, rariori  
comitatu, castris longius abscedit,

Naturæ debitum latronum sceleri persolvit,  
Et mortalis corporis mortales exuias cum stola  
cœlesti commutavit;

Eas per magistratum horum locorum honorificè  
collectas,

Et postea à nobilissimo viro Andrea Plessio co-  
gnato cognitatas,

Mœrentes amici huic tumulo mandauère.

*Patriâ procul, patre procul,*

*Procul sepulchris paternis.*

*An hoc ille infelicior?*

*Non est, non est, viator.*


*Cur?*

*Fortibus & pijs omne solum,*

*Vt patria est, ita sepulchrum.*

*Et hoc si didicisti*

*Viator; abi.*



## AVINIONENSIA.

IN PALATIO PAPAE.

CLEMENS V. Pontif. absens electus an-  
no CIO.


no CIO. CCC. v. Romanam Curiam Lugdunum  
transfuit.

---

I N D. FRANCISCI.

D. O. M. & memoriæ æternæ D. LAVRÆ  
cùm pudicitia tum forma fœm. incomparabilis,  
quæ tamdiu vixit, vt eius memoria nunquam ex-  
tingui possit: R. R. veterum monumentorum pe-  
regrini indagatores, D. Christophorus de Alle-  
gre Eques Lusitanus, & D. Antonius di Prat. præ-  
tor Parisiensis, & Gabriel Simonius Florentinus  
ἔυδοξίας χάρειν, 4. Idus April. 1558.

*Sola manet virtus, cetera mortis erunt.*



R H E M I S.

---

I N M O N A S T E R I O

S. REMIGII.

**N**omine non merito præsul HINCMA-  
RVS, ab antro

*Te lector tituli, queso memento mei:*

*Quem grege pastorem proprio Dionysius olim,  
Rhemorum populis, vt petière, dedit.*

*Quique humilis magna Rhemensis tegmina plebis  
Rexi pro modulo: hinc iam modo verme voror.*

*Ergò animæ requiem nunc, & cum carne resumpta  
Gaudia plèna mihi hæc quoq; posce simul.*

*Christe tui clemens famuli miserere fidelis:  
Sis pia cultori sancta Maria tuo.*

*Dulcis Remigi sibimet deuotio proffit,*

*Qua te dilexit pectore & ore, manu.  
Quare hic suppetyt supplex sua membra locari:  
Vt bene complacuit denique sic obijt.*


Moritur anno Christi DCCC. LXXXII.  
Episcopatus XXXVII. & amplius.

---

S. FVLCONIS ARCHIEPISCOPI  
RHEMENSIS.

*Hoc tumulo magni FVLCONIS membra tegun-  
Rhemorum sedis Præfulis egregij; (tur,  
Germinè nobilium quem Francia protulit ortum,  
Aulaq; de scholis sumpsit & excoluit.  
Hunc Deus assumptum statuit virtute probatum,  
Ecclesiæ speculum, Pontificemq; piū.  
Septenos, denosq; simul cui præfuit annos,  
Tres menses, denos insuper atq; dies.  
Auxit Episcopium, superaddens plurima rerum,  
Vrbis & istius mœnia restituit.  
Orbis honor, patriæ tutor, pietatis amator,  
Pro studio pacis confoditur iaculis.  
Septenum denuinq; diem iam mensis agebat  
Iunius, & dirâ morte peremptus obit.  
Cui Matris Domini, pariter quoq; præfulis almî  
Remigij pietas obtineat requiem. AMEN.*

Obijt anno Christianæ salut. DCCCC.



I O V I L L A E.

---


**C**LAUDIO à LOTHARINGIA, Renati re-  
gis Siciliæ filio, Guyfæ & Aumaliæ Duci  
primo, Marchioni Mennæ, Iouillæ Baroni,  
Camp-

Campaniæ Senefcalco: & in eo Comitatu primùm,  
 mox in Burgundiæ etiam Ducatu Proregi: magno  
 Franciæ Chambeliano: Gallor. Heluetior. ac Ger-  
 manor. peditum Duci: turmæ centum cataphra-  
 ctor. equitum præfecto: Optimo Principi, patris  
 patriæ nomen adepto: parta insigni victoria de he-  
 reticis ad Sauernam Alfatia oppidum: & Burgun-  
 dis ac Belgis ciuibus conseruatis: immatura mor-  
 te, magno omnium dolore & luctu, extincto: An-  
 tonia vxor Borbonia, marito incomparabili; & vi.  
 filij pari pietate parenti optimè merito mœstissi-  
 mi P. P. Vixit annos 54. M. 5. D. 26. an. P. Christum  
 natum 1550. prid. Idus April.

---

INSCRIPTIO ARGIS RE-  
 GIAE BLESIS.

*Hic vbi natus erat dextro LVDOVICVS Olympo,  
 Sumpsit honorata regia sceptrum manu.  
 Felix quæ tanti fulsit lux nuncia Regis,  
 Gallia non alio principe digna fuit.*  
 Faustus 1498.



NANCEI IN  
 LOTHARINGIA.

---

IN D. GEORGII.

**C**AROLVS hoc busto Burgunda gloria gentis  
 Conditur, Europæ quæ fuit autè timor.  
**G**ANDA rebellatrix hoc plebs domitore, cremata  
 Post patriæ leges, perpetè pressa iugo est.  
 Non minus hunc sensit tellus LEODINA cruentâ,  
 Cum ferro & flammis vrbs populata fuit.

Monte



Monte sub Heritio Francas cum rege cohortes;  
 In pauidam valido truserat ense fugam:  
 Hostibus expulsis Eduardum in regna locauit  
 Anglica, prima uo restituens solio.  
 Bella ducum, regumq; & Caesaris omnia spernens;  
 Totus in effuso sanguine letus erat.  
 Deniq; dum solitis fidit temerarius armis,  
 Atq; Lotharingo cum Duce bella mouet:  
 Sanguineam vomuit media inter praelia vitam;  
 Aureaq; hostili veller a liquit humo.  
 Ergo triumphator longæua in secula Renuus,  
 Palmam de tanto Principe victor habet.  
 O tibi, qui terras quesisti CAROLE, cælum  
 Det Deus, & spretas ante a pacis opes.  
 Nunc dic Nanceios cernens ex aethere muros,  
 Ac clemente ferox hoste recondor ibi.  
 Discite terrenis quid sit confidere rebus;  
 Hic totiens victor deniq; victus adest.

## ALIUD IBIDEM.

Dux iacet hic CAROLVS, Belgarum illa ig-  
 nea virtus,  
 Cui Mauors dederat bella gerenda pater:  
 Quem timuit subitis animosus Gallus in armis,  
 Cuiq; Alemannorum terga dedere duces.  
 Quiq; animum Hesperias bellis agitabat in vrbes,  
 Sed subito inuertit fors truculenta viam.  
 Nam cum Ranerium bello sibi prouocat hostem,  
 Occubuit fuso milite stratus humi.  
 Quæ ne tanta viri laus intestata iaceret;

*Hoc victor victi condidit ossa loco.*

**ECCE** Leo CeCIDIt, IAm PaX qVasIta V IgeBIt

*Corporis reliquias hinc transferri curavit Maria Caroli V.  
August. soror an. 1550. & Brugis, Flandrorum sumptuo-  
sissimo componi monumento.*



P O L O N I C A.

C R A C O V I A E.

IN CRACOVIAM IVL. CAES.

SCALIGER.

**M**Artia Sarmaticis tētata CROATIA nim-  
Arcigeri pugnax spicula fregit equi. (bis  
*Hinc belli fortunam armis, finemq<sub>3</sub> sequuta  
Germana Hercinijs expulit arma iugis.*

*Quaq<sub>3</sub> patet solis fugiens Lituania campis  
Victrici imposuit Martia signa manu.*

*Moscovijsq<sub>3</sub> docet, Turcisq<sub>3</sub> augusta trophæis,  
Vicinis quantum sit bene tuta quies.*

*Tessera certa manu stat belli, & pacis: vtramuis  
Si des, accipiam: vel cape, namq<sub>3</sub> dabo.*

INSCRIPTIONES.

S I G. Augusto, Sig. F. Casim. N. Iagellonio,  
Poloniarum regi, & magno Lituaniæ ac reliquæ  
Sarmatiæ Duci ac Domino, qui accisis R. R. vecti-  
galibus recuperandis, & Lituanijs ac Prussis ad re-  
gni corpus aggregandis, vindex dici meruit le-  
gum pub. Regi ipsi, & regum filio, nepoti, pronep.  
abnep. qui nulla suscepta ex tribus vxoribus sobo-  
le, eundem, heu, vitæ suæ, & stirpis ac Imperij Ia-  
gello-

gellonidar. qui bis centum prope annos in Polonia, hoc amplius etiam in Lituania, imperitarunt, terminum habuit. Princeps consilio quàm facto promptior: utroq; etiam supra fortunam mitior: totus industrius, patiens, lentus, benignus. moritur Cnissini Non. Iul. anno orb. red. M. D. LXXII. regni sui XLIII. ætat. suæ LII.

Anna soror infans Poloniar. Frat. & Resp. principi opt. orbæ ac lugentes poss.

## IBIDEM.

IOANNI à MIELECZ, Stanislai F. gente Griffo, Palatino Podoliæ, summò regni Poloniæ Marscalco, Samboriensi & Grodecensi Capitaneo, viro clarissimo, qui ab ineunte ætate maximis ijsque continuis bellis, vel hostibus cæsis, vel ipse vulneribus exceptis, & fortissimi militis, & strenui ducis laudè per sæpe meruit. Summis demum nõ raro periculis liberatus, digna ob egregiã fidem & præstantem virtutem suam, collatis maximis honoribus, præmia obtinuit. Postea ad bellum Liuonicũ, summò cum imperio, magnò omnium cum cõsensu profecturus feliciter, necdum armis expeditis, pacem à Rege Liuonibus petere coactis, incolumentem exercitum suis restituit. cuius constans in D. O. M. pietas, in gubernanda R. P. spectata fides, in magistratu sine acerbitate grauitas, erga suos par comitati beneuolentia, in omnes æquitas, chara in primis Deo, grata hominibus, immortalẽ nomini ipsius laudem apud omnes pararunt. Mortuus anno 1561. ætatis suæ 60. Anna à Daleiovv, ex vetusta Colorum gente, marito, & Nicolaus filius vnicus patri desideratissimo, ad monumentum eius posuerunt.

## A L I V D.

Illustris & magnifici viri, animi celsitate, virtute atque integritate senatoris clarissimi, Martini Zborovvij de Rithvviani, è gente stemmatibusque Gastrembeciorum, patre Andrea Zborovvio, & matre Elisabetha Sfidlouecia progeniti, Castellani Cracouiensis, & præfecti Stobnicensis dignissimi.

*Affertor patria qui libertatis in omni  
Vita, cum magna virtutis & integritatis  
Laude fuit, tumultu situs est MARTINVS in isto  
Zborovvius. similes natos in honoribus amplis  
Postquam vidisset, generis nataeque pudicas  
Eximij de gente sua Lithauaque locasset  
Patritijs; quorum esse aliquos nunc mebra videmus  
Consilij augusti; sic euorite peracto  
Mortali, atque opibus magnis iuste ille paratis,  
Extinctus placide, caligine receptus in arce est.  
Castellanus erat tum Cracouiensis, & Anna  
Sancti thori consors hoc posteritasque locarunt  
Sarcophago corpus, summa quod luce resurget.*

## A L I V D.

ANNAE illustris & magnifici viri Martini à Zborow Castellani Cracouiensis consorti carissimæ, Stanislao Conario ex Sophia Lanckorunska progenitæ, matrone, quæ per omne mortalis huius æui tempus sanctè & inculpate viuens, priscis illis Heroïdum Christiani nominis matronis æquari poterat, posteaquam octo filijs & totidem foemelijs in lucem editis domum Zborouiam præclara auxit sobole, & septuagesimum sextum ætatis annu



num attigit; placidè anno salut. M. D. LXXV. prid.  
Calend. Decembris extincta, ad cęleste beatorum  
migravit consortium. Filij filiaęque superstites ad  
perpetuam posteritatis memoriam hoc monu-  
mentum mœrentes posuerunt.

*Fœminei exemplar iacet hic prægrande pudoris*

*ANNA Stanislai filia Conarij.*

*Quæ genitricem habuit Sophiam virtute nitentem,*

*Lanckorunseo sanguine progenitam.*

*Cum teneri tria lustra forent aui illius, vxor*

*Martino faustè est tradita Zborouio.*

*Bis quatuor siquidem pueris totidemq; puellis*

*Hunc fecit fato prosperiore patrem.*

*Vidit & auctum opibus magnis, & honoribus amplis:*

*Nam Castellanus Cracouiensis erat.*

*Vnà vixerunt ita quinquaginta per annos,*

*Sed rapit è viuis mors prius atra virum.*

*Illa quoq; vndecimo pòst letho extinguitur anno,*

*Andrea festo sole cadente die.*

*Mille & quingentis & quinq; vbi iunxeris annis,*

*Septenas decades mortis hic annus erit.*

*Hac ita dum vixit, natos in honoribus amplis.*

*Egregios vidit, qualibet arte viros.*

*Vidit & his similes è prole vtraq; nepotes*

*Indole. num dici iure beata nequit?*

ALIUD.

BERNARDO IOAPOVVSKE I. V. Doctori,  
Cantori Cracouiensi, cubiculario Apostolico, &  
Regio. Secretario, viro erudito, carmine & prosa  
excellenti, patruus posuit. Scripsit historiam Po-  
lonorum, ex qua quantum ingenio valuerit poste-

ris iudicandum reliquit. Obijt XXI. Nouemb. an-  
no 1535.

---

 IBIDEM.

STANISLAVS BORANOVVSKI ex maiori,  
Polonia patrijs bonis cōtentus esse nolens, aulam  
& eius promissa secutus, anno 1565. octaua Iunii  
Cracouiæ moritur, antequā viuere didicisset: æta-  
tis suæ anno 48.

---

 CALLIMACHI ITALI.

*Exuias præter pellemq̄, atque ossa Latini  
Nil hîc Callimachi terra Polona tegit.  
Illa Borysthenides rapuêre, tenentq̄, Camæna,  
Quarum primus amor, gloria prima fuit:  
Hoc perfecturus, si copula longa fuisset,  
Venissetq̄, suo iusta propago thoro.  
Sarmatide è nympha: ne barbara terra videri  
Possset, Romana vel minùs apta toga.  
Sed mors inuidit, qua nil odiosius, atqui  
Quæ feritas tacito non caret opprobrio.  
Æneus est tumulus, mors anea, & aneus ille,  
Qui legit hæc siccis tristia verba oculis.*

---

 IBIDEM.

STEPHANVS Magnus Rex Poloniæ,  
Magnusque Dux Li-  
thuanix,  
Princeps Transyluanix,  
Victor, triumphator, pater, patriæ,  
Stephano Palatino, Catharinaque  
Telegdia,

Natus

POLONICA.

659

Natus ann. 1533. v. Calend. Octobris.

Excessit 1586. Idib. Decemb.

Regnavit annos decem, menses VII. dies

XII. iudicia constituit;

Liunioniam, Polotiamque prouincias  
recepit:

Fines Lithuaniae latissimo Velisensi  
agro adiecto, protulit:

Perterritis Mechemete primùm, ac deinde  
Aschlan, Chereis,  
Tattarorum Chamis.

Podoliam pacatiorem cultiorem-  
que reddidit,

Amuratem, Turcarum Impe-  
ratorem,

Vt Tattaro pacem legatione  
missâ peteret,

Et Beneria à Kosacis deleta, nil  
moueret,

Nouaque castella finibus imponi  
pateretur,

Opinione virtutis permouit, con-  
tinuitque:

Stipendium maius, Transyluaniae Imperium  
ineunti Sigismundo, fratris filio,  
impuberi:

Imponere molientem deterruit:  
Ianiculam, Valachiae Regulum, ob  
iniurias, quas vicinæ no-  
bilitati

Intulerat, deicere adegit;  
Thesurosque, qui cum ipso Valachio  
in potestatem suam venerant,  
repetentem spreuit.

Omniū regum, Principum, ac populorum,  
nationumque cum ora in se  
conuertisset:

Maiora pro re hac publica & Christiana  
animo agitans:

Ac in primis Moschouiam Poloniæ Lithua-  
niæque aggregare studens, sexta die  
subitò extinctus est.

O mors inuida.

Non extinxisti virtutem Batoream,  
Immortalis est.

STEPHANO Poloniæ Regi, Victori, Trium-  
phatori, pio, patri patriæ, &c. Ioannes de Zamois-  
cio Cancellarius, & summus dux exercituum Re-  
gni, &c. Vita, quam saluti gloriæque eius omnibus  
bellis periculisque deuouerat, Deo, non se ita  
volente, superstites, has lachrymas, cum Grifeli-  
de Bathorea, vxore sua, regi, patrono, affini que suo,  
fundit:

Viueres, Stephane Maxime, viueres,

Nec Polonia, Vngariaque, ac

Nomen Christianum lugeret.

Nec improbi barbari gauderent.

Sed viuuit Deus, haud solido exultabūt gaudio.

IN SACELLO A SIGISMUNDO I.

POL. REGE EXSTRUCTO.

*Non mirere hospes decus hoc sublime sacelli,*

*Saxaq; Phidiaco sculpta magisterio.*

*Hoc statuit Sismundus opus, qui struxit & arcem.*

*Clarius hic recta sed ratione labor.*


*Illum ne credas, dum momentanea condit*

*Atria, perpetuam postposuisse domum.*



## IN CVRIA POSNANIENSI.

Demosthenes Græcorum disertissimus leges animam ciuitatis esse inquit. Vt enim corpus anima viuitt: sic ciuitas legibus cōseruatur. Proinde naturæ & sui ipsius obliuiscitur, qui sacratissimas constitutiones, patriasque leges auerfatur.



## ZAMOSCI.

IOANNES ZAMOSCIVS, quod mortalitatis habuit, hic deposuit.

Obijt III. Iunij, anno M. D. V.

TVMVLVS.

*Qua nituit clara fœcunda Polonia gemma,  
Nunc Mors in gelido luxuriat tumulo.  
Dicamne heroum exemplar, vitæ uē ZAMOSCVM?  
Vix abluit maius Lethica terra decus.  
Hic sibi, non Patriæ vixit satis, attamen, eheu!  
Quis vetet occiduas non perijisse rosas?  
Effundit mœstas natus cum matre querelas;  
Iam satis, vt miser is temperet à lacrymis.  
Cælo animam, terra liquit sua viscera: mirum est  
Hunc tumulum tantum condere posse virum.*


ADIVNCTVM TESTAMENTI

ILL. mi D. D. IOANNIS ZAMOSCII,  
MAGNI CANCELLARII, & EXERCITIVM  
generalis Regni Polonia, &c.

Secundùm Deum maximè in terris Sereniss. Re-

ges meos & Remp. non assentatorum more, sed sincerimè colui, quibus fidem integrâ inuiolatamq; seruavi, & eorum dignitatem foris, & libertatem domi clarissimam semper habui. Qua in re, certè nulla ex parte, læsam conscientiã me habere, subiturus Dei iudicium, profiteor. Ciuibus meis quibuscumq; , qui me læserunt, ignosco, & ab eisdem mihi ignosci expeto. Pietatem erga Patriam, obseruantiamq; erga Regem commendo. Vt luxum & discordiam fugiant, quàm maximè foeneratorum auaritiam publico consensu coërceant, rogo. Pro me nihil aliud, quàm memoriam qualemcunque meritorum meorũ postulo. Confido S. R. M. Patriam hanc nostram, quæ illam excepit, & alijs prætulit; ac suorũ sanguine in Regem cõfirmavit, constanter redamare: amor tamen meus facit, vt eã vel currentem etiã adhortari debeã. Priuatim verò ab eius Maiestate regia, animum erga vnicum filium, ac domum meam peto: cuius curæ, benignitati, ac auctoritati præcipuè cõmendo eundem filium meũ, & quasi de manu trado, in sinumq; eius depono. Te charissime fili nõ modò hortor, verùm etiam obtestor; primò quidem, vt Deum, & pietatem ante omnia colas, eamq; non modo potissimum, sed solum quasi bonũ, aut aliorũ quasi bonorum vnicũ fundamentũ iudices. Inprimis religionem Catholicam constantissimè tuearis, hæreses nouaq; dogmata quæcunq; , quocunq; nomine etiã obtrudantur, fugias. Ac si fortè Regni amplissimi ciuem te læteris: ijs maioribus, qui meritis suis aliquam sibi nominis famam reliquerit, tanto magis nullo præstatiore parente Ecclesiam Catholicam lætã tibi statuas: quæ nõ modo tot Regum ac Principum, sed quod longè præclarior est omnium Sanctorum

ctorum communis Mater, & in cuius gremio felicius mori, quàm ab initio nasci, cum nò nasci satius sit, quàm in hac non mori. Cura verò, vt efficias, ne vilius criminis tibi conscius sis. Hæc arma, hunc murum fortissimum in omni discrimine ac periculo expertus sum. In Repub. Sereniss. Regibus tuis, tum ipsi Reip. integrâ, inuiolatamq; fidem semper præsta, semper nouas res oēs fuge. Eas autem partes semper sequere, quæ præsentem statum saluum volunt: honores nò tam ambi, quàm vt omni honore dignissimus iudicaris; contende virtute parare ea, quæ præclara ab hominibus iudicantur; Verum vel ab ipsis parta, vel à parentibus relicta, quibus artibus parta sunt, iisdem etiã conseruare maximè statuito. Priuatim cum alias virtutes omnes, tum Iustitiam, maximè temperantiam, & modum fruendi facultatù, cole: vt tibi semper suppetat, ad Regi & Reipubl. deseruiendum. Luxum, desidiã, profusionem in voluptates, & inanem fastum quàm longissimè à te segrega. Seniorum, imprimisq; pater-  
 norum amicorum, ac familiarium consilio omnibus in rebus vtere, præceptisq; eorum obedi. Iuuenilia, vel corruptorum hominũ, qui adolescentes locupletes assentando captant, consilia & cõsortia fuge: neue eorũ aut exemplo, aut cohortatione, ad nouas res aliquas, aut profusionem, aliaq; vitia, aut quascunque res, quæ speciem aliquam magis virtutis & gloriæ, quàm solidi quid habeant obrepere patiaris, caue. Vt finem faciam, magis eos, qui virtute & moribus parentes referunt  
 filios, & ab illis, & omnibus charus  
 haberi memento, quam  
 natura.



TYPOGRAPHVS  
LECTORI S. D.

**C**um hucusq̄ prelo currente peruentum  
Cesset, Belgicas, Hispanicas & Romanas  
aliquot Inscriptiones ab amicis transmissas,  
& omissas pro appendice, ut adderem peti-  
uit S.veertius. Suo loco ergo non esse posi-  
tas, beneuole lector ignosce, & aeternum  
**VALE.**

ROMAË IN ECCLESIA AN-  
glorum S. Trinitatis.

DEO TRINO ET VNI.

GVILIELMO ALANO, Lancastrienfi, S. R. E.  
Presb. Card. Angliæ, qui extorris à patria perfun-  
ctus laboribus diuturnis, & Orthodoxa religione  
tuenda, sudoribus multis in seminarijs ad salutem  
patriæ instituendis, fouendis, periculis plurimis,  
ob Ecclesiam Romanam, opera, scriptis omni cor-  
poris & animi contentione defensam, hîc in  
eius gremio, scientiæ, pietatis, modestiæ, integri-  
tatis fama & exemplo clarus ac pijs omnibus carus  
occubuit XVII. Kal. Nouemb. Anno ætat. LXIII.  
Sal. humanæ M. D. XCIV.

IN S. MARIA MAIORI.

BERNARDINO SANDOVALO Hisp. Tole-  
tanæ Ecclesię Scolastico & Canon. Academię eius-  
dem vrbs à maioribus suis institutæ ornatæque  
Can-



Cancellario : generis nobilitate , diuini atque  
 humani iuris singulari peritiâ, quam libris editis  
 scriptisque testatus est, claro : ob eamque doctri-  
 nam & singularem vitæ Sanctimoniam, cum sum-  
 ma humanitate morumque suauitate coniunctam,  
 PIO V. Pont. Max. caro, exteris & minus etiam  
 notis amabilis, GEORGIUS FONSECA fratri  
 cariss. præpropera morte rebus humanis exem-  
 pto, multis cum lacrumis POS, Obijt anno M. D.  
 LXXII. v. Non. Maij.

*Facultatibus suis pauperibus dum viueret distri-  
 butis, partim testamento relictis.*

---

IN S. MARCELLI.

TARQUINO IACOBATIO de FACCESCHIS  
 Romano, perillustri titulis tum militaribus terrâ  
 marique tum ciuilibus, qui incolumis & victor à  
 pugnis memorabilibus, Gallica ad Montem Con-  
 tourium aduersus hæreticos, nauali ad sinum Co-  
 rinthiacum contra Turcas, alijsque plurimis; do-  
 mi suæ dum fenestram aperiendo recedit, delabi-  
 tur in schalas auersas, & vitam claudit prid. Non.  
 Octob. Anno ætatis L. salut. CIO. IO. XCVI.

Martius frater moerens & sibi P.

---

VALLISOLETI.

D. O. M.

Æternæque memoriæ

PHILIPPI de RODOAN, N. V. Philippi

Toparchæ BerleghemI,

&

MAXAEMILIANÆ de BVRGYNDA Con-  
 iugum Fill.

Quer

Quem ingredientem ad Honoris templum  
viam rectam

Post obitas celebriores Europæ plagas

In ipso flore iuuenantis æui

Acerba febris falce succisum

Mors veram reduxit in patriam patria procul.

Sors terras lustranti aperuit cœlum,

Sic metam adrigit & viæ simul & vitæ?

Haue mi hospes & faue.

'Vixit ann. ixx. M. v. D. horas scit nemo,

Nat. Montib. Hannoniæ, Vallisoleti denat.

CIO. IO CV. M. D.

Illust. & Reuer. CAROLVS PHILIPPVS de

RODOAN Episcopus Brugensis,

Perpetuus Flandriæ Cancellarius,

Patruus.

Ex Voto, M. L. P. C. suis sumptib.

S. T. T. L.

ANTVERPIAE IN  
D. Mariæ.

D. O. M.

IOANNES LIVINEIVS Gandensis

LIVINI TORRENTI Antwerp. Episcopi  
ex sorore N.

Canonicus & Cantor huius Eccles.

qui vt genere & eruditione,

sic & tumulo proximus auunculo

hic quiescit.

A Græcis Patribus illustrandis,

in qua lingua valde excelluit,

è medio cursu abreptus ætat. LII.

Christi A. CIO. IO. XCIX. Id. Ianu.

ANTE

---

ANTE D. VRSVLAE SA-  
CELLVM.

Vix luminis auras hausit & interiit,  
ADRIANVS VAN LYERE.  
Pauli Senatoris F. Natus IV. Septemb.  
extinctus XXVIII. Decemb.  
AN. CIO IO. CV.

---

IN SACELLO VENER. SA-  
CRAMENTI.

D. O. M.

FRANCISCO VAN DEN CRUYCE Franc. R  
eiusq; coniugi IVDOCÆ DE MEYERE,  
ciuibus Antuerpiensib.  
fide, pietate ac religione præstantiss.  
liberi chariss. parentib.  
cum lacrumis poss.  
Vixit ille ann. LXX. Obijt die XXIV. Maij,  
An. Domini M. D. LXXXVIII.  
Hæc verò ann. LXXV. Obijt die XXIX. Octob.  
Anno M. D. XCVII.  
Orate pro eis.

---

DEO O. M. SACR.

SYLVESTRVM PARDO Brugen. H. Mon. tegit,  
V. Reuerendum sacris hic honoribus;  
Sacerd. Theolog. Canon. librorum Cens. Sigillif.  
Et, Sede vacante, Vicar. General.  
V. illustrem natalibus; ex vtraque,  
Paterna Pardo Hispanica,  
Materna Vlaminpoorte Flandrica,  
antiquæ nobilitat. Familia.

Dom.

Dominum in Lambres, & Euyn apud Duaces.  
 V. clarum suis at magis dotibus  
 doctrinæ, priscæ & virtutis:  
 Quas famæ, & memoriæ consecrauit,  
 agendo semper, & merendo bene.  
 Consilio, ope, opera, prout res aut usus tulit.  
 Sed & tollerando constanter,  
 Inprimis exilio Caleti longo pro fidei causa.  
 Nunc porrò vt illi bene sit in patria.  
 Tu, bone Lector, votis, qua potes, iuuas.  
 Decessit anno sal. CIO. IO CV. prid. Non. April.  
 Annùm vitæ agens LXXII.  
 Relicto sui desiderio, vt ceteris,  
 Ita cognatis maximo.  
 Qui hoc gratitud. test. L. M. Q. P. C.

---



---

## G A N D A V I.

*Claro ISABELLAM Bettarum sanguine natam*  
*Hic post fata sitam te docet iste lapis;*  
*Masculi sexus bis senas ordine proles*  
*Qua peperit casto fœdere iuncta viro,*  
*Cum quibus vt felix cœlesti regnet in arce,*  
*Qui legis hac, prona mente precare Deum.*  
*Aprilis sexto Vita diuulsa Caduca,*  
*Pauperibus LVctis ossaque LIqvit hVMo.*  
 CAROLVS PHILIPPVS de RODOAN  
 Ecclesiæ Gand. Canon.  
 Matri  
 Pietate, Prudentia & Castitate singul.  
 merens merenti. Pos.

LOVA-



## LOVANIÏ IN D. MICHAELIS.

D. S.

PETRO PECKIO Regio in magno Senatu Belg.  
 Confiliario & supp. libell. Mag. Ziricæ nato, Ma-  
 chliniæ A. D. XVII. Kal. Aug. CIO. IO. LXXXIX. de-  
 nato Louanij, vbi multis ann. Ius enarrarat, apud  
 suos deposito, inque hoc inque illo munere publi-  
 cè benemer. scriptis clarò. Pietatis colentiff. om-  
 nibus bonis amico, Cleri studiosiff.

CATHARINA GILLIS Vid. &amp; lib. pofs.

Vixit ann. LX. D. I.

Bene quiescat in Christo Iesu.

## IN ABBATIA VILLARIENSI.

EPITAPHIUM B. ARNYLPHI CORNIBOV-  
 tij Bruxellenfis, monachi Villarienfis, Obijt  
 an. M. CCXXVIII. prid. Kal. Iulij.

*Pausat in hac tumba vir simplicitate columba,  
 Qui leo virtute, in bilis simulatur alaude,  
 Qui turtur gemitu, visu simul atque volatu  
 Par aquile, Salamandra nouo qui vixit in igne.  
 Vis breuius iusti laudes in fine probare?  
 Nunc canit de la sol, qui quondam fleuit in Are.*

## CONVIVII PVTEANICI LEX.

QVISQVIS ES, siue Solus, siue cum VMBRA;

Audi, &amp; Oaudi

GENIVS sum loci, &amp; hîc impero.

K. I.

PRANSVRVS ante XI. ne venito.

Post XII. ne maneto:

COENATVRVS, ante VII. ne venito,

Post IIX. ne maneto.

**PRANDI** heic tempus **VNIUS** horæ;

**Et COENAE, VNIUS.**

**Si quis præuorterit, SCILICET,** mensa vacua;

**Si quis remanserit, ILICET,** mensa sublata.

K. II.

**FAMILIARIVM** tamen si quis ad sis etiam alteram horam indulgeo.

**Sed SERMONI,** non **PRANDIO,** aut **COENAE.**

**SERMO GENIALIS** esto, non tetricus, morosus, aut rixosus.

**Cum SALE, IOCO, RISU,**

**Quos MYSA, & HONESTAS** amens.

K. III.

**SATVRIO** ne accesseris.

**ESVRIO** ne recesseris.

**Mensam SINE ARTE** vides; **FRVERE;**

**Sed sine TVBVCINATIONE.**

K. IV.

**Et LIBERI** leporem vides; **POSCE** atque **FRVERE.**

**Sed cum cautione.**

**TREIS** Crateras haurias:

**Primam SITIS** causa;

**Secundam sis HILARITATIS,**

**Tertiam fodes VOLVPTATIS.**

K. V.

**LAETVS** esto, **SOBRIVS** esto,

**BONAE MENTIS** memor,

**ANGERONAE** memor.

K. VI.

**Si quis dicta & edicta mea spreuerit.**

**AEGRAMENTE, & VALETVDINE** mulctator.

**HISPA**

## HISPALI.

IN D. IACOBI.

DEO VIVENTIVM S.

BENEDICTI ARIAE MONTANI, Doctoris  
Theologi, sacrorum librorum ex diuino beneficio  
Interpretis eximij, & testimonij IESV Christi Do-  
mini nostri annunciatoris seduli; viri incompara-  
bilis, titulis cunctis maioris, monumentis augu-  
stioris, ossibus in diem resurrectionis iustorum  
cum honore asseruatis.

Dominus Alfonsus Fontiberius Prior con-  
uentus S. Iacobi Hispalensis, in Prioris  
quondam sui opt. meriti memoriam P. C.  
An. 1605. Obijt anno. CLO. IO. XCVIII.  
A. Etat. LXXI.

## BRVXELLIS.

IN EQVILI ARHIDVCVM ALBERTI & ISA-  
bella: Equus, cui nomen NOBILIS  
loquitur.

*Siste gradum spectator, ego de nomine dicor  
Nobilis; at presto nobilitate rei.*

*Archiduci ALBERTO substraxi tergora quondam,  
Quãdo prope OSTENDAM martia Erinnyes erat.*

*Illum quẽ eripui pugnante hostilibus armis,  
Cum vel ei, mihi vel, mors subeunda fuit.*

*Me magis ardebat miles, quia virginis instar,  
Cernebat miuea crescere fronte iubam,*

*Hinc vt me raperet, crebro sua spicula & enses  
In caput ignoti, strinxerat Archiducis.*

*Euasi eduxique virum, meque ipse reduxit  
Incolumem, nostra non erat hora necis.*

*Asi anno vertente die quo euasimus ambo,  
NOBILIS interij, Cernite qualis eram.*

## ANGLICA.

### S. EDVARDI.

*Guilielmi Hannonis soboles postrema PHILIPPA,  
Hic roseo quondam pulcra decore iacet.  
Tertius EDVARDVS Rex ista coniuge letus  
Materno suafu nobiliumque fuit:  
Frater Ioannes Comes Mauortius heros,  
Huic illam voluit consociare viro.  
Hæc iunxit Flandros coniunctio sanguinis Anglis:  
In Francos venit hinc Gallica dira lues.  
Dotibus hæc raris viguit Regina PHILIPPA.  
Forma præstanti, Religione, fide.  
Fœcunda nata est proles numerosa parenti,  
Insignes peperit, magnanimosque Duces.  
Oxonij posuit studiosis optima nutrix  
Regineas ades, Palladiamque scholam.*

### IN REGIA CAPELLA.

*Septimus HENRICVS tumulo requiescit in isto,  
Qui Regum splendor, lumen & orbis erat.  
Rex vigil & sapiens, comis, virtutis amator,  
Egregius forma, strenuus, atque potens.  
Qui peperit pacem regno, qui bella peregit -  
Plurima; qui victor semper ab hoste redit.  
Qui natus binis coniunxit Regibus ambas,  
Regibus & cunctis fœdere iunctus erat.  
Qui sacrum hoc struxit templū, statuitque sepulcrum  
Pro se, proque sua coniuge, prole, domo.  
Lustra decem atque annos tres plus cōpleuerat: annis  
Nam tribus octonis Regia Sceptra tulit.*

*Quin-*



*Quindecies Domini centenus fluxerat annus,  
 Currebat nonus, cum venit atra dies,  
 Septima ter mensis lux tunc fulgebat Aprilis,  
 Cum clausit summum tanta corona diem.  
 Nulla dedere prius tantum tibi secula Regem  
 Anglia, vix similem posteriora dabunt.*

---

HABES HIC MAGNOR. VIRORVM  
 RELIQVIAS,  
 CHRISTIANI ORBIS DELICIAS,  
 QVIBVS VT ROMA FELIX AVSPICIVM,  
 ITA ROMA ANTIQVITATIS VINDEK,  
 ET CHRISTIANAE RELIGIONIS ASSER-  
 TOR IOAN. ZAMOSCIVS  
 NON INAVSPICATO FINEM  
 DEDIT.



C E N S V R A.

**S**electiores hæ, Christiani Orbis deliciae, à  
 FRANCISCO SWEERTIO F. Antwerp. sum-  
 mo studio concinnatae, dignae sunt, quae ad  
 multorum delectationem, & Monumentorum no-  
 stri Orbis exquisitam indagacionem percipiendam,  
 in lucem edantur, ac diuulgentur. Datum Ant-  
 werp. Cal. April. ∞. 10. CVII.

*Laurent. Beyerlinck Antwerp.  
 S. Theolog. Licent. Librorum-  
 que censor.*

F I N I S.

INDEX

# INDEX VRBIVM ET CIVI- TATVM IN QVIBVS MONVME- ta hæc reperiuntur.

A.	Burgis.	329
<b>A</b> Ginni Niciobrigum in.		C
Aquitania pag.	642 Caieta.	114
Æolia.	161 Cantabrigia.	596
Alexandria.	202 Casaraugusta.	322
Ambergia.	401 Cella.	430
Ambiani.	640 Cimbrica.	541
Amstelrodami.	562 Colmarie.	388
Anconitana.	123 Coloniensia.	441
Audegauensia.	643 Comensia.	194
Anglica.	588 Compluti.	320
Augustana.	391 Constantia.	389
Antuerpia.	458 C 666 Cordube.	320
Apenrode.	587 Cracouie.	654
Aquisgrani.	440 Cremonensia.	173
Argentinenſia.	417	D.
Ariminensia.	135 Danica.	534
Arnemij in Geldria.	523 S. Dionysiaca.	636
Atrebat.	516 Dresde.	352
Auinionensia.	649 Duacena.	510
	Duffeldorbij.	455
B.	370 Duysburgi in Clinia.	457
Basiliensia.	458	E.
Belgica.	641 Eboræ.	326
Bellouaci.	178	F.
Bergomatia.	363 Faberiana.	134
Berne.	641 Fanensia.	118
Biturigibus.	248 Fauentina.	215
Bononiensia.	435 Ferrariensia.	269
Bremensia.	176 Florentina.	232
Brixiana.	502 Friburgi Brisgoie.	364
Brugensia.	430 Friburgi Heluetiorum.	366
Brunſuicensia.	471 Fulginie.	117
Bruxellensia.		Gaw.

# INDEX.

	G.	Lusitanica.	926
<i>Andensis.</i>	494	668 Lutetia.	608
<i>Genevensis.</i>		390 Luxemburgensis.	522
<i>Genuensis.</i>		197 Lynziz.	353
<i>Germanica.</i>		328	M.
<i>Gorlicensis.</i>		351 Magdeburgensis.	416
<i>Greuelingensis.</i>		509 Mantuana.	166
<i>Groninga in Frisia.</i>		332 Mechliniensis.	491
	H.	Mediolanensis.	186
<i>Hafnia.</i>		535 Middelburgi.	333
<i>Hallensis.</i>		516 Misnica.	425
<i>Hamburgensis.</i>		434 Moguntina.	423
<i>Harlemi.</i>		529 Montilla.	523
<i>Heidelburgensis.</i>		436 Murathi.	363
<i>Heluetica.</i>		362 Matinensis.	218
<i>Herbipolensis.</i>		411	N.
<i>Hervordia.</i>		416 Namurci.	523
<i>Hispanica.</i>		316 Nancei in Lotharingia.	652
<i>Hispalensis.</i>		316 Neapolitana.	78
<i>Hornsleti in Italia.</i>		540 Neapoli Austriae.	360
	I.	Noscomij Gronovienfis prope	
<i>Imole.</i>		215 Lubecan.	585
<i>Ingolstadtij.</i>		367 Norimbergensis.	399
<i>Insulensis.</i>		512	O.
<i>Iouilla.</i>		651 Oenipontana.	368
<i>Italica.</i>		1 Oxonia.	608
<i>Itzeloe.</i>		582	P.
	L.	Palatina.	436
<i>Leodiensis.</i>		517 Parisiensis.	608
<i>Linterni, vulgo Patria.</i>		133 Parmensis.	205
<i>Lipfica.</i>		419 Patauia.	402
<i>Loretana.</i>		122 Patauina.	235
<i>Louaniensis.</i>		476 Perusina.	119
<i>Londinum.</i>		588 Pisana.	227
<i>Lubecensis.</i>		432 Pisauensis.	126
<i>Lucensis.</i>		231 Placentina.	203
<i>Lugduni Batanorum.</i>		529 Palonica.	654
<i>Luneburgensis.</i>		431 Pola in Dalmatia.	315

# I N D E X.

<i>Pragensia.</i>	349	<i>Tolentina.</i>	134
<i>Puteolis.</i>	116	<i>Toletana.</i>	318
<b>R.</b>		<i>Tornacensia.</i>	513
<i>Ratisbonensia.</i>	419	<i>Traiectensia.</i>	489
<i>Rauennatia.</i>	136	<i>Tridentina.</i>	312
<i>Regio Lepidana.</i>	208	<b>V.</b>	
<i>Rhemensia.</i>	650	<i>Vallis-oleti.</i>	323 & 665
<i>Romana.</i>	1 & 664	<i>Veneta.</i>	140
<i>Roschildensia.</i>	535	<i>Ven'onij.</i>	524
<i>Roterodami.</i>	531	<i>Veronensia.</i>	162
<b>S.</b>		<i>Veruli.</i>	133
<i>Salerni in Campania.</i>	115	<i>Vicetina.</i>	159
<i>Salisburgi.</i>	359	<i>Viennensia.</i>	328
<i>Salmantica.</i>	324	<i>Viterbiana.</i>	217
<i>Selestadij.</i>	363	<i>Ultraiectina.</i>	524
<i>Senensia.</i>	217	<i>Vlyssibonæ.</i>	326
<i>Sorana.</i>	538	<i>Volaterræ.</i>	216
<i>Spirensia.</i>	423	<i>Vratislaviiana.</i>	354
<i>Spoleti in Umbria.</i>	116	<i>Vrbiniatia.</i>	128
<i>Stathagæ.</i>	368	<b>W.</b>	
<i>Suessana.</i>	133	<i>Wesbuy in Scania.</i>	541
<i>Syluæduccensia.</i>	486	<i>In Westensehe pago.</i>	585
<b>T.</b>		<i>Wirtebergensia.</i>	410
<i>Tarusij.</i>	168	<i>Wirceburgensia.</i>	411
<i>Taurinensia.</i>	195	<i>Witebergensia.</i>	404
<i>Tergestæ in Istria.</i>	315	<b>Z.</b>	
<i>Teutoburgi.</i>	457	<i>In Zacyntho.</i>	314
<i>Ticinensia.</i>	179	<i>Zamosci.</i>	661


## ERRATA SIC CORRIGENDA.

**P** Ag. 6. fauo. p. 26. l. 9. Capituli. lege Basilicæ. p. 69. l. in oculis. p. 105. l. 12. poni. p. 116. l. 17. Seuerus. p. 131. l. 6. Aligerio. p. 145. l. 10. Vitales. ib. l. vlt. Pannoniæ. p. 151. l. 9. mersus. p. 171. li. 1. tenebat. p. 180. li. vlt. à. fin. Duc. p. 189. li. 3. à fin. **V I L L O R I A.** p. 192. l. 3. à fin. M. D. XXIV. p. 374. li. 16. Conciliatus. 387. l. 13. loquuntur. p. 461. l. 13. auras. p. 463. l. 4. à fin. Tumulus. p. 466. l. 7. à fin. charo. p. 468. l. 3. & filijs. ibid. l. 2. à fin. profum. p. 481. l. 2. Extremum. p. 502. lin. 7. scaua. ibid. Aduaticæ.

**F I N I S.**







H. D. Verdussen No 5813

1/2  
J.

e

---

SPECIAL

88-B

1311

